

MADÁCH IMRE

Az ember tragédiája,  
örmény fordítása.



FORDÍTOTTA

Ft. Fogolyán András Vilmos  
mech. szerzetes

M10

MADÁCH IMRE  
Azer megadja, orme  
ny forditasa.



(Երկնքին մէջ. Տէրը գահին վրայ բազմած է փառքով շըր-  
ջապատուած: Հրեշտակներուն գունդերը ծնրադրած իսկ գահին  
քով չորս հրեշտակապետները կանգնած են: Սաստիկ [ոյս:] )

ՀՐԵՇՏԱԿՆԵՐՈՒ ԽՈՒՄԲԸ

Բարձունքին մէջ մեր Աստուծոյ փառք ըլլայ,  
Զինքն գովեն երկիր, երկինքն անսահման,  
որ գոյացուց իր մէկ խօսքով ամէն բան  
եւ ակնարկէն ~~գործեալ~~ կախուած է վախճանն ~~այլ~~ իր:  
Վայելքի է լըրումն, ոյժի, գիտութեան,  
իր ըստուերն է բաժինն ~~իր~~ մեր վրայ սըփոած:  
Զինքն պաշտենք փոխան անհուն այս շնորհին,  
որ բաժանորդ եղանք այսպէս իր լոյսին: 1  
Մարմին առաւ յաւերժական գաղափարն,  
ըստեղծումն արդ կատարուած է՝ աւասիկ.  
Տէրն ամէնքէն, որոնց շունչ է պարգեւած,  
պատուանդանին արժանի տուրք կը սպասէ:

Տ Ե Ր Ը

Հոյակապ ~~գործս աւասիկ~~ է կատարուած ~~է~~ *անհայտ անհայտ*  
կը դառնայ սարքն ու կը հանգչի Արարիչն.  
առանցքին վրայ պիտ հոլովուի բիւր դարձը,  
մինչեւ անիւ մը հարկ ըլլայ նորոգել:  
Աշխարհներուս ով դուք պաշտպան ոգիներ,  
ըսկեսեցէք ասպարէզնիդ ձեր անվերջ,  
եւ տեսնելով շըքեթը ձեր դըղըրդուն  
հըրճուիմ, երբ դուք անցնիք գահիս առջեւէն:

(Աստղերու պաշտպան ոգիները զանազան մեծութեամբ ու գոյ-  
ներով մէկական կամ գոյգ զԵԵԹԵԹ աստղեր, գիսաւորներ ու մի-  
գամածներ գլորելով կը սուրան գահին առջեւէն: Երկնային գուն-  
տերու մեղմ երաժշտութիւնը կը [սուի:] )

ՀՐԵՇՏԱԿՆԵՐՈՒ ԽՈՒՄԲԸ

Ինչ բոցեղէն գունտ կը դիմէ  
ինքնիր լոյսով սիգապանծ,  
մինչ աստղերու համեստ հոյլին  
կը ծառայէ ինքն անգէտ:  
Կը պըլպըլայ աստղը փոքրիկ,  
ճրագ մը մեղմ կը թուի,  
մինչ բիւրաւոր էակներու  
աշխարհն է մեծ եւ անհուն:  
Երկու գունտեր կը պայքարին  
~~խուսի~~, բախիլ իրար դէմ,  
այս պայքարն է սանձն անմահի  
վարիչ իրենց ուղիին:  
Որոտնաձայն միւսը կ'իջնէ,  
վախով հեռուէն կը դիտես,  
մինչ ծոցին մէջ էակներ բիւր  
կ'ապրին անդորր երջանիկ:  
Ինչ համեստ է ապագային  
աստղը սիրոյ, — ահա հոն,  
պահպանէ զայն խնամոտ ձեռք  
մարդոց զարմին ըսփոփանք: —  
Հոն կը ծնին նոր աշխարհներ,  
մեռնողներու դամբանն հոս,  
ազդարարող հըպարտներուն,  
վըհատողին քաջալեր:

Կարգ ու կանոն խանգարելով  
վարսամն ահեղե կը սուրայ,  
բայց լըսելով ձայնը Տիրոջ՝  
~~որքէնք կ'առնէ շեղ ճամբան~~ ուղիւ:  
Կու գաս սիրուն մանուկ ոգի,  
աստղագունտով փոփոխուն,  
որ կը փոխես կանանչ, ճերմակ,  
սուգի, լոյսի պատմունճան:  
Երկինքը մեծ թող օրնէ՝ քեզ.  
դէպի առաջ անսասան,  
նեղ ծիրիդ մէջ մեծդի մըտքեր  
պիտի ըլլան կըռուի մէջ:  
Գեղն ու յողին, լացն ու ժըպիտ,  
ձըմեռ, գարուն փոխն ի փոխ,  
պիտի գուգուին ըստուեր ու լոյս.  
Գերդ Տիրոջ սէրն ու ցասունն:

(Աստղերու պաշտպան ոգիները կ'անցնին կ'երթան:)

ԳԱՐՐԻԷԼ ՀՐԵՇՏԱԿԱՊԵՏ

Որ կը փակեցիր միջոցն անհուն՝  
ըստեղծելով նիւթն իր մէջ,  
տարածութիւն ու մեծութիւն  
գոյացուցիր մէկ խօսքով.  
Ովսաննա Քեզ, իմաստութիւն: (Կ'երկրպագէ:)

ՄԻՔՅԷԼ ՀՐԵՇՏԱԿԱՊԵՏ

Որ յարածամ փոփոխականն  
եւ անփոփոխն կը գուգեցիր.  
Ժամանակն ու յաւրժ, անհատ  
եւ սերունդներ ըստեղծած.  
Ովսաննա Քեզ, ով Զօրութիւն: (Կ'երկրպագէ:)

ՌԱՓԱՅԷԼ ՀՐԵՇՏԱԿԱՊԵՏ

Որ կը սըփռեցիր շաղկութիւն  
~~գիտակցութիւն պարզեւա~~ խորքէն ըստ գիտելի,  
դարձընելով համայն աշխարհն  
իմաստութեանդ բաժանորդ.  
Ովսաննա Քեզ, ով Բարութիւն: (Կ'երկրպագէ. դադար:

Տ Է Ր Ը

Դու Արուսեակ, ինքնահաւան կը լըռես,  
Զիս գովելու բառ թիւ անգամ չես գըտներ.  
Կամ թէ արդեօք ըստեղծածիս չես հաւնիր:  
ԱՐՈՒՍԵԱԿ

Եւ ի՞նչ հաւնիմ, նիւթի քանի մը կըտոր  
տարբեր տարբեր յատկութիւնով օժտուած,  
Դիւ գոյութիւնն անոնց ոչ իսկ գիտէիր  
գուցէ, մինչեւ իրենցմէ չեն յայտնուած.  
Թէ գիտէիր՝ զայն փոխելու չունիս ոյժ.  
Քանի մը գունտ իրար շաղուած խառնիխուռն՝  
գիրար կը հրեն, կը հալածեն, կը քաշեն,  
որդի մը մէջ գիտակցութիւն կը ծնի.  
Մինչեւ ամէն բան վերջանայ ու պաղի.  
Եւ միշտ լոկ ~~չեմք~~ խառամ ~~վերջապէս~~ չեմք:  
Մարդն օր մը զայն ճարտարօրէն երբ սորվի,  
գործատան մէջ նոյնը պիտի յօրինէ.  
Դու մարդը մեծ խոհանոցիդ մէջ դըրի՞ր  
եւ կը թողուս որ քու գործիդ ձեռք մըխէ,  
եւ խառնակէ, աստուած մ'ինքզինք համարի:  
Բայց թէ յանկարծ վատնէ, աւրէ քու կերտածդ՝  
ապաժաման պիտի ցասնուս այն ատեն:  
Արուեստասէր անձէ մը ի՞նչ կը սպասես:



վախճանն ինչ է արարչութեանդ համօրէն.

4- Կառքիդ համար ~~միայն~~ քերթուած մը զգրեցիր,  
ու խորհրդած սարքի մը մէջ գետեղած  
չես ձանձրանար որ միալար յանկերգով  
նոյնը կըրկնէ՝ յաւիտենից յաւիտեան:  
Ալեւորի մը կը վայլէ՝ նման խաղ,  
որուն համար սիրտը մանկան կը վառի:  
Տըղմաշաղախ կայծ մը տիրոջ նմանող,  
պատկերին տեղ ծաղրանըկար մըն է լոկ.  
Ազատութիւն, ձակատագիր կը մըրցին,  
մինչ կը պակսի միաւորիչ գաղափարն: 10

Տէրը

Ո՛չ դատաստան, այլ պաշտամունքն է ինձ տուրք:  
ԱՐՈՒՍԵԱԿ

էութենէս դուրս քեզ տալիք բան չունիմ:

(Հրեշտակները ցոյց տալով):

6- Այս գունդն անարգ քեզ բաւական կը գովէ,  
կը վայլէ ~~իսկ~~ որ անոնք քեզ դըրուատեն.  
Քեզմէ ծընան, ինչպէս ըստուերը լոյսէն,  
Քիտցիր սակայն, յաւիտենից կ'ապրիմ ես:

Տէրը

Ա՛հ, անամօթ: Զէ՛ որ նիւթն է ծընած քեզ.

Ո՛ւր շըրջանակդ, ո՛ւր զօրութիւնդ էր առաջ:

ԱՐՈՒՍԵԱԿ

Նոյնը ես ալ քեզի կըրնամ հարցընել:

Տէրը

Ծըրագրած եմ ժամանակէն անըսկիզբ,  
մէջքս կ'ապրէր ինչ որ հիմա գոյացաւ:

ԱՐՈՒՍԵԱԿ

Խոհեմութիւնդ մէջ պարապն արդեօք չըզգացիր,

իբր ամբարտակ կանգնած ամէն գոյութեան,

եւ ան քեզի ըստեղծելու ըստիպեց:

Շէ ամբարտակն այն կը կոչուէր Արուսեակ,

որ ուրուականն է հինաւուրց դըրժումին:

ձակատագիրս է որ քեզմէ յաղթուիմ,

պայքարիս մէջ ես պաշտուիմ անդադար,

բայց նոր ոյժով պիտի կանգնիմ ես կըրկին:

Դուն նիւթ ծընար եւ ես զըտայ ասպարէզ,

ահա, քեանքին քովն է կանգնած մահը միշտ,

եւ հաճոյքին քովը լըքումն է կեցած,

լոյսին՝ ըստուեր, իսկ յիշսին ալտարակոյս:

Ամէն տեղն եմ ահա, ուր Դուն, կը տեսնես,

երկըրպագեմ քեզ, ճանշնալով այսքան լաւ: 11

Տէրը

Ա՛հ, ապըստամբ ոգի, կորիր առջեւէս.

կըրնայի քեզ շընջել, սակայն չեմ ընեք.

աքսորական ոգիներու աշխարհէն

ատուած, օտար, ոգորէ դու տիղմին մէջ,

ու մենութեանդ ըզգացումով դըժընդակ

մըտածութիւն մը մըշտական տանջէ քեզ.

Թէ շըղթաներդ խոտան ի դուր կը ցընցես,

Աստուծոյ դէմ պայքարդ ունայն կը մընայ:

ԱՐՈՒՍԵԱԿ

Այսքան հեշտին սակայն Դու զիս չես վաներ,

գործիք մ'իբրեւ մեկդի նետուած, աւելորդ:

Մենք միասին ըստեղծեցինք ու բաժինս

կը պահանջեմ:

Տէրը (Հեզնանքով)

Փափաքիդ պէս Թող ըլլայ.







Ա ՏԵՍԱՐԱՆԻՆ ԲԱՑԱՏՐՈՒԹԻՒՆԸ

Ստեղծագործութիւնը վերջացած է, Աստուած գահին վրայ բազմած սկիզբ կու տայ տիեզերքի շարժումին: Շուրջը հրեշտակներու խումբը եւ չորս հերշտակապետները:

Խումբը կը նկարագրէ ստեղծագործութեան սքանչելիքները մարդակերպ տէսակէտին տակ. իսկ հրեշտակապետները աւելի կը նանթախանցել անոր մեծութեան ու խորհուրդին մէջ, այս ինքն է տեսնելով արարչութեան շարժառիթը, այն է Աստուծոյ իմաստութիւնը, զօրութիւնն ու բարութիւնը:

Միայն Արուսեակ է որ լուռ կը մնայ: Տիրոջ հարցումին վրայ՝ Արուսեակին պատասխանը քննադատութիւն ու հեզնանք է: Սա ոչ թէ միայն կը մերժէ երկրպագել Աստուծոյ, այլ կը յանդգնի ինքզինք Անոր հաւասարակից եւ արարչակից յայտարարել: Արուսեակ կը վտարուի երկինքէն, եւ իբր բաժին կը ստանայ Գիտութեան եւ Կեանք ծառերը Դրախտին մէջ:

Արուսեակ սակայն այն չէ ինչ որ ինքզինք կը ներկայացնէ, ի յաւիտենից գոյութիւն ունեցող եւ Աստուծոյ արարչակից. այլ նիւթին ծնունդն է, իսկ նիւթը՝ Աստուած ստեղծած է: Թէեւ իշխանութեան տէր է, բայց այդ իշխանութեան սահմաններն ալ Աստուծոյ գծուած են: Արուսեակ Դրժումի վաղեմի ոգին է, որ Տիրոջ թագաւորութեան մէջ շարունակ յայտ կու գայ իբր հակադրութիւն: Աստուծոյ թագաւորութիւնը կեանք, լոյս, յոյս է. իսկ Արուսեակինը՝ մահ, ստուեր, լքում: Աստուած կը նար շնչել զայն. կը նար կեանքը ըլլալ առանց մահուան, լոյսը՝ անստուեր, յոյսը՝ առանց տարակոյսներու: Բայց իր անքննելի իմաստութեամբ թոյլ կու տայ անոնց գոյութիւնը:

Աստուծոյ արքայութեան յաղթանակն ալ ապահով է, մինչ Արուսեակ շարունակ պիտի պարտուի: Որով Արուսեակն ալ միշտ պիտի ունենայ յաջողութիւններ, թէեւ վերջնական կերպով չկարենայ ալ յաղթել: Ան չի ջանար ոչընչացնել Աստուծոյ թագաւորութիւնը, որովհետեւ իր գոյութիւնը անոր կապուած է, իբր հակադրութիւն. քանի որ մահ չկայ առանց կեանքի, ստուեր՝ առանց լոյսի եւ տարակոյս կամ լքում՝ առանց յոյսի եւ հաւատքի: Արուսեակին բոլոր ջանքը այն է որ Աստուծոյ թագաւորութիւնը առանց իրեն չըլլայ:

Այս առաջին երեք թեւաբանները, իբր աղնիւր ունին Աստուածաշունչը: Իսկ այս առաջինին յատկապէս ներշնչարան եղած է Յոբի գիրքն ու Կէթէի Ֆաուսթը:

Յոբի գիրքին մէջ Սատանան Աստուծոյ կը ներկայանայ աշխարհ պտտելէ վերջ եւ Աստուծոյ հետ գրեթէ գրաւի կու գայ Յոբի հաւատարմութեան վրայ: Նման է նաեւ Կէթէի մէջ Մեֆիստոֆէլի դիրքը Ֆաուստի հանդէպ: Սատանան քովն ալ Արուսեակ արդէն ինկած հրեշտակ մըն է, ինչպէս յայտնի կը տեսնուի Աստուծոյ անոր ուղղած խօսքերէն ու ներկայ կը գտնուի արարչագործութեան փակման հանդէսին. հոս միայն կը վախճուի ոգիներու աշխարհէն:

Աստուածաշնչական այս երեք պատկերներն ալ ամփոփ ներկայացումներ են եւ կ'ենթադրեն Աստուածաշունչի պատմութեան ծանօթութիւնը ընթերցողի կողմէն — ճիշտ ինչպէս յոյն ողբերգականները կ'ենթադրէին իրենց հանդիսատեսներէն դիցաբանական եւ առասպելներու ծանօթութիւնները:

Ով որ կը ճանչնայ Աստուածաշունչի պատմութիւնը՝ անմիջապէս կը նայ հասկնալ թէ ինչ պայքար կը սկսի Աստուծոյ եւ Արուսեակի միջեւ. կը հասկնայ թէ ոչ թէ ստեղծագործութեան ոչընչացումի շուրջ է հարցը, այլ Աղամ ու Եւա մեղքի մէջ ձգելու շուրջ: Արուսեակ մարդուն մէջ կ'ուզէ տապալել Աստուծոյ թագաւորութիւնը



Տ Ե Ս Ա Ր Ա Ն      Բ

(Դրախտին մէջ: Մէջտեղը Գիտութեան եւ Կեանքի ծառերը:  
Աղամ եւ Եւա կու գան, ամէն տեսակ կենդանիներ հեզութեամբ  
եւ ընտանեբար կը շրջապատեն զիրենք: Երկինքի բաց դուռէն  
փայլաքի ճաճանչ մը կ'իջնէ. կը լսուի հրեշտակներու մեղմաձայն  
խմբերգը: Արեւաճաճանչ օր:)

ԵԻԱ

Ապրիլ, ապրիլ, ո՛հ, ինչ քաղցր է եւ չըքնաղ:

ԱԴԱՄ

Եւ համօրէն բընութեան վրայ տէր ըլլալ:

ԵԻԱ

Ըզգալ թէ մենք հոգն ուրիշին կը վայլենք.

եւ տըրիտուր այս հաճոյքներ տուողին

մենք միայն կը թոթովենք գոհութիւն:

ԱԴԱՄ

Կեանքիդ օրէնքն է ենթարկուիլ, կը տեսնեմ:

Ծառաւի եմ, տես, ինչ ձգգիչ կը նայի

պըտուղը հոն:

ԵԻԱ

Հատ մը քեզի կը քաղեմ:

ՏԻՐՈՋ ԶԱՅՆԸ

Կեցի՛ր, կեցի՛ր: Երկիրն ամբողջ քեզ տուի,

լոկ այս ծառէն հեռու կեցի՛ր եւ խոյս տուր,

անոր պտուղն ոգի մ'օտար կը պահէ,

ով որ ուտէ անկէ, մահով կը մեռնի:

Ահա ոսկի ողկոյզներն հոն խաղողին,

ըստուեր մ'անդին կը պարգեւէ քեզ հանգիստ

այս արեւշող եւ տօթակէզ կէսօրին:

ԱԴԱՄ

Զարմանալի հրաման, բայց լուրջ կը թուի:

ԵԻԱ

Ինչո՞ւ ասոնք միւսներէն են քեզ զեղեցիկ,

եւ կամ ինչո՞ւ արգիլուած են:

ԱԴԱՄ

Արդ, ինչո՞ւ

եկրինքն է լուրթ, կամ պուրակներն ալ կանանչ.

Գոհ ըլլանք մենք եղածներէն: Պատուէրին

հընազանդինք. Եւա, ինծի հետեւէ:

(Կը նստին սարփինայի մը տակ:)

ԵԻԱ

Կուրծքիս հակէ եւ ես քեզի հով կ'ընեմ:

(Սասիկ հով մը. Արուսեակ կ'երեւի սաղարթներու միջեւ:)

ԱԴԱՄ

Ո՛հ կիս, ի՞նչ է, նըման բան դեռ չեմ լըսած.

օտարոտի թըշնամի ոյժ մը, կարծես,

մեր վրայ կ'իջնէ տիրանալու:

ԵԻԱ

Կը սարսիմ:

Ու լըռեցին նուազներն ալ երկնային:

ԱԴԱՄ

Հոս կուրծքիդ վրայ դեռ գայն, կարծես, կը լըսեմ:

ԵԻԱ

Շողը փառքին թէ խաւարի հոն վերեւ:

Յօօօօ Լոս վար, Աղամ, աչքերուդ մէջ կը տեսնեմ:

Ուր ես պիտի գըտնէի գայն քեզմէ դուրս,

Քրուն շերմին տենչն ինձ տուաւ գոյութիւն:



Ինչպէս արփին իր լուսեղէն ծովին մէջ  
որ չըմբնայ տիեզերքին մէջ արեւած,  
կը նըկարէ ինքզինք շուրի երեսին,  
ու թընթշանքով կը փայփայէ անիկա  
եւ կը հըրճուի իբրեւ ընկեր մը գըտած,  
վեհանձնօրէն մոռնալով թէ անիկա  
տըժգոյն պատկերն է իր կրակին հարազատ,  
որ իրեն հետ պիտի դառնար ալ ոչինչ:

ԱՌԱՄ

Եւա, գիշ մի՛ ամըջցընե՛ր դուն այսպէս:  
Զայնը ի՛նչ է՝ եթէ չըլլար զայն լըսող.  
ի՛նչ պիտ'ըլլար շողն ալ առանց գոյներու.  
եւ ես ալ ի՛նչ արձագանգի մը նըման  
կամ ծաղիկի, ի՛նչ էութիւնս չըբացուէր  
քու անձիդ մէջ գեղեցկագոյն գոյութեան,  
ինքզինքըս ուր սիրել կըրնամ վերըստին:

ԱՐՈՒՍԵԱԿ

~~Ինչո՞ւ այս թոյլ փաղաքշանքներն կը լըսեմ.~~  
անդին դառնամ, որ չըստիպուիմ ամըջնալ,  
որ միտքը պարզ ու սառնաշուէն է հաշուող  
նախանձ ըզգայ այս մանկական թմայթին:

(Մօտակայ ճիւղի մը վրայ թռչնիկ մը կը սկսի դալալել:)

ԵԻԱ

Լըսէ՛ Ադամ, ըսէ՛, արդեօք կ'ըմբըռես  
երգը սիրոյ այս միամիտ թըռչնիկին:

ԱՌԱՄ

Ես կ'ուզընդրեմ այս առուակի խոխոջին,  
եւ կը թուի թէ ան ալ նոյն երգն ունի:

ԵԻԱ

Ինչ սըխրալի համերգ մ'է սա սիրելիս,  
Անթիւ ձայներ, որոնք ունին մէկ իմաստ:

ԱՐՈՒՍԵԱԿ

Ինչո՞ւ այսքան կը տատամսիմ, օն, գործի:  
Երդուընցած եմ կորուստն անոնց. թող կորչին:  
Սակայն կեցած եմ տակաւին վարանոտ,  
պայքարն ունայքն պիտի չըլլայ գիտութեան  
ու հպարտութեան հըրապուրիչ գէնքերով,  
անոնց դէմ՝ որ իբր ապաստան մ'ապահով  
զգացումն ունին սրտապընդիչ զօրավիզ:  
նուաղումէն եւ անկումէն կանգնելու:

Կը վարանիմ. յաղթութիւնն է յանդուգնին:

(Դարձեալ ռժժիկն հով մը: Զրուսեակ կ'երեւի սարսափահար  
զոյգին: Փառքի ճաճանչը կը մթագնի: Արուսեակ կը թըթշայ:)

Ինչո՞ւ կ'ապշիթ:

(Խօսքը Եւայի ուղղելով, որ փախչիլ կ'ուզէ:)

Ոհ, կեցի՛ր կին գեղանի...

պահ մը թոյլ տուր որ քու վըրադ ըզմայլիմ:

(Եւա կանգ կ'առնէ ու կամաց կամաց վրան քաջութիւն կու գայ:)

(Մեկուսի: ) Նախատիպն այս պիտ'կըրկնուի բիւր անգամ:

(Բարձրաձայն: ) Կը վախնա՞ս դու, Ադամ..

ԱՌԱՄ

Քեզմէ՞, խեղճ տեսիլ:

ԱՐՈՒՍԵԱԿ

(Մեկուսի: ) Այս ալ յարմար նախահայր մ'է սէգ մարդուն:

(Բարձրաձայն: ) Եղբայր-որի, ողջոյն:

ԱՌԱՄ

Ըսէ՛, դուն ո՞վ ես.

Ուսկի՞ց կու գաս, վերէն թէ ոչ վարերէն:

ԱՐՈՒՍԵԱԿ

Ինչպէս կ'ուզեմ, մեզի համար թոյն բանն է:



ԱՌԱՄ

Զէի գիտեր որ մեզմէ դուրս դեռ մարդ կայ:

ԱՐՈՒՍԵԱԿ

Ոհ, տակաւին շատ բան կայ որ չես գիտեր,  
Ու չըգիտնաս պիտի: Կամ դուն կը կարծես  
թէ Ծերունին հեզ ըստեղծեց որ քեզի  
բաժին հանէ կտոր մը այս աշխարհէն:  
Դուն զիսքէ կ'օրհնես եւ նա ըզքեզ կը պահէ,  
առ ասիկա, կ'ըսէ, վախցիր այդ բանէն,  
քեզ կը հովուէ գերդ անասուն գեղմնաբարձ.  
գիտակցելու հարկը անգամ չես ըզգար:

ԱՌԱՄ

Գիտակցելու: Եւ գիտակից չե՞մ արդեօք,  
չե՞մ ըզգար ես արեգակին շողն օրհնեալ  
եւ գոյութեան հրճուանքն անոյշ եւ անհուն,  
ձըրիատուր պարգեւներ իմ Աստուծոյս,  
որ զիս ըրաւ տէր եւ աստուած այս երկրին:

ԱՐՈՒՍԵԱԿ

Թերեւս այսպէս տրամաբանէ փոքր որդն ալ,  
որ կը կըրծէ պըտուղն՝ նախ քան դուն ուտես,  
եւ արծիւն ալ՝ թըռչնիկին վրայ խոյացող:  
Ի՞նչ ունիս դուն ազնուագոյն անոնցմէ.  
պըլպըլացող կայծ մը միայն հոգւոյդ մէջ,  
թեթեւ շարժում մը զօրութեան մ'անսահման,  
որ քեզ կ'ընէ կոհակներու պէս առուին,  
որոնք ըսպէ մը կը ~~գը~~ շողան ու կ'իյնան  
հասարակաց եւ գորշաթոյր հունին մէջ:  
Թերեւս ունիս դու բան մ'այդ, մըտածում,  
որ կը փափլի անգիտակից կուրծքիդ տակ,  
անի պիտի դարձընէ քեզ չափահաս,  
ինքնավերսահ ընտրել բարւոյն չարին մէջ,  
որ քու ձեռքով ~~դ~~ ճակատագիրըդ կերտես,  
ձերբազատուած նախախնամող վարիչէն:  
Բայց բըզէզի նըման գուցէ նախընտրես  
աղբերու եղկ ուրտին մէջ սընանիլ,  
տըգիտութեամբ քու կեանքիդ հետ ըսպառիլ:  
Հեշտ է անշուշտ հաւատքին վրայ կըրթընիլ.  
դժուար, բայց վեհ ինքնիր ոտքին վրայ կանգնիլ:

ԱՌԱՄ

Այս մեծ խօսքերդ գըլխու պըտոյտ ինծ կու տան:

ԵԻԱ

Ինծ խանդ կու տան խօսքերդ նոր եւ չըքնաղ:

ԱՐՈՒՍԵԱԿ

Բայց գիտութիւնը դե՞պիտի չըբաւէր  
իրագործել մեծ ու վըսեմ արարքներ,  
անմահութիւնն անոր պէտք է միանայ:  
Մէկ թըզաչափ կեանքն ի՞նչ կարող է ընել:  
Այս գոյգ ծառերն այդ ամէն բան կը պահեն,  
եւ արարիչն ասոնք ձեզի արգիլեց:  
Թէ ան ուտես՝ պիտի գիտնաս գերդ աստուած,  
հրէ՞սքդ ասկից յաւերժ առոյգ կը մընայ:  
~~ԳԻՆԵՐ~~ ԵԻԱ

Արարիչնիս իսկապէս որ անգուլթ է:

ԱՌԱՄ

Բայց թէ խաբէ՞ ուզես:

(Փառքի ճաճանչը քիչ մը կը բացուի:)

ԵՐԿՆԱՅԻՆ ԽՈՒՄԱՐ

Վա՛յ քեզ, ով աշխարհ,  
քեզ վաղեմի դըրժումն ահա կը փորձէ:



ՏԻՐՈՋ ԶԱՅՆԸ  
Ով մարդ, ըզգոյ՝ 2...  
ԱՌԱՄ

Այս ի՞նչ ձայն է վերըստինս:<sup>3</sup>  
ԱՐՈՒՍԵԱԿ

Քամին է որ ծառի ճիւղեր կը շարժէ:

Օգնեցէ՛ք ինձ

դուք տարբեր՝

մարդը ձեզի՝

ենթարկել: 4

(Հովի ուժգին շուռնջ մը, փառքի ճաճանջը դարձեալ կը ծածկուի:)  
Այս զոյգ ծառերն իմս են:

ԱՌԱՄ

Ուրեմն ո՞վ ես դու.

բոլորովին մեզի նըման կը թուիս:

ԱՐՈՒՍԵԱԿ

Ամպասըլաց արծիւը տե՛ս վերեւ, հոն,  
տե՛ս հողին մէջ խըլուրդը որ կը պեղէ,  
այդ երկուքն ալ ունին տարբեր հորիզոն:  
Ոգիներու աշխարհն է դուրս քու ծիրէդ,  
ու քեզ համար մարդ էակն է գերագոյն:  
Ամենամեծ գաղափարն է շուռնջ շան,  
քեզ կը պատուէ թէ քիչ ընկեր ընդունի:  
Բայց ինչպէս դու կ'արհամարհես անիկա,  
իր վրայ կեցած ճակատագիր մը իբրեւ,  
աստուածապէս բարիք, անէծք սըփռելով.  
այսպէս ձեր վրայ մենք կը նայինք բարձունքէն,  
մենք, մասնակից ոգիներու աշխարհին:

ԱՌԱՄ

(Անոնցմէ մէկն ուրեմն ինչո՞ւ նաեւ դո՞ւ:

ԱՐՈՒՍԵԱԿ

Զօրութեանց մէջ հզօրագոյն եմ, այո՛,  
կանգնած էի ես գահոյթին քով Տիրոջ  
ու մասնակից ճաճանջազեղ իր փառքին:

ԱՌԱՄ

Ուրեմն ինչո՞ւ չըմընացիր լոյս երկինք,  
ինչո՞ւ իջար ~~եւ~~ մեր ~~աշխարհ~~ հողեղէն:

ԱՐՈՒՍԵԱԿ

Ա՛լ ձանձրացայ հոն երկրորդ տեղ գրաւելէն,  
ու համաչափ եւ միակերպ կենցաղէն,  
եւ երկնային խըմբերգներէն մանկական,  
որ գովք է միշտ եւ թերութիւն չի ճանչնար:  
Եւ կը սիրեմ աններդաշնակն ու պայթարն,  
որ կը ստեղծէ նոր գօրութիւն, նոր աշխարհ,  
ու որ հոգին ինքնին կը ընայ մեծ ըլլալ,  
եւ ուր քաջերն ~~է~~ ինծի կը ընան հետեւիլ:

ԱՌԱՄ

Աստուած մեզի մեծ պատուհաս ըսպառնաց,  
թէ այլ ճամբայ ընտրենք իրեն զըծածէն:

ԱՅՅՅՅՅՅ

ԵՒԱ

Ինչո՞ւ ըզմեզ պիտի պատժէ. թէ ուղին  
զըծեց որուն վրայէն կ'ուզէ որ քալենք՝  
միանգամայն այնպէս ըզմեզ ըստեղծեց,  
որ չըշտեղէն մեղանչական հակումներ:  
Կամ թէ ինչո՞ւ դըրաւ մեզ խոր վիհին վրայ,  
զըլխապըտոյտ եւ (կորուստի պահանուած):  
Իսկ թէ մեղքն ալ մաս է ~~դէպք~~ ծրագրին,  
զերդ փոթորիկ օրերուն մէջ արեւոտ,  
ո՞վ պիտ'ըսէ թէ փոթորիկն որոտուն  
յանցաւոր է քան թէ արփին կենսատու:<sup>5</sup>

ԱՐՈՒՍԵԱԿ

Ահաւասիկ իմաստասէրն առաջին:

Զըքնաղ թոյրիկ, պիտ'հետեւին քեզ շատեր,

*պիտ'հետեւին* (հազար կեպ պիտի վիճեն) ~~իւրնդիքն ալ:~~

Շատեր պիտի յիմարանոց վերջանան,

կամ ընկերկին, ~~բնէն~~ նաւակայք ~~չեն հասնիր:~~ *չեն հասնիր:*

Ուրեմն դուք ուղեղնիդ շատ մի տանջէք,

ամէն մէկ բան ունի հազար երեւոյթ,

եւ այդ ամէնն ո՞վ որ ուզէ նըկատել՝

բան մ'աւելի երբեք պիտի չըզիտնայ

իր գիտցածէն. եւ ոչ լուծման պիտ'հասնի:

Ճորամբանելն է միշտ գործին մահաբեր:

ԵԻԱ

Հատ մը ուրեմն այդ պըտուղէն կը քաղեմ:

ԱԴԱՄ

Տիրոջ անէծքն անոր վրայ է:

( Արուսեակ կը քրքշայ: )

Բայց քաղէ:

Թող պատահի ինչ որ պէտք է պատահի:

Աստուծոյ պէս մենք իմաստուն թող դառնանք:

( Նախ եւա, ապա Ադամ կը ճաշակեն Գիտութեան ծառի պտուղէն: )

ԵԻԱ

Եւ աւելին, երիտասարդ յաւիտեան: 7

ԱՐՈՒՍԵԱԿ

Եկէ՛ք, եկէ՛ք. անմահութեան ծառն է սա:

Շուտ, փութացէ՛ք:

( Զիրֆնք դէպի միւս ծառը կը քաշէ, Զերովբէ մը բոցեղէն սուրով իրենց ճամբան կը կտրէ: )

ԶԵՐՈՎԲԷ

Մեղաւորներ, հեռացէ՛ք:

ՏԻՐՈՋ ԶԱՅՆԸ

Ադամ, Ադամ. զիս թողուցիր, ես ալ քեզ

կը լըքեմ արդ, տես, ի՞նչ կ'արժես դուն քեզի:

ԵԻԱ

Ախ, վերջացանք...

ԱՐՈՒՍԵԱԿ

Կը վըհատի՞ք:

ԱԴԱՄ

Մի՛ կարծեր:

Չոկ զարթօնքի սարսուռը զիս կը պատէ:

Հեռու ասկից, ուր ալ ըլլայ, ով կին իմ.

Այլեւս օտար եւ ամայի վայր մ' է սա:

ԵՐԿՆԱՅԻՆ ԽՈՒՄԲԸ

Արտասուեցէ՛ք եղբայրական արցունքով,

կը յաղթէ սուտն. — Ծհա երկիրը կորաւ:



ԾԱՆՈԹՈՒԹԻՒՆՆԵՐ

- 1 - Արուսեակ գիտութեան եւ մեծամոլութեան փափաքը կ'ուզէ արթնցնել մարդուն մէջ եւ անոնց միջոցով մեղքին մէջ ձգել, սակայն կը տատամսի, վախճալով որ զգացումը, այսինքն սէրը, իրեն արգելք հանդիսանայ:
- 2 - Արուսեակ գիտութիւն խոստաճալով Ադամը կ'ուզէ հրապուրել, իսկ յաւիտենական երիտասարդութեամբ Եւան: Սակայն կը ստէ, եւ գիտէ թէ չի կրնար աստուածային գիտութիւն տալ, որովհետեւ ինքն ալ չունի. ու պէտք է նաեւ գիտնայ թէ անիծուած ծառը չի կրնար անմահութիւն պարգեւել, յաւիտենական երիտասարդութիւն տալ, մեղքի մէջ իյնալէ վերջ, որուն ճիշտ հետեւանքն ու պատիժն է մահը:
- 3 - Ադամ խանգարուած զգացումներով չի կրնար ճանչնալ Աստուծոյ ձայնը:
- 4 - Արուսեակ քնութեան ոյժերը օգնութեան կը կանչէ որպէս զի առաջին գոյգը չլսէ Աստուծոյ եւ հրեշտակներու աղաբարոյ ձայները. եւ անոնց ծառայութեան իբր վարձք՝ մարդը անոնց ենթարկել կը խոստանայ, այս ինքն մահկանացու դարձնել:
- 5 - Եւա շուտով կ'իւրացնէ Արուսեակի տրամաբանութիւնը. Աստուած է յանցաւոր եթէ տկար ստեղծած է զիրենք. իսկ եթէ մեղքն ալ Աստուծոյ ծրագիրներուն մաս կը կազմէ, այն ատեն պատժի արժանի չէ, ինչպէս մորիկը որ կ'աղմկի, եւ ոչ ալ արեւ արժանիք ունի քանի որ կը տաքցնէ:
- 6 - Արուսեակի համաձայն այս հարցը անլուծանելի է, ուստի աւելորդ է միտք յոգնեցնել, այլ գործի պէտք է անցնիլ, ուտել պտուղէն:
- 7 - Ի վերջոյ նախածնողքը կը հաւատան Արուսեակին:

Բ ՏԵՍԱՐԱՆԻՆ ԲԱՑԱՏՐՈՒԹԻՒՆԸ

Ադամ եւ Եւա երջանիկ կ'ապրին Դրախտին մէջ, Աստուած զիրենք կը հոգայ, իրենց վրայ միայն երախտագիտութեան պարտքը թողլով:

Երբ Ադամ պտուղ մը կը փափաքի ուտել՝ Եւա կ'ուզէ փրցնել, կը լսեն սակայն Տիրոջ ձայնը, որ կը զգուշացնէ զիրենք չուտել այդ ծառերու պտուղէն, ապաթէ ոչ պիտի մեռնին. եւ իրենք կը հնազանդին: Կու գայ սակայն Արուսեակ ու գործի կը լծուի մարդուն մէջ Աստուծոյ թագաւորութիւնը տապալելու համար. ինչպէս ըսած էր նախորդ Տեսարանին մէջ:

Արուսեակ ամէնէն առաջ Աստուծոյ բարութիւնը տարակոյսի տակ կը դնէ, ցուցնելով թէ Տէրը զիրենք գրեթէ կենդանիներու հաւասար ստեղծած է, մինչ ուտելով գիտութեան ծառին պտուղէն՝ Աստուծոյ հաւասար պիտի ըլլային, իսկ Կեանքի ծառէն ուտելով՝ անմահ պիտի դառնային. եւ Աստուած այս երկու պտուղները ճիշտ արգիլեց իրենց: Երբ Ադամ եւ Եւա կը տարակուսին ու կը դանդաղին, հով կը յարուցանէ՝ որպէս զի չլսեն Աստուծոյ ձայնը:

Արուսեակ Ադամին հպարտութիւնը եւ Եւային ալ սնափառութիւնը գրգռելով ի վերջոյ կը յաջողի իր ծրագրին մէջ: Սակայն Թիտութեան ծառին պտուղը ուտելէ վերջ, երբ կը մօտենան Կեանքի ծառին՝ Զերովքէ մը բոցեղէն սուրը ձեռքին, ճամբանին կ'արգիլէ. կը լսուի Աստուծոյ ձայնը որ անոնց երեսին կը զարնէ իրենց ապերախտութիւնը՝ թէ զԱստուած թողուցած են եւ իբր պատիժ Աստուած ալ զիրենք պիտի լքէ, ու կը հեռացուին Դրախտէն:



Տ Ե Ս Ա Ր Ա Ն      Ք

(Դրախտէ դուրս հիանալի երկիր մը: Փայտակառոյց կոշտ ու փոքրիկ հիւղակ մը: Աղամ ցիցեր կը տնկէ ցանկապատ շինելու համար: Եւան դարպաս շինելու հետ է: Արուսեակէ:)

ԱԴԱՄ

Այս հողն իմս է: Տիեզերքի փոխարէն  
իմ սփական բընկարանս պիտի ըլլայ:  
Պիտի պահեմ գազաններէն աւերիչ,  
պիտի ստիպեմ որ ինծ պըտուղ բուսցընէ:

ԵԻԱ

Դարպաս մը ես պիտի կերտեմ, ճիշտ նըման  
այդ երբեմնին, այսպէս մեր մէջ դիւթելու  
կորած Եդեմն:

ԱՐՈՒՍԵԱԿ

Ինչ մեծ բառեր ըսիք դուք:  
Ապային զոյգ շարժիչներն աշխարհի  
սեփական ինչքն ու ընտանիք պիտի ըլլան,  
որմէ ամէն վիշտ եւ հաճոյք պիտի ծնին,  
գաղափարներն այս պիտի աճին անդադար,  
մինչեւ դառնան ճարտարարուեստ, հայրենիք,  
ծընող ամէն ազնիւ եւ վեհ բաներու,  
եւ կըլանող իր զաւակին հարազատ: 1

ԱԴԱՄ

Առեղծուածներ: Գիտութիւն ինծ խոստացար,  
հրաժարեցայ հաճոյքներէն բընազդի,  
որ թէպէտ եւ պայքարով, բայց մեծ ըլլամ: 2  
Արդիւնքը ի՞նչ:

ԱՐՈՒՍԵԱԿ

Ուրեմն դուն չե՞ս ըզգար:

ԱԴԱՄ

Կը զգամ, այո՛, թէ երբ Աստուած զիս թողուց,  
մենութեան մէջ մըղելով զիս ձեռնունայն,  
թողուցի զինք ես ալ: Ես ինծ դառնալով  
Աստուած, եւ ինչ դժուար ճիգով ըստանամ  
արժանիքս է: Պարծաքըս եւ ոյժս է այս:

ԱՐՈՒՍԵԱԿ (Մեկուսի:)

Սին խամաճիկ, կ'արհամարհես երկինքն արդ,  
սիրտըդ տեսնենք շուրջըդ շանթեր երբ վառին:

ԵԻԱ

Եւ ինծ համար հըպարտութիւնս է միայն՝  
թէ համօրէն աշխարհի մայր պիտի ըլլամ:

ԱՐՈՒՍԵԱԿ (Մեկուսի:)

Վեհ գաղափար, ինչ որ կը կրէ սիրտը կնոջ,  
յաւերժութիւն տալ խեղճութեան մեղաւոր: 3

ԱԴԱՄ

Ինչո՞ւ համար ըլլամ Թրեն շնորհակալ.  
մերկ գոյութեանս համար: Բայց այդ գոյութիւնն  
թէ արժէ կրել, տառապանքիս է պըտուղ:  
Հաճոյքը զոր կը պարգեւէ ումպ մը շուր՝  
արժանանալ պէտք եմ կիզիչ ծառաւով,  
եւ համբոյրի մեղրին գինը լըքումս է,  
զոր իրմէ վերջ ան կը թողու հոգևոյդ մէջ:  
Բայց երբ ամէն երախտիքի կապանքներ  
թօթափեցի, թէպէտ եղայ ինքնիշխան  
կերտելու իմ ճակատագիրս ու նորէն  
ծըրագիրներս խորտակելով խարխափիլ, -



անոր համար չէի կարօտ օգնութեանդ,  
ոյժերս ինքնին արդէն էին բաւական:  
Զազատեցիր զիս ծանրաբեռն անուրէն,  
որ իմ մարմինս երկրի տիղմին կը կապէ:  
Կը զգամ խիզախ հոգւոյս առջեւ արգելք կայ,  
չեմ գիտեր ինչ, մազի մը չափ գուցէ նուրբ,  
ուստի եւ ինձ ամօթալի կը կնապէս: -  
Ծառկել կ'ուզեմ, մարմինըս, տե՛ս, կ'իյնայ վար,  
ականջ եւ աչք ինձ ծառայել կը մերժեն  
հեռուներու խորհուրդներն երբ որոնեմ.  
միտքը թէ զիս տանի բարձր ռդորտներ՝  
անօթութիւնը կը ստիպէ խեղճօրէն  
իջնել դարձեալ գէպի այս նիւթն ոտնակոխ:

ԱՐՈՒՍԵԱԿ

(Հրգօր է անյայտ կապն ինձմէ ալ աւելի) 5

ԱԴԱՄ

Ահ, ոգի մ'ես ուրեմըն շատ ապիկար,  
որ այս անտես սարդոստայնը քեզ յարթէ,  
այս ոչինչ բանն, որու մասին մէկ քանի  
բաժնը միտքեր ունին աղօտ գաղափար,  
մինչ էականեր բիւրաւոր իր ցանցին մէջ  
կը տըւայտին ազատութեան պատրանքով:

ԱՐՈՒՍԵԱԿ

Եւ այս է լոկ որ կը ընայ ի դէմս խիզախել,  
զի ոգի մ'է, ինձ պէս: Կամ քեզ կը թուի  
թէ ուժով չէ զի թաքուն, լուռ կը գործէ: -  
Ոհ, մի կարծեր, ըստուերին մէջ կը մընայ  
որ կը դըրճուի եւ կը սեղծէ աշխարհներ,  
քանի տեսքն իսկ ըզքեզ պիտի ըզզըլիսէր:  
Լոկ մարդուն գործն, որ կեանք մ'ունի թըզաչափ,  
կը շողշողայ ու կ'աղմըկի բարձրագոյ:

ԱԴԱՄ

Բոպէ մը թող ակնարկ մը տամ այդ ուժին  
որ կը գործէ. - կուրծքըս գիզես հօր է. -  
տեսնեմ, ինչպէս ազդել կը ընայ իմ վըրաս,  
որ ինքնիրենս ամբողջ մըն եմ եւ անկախ:

ԱՐՈՒՍԵԱԿ

• Եմ, - յիմար խօսք: Դուն էիր ու պիտ'ըլլաս:  
Կեանքն է ըլլալ եւ ըսպառիլ շարունակ:  
Շուրջըդ նայէ՛, տե՛ս հոգեկան աչքերով:

ԱԴԱՄ

(Ինչ որ յաջորդաբար կ'ըսէ՝ բոլորն ալ տեսանելի կը դառնան):  
Ինչ յորձանք է սա որ չորս դիս կը ցայտէ,  
շըրջան կ'ընէ ձրգտելով միշտ դէպի վեր,  
ու երկուքի բաժնելով կը սուրայ  
մըրըրկի պէս դէպի բեւեռ:

ԱՐՈՒՍԵԱԿ

Տաքութիւն,

որ սառերու աշխարհին կեանք կը տանի:

ԱԴԱՄ

Իսկ այս բոցի զոյգ հոսանք, որ շառաչով  
կը սըլանայ քովէս, վախճամ զիս քըշէ,  
որուն սակայն կը զգամ ոյժն ալ կենսատու.  
Ինչ է, ինչ. զիս խելացընոր կը թողու:

ԱՐՈՒՍԵԱԿ

Մազնիսական զօրութիւնն է ասիկա:



ԱՌԱՄ

Հողն ուտքիս տակ կը տատանի: Ինչ որ ցարդ  
կը կարծէի անկերպարան, հաստատուն,  
եռուն նիւթ է, որ կը ձգգտի աննկուն  
ձեւ ըստանալ ու կ'ոգորի կեանք առնել:  
Հոն գերդ բիւրեղ, իսկ այս տեղ ~~գորգ~~ ալ գերդ բողբոջ:  
Այս թոհոհոհի մէջ ի՞նչ պիտի ըլլայ փակ  
անհատական եսըս. եւ ի՞նչ իմ մարմինս,  
ան, զոր գործիք մ'անխախտելի կարծեցի,  
որուն վըրայ կըրթընեցայ խօլաբար  
ծրագիրներուս եւ տենչերուս մէջ մեծդի:  
Դու, շըփացած մանուկ, որ վիշտ ու հաճոյք  
ինծի համար ճիւղաբաժնայն կ'ընձեռես,  
պիտի փոխուի՞ս քանի մը բուռ մոխրի,  
իսկ էութեանդ մասերն անօտ օդ եւ ջուր,  
որ քիչ առաջ դեռ կամիր էր եւ ուրախ,  
գոյութեանս հետ ամպերու մէջ կը ցընդի՞ն:  
Ամէն մէկ խօսք եւ գաղափար ուղեղիս  
էութենէս մէկ մէկ մասնիկ կը սպառէ,  
կը ճենճերիմ. — ու կըրակն այն լախիզող  
խորհրդաւոր թերեւս հոգի մ'արծարծէ,  
որպէս զի իմ մոխրանալովս շերմանայ:  
Կը խենթեանամ. հեռու ինծմէ տեսիլներ:  
Հարիւրաւոր տարրերու մէջ մաքառիլ  
թողլըքո՞ւմի ըզգացումով ոգետանջ,  
ահաւոր բան, ահաւոր բան: — Ախ, ինչո՞ւ  
հեռացուցի նախախնամող ձեռքն ինծմէ,  
բընազդըս զոր թէեւ կը զգար, չըյարգեց,  
ու գիտութիւնս, ո՛հ, կը տենչայ, բայց ի գուր:  
Ե՛հԱ

Այո՛, այո՛, — նըման բան մ'ալ ես կը զգամ:  
զազաններու դէ՞մ ամենհի երբ կըռուիս,  
կամ երբ ես խոնջ հոգ կը տանիմ պարտէզին,  
աչքըս կ'երթայ դէպի աշխատհ ընդարձակ,  
երկինք, երկիր ազգական մ'ալ պիտ' չըլլայ,  
ո՛չ բարեկամ որ խրախուսէ, պաշտպանէ:  
Ախ, այսպէս չէր երբեմնի լաւ օրերուն:  
ԱՐՈՒՍԵԱԿ (Հեզնանքով:)

Լաւ, թէ ունիք հոգի մ'այսքան փոքրոգի,  
որ կը դողաք առանց խնամող ձեռքերու,  
եթէ այնքան պահանջ մ'է ձեզ ենթարկուիլ.  
պիտի կոչեմ աստուած մը նոր ձեզ համար,  
խոժոռ ծերէն բարեբարոյ աւելի.  
Երկրի Ազին, երիտասարդ եւ համեստ,  
ինծի ծանօթ դեռ երկնային խումբերէն: —  
Երեւցի՛ր, Ազի դու,  
չես կըրար ինծ հետտել.  
Լուկ Դըրժողն վաղեմի  
քեզ կանչել կը ժողի:

(Երկրէն բոցեր կը ցայտեն, սեւ ու թանձր ամպ մը կը ձե-  
ւանայ ծիածանով, եւ զարհուրելի ողորումներով: Արուսեակ  
ընկրկելով:)

Ո՞վ ես հըրէ՞, — ըզքեզ չէ որ կանչեցի,  
Երկրի պաշտպան Ազին հեզ է եւ տրկար:  
ԵՐԿՐԻ ՈԳՐԻՆ ՁԱՅՆԸ

Որ խումբին մէջ երկնի տրկար կ'երեւի՝  
իր ծիրին մէջ անհուն է ան եւ հըզօր: —  
Ահա հոս եմ, հընազանդիլ պէտք էի  
Ազգին ես. միտքըդ սակայն լաւ պահէ,  
ուրիշ բան է կոչել, ուրիշ հրամայել:



Թէ իսկական դէմքըս ցոյց տամ, կ'ընկճուիս,  
եւ այս երկու որդեր կ'ըլլան բընաշինը:

ԱՐՈՒՍԵԱԿ

Ուրեմն, ըսէ՛, մարդը ի՞նչպէս մերձենայ  
քու վեհ ~~գործի~~ անձիդ, թէ իրբ աստուած քեզ ընտրէ:  
ԵՐԿՐԻ ՈԳՐԻՆ ՁԱՅՆԸ

Պիտի գըտնէ ամպերուն մէջ, շուրին մէջ,  
անտառին մէջ, եւ ամէն տեղ ուր որ նա  
հայեցք նետէ վեհ խորհուրդով, վառ տենչով:

(Կ'անեն քեւութանայ: Պուրակն ու աղբիւրները կը լեցուին  
անցաւոր, զուարթ քրանոյշներով:)

ԵՒԱ

Ոհ, տե՛ս, քընքուշ եղբայրական այս դէմքեր,  
նայէ՛, նայէ՛, ինչ շնորհալի կ'ողջունեն,  
առանձնութիւն եւ տըխրութիւն հեռացան,  
մեր մէջ իշաւ երջանկութիւնն անոնց հետ:  
Պիտ'ունենան խօսք մ'ըսփոփիչ մեր ցաւին  
եւ վարանման ժամանակ լաւ խորհուրդներ:

ԱՐՈՒՍԵԱԿ

Այս թըրվըռուն պարմաններէն լաւագոյն  
խորհըրդական չէիք կըրնար ձեզ գըտնել, -  
դուք որ հարցին պատասխանն ալ կ'որոշէք, -  
որ պատասխան կու տան հարցին համեմատ.  
Չինջ սըրտերուն ծիծաղադէմ կը նային,  
յուսահատին իբրեւ ճիւղ ահարկու.  
մինչեւ վախճան ձեզի պիտի ընկերեն  
բիւր ձեւերով եւ հազար կերպ փոխուելով,  
շուք հովասուն իմաստունին խուզարկու  
եւ տեսլական յաւերժ մատառ Սըրտերու:

ԱՂԱՄ

Առջեւս անցնող այս խաղին շողն ի՞նչ կ'արժէ,  
ես չեմ կըրնար խորհուրդին մէջ թափանցել. -  
ինծ համար նոր առեղծուած մը լուծելիք:

Ալ մի խաբեր զիս աւելի, Արուսեակ,  
թող ամէն բան գիտնամ, ինչպէս խոստացար:

ԱՐՈՒՍԵԱԿ (Մեկուսի:)

Այս գիտութիւնդ օր մը շատ դառն պիտ'ըլլայ,  
տըգիտութեան պիտի ցանկաս դու նորէն:

(Բարձրաձայն:)

Համբերութիւն: Դուն գիտես որ պայքարով  
պէտք է շահիս հաճոյքներէն բոպէ մ'իսկ.  
Երկարօրէն պէտք է դպրոց յաճախես  
ու սըխալիս, որ ամէն բան հասկընաս:

ԱՂԱՄ

Հեշտ է քեզի համբերութիւն քարոզել,  
յաւերժութիւն մ'ունիս առջեւը բացուած,  
սակայն Կեանքի Ծառէն ես չեմ ճաշակած,  
Զիս թըզաշափ կեանքըս փութալ կը ստիպէ:

ԱՐՈՒՍԵԱԿ

Ամէն ապրող երկար կ'ապրի հաւասար,  
դարաւոր ծառն ու միօրեայ ճըճին ալ,  
գիտակցութիւն, խինդ, սէր ունի, կը մեռնի,  
յետ իր օրուան եւ իղձերու կատարման:  
Մենք կը փոխուինք, ոչ ժամանակն է անցնող,  
մէկ դար, մէկ օր՝ մի եւ նոյն բան են գրեթէ:  
Նըպատակիդ պիտի հասնիս, մի վախճար.  
Բայց մի կարծեր՝ թէ մարմնիդ մէջ հողեղէն  
փակուած է լուկ անձնաւորումը մարդուն:



Դուք տեսած ես մըրջիւններն ու մեղուապարս.  
Հազար բանուոր կ'երթան կու գան խառն ի խուռն,  
կը սըխալին ու կուրօրէն կը գործեն,  
կ'իյնան, սակայն իբրեւ անհատ մը յաւերժ  
կ'ապրի համայնք ու միաբան կը գործէ,  
կը կատարէ նախադրուած ծրագիրն,  
մինչեւ որ գայ վերջն ու համայնքը դադրի: -  
Ասոր նման պիտի լուծուի մարմինդ ալ,  
բայց վերապրի պիտի հիւր կերպերով,  
հարկ չի մընար բան մը ծայրէն ըսկըսիլ.  
Թէ մեղանչես՝ պիտի քաւես զաւկիդ մէջ,  
եւ անոր մէջ շարունակես պիտ' ախտեղ.  
Ինչ որ փորձես, ինչ որ ըզգաս ու սորվիս՝  
պիտի մընայ քու ըստացուածքդ բիւր դարեր: <sup>10</sup>

ԱԴԱՄ

Ալեւորին ակնարկն է սա յետադարձ:  
Բայս մատղաշ կուրծքս ունի ուրիշ տենչ մ'այրող.  
ակնարկ մը տալ ապագային: Թող տեսնեմ  
ի՞նչ պիտի կրեմ, ինչո՞ւ համար պայքարիմ:  
ԵՒԱ

Տեսնեմ ես ալ, այս բազմաթիւ փոփոխմամբ  
չի նուազի՞ր գեղըս եւ կամ չի խամրի՞ք:  
ԱՐՈՒՍԵԱԿ

Այդպէս ըլլայ: Դիւթանք մը ձեզ պիտ'ընեմ,  
եւ ապագան պիտի տեսնէք մինչեւ վերջ  
պատկերներու տակ վաղանցիկ երազի: <sup>11</sup>  
Բայց երբ տեսնէք նըպատակն է որքան սին,  
որքան ծանր է պայքարը ձեր ուղիքին,  
որպէս զի ձեզ վըհատութիւն չի տիրէ  
ու չըփախչիք պատերազմի ճակատէն,  
մեղմ ճառագայն մը կախեմ պիտ' երկընթին,  
որ խրախուսէ թ'երեւոթ են խաբուսիկ  
այդ անուրջներն, - ու ճառագայթն այդ յոյսն է:  
(Մինչ այս՝ կ'առաջնորդէ Ադամն ու Եւան խրճիթին մէջ, ուր  
անոնք կը նիրհեն:)

### ԾԱՆՕԹՈՒԹԻՒՆՆԵՐ

- 1 - Ընտանիքն ու անհատական ~~բն~~ ինչք են հայրենիքին եւ ճարտար-  
արուեստին ստեղծողները, որոնցմէ մեծ եւ վսեմ գաղափարական-  
ներ ծնունդ պիտի առնեն: Սակայն այս գաղափարականները ճիշտ  
հայրենիքին եւ ճարտարարուեստին զոհ պիտի երթան, ինչպէս  
պիտի տեսնուի Լոնտոնի (ԺԱ) տեսարանին մէջ:
- 2 - Ադամ դրախտին մէջ բնագոյական տեսութեամբ կը ստանար իր փոր-  
ձառութիւնը, որ զինքը երջանիկ կ'ընէր:
- 3 - Արուսեակն ալ գիտէր թէ առաջին զոյգը մեղքին մէջ մղեով՝  
թշուառութեան մէջ ձգած էր:
- 4 - Դրախտէն վաճառուած Ադամ չի ճանչնար ինքզնինքն ու աշխարհը  
եւ յամառութեամբ կը մերժէ Աստուծոյ հանդէպ երախտագիտու-  
թիւնը. սակայն Արուսեակէն ալ յուսախաբ մնացած է: Կը զգայ  
թէ Գիտութեան պտուղէն ճաշակելովէ հասած իր յուսացած  
նպատակին:
- 5 - Երկրի թգին է որ մարդը երկրին, նիւթին կը կապէ, եւ ասոր  
դէմ Արուսեակն ալ ոչինչ կընայ ընել:
- 6 - Ադամ կը տեսնէ Երկրի ոյժերու գործունէութիւնը՝ ինչպէս որ  
Ռգին միայն կընայ տեսնել: Սակայն իր տեսութիւնը սոսկում  
կը պատճառէ, տեսնելով թէ մարմինը պիտի քայքայուի եւ կեանք  
ալ քիմիական կիզում մըն է լոկ:



- 7 - Աղամ եւ Եւա տեսիլքէն խորտակուած՝ կը բաղձան Դրախտին երանութիւնը եւ Աստուծոյ առաջնորդող աջը:
- 8 - Արուսեակ վտարուած Ոգիներու ընկերութենէն՝ չէր ճանչնար Երկրին Ոգին իր էութեան մէջ:
- 9 - Աղամ եւ Եւա չէին կրնար տեսնել Երկրի Ոգին: Արուսեակն ալ մարդկային կերպարանք պէտք էր առնել իրենցմէ զգալի դառնալու համար: Մարդը Երկրի Ոգին իր գործունէութենէն կրնայ ճանչնալ, Ջրանոյշները (Ջրերու եւ անտառներու դիցուհիները), որոնք Երկրի ոյժերու անձնաւորումներն էին, եւ դարու հոգիին համաձայն կը տեսնուին, Յունական տեսարանին մէջ՝ (Ե) իբրեւ Շնորհքներ, իսկ Տանկրէտիի տեսարանին մէջ՝ (Ե), իբրեւ Ջատուկներ:
- 10 - Կենդանի էակներու տեսակներու համար մէկ օր կամ հազար տարի նոյնքան կարճ ժամանակ կը ներկայացնէ: Բնութեան մէջ ո՛չ անհատին ալ տեսակին մնալն է հարկաւոր, որ իր նպատակին անպայման կը հասնի: Բայց անհատն ալ անելորդ տեղ չ'ապրիր, իր փորձառութիւնը ժառանգութիւն կը թողու իր սերունդին, եւ ինչպէս Արուսեակ կ'ըսէ հեզնանքով՝ իր հիւանդութիւնն ալ:
- 11 - Աղամ եւ Եւա դիւթական քունին ~~մէջ~~ մէջ երազի ձեւով պիտի տեսնեն ապագան: Յաջորդ խօսքերը անոնց ուղղուած չեն, ալ մենախօսութիւն մըն է: Այս ինքն է, երազէն արթննալով՝ եթէ Աղամ եւ Եւա յուսալքուած Աստուծոյ ուզեն վերադառնալ, Արուսեակ պիտի կարենայ ըսել ու քաջալերել զիրենք՝ թէ տեսածնին շիտակ չէր, ալ պարզապէս երազ մը:

#### Գ. ՏԵՍԱՐԱՆԻ ԲԱՅԱՏՐՈՒԹԻՒՆ

Առաջին զոյգը Դրախտէն դուրս գործի կը սկսի: Աղամ ո՛չ մէկ երախտագիտութիւն կը զգայ Աստուծոյ հանդէպ, սակայն Արուսեակի հանդէպ ալ պարտական չի զգար ինքզինք: Զե՛ որ Արուսեակ աստուածային գիտութիւն եւ անմահութիւն խոստացած էր իրենց, որոնցմէ ո՛ր մէկը կըրցած էր կատարել: Աղամ կը զգայ իր խեղճութիւնը, որովհետեւ ամէն բանով կապուած է նիւթին, որմէ Արուսեակն ալ չի կրնար զինք ազատել, որովհետեւ ան ուրիշի իշխանութեան տակ կ'իյնայ:

Արուսեակ Աղամի փախաքին տեղի տալով կը ցուցնէ իրեն, տեսանելի կերպով, տիեզերական ոյժերու գործունէութիւնը, որմէ Աղամ կը սարսափի ու կը յուսալքուի, տեսնելով թէ ինքն ալ անոնց ենթակայ է եւ մաս կը կազմէ, նմանապէս Եւան: Երկուքն ալ ցաւով կը յիշեն Դրախտին երանութիւնը եւ Աստուծոյ նախախնամող ձեռքը: Արուսեակ վախնալով թէ ձեռքէն փախցնէ զիրենք, Երկրի Ոգին իբր աստուած կ'առաջարկէ անոնց, զոր իրենք չեն կրնար ինչպէս որ է տեսնել, ալ անոր գործունէութեան զանազան երեւոյթներու տակ, անձնաւորուած Ջրանոյշներէ:

Երբ Արուսեակ մարդկութեան ապագայի մասին կը խօսի, Աղամ եւ Եւայի մէջ փափաք կ'արթննայ ճանչնալ զայն, որպէս զի անկէ վերջ որոշում տան Աստուծոյ կամ Արուսեակին հետ մնալ:

Արուսեակ կը կատարէ իրենց փափաքը ու կը խոստանայ մոգական երազներու ընթացքին ցոյց տալ իրենց մարդկութեան պատմութիւնը: Բայց եթէ ապագայի մութ պատկերները զիրենք յուսալքեն, որպէս զի Աստուծոյ չվերադառնան, Արուսեակ պատրաստ է իրենց այդ յոյսը տալ թէ տեսածնին պարզապէս խաբէական երազներ էին: Թէ արթննալէ վերջ Աղամ ինքնասպան ուզէ ըլլալ, Արուսեակ մտքէն անգամ չ'անցներ, ինչպէս վերջին ~~մէջ~~ Տեսարանէն պիտի տեսնուի: Այդ վերջաւորութեամբ Արուսեակ իր նպատակին հասած պիտի չըլլար, իր նպատակն է Աղամ Աստուծոյ դէմ կանգնել, Աստուծոյ դէմ ապստամբեցնել:



Երկրին Ոգին բնութեան ոյժերու ներկայացուցիչն է: Մարդը այդ ոյժերը իրենց էութեան մէջ չի կրնար տեսնել, եւ ոչ Արուսեակի օգնութեամբ. անոր համար է որ իրենք չեն տեսներ Երկրի Ոգին երեւումը. սակայն եթէ բարձր մտածութեամբ մօտենան անոր, անոնց մէջ Ոգին, Աստուած է որ կը յայտնուի: Մտաշի համաձայն՝ Աստուծոյ փնտրողքն է որ ծնունդ տուած է թէ՛ յունական կրօնքին, թէ՛ բնութեան պաշտամունքին:

Այս առաջին երեք Տեսարանները նիւթին ցուցադրութիւնն են (exposition), մինչ վերջինը, ժե, փակումը: Այս չորս աստուածաշնչական տեսարանները իբր շրջանակ եւ հիմ կը ծառայեն յաջորդ 11 Տեսարաններուն:

Պատմական տեսարանները՝ Արուսեակ արդեօք հաւատարի՞մ կերպով ցոյց կու տայ: Եթէ Արուսեակ խաբէութեան դիմէ եւ Ադամ անգիտակից Թերպով մէջը իյնայ, անոր որոշումը խաբէութեան վրայ հիմնուած պիտի ըլլար, որով Մարդուն ողբերգութենէն աւելի, Սատանայի կատակերգութիւնը պէտք էր կոչուիլ գործը:

Արուսեակ Մարդկային Պատմութիւնը կը ներկայացնէ նիւթապաշտ աչքով դիտուած, ուր ամէն գաղափարական դատապարտուած է աւազախրելու: Նա պատմութիւնը կը ներկայացնէ այնպէս՝ ինչպէս անհաւատ գիտութիւնը զայն պէտք է տեսնէ. այն է՝ մարդուն կեանքը նիւթական, քիմիական հակազդեցութիւններու հետեւանք մըն է. իր պայքարը նպատակ չունի, իր յոգնութիւնները չեն վարձատրուիր. չկայ հանդերձեալ կեանք: Մտաշի համաձայն այս է առանց նախախնամութեան հաւատքի, անհաւատ գիտութեան պատմութեան ըմբռնումը: Արուսեակ չի խաբեր Ադամը, այլ պատմութիւնը իր տեսակէտով կը դնէ անոր առջեւ, որպէս զի ան որոշում տայ, թէ Աստուծով կամ առանց Աստուծոյ ուզէ ապրիլ:

Ընդհակառակն, հաւատացեալը այսպէս չի տեսներ պատմութիւնը, թէ եւ շատ անգամ չի հասկնար թէ ի՞նչ է իր անկումներուն պատճառն ու նպատակը, կը հաւատայ թէ այդ անկումն ալ աստիճան մըն է որ դէպի կատարելութիւն կը տանի մարդկութիւնը: Թէ եւ երկրիս վրայ ապերշնիկ ալ ըլլայ, իր քաշած նեղութիւններուն համար պիտի վարձատրուի հանդերձեալին մէջ:

Անհաւատ եւ հաւատացեալ գիտութեան պայքարը՝ յաւիտենական պայքար մըն է, մինչեւ իսկ երբ Ողբերգութեան վերջաւորութեան Սատանան պարտուի:

Ինչպէս յաջորդաբար Պատմական Տեսարաններուն մէջ պիտի տեսնենք՝ Մտաշ բանաստեղծական ազատութեամբ կը գործածէ թէ՛ դէպքերը եւ թէ՛ անձերը, իր նպատակին հասնելու համար, այն է ցոյց տալ մարդկութեան մէջ տիրող զանազան գաղափարականները, ամէնքն ալ իյնալու դատապարտուած, անհաւատ տեսութեան լոյսին տակ: Կ'առնէ պատմական անձ մը, գաղափարականի ներկայացուցիչ մը, շատ անգամ տարբեր ժամանակի մը հետ միացնելով զայն, այդ գաղափարը աւելի ընդարձակ եւ հասկնալի դարձնելու համար: Ասոնց մասին պիտի անդրադառնանք իւրաքանչիւր տեսարանին մէջ:

Ադամ, մարդկութեան ներկայացուցիչը, ժամանակին հետ, պատմութեան հետ միասին կ'ընթանայ, կը ծերանայ. առաջին տեսարաններու մէջ երիտասարդ, ապա հասուն, հուսկ վերջին պատմական տեսարանին մէջ՝ կքած ծերունի մը դարձած է. մինչ Արուսեակ, որ Ոգի մըն է ու չ'ազդուիր ժամանակէն, անփոփոխ կը մնայ, առանց տարիքի փոփոխութեան:



Տ Ե Ս Ա Ր Ա Ն      Դ

(Եգիպտոսի մէջ: Դէպի առջեւ բացուող դահլիճ մը: Ադամ երիտասարդ, իբր փարաւոն նստած է գահին վրայ: Արուսեակ իբր ինախարարը. յարգալից հեռաւորութեամբ ճոխ շքանումը մը: Խորը ստրուկներ բուրգ մը կառուցանելու կ'աշխատին, խարաղանաւոր գործավարներու հսկողութեան տակ: Պայծառ օր:)

ԱՐՈՒՍԵԱԿ

Մարդիկըդ որ երջանիկ են քեզ համար  
արիւնին տալ, կը հարցունեն անձկագին,  
ինչ է արդեօք որ մեծաշուք փարաւոնն է ~~Քեզ քեզ քեզ քեզ~~  
իր գահին վրայ անգամ հանգչիլ չի թողուր:  
Ինչո՞ւ օրուան հաճոյքները կը զոհես,  
եւ գիշերուան անուրջներու տեսքն անոյշ,  
ու չես թողուր հոգը մեծդի ծրագրիդ  
ըստրուկներուդ, որոնց պարտքն է անիկա.  
Քանի որ այս աշխարհիս վրայ ընդարձակ  
իշխանութիւն եւ ամէն փառք քուկդ են լոկ,  
եւ հաճոյքներ՝ զոր կը ընայ մարդ մ'ըմբռնենէ:  
Հարիւր հարուստ նահանգներու տէրն ես դու,  
քեզի միայն թուրեան ծաղիկ կը բացուի,  
կը հասունանան անոյշ միրգեր քաղցրահամ:  
Քեզի համար կը հառաչեն բիւր կիներ.  
Խարտեաշ աղջիկն՝ իր աչքերով նուաղկոտ,  
զերդ անցաւոր, փափուկ տեսիլ մը քընթուշ.  
աղջիկը թուխ՝ շըրթուկներով իր հեւուն,  
բիբերուն մէջ վառ խօլական կիրքերով,  
քուկդ են: Իրենց ճակատագիրն է քըմայքդ.  
ամէնք կը զգան թէ պարտքերնին են ըրած՝  
երբ կարենան վայրկեաններուդ տալ համեմ: 1

ԱԴԱՄ

Այս ամէն քան իմ սիրտըս չեն հրապուրեր,  
բռնի տուրք են, անոնց համար չեմ կ'ուռած,  
եւ չեմ կը ընար զանոնք ինծի վերագրել:  
Ահա, սակայն իմ կերտելիք այս գործովս՝  
ուղիդ ճամբան գլտած ըլլալ կը կարծեմ,  
որ կը տանի զիս իրական մեծութեան:  
Բընութիւնն իսկ անոր վըրայ կը զմայլի,  
տաճեակ դարեր պիտի անունս հռչակէ:  
Ո՛չ շարժ պիտի տապալէ զայն, ո՛չ աղէտ.  
մարդը դարձաւ հըզօրագոյն քան Աստուած: 2

ԱՐՈՒՍԵԱԿ

Ո՛հ, փառաւոն, քեզ երջանի՞կ կը, զգաս դու  
զայն կարծելով. օն, ձեռքդ դիր սըրտիդ վրայ:

ԱԴԱՄ

Ո՛չ, այլ կը զգամ ունայնութիւն մ'անսահման:  
Հոգ չէ. ոչ թէ երջանկութիւն փնտռեցի,  
այլ փառքն, ահա, որ իմ առջեւս է բացուած:  
Միայն խուժանն տառապանքըս չիմանայ. 3  
թէ կարեկցի, չ'երկըրպագեր ալ ինծի:

ԱՐՈՒՍԵԱԿ

Բայց օր մը՝ երբ ըմբռնես թէ փառքն է սին,  
թէ խաղ մ'է լոկ ըռպէական ցնորքի...

ԱԴԱՄ

Կարելի չէ:

ԱՐՈՒՍԵԱԿ

Բայց ենթադրենք:



Կը մեռնիմ,  
Անիծելով աշխարհն ամբողջ ինծմէ ետք:  
ԱՐՈՒՍԵԱԿ

Պիտ' չըմեռնի՛մ, օր մը թէեւ հասկընաս,  
պիտի սկսիս ծայրէն նախկին աւիւնով:

(Աշխատաւոր ստրուկներդ մէջէն մէկը գործավարները այնքան  
սաստիկ էր ծեծեն, որ ան աղաղակելով եւ հալածուած կը վազէ  
ներս եւ դահլիճ մտնելով՝ գահին առջեւ կը գլորի:)

~~ԱՐՈՒՍԵԱԿ~~  
ՍՏՐՈՒԿ

Տէր իմ, օգնէ:

(Աշխատաւորներու մէջէն եւա, իբր ստրուկին կինը, ճամբայ  
բանաւով կը դիմէ ներս եւ ցաւագին ճիչով իր ամուսնին վրայ  
կ'իյնայ:)

ԵՒԱ

Անոր ի գուր կ'աղաչես:

Ով մասնակից քու ցաւերուդ չէ եղած,  
չի հասկընար: — Շատ մեղմ է ճիչը ցաւին,  
ու բարձր է գահն: Ինչո՞ւ չիս չես կանչեր,  
որ քեզ ծածկեմ ու մարմնիս վրայ ընդունիմ  
քու հարուածներդ:

ԱԴԱՄ

(Ներս խուժող գործավարներուն, որոնք ստրուկն ու կինը  
կ'ուզեն դուրս քաշել:)

Հոն թողուցէ՛ք: Դո՛ւրս ասկից:

(Գործավարները կ'երթան:)

Ի՞նչ անծանօթ ըզգացում սիրտս կը կապէ,  
ի՞նչ է այս կինն ու ի՞նչ համայք ունի սա,  
որ փարաւոնն իրեն կարծես չըթայած  
փռշտեալ իր խեղճ անձն կը ձրգէ: (Ոտքի կ'ելլէ:)

ԱՐՈՒՍԵԱԿ

Մէկն է դարձեալ այն թելերէն ասիկա՝  
որով պատած է Տէրըդ քեզ հեզնելու,  
յիշել տալու քեզի՛ թէ լոկ որդ մըն ես,  
Մինչ զերդ թիթեռ կը թեւածես յաւակնոտ:  
Այս նուրբ թելին դուն կը ճանչնաս զօրութիւնն,  
ու փըրցընել ես չեմ կարող զանիկա,  
զի մատներէս կը խուսափի: 4

ԱԴԱՄ

(Իշնելով գահի աստիճաններէն:)

Եւ թող զայն:

Որքան սեղմէ՛ այնքան է ինծ հաճելի:

ԱՐՈՒՍԵԱԿ

Բայց պատշաճ չէ որ թագաւորի մ'իմաստուն  
հեծէ անոր շըղթային տակ:

ԱԴԱՄ

Ի՞նչ ընեմ:

ԱՐՈՒՍԵԱԿ (Հեզնանքով:)

Ուրիշ ճամբայ չըկայ. ծածուկ այդ թելին  
զօրութիւնն իսկ պէտք է մերժէ գիտութիւնն  
ու թող ~~քեզ~~ շայն իւրեղ եւ ոյժն անոպայ: 5

ԱԴԱՄ

Ես չեմ կըրան ո՛չ քըրքըշալ, ո՛չ մերժել:  
ԵՒԱ

Ախ, սիրելիս, արիւնք առատ կը հոսի,  
կը կեցընեմ. շատ կը ցաւի, այնպէս չէ՛:

ՍՏՐՈՒԿ

Կեանքն է ցաւող. բայց ալ երկար չի տեւեր:



ՆՈՂ, ՈՂ. ԻՆՆՈՂ, մինչեւ ցարդ զՈՂ ր ապրեցար,  
եւ մեռնիս այժմ՝ երբ հազիւ զիս զըտած ես:

ՍՏՐՈՒԿ

ԻՆՆՈՂ ապրիւ. — քար կըրելու բուրգերուն,  
ու հըզօրին լուծին տակ նոր յաջորդներ

պատրաստելու: — Մէկուէն համար հազարներ:

ԱԴԱՄ

Ախ, Արուսեակ, ի՞նչ սոսկալի խօսք մ'է սա:՝

ԱՐՈՒՍԵԱԿ

Հոգեվարժին զառնցանքն է լոկ տենդոտ:

ԱԴԱՄ

Եւ ի՞նչ ըսաւ:

ԱՐՈՒՍԵԱԿ

Կը տանջուիս: Մեծ բա՛ն մըն է պատահած,  
երկրիս վրայէն ըստրուկ մը լոկ պակսեցաւ:

ԵԻԱ

Ոչինչ է քեզ, բայց ինծ համար ամէն բան,  
վայ ինձ, ո՞վ զիս պիտի սիրէ ասկէ վերջ:

ՍՏՐՈՒԿ

Ես այլեւս ոչ: — Մոռցիր զիս կին, յաւիտեան: (Կը մեռնի)

ԱԴԱՄ

Ես քեզ պիտի սիրեմ: Դիակն այս տարէք:

(Դիակը կը վերցնեն:)

Ելի՛ր, ով կին, տեղդ զահին վըրայ է.  
գեղեցկութեան դուռն այնքան ես տէ՛ր՝ որքան  
զօրութեան ես, պէտք էինք մենք վերջապէս  
զիրար զըտնել:

ԵԻԱ

Մեծ փարաւոն, ո՛հ, գիտեմ,  
քու հրամանդ է ճակատագիրը ռամկին,  
չեմ դիմադրեր, քիչ մը միայն ժամանակ  
թող ինծ, խընդերմ, ուզածդ ապա հրճեմայէ:

ԱԴԱՄ

Ալ մի՛ այդ բառն: Իշխանութիւնս, ո՛հ, երբեք  
պիտի չանցնի՞ հրամանի ցուրտ սահմանէն:

ԵԻԱ

Գոհ եղիր դու, որ ներկայիս հրամանն այս  
ցաւ չի տար ինծ: — Մի՛ նախանձիր արցունքիս,  
զոր մեռելին վըրայ հիմա կը թափեմ: —

Ինչ վեհ մեռել, ինչ վըսեմ է, ով Աստուած:

(Մեռելին վրայ կ'իյնայ:)

ԱԴԱՄ

Ո՛հ, վեհ մեռել. հակադրութիւն մ'ինչպիսի.  
հեզնաք մըն է մեր ճիգերուն այս անդորր,  
կամ կարեկից ժըպիտ մը մեր փըքանքին:

ԱՐՈՒՍԵԱԿ

Փախըստական ըստրուկ մը դէմդ խիզախող  
կ'ըսէ՛, ահա, շըղթաներէդ ուժով եմ:

ԱԴԱՄ

Հանգուցեալին անդորր, ողջին փըրկութիւն:

Երտասուքդ ան ալ չի տեսներ. ցաւ մ'է ինծ

քու ժըպիտէդ զըրկուիլ: Ով կին, նըստէ՛ քովս:

(Մեռելը դուրս կը տանին: Ադամ գահ կ'առաջնորդէ Եւան:)

Ինչ հեշտանք է հանգըստանալ կուրծքիդ վրայ:

(Վայնասուէն մը կը բարձրանայ աշխատաւորներու մէջ. Եւա  
կը ցնցուի:)

Ո՛հ, սիրելիս, ի՞նչ ունիս դու:

ԵԻԱ



ԵՒԱ

Զե՞ս լըսեր

ռամկին ճիշն:

ԱԴԱՄ

Առջի անգամ կ'իմանամ:

Ուշ մի՛ դըներ. անոյշ երգ չէ, արդարեւ:  
Համբուրէ՛ զիս, եւ ալ մոռցի՛ր ողջ աշխարհն: (Արուսեակին:  
Իսկ դու գընա՛, վայնասունն այն լըռեցուր:

ԱՐՈՒՍԵԱԿ

Ես չեմ կըրնար, իրաւունքն է ռամկին,

իր լուծին հետ միասին է ժառանգած:

(Նորէն վայնասունն: Եւա կը ճչայ. Ադամ կը կանգնի:)

ԱԴԱՄ

Կին, կը տանչուիս, եւ չեմ գիտեր թէ ինչպէս

օգնեմ քեզի: Եւ քու սըրտիդ ընդմէջէն

ճիշը գերդ շանթ՝ կը հարուածէ գըլիուս վրայ,

~~գործնական զգացումներով ինչպէս~~

կարծես աշխարհն աղաղակէր. օգնութիւն...<sup>9</sup>

ԵՒԱ

Ո՛հ, Փարաւոն, ջախջախէ՛ զիս, բայց ներէ

որ խուժանին ճիշն ինծ հանգչիլ չի թողուր:

Կը հասկընամ թէ աղախինդ եմ ես լոկ,

զըւարճացնել քեզ նըպատակն է կեանքիս.

պիտի մոռնամ ես ամէն բան իմ չորս դին,

մեռելն, անուրջս, աղքատութիւն, մեծութիւն,

ժըպիտըս որ դառնայ հաճոյք, շըրթներս հուր.

բայց երբ ամբոխն, բիւրաբազուկ այդ էակ,

խարազանուա՞ղ դիկունքներով հի՛ն՝ ճըչայ,

ինչպէս չընչին մաս մը մարմնին ցաւատանջ,

ժողովուրդէն ես անջատուած զղջիկ, ես,

ցաւն այդ բոլոր խորը սըրտիս մէջ կը զգամ:

ԱԴԱՄ

Ես ալ քեզ հետ: — Մէկուն համար հազարներ —

ինչպէս ըսաւ մեռնողն անգամ:

ԵՒԱ

Փարաւոն,

դուն տըխրեցար, անոր պատճառն ես եմ լոկ.

վերաբերէ՛ զիս, կամ սորվեցուր թէ ինչպէս

ես խուլ դառնամ:

ԱԴԱՄ

Դու ինծմէ լաւ կըրթիչ մ'ես,

որովհետեւ ճիշը լըսել ուսուցիր.

ալ չըլըսեմ: — Եւ ըստրուկներն թող ըլլան

ազատ, ահա: Ի՞նչ կ'արժէ փառքն, որ մէկ անձ

կը ժողովէ հազարներու կորուստով,

ու ճիշերով թըշուառներու բիւրաւոր,

որոնց մէջն ալ նոյն մարդն է որ կը շընչէ:

Յաւը բիւր, իսկ հաճոյքն անգամ մը կը զգամ:

ԱՐՈՒՍԵԱԿ

Ա՛հ, Փարաւոն, կը զառանցես, մինչ խուժանն

ճակատագրէն դատապարտուած գրաստ մըն է,

որ կը դարձնէ շաղացքն ամէն վարչութեան.

անոր համար ըստեղծուած է: Ազատէ,

բայց քու մէկդի նետածէդ ան չ'օգտուիր.

պիտի փընտռէ վաղը նոր տէր մ'իր համար.

կամ կը կարծես նըստեցընէ գըլիուն վրայ

եթէ չըզգար անհրաժեշտ հարկն իշխանին,

կամ բընակէր գիտակցութիւն կուրծքին տակ:



ԱԴԱՄ

Այնտեղն ճիշն ինչո՞ւ, իբրեւ թէ ցաւէր  
ըստըրկութիւնն:

ԱՐՈՒՍԵԱԿ

Անգէտ թէեւ, կը տանջուի,  
զի ամէն մարդ իշխանութեան կը ցանկայ:  
Այս է զգացումն, եղբայրութիւն չէ երբեք  
որ կը մըղէ ազատութեան դրօշին տակ  
ամբողջ մեծ: - Գիտակցութիւն չի դառնար  
իւր գըլխուն մէջ, այլ լոկ/բընազդի /*բայ*  
որ կը մըղէ դէպ'ամէն բան որ նոր է,  
եւ մերժելու ինչ որ արդէն եղած է.  
եւ անոր մէջ կ'ըղձայ տեսնել մարմնացած  
երջանկութեան մասին հիւսած երազներն:  
Խոր ծով մըն է ամբողջ ու շողն արփենի  
չի թափանցեր իւր խաւերէն, մութ կը մնայ.  
մակերեսին ալիքը լոկ կը փալփի.  
եւ գուցէ այդ փոքրիկ ալեակն ես դու ինքդ:

ԱԴԱՄ

Ինչո՞ւ ճիշտ ես:

ԱՐՈՒՍԵԱԿ

Կամ մէկն ուրիշ, նըման քեզ,  
որ գիտակից ժողովուրդի բընազդին,  
կը յանդգնի փայլուն տեղիդ տիրանալ  
ազատութեան վեհ հերոսի անունով:  
Սակայն ամբողջ ամենեւին չ'օգտուիր,  
կը մընայ միշտ տէր մը, փոխուած անունով:

ԱԴԱՄ

Տրամաբանումդ անծայր, անվերջ շրջան մ'է,  
որմէ, կարծես, ազատիլ չէ կարելի: 11

ԱՐՈՒՍԵԱԿ

Կարելի է: Տուր մատանի եւ շըղթայ  
այդ մէկ քանի անհատներու փառամուլ,  
եւ դեռ ուրիշ խաղալիկներ եւ ըսէ.  
"Ահա ես ձեզ կը բարձրացնեմ ամբողջին,  
եւ դուք ասով ազուագոյն կը դառնաք:  
Ու հաւատան պիտի խուժանն այլանած,  
եւ անտեսուիլ քեզմէ պիտի հանդուրժեն: 12

ԱԴԱՄ

Մի՛ փորձեր զիս այդ հրապուրիչ խօսքերով:  
Ամէնքն ըլլան ազատ, չըլլան ըստրուկներ.  
հրատարակէ՛ անոց շուտով, օն, փութա՛,  
որ ուշ ըլլայ եթէ յանկարծ ես զըղջամ:

ԱՐՈՒՍԵԱԿ (Մեկուսի:)

Յառաջ ճամբէդ, ինքնահաւան ու կարծէ  
թէ կը քալես, ճակատագրէն մինչ քըշուիս: (Դուրս:)

ԱԴԱՄ

Թող անաւարտ այստեղ մընայ այս կերտուածք,  
զերդ փըլատակ ազդարարող ամէնուն  
որ կը ձըգտին իրենց չափէն աւելի.  
մեծ հարցական մեր խեղճութեան եւ ոյժին:

(Դուրսէն ուրախութեան աղաղակներ կը լսուին, աշխատւորները

կը ցրուին: Արուսեակ կը վերադառնայ:)  
Հըրճուէ՛ խուժան, որ մեծութիւն քու առջեւդ  
խոնարհեցաւ: Բայց մի՛ կարծեր թէ բռնի:

ԵԻԱ

Մըխիթարուէ, ով սիրելիս, մի՛ տըրտմիր,  
արդէն դաժան այդ փառքը ցուրտ ի՞նչ կ'արժէ,  
որ կը սողայ պաղ օձի պէս մեր միջեւ:



ԱԴԱՄ

Բայց մեծ է, մեծ: 13

ԵԻԱ

Հեռու մեզմէ: ծիչը, տես,  
լըռեց, ու մեր երջանկութիւնն է անխռով,  
ի՞նչ տենչ ունիս երբ կուրջքիս վրայ կը հանգչիս:

ԱԴԱՄ

Ո՛հ կին, ի՞նչ նեղ, ի՞նչ անձուկ է հորիզոնդ:  
Ու ճիշտ ասով այրը խըրոխտ կ'առինքնես.  
Ոյժէն կըրնայ տկարութիւնն լոկ սիրուիլ.  
Ինչպէս ծընող մը խընամոտ իր զաւկին  
տըխեղծութիւնը կը գըգուէ խանդակաթ:

ԵԻԱ

Ախ, Փարաւոն, ձանձրոյթ կու տամ գուցէ քեզ  
այս անօգուտ շաղփաղփութեամբս անիմաստ:  
Ափսոս, բայց ես չունիմ հանճար անելի:

ԱԴԱՄ

Մի՛ ալ ուզեր դուն ունենալ, անուշիկս:  
Բաւական խելք ունիմ ինքս ալ, չեմ հակիր  
կուրծքիդ վըրայ ոյժ, մեծութիւն փընտռելու,  
ո՛չ գիտութեան համար, որոնք ես կըրնամ  
մատեաններուս մէջ պըրպըտել դիւրագոյն:  
Բայց դու խօսէ՛, խօսէ՛, ձայնիկդ լըսեմ,  
թըրթըռացումն անոր թող սիրտս ողողէ:  
Ինչ ալ ըսես, ինծի համար նոյն բանն է.  
Կը հարցընե՞նք թըռչնիկին թէ ի՞նչ կ'երգէ,  
բայց հաճոյքով անոր ձայնին կ'ունկընդրենք:  
Եղի՛ր ծաղիկ, սիրու՛ն, անպէտ խաղալիկ,  
բայց գեղեցիկ, իր արժէքն է անոր մէջ: (Արուսեակին):  
Տենչ մը սակայն երջանկութիւնս կը խռովէ.  
Իդձ մը, գուցէ յիմար, — բայց, ո՛հ, կատարէ, —  
յանդուկն ականարկ մը ինծի թող որ նետեմ  
քանի մ'հազար տարիներ վերջ համբաւէս  
ի՞նչ կը մընայ:

ԱՐՈՒՍԵԱԿ

Մինչ համբոյրներ կ'ըմբռնէս՝  
դուն չե՞ս ըզգար շոյանքն անթշ զեփիւռին,  
որ գըգուելէ ետք՝ այտերէդ կը սահի:  
Կ'իջնէ փոշին իր անցած տեղ մանրամաղ,  
մէկ տարուան մէջ քանի մը գիծ հաստութեամբ,  
քանի մը դիզ կը բարձրանայ մէկ դարէն.  
Մասնեակ դարեր՝ բուրգերըդ ալ կը ծածկուին,  
անունդ անգամ աւազի տակ թաղելով:  
Շընագայլեր բուրաստանիդ մէջ կ'ոռնան,  
անապատին մէջ ժողովուրդ մը գերի  
եւ մուրացկան վըրաններն իր կը զարնէ:  
( Ինչ որ Արուսեակ կ'ըսէ տեսանելի կը դառնան: )  
Եւ այս բոլորն ոչ թէ մըրրիկ մ'ահարկու  
կը կատարէ, կամ երկրաշարժ որոտուն,  
այլ մեղմ գեռիւռն ահա, որ քեզ կը շոյէ:

ԱԴԱՄ

Ո՛հ, սոսկալի:

ԱՐՈՒՍԵԱԿ

Բայց մի՛ վախնար, լոկ հոգիդ  
կը կորսուի, մարմինդ մուսթայ կը մընայ,  
դըպրոցական տըղոց տեսիլ շահեկան,  
զազադիմի, որուն վրայէն ջընջուած է  
գիրը, արդեօք ըստրոկ մըն էր, թէ իշխան:  
(Աթացի կը զարնէ մուսթայի մը, որ մինչ այս գահին առջեւ  
բարձրացած էր եւ դանդաղօրէն վար կը գլորի աստիճաններէն:)



ԱԴԱՄ թոռքի ցատկելով:)

Դրժոխային բանդագուշանք, կորսուէ՛ն:  
Ունայն ձըզտոււմ, խօլական է փառքի տենչ -  
դեռ կը լսեմ. մէկուն համար հազարներ:  
Պէտք է որ այս հազարներուն ձեռք բերեմ  
իրաւունքներ պետութեան մը մէջ ազատ -  
ուրիշ ճամբայ չէ կարելի: Թող շընշուին  
անհատներն ալ ու թող համայնքը ապրի,  
որ մեծ ամբողջ մ'անհատներէն կը կերտէ:

ԵԻԱ

Եւ կը թողուս զիս ալ, որ քու սէրըդ եմ:

ԱԴԱՄ

Այո՛, քեզ ալ, գահ, ամէն բան կը թողուս:  
Տա՛ր զիս դէպի նոր նըպատակ, Արուսեակ:  
Կորսընցուցի շատ ժամանակ թանկագին  
այս սին ճամբէն: (Սուրը քաշած կը մեկնի:)

ԵԻԱ

Թէ յուսալիք դու դառնաս՝  
սիրտըդ սիրտիս վրայ, տէրս, հանգիստ կը գըտնէ:

ԱԴԱՄ

Այո՛, այո՛, կը զգամ պիտի գըտնեմ քեզ  
նոր, մաքրուած կերպարանքով մը վըսեմ,  
ու չըզըրկես պիտ'այն ատեն հրամայուած,  
այլ զերդ ընկեր մը, հաճոյքի զգացումով: (Կ'երթայ:)

ԱՐՈՒՍԵԱԿ

Մի՛ շատպեր, մի՛, պիտի հասնիս դու շուտով  
նըպատակիդ, յուսացածէդ ալ առաջ.  
ու տեսնելով որքան սին է, պիտի լիս,  
իսկ ես պիտի խընդամ: Երթանք, օն, յառաջ:

### ՄԱՆՕԹՈՒԹԻՒՆՆԵՐ

- 1 - Արուսեակի շողոքորթ, բայց չարամիտ խօսքերը, կ'ուզեն Ա-  
դամին մէջ արթնցել իր ապերձանկութեան գիտակցութիւնը:
- 2 - Պատմութեան ընթացքը առանց Աստուծոյ սկսող յանձնապատան  
մարդուն խօսքերը:
- 3 - Ադամ ինքզինք կ'ուզէ խաբել ըսելով թէ ոչ երջանկութիւն  
այլ փառք կը ցանկայ. բայց իր խօսքերուն մէջ կը զգացուին  
երջանկութեան փափաքը:
- 4 - Արուսեակ կ'ակնարկէ Գ Տեսարանին, ուր բնութեան ոյժերը  
իրմէ զօրաւոր են: Այս ոյժերէն մէկն է նաեւ սէրը, որուն  
հանդէպ Արուսեակն ալ անզօր է, ինչպէս նաեւ Ադամ:
- 5 - Արուսեակ շողոքորթ ձեւի տակ կը ծաղրէ Ադամը, որ քիչ ա-  
ռաջ յայտարարած էր թէ Աստուծմէ ալ զօրաւոր եղած է. եւ  
հեզնելով խորհուրդ կու տայ ժխտել այն՝ որուն ոյժը կը զգայ,  
եւ որուն դէմ անզօր է. հաստատելով թէ նիւթ եւ ոյժ կայ  
միայն, Ֆիզիքական աշխարհէն դուրս ոչինչ կայ: Մէկ խօսքով  
նիւթապաշտութեամբ կը փաստարկէ:
- 6 - Փարաւորը չի հասկընար ժողովուրդին ձայնը:
- 7 - Մեռելին անխռով հանգիստը՝ կարծես հեզնանք մըն է մարդոց  
տենդագին պայքարներուն, եւ կը խնդայ անոնց ունայն ճիգե-  
րուն վրայ:
- 8 - Ստրուկը մեռաւ, որով իր շղթաները խզուեցան ու ինքը այլեւս  
ազատ է:
- 9 - Ադամ մինչեւ հիմա չէր լսէր ժողովուրդին վայնասունը, իսկ  
հիմա Եւայի հանդէպ վառուած սէրը իրեն լսելի կ'ընէ զայն:  
Այս տեսարանին խոր իմաստն է թէ ընկերութեան առաջնորդները  
շատ անգամ իրենց բարի տրամադրութեամբ ալ չեն անդրադառնար



ընկերային թշուառութիւնները, մինչեւ որ իրենց անձնական պատճառի մը համար աչքերնին չբացուի, կամ աչքերնուն չըզարնեն անոնք:

10 - Ժողովուրդին ճակատագիրն է որ միշտ ծառայ ըլլայ մէկու մը, եւ տէրերը օգտուին անոր յոգնութիւններէն: Ազատութեան փափաքը տիրապետութեան փափաք է որ ժողովուրդի անդամներէն

մէկուն կամ միւսին <sup>մէ</sup>երեւան կու գայ, իսկ ամբողջ՝ նոր վարչաձեւի մը երջանկութեան երազով՝ կը մնայ միշտ նոր առաջնորդներուն ստրուկը:

11 - Արուսեակի տրամաբանութիւնը շրջանակ մըն է, որ ոչ ծայր եւ ոչ վերջ ունի, ստրկութեամբ կը սկսի եւ ստրկութեամբ կը վերջանայ:

12 - Արուսեակ ելքի ճամբան կը ցուցնէ, որով առջեւ կրնայ առնուիլ ընկերային յեղափոխութիւններու. ազնուականներ ստեղծել. իշխանութիւն եւ պատիւ տալ յեղափոխութեան գլուխներուն եւ առանձնաշնորհութիւններով օժտել զանոնք, ասով գոհացնելով իրենց փառամոլութիւնը, թագաւորը կրնայ շարունակել տիրապետել:

13 - Փառքը մեծ գանձ մըն է, եւ Ադամ ստրուկները ազատագրելով ալ փառք կը փնտռէ:

14 - Ադամ յուսախաբ կը մնայ փառքէն ու կը սթափի, եւ հիմա ինք քիչ ուզէ հազարաւորներու, ժողովուրդին երջանկութեան համար պայքարիլ:

#### Դ. ՏԵՍԱՐԱՆԻՆ ԲԱՑԱՏՐՈՒԹԻՒՆԸ

Ինչպէս յայտնի պիտի տեսնուի յաջորդական Ձեւարաններէն ալ, Մատաշ ժամանակագրական ու միաժամանակ հոգեբանական յաջորդութեան տեսակէտի տակ ընտրած է Տեսարաններու նիւթերը: Այս երկու տեսակէտներու տակ ալ շատ յաջող կերպով ընտրուած է Եգիպտոսի Փարաւոններու միջավայրը:

Եգիպտոս մեզի ծանօթ ամենահին քաղաքակրթութիւններէն մէկն է, որմէ մեզի մնացած յուշարձանները յայտնի նշաններ են անոնց փառքի ձգտումին: Հոգեբանական տեսակէտով ալ երիտասարդներու մէջ առաջին եւ ուժեղ ձկտումներէն մէկն է փառքը, համբաւը:

Այս տեսարանին մէջ Փարաւոնը որոշ պատմական անձ մը չէ, այլ ներկայացուցիչ բոլոր Փարաւոններու: Փառքի մեծութենէն կուրացած Փարաւոնը միլիոնաւոր ստրուկներու կեանքը կը զոհէ իր անձը անմահացնելու համար. ո՛չ կը զգայ եւ ո՛չ կ'անդրադառնայ անոնց ցաւն ու տառապանքը, մինչեւ որ սէրը չբանայ իր աչքերը, ու սիրոյ շերմութեան ազդեցութեան տակն է միայն որ կը ծանօթանայ անոր:

Երբ ապագայի տեսիլով բոլորովին կը սթափի, նոր գաղափարականի մը ետեւէն կը վազէ, ուր անհատը հասարակութեան համար կը զոհէ ինքզինքը:

Ադամի ենթագիտակցութեան մէջ է թէ ինքն է յաւիտենական մարդը, որուն ոգին նորանոր կերպարանափոխութիւններու տակ կը պայքարի եւ ստէպ երեւան կու գայ իր երազի ընթացքին, ինչպէս նաեւ թէ վաղեմի դրժումի Ոգին, յաւիտենական տարակոյսն է որ կ'առաջնորդէ զինք ապագայի պատմութեան մէջ, որով ստէպ զինք իր իսկական անունով, Արուսեակ, կը կոչէ:

Ինչպէս հոս, յաջորդաբար ալ բոլոր Տեսարաններուն մէջ, ամէն անգամ որ Ադամ Եւայի հանդիպի, սիրոյ զգացումը կ'արթնայ իր մէջ անոր հանդէպ. եւ միշտ նոյն կը մնայ իր խորքին մէջ, ու Դրախտի երջանկութեան իր ընկերը ամէն կերպարանափոխութեան տակ ալ կը գտնէ ու կը ձգուի անկէ:



Տ Ե Ս Ա Ր Ա Ն Ե

(Աթենքի մէջ: Հրապարակ մը մէջտեղը ճառախօսներու բեմով:  
Հրապարակի առջեւի մասին վրայ, կողմնակի, տաճարի մը բաց գաւի-  
թը աստուածներու արձաններով, ծաղիկներու դրասանքներով եւ բա-  
գինով: Եւա, իբր Լուկիա, Միլտիադէս զօրավարին կինը, իր Թիմոն  
զաւակին եւ խումբ մը սպասաւորներու ընկերակցութեամբ՝ զոհի  
նուէրներ բերելով դէպի տաճար կու գան: Հրապարակին վրայ սին-  
լթոր ամբոխ մը կը դեգերի: Արեւշող առաւօտ:)

ԵԻԱ

Դէպի այս կողմ եկուր որդեակ սիրասուն:  
Տե՛ս, հայրդ այն կողմ արա՞նաւով հեռացաւ  
պատերազմիլ հայրենիքի սահմանին:  
Հոն ժողովուրդ մը կ'ապրի բիրտ եւ ըմբոստ,  
հայրենիքի ազատութեան սպառնացող:  
Օն, աղօթենք Երկինքին որ պաշտպանէ  
հայրենիքին իրաւունքներն, ով որդեակ,  
եւ դարձնէ հայրդ հերոս ողջանա՛մ:

ԿԻՄՈՆ

Բայց հայրս ինչո՞ւ գընաց երկիրն այն հեռու,  
պաշտպանելու այս վատ ամբոխն ապիկար,  
մինչ պախուրութեամբ իր կինն սիրուն կը հիւծի:

ԵԻԱ

Վահ, մի դատեր քաջագուն հայրդ, ով տըղաս,  
նըման զաւակին վրայ երկինքէն անէծք կայ:  
Իրաւունքն է լոկ կողակցին սիրական  
իր ամուսնին մեծ քայլերուն վրայ ողբալ,  
զոր թէ շառնէր սակայն, պիտի ամըշնար:  
Հայրդ գործեց ինչպէս մարդու մը պարտքն էր:

ԿԻՄՈՆ

Կը վախնա՞ս, մայր, տըկար ըլլայ եւ պարտուի:

ԵԻԱ

Ո՛չ, ո՛չ, տըղաս, հայրդ է հեթոս, պիտ'յաղթէ.  
բան մը կայ լոկ, որուն համար կը խիթամ,  
ջըկարենայ յաղթել անձին:

ԿԻՄՈՆ

Եւ ի՞նչպէս:

ԵԻԱ

Ձայն մը հըզօր ունի հոգին, փառքի տե՞ջ.  
որ կը նընջէ ստրուկին մէջ ալ կամ անոր  
անձուկ ծիրին մէջ կը ցածնայ ոճիւրի:  
Բայց դիեցած ազատութեան արիւնով  
կը բարձրանայ հերոսութեան քաղքենի:  
Սա է ծընող ամէն գործի վեհապանծ,  
բայց ~~բայց~~ չափազանց թէ զօրանայ, իր մօր դէմ  
կ'ելլէ մինչեւ մէկն իրենցմէ ըսպանալի:  
Եթէ տենչն այս իր հոգւոյն վրայ բըռնանայ,  
եթէ դառնայ հայրենիքի դաւաճան՝  
գինք կ'անիծեմ: Ո՛հ, աղօթենք մենք, որդեակ:

(Կը մտնեն տաճարն զաւիթը, մինչ այս՝ հրապարակին վրայ  
միշտ աւելի բազմութիւն կը հաւաքուի:)  
ԱՄԱՋԻՆԸ ԱՄԲՈՒՅՆ

Մեզ չի հասնիր ըզգայացուցն ոչ մէկ լուր.  
կարծես ոսոխ գըտած չըլլան մեր գունդերն:  
ԵՐԿՐՈՐԴԸ ԱՄԲՈՒՅՆ  
Եւ հոս թըմրած ու քընոտ է ամէն մարդ,  
ծըրագիրներ այեւս ոչ ոք կը հիւսէ,







ՍՊԱՍԱԽՈՐՆԵՐԸ

Լըսէ իրե՞ս:

ՍէՐԸ

Ով կին, ամբիծ սըրտերու

օրհնէքը վրադ:

ՇՆՈՐՀՔՆԵՐԸ

Եւ Շնորհքներու հովանին:

ՍՊԱՍԱԽՈՐՆԵՐԸ

Ահրողիտէ, քեզի կ'երգենք գոհութիւն:

ԱՌԱՋԻՆ ԱՄԲՈՒԱՎԱՐ

Կ'ամբաստանեմ Միլտիադէսն, ով ամբոխ,

թէ Հայրենիքն ան վաճառեց:

ԵՐԿՐՈՐԴ ԱՄԲՈՒԱՎԱՐ

Սոքտ է, սուտ:

Մըտիկ ըրէ՞ք, եթէ յետոյ չէք ուզեր

ամօթալի զըղջալ:

ԱՌԱՋԻՆԸ ԱՄԲՈՒԻՆ

Վա՛ր, վա՛ր, աներես:

(Կը քշեն ամբոխին մէջ:)

ԱՌԱՋԻՆ ԱՄԲՈՒԱՎԱՐ

Ջեռքին մէջն են մեր կըտրիճներն ծաղկատի,

մէկ հարուածով կըրցաւ Լեւոնիսը գրաւել,

Փարոսի քով արդ կը յամէ: Ծախուած է:

ԵՐԿՐՈՐԴ ԱՄԲՈՒԻՆ

Մահ իրեն, մահ:

ԱՌԱՋԻՆ ՔԱՂԱՔԱՅԻ

Հէ՛յ, պողացէ՞ք, կամ թէ ոչ

անմիջապէս կը կորսուիք տունէս դուրս:

(Ջոհը կ'աւարտի, աստուածները կ'աննրբեւութանան:)

ԵԻԱ (Ոտքի ելլելով:)

Երթանք, տեսնենք որդեակ, այս ի՞նչ աղմուկ է:

ԿԻՄՈՆ

Մատնիչ մըն է զոր կը դատեն հոն, մայրիկ:

ԵԻԱ

(Գաւիթի աստիճաններուն վրայ կենալով:)

Երբոր տեսնեմ թէ անօթի ժողովուրդ

մեծեղա՞նք, սիրտս ու հոգիս կը ճմլին:

Թէ լուսաւոր մը ցեխին մէջ տապալի՛

ռամիկը զայն ուրախութեամբ կը դիպէ,

կարծես անով արդարանայ իր կեղտն ալ:

ԵՐԿՐՈՐԴ ԱՄԲՈՒԻՆ

Պողաւ կ'ուզեմ, տէր իմ, ձայնըս խըռպոտ է:

ԵՐԿՐՈՐԴ ՔԱՂԱՔԱՅԻ

Ա՛ռ սա, շուտով կ'զորդըդ լաւ մը օծէ:

ԵՐԿՐՈՐԴ ԱՄԲՈՒԻՆ

Եւ ի՞նչ պողամ:

ԵՐԿՐՈՐԴ ՔԱՂԱՔԱՅԻ

Ուժգին պողա՛, թէ մեռնի՛:

ԱՄԲՈՒԻՆ ՄԷՋԷՆ

Մեռնի՛, մեռնի՛:

ԵԻԱ

Խօսքը որո՞ւ մասին է:

ԵՐԿՐՈՐԴ ԱՄԲՈՒԱՎԱՐ (Իրեն մօտենալով:)

Որո՞ւ մասին, որ գըլխաչափ բարձր է

ընկերներէն ու հանդուրժել չեն կըրնար:

ԵԻԱ

Միլտիադէ՛ս մասին է: — Ով անմահ դիք:

Դուն, ծեր Կրիսպոս, քեզ ամուսինս փըրկած է

Ստրկութենէդ, արդ դո՞ւն ալ մահ կը գոչես:



ԿՐԻՍՊՈՍ

Ներքէ՛ տիկին, բայց երկուքնէս մէկը լուկ  
կըրնայ ապրիլ: Այն որ պոռալ կը ստիպէ՝  
զիս կը պահէ եւ իմ երեք զաւակներս:

ԵԻԱ

Վա՛յ քեզ, Կրիսպոս, ըստորնացած սեւ բախտէդ.  
բայց կը ներեմ՝ թէ անօթի ես իրօք:  
Իսկ դուն, Թերսիտ. եւ դուք ամէնքդ, ամէնքդ ալ,  
որ կը նիրհէք բարիքներու մէջ հանգիստ,  
որովհետեւ այրըս վանեց թըշնամին  
ձեր դըռներէն: — Ապերախտներ ամէնքդ ալ:

ԹԵՐՍԻՏԷՍ

Թէեւ ես շատ, շատ կը ցաւիմ, ո՛վ տիկին.  
բայց ի՞նչ ընեմ, ժողովուրդին ձայնն է սա.  
Իր ըստացուածքն ո՞վ վըտանքի կ'ենթարկէ,  
դիմադրելով ալիքներուն ամեհի:

ԱՌԱՋԻՆ ԱՄԲՈՒԱՎԱՐ

Ժողովուրդին վըճիռն, ահա իմացէ՛ք:

(Արուեսեակ իբր ռազմիկ, զարհուրած դէմքով, վազելով կու գայ:)

ԱՐՈՒՍԵԱԿ

Բօթ կը գուժեմ. դրան առջեւն է թըշնամին:

ԱՌԱՋԻՆ ԱՄԲՈՒԱՎԱՐ

Անկարելի. մեր յաղթական զօրավարն

անոնց դէմ չէ՞:

ԱՐՈՒՍԵԱԿ

Եւ ճիշտ ինքն է թըշնամին:

Թէ ի՞նչ կ'եփի իրեն դէմ հոս, իմացաւ.

արդար ցասումն արթընցաւ իր սըրտին մէջ,

մինչ կը վիճէք հըրով—սըրով կը հասնի:

ԵՐԿՐՈՐԴ ԱՄԲՈՒԱՎԱՐ

Դուք էք պատճառ այս ամէնուն, մատնիչներ:

ԱՄԲՈՒՆ ՄԷՋԷՆ

Անկցի՛ն: — Կեցցէ՛ մեր զօրավարն: — Վա՛յ մեզի:

Ով որ կըրնայ, օն, թող փախչի՞ք — Վերջացանք:

ԱՌԱՋԻՆ ԱՄԲՈՒԱՎԱՐ

Ո՛չ, այլ երթանք խոնարհելու ընդառաջ:

ԵԻԱ

Ով դիք, որքան վիշտ էր ինծի դատաստանն

որով ըզքեզ կորսնցուցի ամուսինս.

ախ, բայց հառն է, շատ աւելի, որ դուն գայն

հաստատեցիր: Թէեւ դարձեալ տուն եկար:

ԱՌԱՋԻՆ ԱՄԲՈՒՆ

Կինը բըռնենք. թէ քաղաքնիս վընասուի՝

թող նա մեռնի զաւակին հետ միասին:

ԵԻԱ

Կը մեռնէի, այր իմ, սիրով քեզ համար,

որ չըհասնէր զաւակիս անէծք հայրենեաց:

ԿԻՄՈՆ

Ինծի համար մի՛ վախնար մայր, կը պահէ

այս սըրբավայր, եկո՛ւր, ամէն վըտաքէ:

(Հալածողներու առջեւէն տաճարին գաւիթը կ'ապաւինին.)

Երկու Ջրանոյշներ վարդէ շղթայ մը կ'իջեցնեն իրենց ~~եւ~~ ~~եւ~~

Ժողովուրդին առջեւ, որ անմիջապէս ետ կ'ընկրկի: Դուրսէն

շեփորի ձայն կը լսուի, ամփոխը ճշալով կը փախչի ասդին ան—

դին: Ջրանոյշները կ'աներեւութանան:)

ԱՐՈՒՍԵԱԿ (Բրթալով ձեռքերը կը շփէ:)

Աղուոր կատակ: Մըտքին համար ինչ լաւ է

ծիծաղիլ հոն՝ ուր սըրտերը կը պատուին:

(Դէպի տաճար դառնալով:)



Զխանգարէր միայն տեսիլն անդադար  
մշտագեղին, յաւերժօրէն նորոգուող:  
Կը մըսիմ ես իր ոլորտին մէջ օտար,  
որ հոլանին ալ ողջախոհ, մեղքն ազնիւ,  
ճակատագիրն իսկ վըսեմ կը դարձընէ  
իր վարդերով եւ համբոյրով պարզունակ:  
Բայց իմ աշխարհս ինչո՞ւ այսքան կ'ուշանայ,  
ցնորքներով սարսափելի, այլանդակ,  
հալածելու անընշային պատրանքն այս  
որ կը կանգնէ ամէն անգամ մարդը, երբ  
իր պայքարին մէջ իյնալու մօտ ըլլայ:  
Պիտի տեսնենք սակայն սարսուռը մահուան,  
երբոր հասնի քիչ տոնէն հոս մեզի,  
այս տաղտկալի ըստուերական խաղերուն  
պիտի չըլլա՞յ արդեօք փակման վարագոյր:<sup>3</sup> (Կը խառնուի  
ամբոխին:)

(Աղամ իբր Միլտիադէս վիրաւորուած կ'առաջնորդուի, զին-  
ուած գանդի մը գլուխը անցած: Ամբոխն ու ամբոխավարները  
առջեւը կ'ելլեն պաղատագին:)

ԱՄԲՈՒԽՆ Մէջէն

Կեանք զօրավար: — Գըթա մեզի, բարերար:  
ԱԴԱՄ

Ի՞նչ մեղք ունիք, որուն համար կ'աղաչէք:  
Իսկ տըկարէն հըզօրը ի՞նչ կը խընդրէ:  
Բայց ո՞չ որդիս կու գայ, ո՞չ կինս ընդառաջ:  
Վընաս, յուսամ, իրենց գըլխուն չէ եկած:  
ԵԻԱ

Ինչո՞ւ կու գաս, թէ կինըդ ալ, Միլտիադ,  
չ'ուրախանար քու գալուստիդ: — Ոհ, որդեակ,  
բըռէ, բըռնէ, կը գըլորի մայրըդ, տե՛ս:  
Լաւ անուն մ'իսկ չես ժառանգեր քու հօրմէդ:  
ԱԴԱՄ

Զեմ հասկընար, ի՞նչ կայ, կինըս կ'անիծէ,  
անդին ամբոխն աղերսագին, կուրծքըս մինչ  
Հայրենիքին համար, ահա կ'արիւնի:  
ԵԻԱ

Բայց Հայրենիքն ու իմ հոգիս աւելի:  
Ինչո՞ւ կու գաս գըլուխն անցած բանակիդ:  
ԱԴԱՄ

Աստիճանիս շուք մը նըման չէ՞ր վայելեր:  
Եկայ, քանի իմ վերքըս խոր չէր թողուր  
որ պաշտօնիս գըլուխ մընամ տակաւին:  
Եկայ, որ զիս ղրկող վըսեմ ամբոխին  
ձեռքերուն մէջ իշխանութիւնս դնելով  
իմ գործերուս մասին իրեն հաշիւ տամ:  
Զինակիցներս, ահա ըզձեզ կ'արձակեմ,  
Արժանի էք ձեր ակութի հանգըստեան:  
Սուրս ալ քեզի, ով Պալլասեան Աթենաս,  
կը նուիրեմ բագինիդ վրայ կախելով:  
(Ինքզինք վեր առաջնորդել կու տայ գաիթի աստիճաններէն:  
Զինուորները կը ցրուին:)

ԵԻԱ (Ամուսինը ողջագուրելով:)

Ախ, Միլտիադ, ազնուական մեծոգի.  
Երջանկագոյն կին մը ո՞ւր կայ ինծմէ դուրս:  
Զաւակըդ, տե՛ս, որքան քեզի է նըման,  
որքան մեծ է, ու գեղեցիկ:  
ԱԴԱՄ

Սիրելիք:

ԿԻՄՈՆ

Քաջ գիտէի հայրըս ինչ որ ալ ընէ՝  
լաւ կ'ընէ միշտ:



七九四

Կամ չցընես զիս, որդեակ.  
Կողակիցին պարտքն է գիտնալ զանիկա:

၆၇၆၆

Դու և նուիրի՝ քու հօրըդ սուրն, ով զառնուի քեզ (Սուրբ Կախելով բազինին վրայ) :  
Դիցուի, այս սուրը յարգի պահպանի  
մինչեւ այն օր՝ որ առնելու զամ քեզմէ :

Եւ մայրը, Թող այս կրկնակի նուէրին  
խոնկը սրփռէ: Պալլաւս, նայէ՛ մեր վըրայ:  
(խոնկ կը սրփռէ:)

ԱՌԱՋԻՆ ԱՄԲՈՒԱՎԱՐ (ԲԵՄԷՆ):

Ձեռք ըսեր թէ մատնիչ է, թէ Դարեհ  
զինքն է գընած, իսկ վերջն այս լուկ կեղծիք մ'է  
եւ ալ չուզեր պատերազմիլ անոր դէմ։  
ԱՄԲՈՒԽՆ ՄԷՋԷՆ

Թող մեռնի ան :

ۛۛۛۛۛۛ

Ի՞նչ, աղմուկ կա՞յ դուրսը հոն:

七九四

Այն Միլտիադ, սոսկալի խօսք կը շըրջի,  
ամբողջն ըզքեզ դարձեալ մանիչ կը կոչէ:

ふくまふ

Ծիծաղական. Կ'ամբաստանեն զիս մատնիչ,  
զիս, որ դարձայ Սարաթոնէն յաղթական:

七九五

Աւարդ, սակայն եղեւ ռաթիւն մ'է տըխուր:  
Դարձիւ նայէ, ինչ նենգ աշխար կը գըտնես:

Ինչո՞ւ բըռնել կը դանդաղիք:

(Ամբոխը տաճարին գաւթին առջեւ կը խուժէ, մէջերնին նաեւ  
Արուսեակ:) 10

七九七

Մի էտիպո,

մի շարժի՜ր այս սըրբավայրէն ապահով։  
Բանակդ ինչո՞ւ ցըրուեցի՜ր դուն, եւ ինչո՞ւ  
մեղքի ուրջն այս կրակի ճառակ չըտուի՜ր։

Լոկ շրջափակ է այս շուկորն արժանի,  
որ կը գզգալ թէ դուռն իրեն տէր ես ծընած,  
եւ գերազանց քան թէ իրենք միասին.  
կը սպաննեն՝ որ չըխոնարհին քու առջեւդ: 4

Կը լըսէ՞ք, ինչ կ'ըսէ կիներ մատնիչին:

ի րաւունքն է կնոջ պաշտպանել ամուսինն,  
 երբ մեղաւոր ազգամ ըլլալ. աւելի  
 երբ իրեն պէս մաքուր մէկն է եւ վրսեմ,  
 իսկ թրշնամին ալլասեալ, ձեզ նրման:

Վրսեմ ամբոխ, ինչո՞ւ այսպէս քամաճել  
կը թողուս քեզ:

ԳՈՒԳԵՆ ԶԻՄՆԱԿ ԿՐ ԽՕՍԻՅ

ԱՌԱՋԻՆ ԲԱՆԱԲԱՌ

Համախոհն է կասկածելի: Պողոսը,  
վատ ոգիներ, կամ անօթի սատկեցէ՞ք:

Մա՛հ իրեն, մա՛հ :







Իսկ դու, ով կին, որ ատենօք ինձ դարպաս  
անապատին մէջ կերտեցիր, — կը թուի —  
եթէ ուզես մայր մը՝ ինչպէս պատուաւոր,  
կըթել որդիս քաղաքացի մը արգոյ,  
յիմարես դու, եւ արժանի ծաղրանքին  
բողանոցի շրպարադէմ պոռնըկին,  
որ միշտ արբշիւ, ինկ համբոյրներ կը տենչայ:  
Հըրճուէ՛, վայլէ՛ եւ ուրացիր սըրբութիւնն:  
Իսկ ինձ պատիժ՝ կ'երթամ ահա կառաւնատ,  
ո՛չ թէ գործած ըլլաով վատ արարքներ,  
այլ զաղափար մը մեծ սըրտիս մէջ կընելուս:  
(Մինչ այս կոճղ մը կը բերեն աստիճաններուն առջեւ, Արուս-  
տեակ քոջը կը կենայ սակը ձեռքին: Ադամ գըլուխը կը խո-  
նարհեցէ:)

ԱՌԱՋԻՆ ԱՄՐՈՒՄԱՎԱՐ

Գըլխատեցէ՛ք: Կեցցէ՛ ուրեմն Հայրենիք:  
ԱՐՈՒՍԵԱԿ ՔԿէս մը փսփսալով:)

Ինչ գեղեցիկ բառի—երթաս, այնպէս չէ՛—  
Կըտրիճ տէր իմ, սարսուռ մը դուն չե՛ս ըզգար  
դժնէտեսիլ մահուան հովէն ցըրտաշուենչ:  
ԾԻԱ

Աղօթքներուս չունկընդրեցիր, ով Պալլաս:  
(Տանարէն, հեզադէմ երիտասարդի մը կերպարանքի տակ,  
Մահուան Ոգին, վար դարցուցած ջահով եւ պսակով, կը մօտենայ  
Ադամին:)

ԱՌԱՄ

Պալլաս լըսեց քեզի: — Երկինքն օրհնէ՛ քեզ:  
Խաղաղութիւն պատեց հոգիս, ով Լուկիա:  
ԱՐՈՒՍԵԱԿ

Անէծք քեզի, ցնորական սին աշխարհ,  
գեղեցկագոյն ըռպէս դարձեալ եղծեցիր:  
ԾԻԱ

Անէծք քեզի, ըստորոգի վատ ամբոխ,  
դաժանօրէն երջանկութեան դուն ղըպար,  
իր թարմ ծաղիկն իսկոյն գետին թափեցաւ:  
Աի քաղցըր չէ ազատութիւնը այնքան  
քեզի, որքան ինձի եղաւ ցաւագին:

#### ԾԱՆՕԹՈՒԹԻՒՆՆԵՐ

- 1 — Փառքի, իշխանութեան տէնչը, ստրուկն ալ ունի, որ երբ  
արթնայ իր մէջ, ռոճագործութեան կը մղէ զինք: Ազատ մար-  
դուն մէջ՝ փառքի տենչը քաղաքական առաքինութեան կը փոխուի  
եւ մեծ ու վսեմ արարքներու կը մղէ մարդը: Բայց եթէ չափազան-  
ցութեան երթայ, իր մօրը, ազատութեան դէմ կ'ելլէ եւ այդ  
կռուին մէջ կամ մարդը կը մեռնի եւ կամ ալ ազատութիւնը,  
այսինքն, մարդը բռնաւոր կը դառնայ:
- 2 — Ափրոդիտէ սիրոյ դիցուհին է. իբր նշան թէ լսած է աղօթքը՝  
իր որդին Սէրը (էրոս — սիրոյ աստուածը) եւ Շնորհքները  
(Քարիթէս — գեղի եւ վայելչութեան դիցուհին) կ'երեւցնէ:
- 3 — Աթուսեակ յունական բնութեան պաշտամունքի մասին կը խօսի,  
որ մարմինն ալ կրօնական պաշտամունքի առարկայ դարձուցած  
էր եւ ճակատագիրն ալ աստուածացուցած: Անհամբեր կը սպա-  
սէ իր աշխարհին, որուն մէջ Ջրանոյշները՝ տգեղ ջատուկնե-  
րու փոխուած են քրիստոնեայ ժողովուրդներու երեւակայութեան  
մէջ: Սակայն ինքզինքը կը մխիթարէ որ Միլիտիադէսի անդորր  
հաւատքը պիտի խախտի մահուան առջեւ:



- 4 - Եւայի համաձայն՝ խուժանը կը սպաննէ զայն՝ զոր իրեն տէր կը զգայ, ապաթէ ոչ բնազդաբար անոր պիտի ենթարկուէր:
- 5 - Ադամ եգիպտոսի տեսարանին մէջ աւելի բարի տէր եղած էր ժողովուրդին, քան հիմա ժողովուրդը իրեն: Սակայն երկու պարագաներուն մէջ ալ անկումի առաջնորդեց ընկերութեան կարգը:
- 6 - Դոժոյս - ~~Հադէս~~ <sup>Հադէս</sup>, յունական կրօնական առասպելներու մէջ այն տեղն է՝ ուր մահէն վերջ հոգիները կ'երթան:
- 7 - Յոյն կրօնական երեւակայութեան համաձայն արուսետագէտները այսպէս կը ներկայացնէին Մահը:

## Ե ՏԵՍԱՐԱՆԻ ԲԱՅԱՏՐՈՒԹԻՒՆԸ

Այս Տեսարանին նպատակն է ցոյց տալ Ադամի նոր գաղափարականին վրիպումը: Ժողովուրդներու պատմութեան մէջ ստէպ կը տեսնենք թէ ծայրահեղ բռնապետութեան կը յաջորդէ ծայրահեղ ռամկավարութիւն մը:

Ռամկավարութիւնը առաջին անգամ իր լաւագոյն ձեւով Աթանէ-քի մէջ կ'երեւի, յաջորդելով ճիշտ բռնապետութեան մը: Ուստի Մատաշ տեսարանը կը փոխադրէ Աթենքի մէջ, որ Կրդէն ռամկավարութեան անկամ շրջանի մէջ կ'երեւի մեզի, որպէս զի աւելի դիւրաւ տեսանելի եւ ըմբռնելի դառնայ նոր գաղափարականի պարտութիւնը: Մատաշ այնպիսի անձ մը կ'ուզէր ընտրել՝ որ պատմութեան քիչ շատ ծանօթ անձ մը լաւ ճանչնայ, ուստի Միլտիադէսը կ'առնէ, գործածելով զինք բանաստեղծական լայն ազատութեամբ:

Պատմութեան մէջ՝ Միլտիադէսի երիտասարդութեան շրջանին Աթենքի մէջ տակաւին բռնապետութիւնը կը տիրէր եւ ինք Միլտիադէսն ալ ոչ թէ ռամկավար գաղափարականներու համար կռուած էր, այլ պարսիկներու դէմ, իր հայրենիքին ազատութեան համար. մանաւանդ թէ Թրակիոյ Բերսոնեսոն քաղաքի բռնաւորը դարձաւ, ու երբ պարսիկներու առջեւէն Աթենք վերադարձաւ, զինքը այդ յանցանքով ամբաստանեցին: Ինք սակայն դիւրաւ կը ցաւ արդարացնել ինքզինքը, ցոյց տալով թէ իր հայրենիքին համար գրաւած էր Բերսոնեսոն քաղաքը: Այնքան վստահութիւն ունեցան վրան՝ որ զինք Մարաթոնի ճակատամարտի զօրավար կարգեցին, ուր ինք փառաւոր յաղթանակ մը տարաւ պարսիկներուն վրայ:

Յաջորդ տարին Փարոս կղզին պատժելու համար, որ պարսիկներու դուռ բացած էր, նաւառորդմիզով մը պաշարեց կղզին: Փարոս-ցիները սակայն քաջութեամբ դիմադրած են եւ ինքն ալ վիրաւորուած ստիպուեցաւ ետ քաշուիլ: Աթենացիները, մոռցած իր մեծ յաղթանակը, իր (հակաբարկորդները զօրացած) դատաստանի կը քաշեն զինք ու մահուան կ'ուզեն դատապարտել: Գիտե՞ք՝ Վիրաւոր Միլտիադէս անկողնով տանիլ կու տայ ինքզինք դատարան. թէեւ մահապատիժէն կ'ազատի, բայց 50 տաղանդի տուգանքի կ'ենթարկեն զինք, զոր չկարենալով վճարել՝ բանտ կը նետուի, ուր իր վէրքին պատճառով կը մեռնի:

Իր գաւազը, Կիմոն, իսկապէս արժանաւոր յաջորդ մը կը դառնայ իրեն, հօրը տուգանքը կը վճարէ եւ հաւատարիմ կը մնայ Աթենքի: Սակայն իր հանդէպ ալ ապերախտ կը գտնուին եւ ստիպու-տանուի եւ մինչեւ իսկ կ'աքսորուի. կը մեռնի պատերազմին մէջ՝ իր հայրենիքին համար կռուելով:

Միլտիադէսի կիներ ոչ թէ Լուկիա կը կոչուէր, այլ Հեքեսիւ-պիլէ, Թրակիացի Թագաւորի մը աղջիկը:



Տ Ե Ս Ա Ր Ա Ն Զ

(Հռոմի մէջ: Բաց գաւիթ մը աստուածներու արձաններով, զարդարուն անօթներով, որոնց մէջ բուրումնաւէտ նիւթեր կը վառին. տեսարանը կը բացուի դէպի Ապոլինեան լեռները: Մէջտեղը պատ-  
րաստ սեղան մը՝ երեք ընկողմնարաններով: Ադամ իբր Սերկիոլոս,  
Արուսեակ իբր Միլոյ եւ Կատուլոս, զովողներ. Եւ իբր Յուլիա,  
Հիպպիա եւ Կլուվիա՝ հոմանուհիներ, մեղկ հագուած, շուայտանք  
կ'ընեն: Ապոլինի մը վրայ սրամարտիկներ կը կռուին, ստուկներ՝  
հրամանի պատրաստ կեցած. սրինգահարներ կը նուագեն: Մայրամուտ.  
ապա գիշեր:)

ԿԱՏՈՒԼՈՍ

Տե՛ս, Սերկիոլ, ո՞րքան ժիր է եւ ճարպիկ  
սըրամարտիկն այս կարմրոակ երիզով,  
գրաւի կու գամ թէ կը յաղթէ այդ միւսին:

ԱԴԱՄ

Ո՛չ, հերակլէս վըկայ:

ԿԱՏՈՒԼՈՍ

Ա՛հ, ի՛նչ հերակլէս,  
աստուածներուն դեռ ո՞վ հաւատք կ'ընծայէ:  
Ըսէ Յուլիա, պիտ' աւելի հաւատամ:

ԱԴԱՄ

Այդպէս ըլլայ:

ԱՐՈՒՍԵԱԿ

Երդումըդ է հաստատում,  
կեղծ աստուծով՝ աստուած մը կեղծ փոխելով:  
Ըսէ սակայն, երդումդ ի՞նչպէս հասկընանք,  
գեղեցկութիւնն անոր, թէ սէրդ իր հանդէպ,  
կամ թէ զանի հաւատարիմ կը կարծես:

ԿԱՏՈՒԼՈՍ

Անցաւոր է գեղը, նոյն իսկ թէ չանցնէր՝  
վաղը պիտի յոգնիս անկէ որ այսօր  
քեզ կը գրաւէ, եւ նորութեան դիւթանքով  
նըւազ գեղով կին մը քեզ պիտ' հրապուրէ:

ԱԴԱՄ

Անկեղծութիւնն իր կ'իմանամ: Ո՞վ, ըսէք,  
կը շըռայլէ իր կնոջ համար աւելի:

ՀԻՊՊԻԱ

Ո՛հ միամիտ, կըրնա՞ն անվերջ գինք գըգուել:  
Թէ կըրնայի՞ք ալ, բայց դուն որ կը տենչաս  
յաւէտ անյազ հաճոյքներուն, գոր ի զուր  
կը փընտռես, զի իւրաքանչիւր կընոջ մէջ՝  
հաճոյքին մէջ մասը միայն կը գըտնես:  
Մինչ մըտային տիպը գեղին, հաճոյքին,  
դիւթանք մ'անհաս աչքիդ առջեւ կը փալփի.  
Եւ ի՞նչ գիտնաս, քըմահաճոյք մը արդեօք,  
կամ անուրջ մ'իսկ, չհրապուրէ քեզմէ գինք  
սրամարտիկի մը մը կաններն ջախջախուած:

ԱԴԱՄ

Ճիշտ է, ճիշտ է. ա՛լ կը բաւէ՛ Հիպպիա:  
Հաճոյքն ինչո՞ւ գերդ Տանտալոս կը քաշէ,<sup>2</sup>  
զօրութիւնն երբ հերակլէսին կը պակսի,  
քանի փոխուիլ ալ չենք կըրնար գերդ Պրոտես:<sup>3</sup>  
Յետ շաթուան տառապանքին գերին տրուա՞լ  
մինչ կը վայլէ ժամ մ'այնպիսի գոր ի զուր  
տէրը կ'ըղձայ: — Կամ թէ խոնջին հաճոյքն է  
ու՛մպ մը շուր լոկ, մինչ մահ անոր՝ որ անյազ  
կը խոյանայ ալիքներուն մէջ անոր:



ԱՐՈՒՍԵԱԿ

Ինչ փառաւոր բարոյական դաս մ'է սա,  
կուրծքերուն վրայ աղջիկներու գեղանի,  
եւ ծաղկազարդ բաժակներով: Գրա՞ւդ ապա:

ԱԴԱՄ

Եթէ շահիս, քուկը ըլլայ Յուլիա:

ԿԱՏՈՒԼՈՍ

Ապա թէ ես կորսընցընե՞մ:

ԱԴԱՄ

Իմս է ձիդ:

ԿԱՏՈՒԼՈՍ

Զորս շաբաթէն կըրնաս առնել, կամ թէ ոչ՝  
նետեւ կու տամ միւռինէսի լճիս մէջ: 4

ԱՐՈՒՍԵԱԿ

Տե՛ս Յուլիա, ձուկն այս համեղ եւ պարարտ.  
կեր, քանի որ ուրիշ մը պիտի գիրցընես:

ՅՅՅՅՅՅ ԵԶԱ

Պիտի չուտե՞ն քեզ ալ որդեր գարշելի:

Ուրախանայ որջը, իսկ թէ չի կըրնար՝

գէթ կըշտացած, լի բերանով քըրքըջայ: (Կը խմէ:)

ԱԴԱՄ (Սրամարտիկին:)

Ինքզինքդ, է՛յ, ուժով պահէ:

ԿԱՏՈՒԼՈՍ

Օ՛ն, քաջ զարկ:

(Կատուլոսի սրամարտիկը կ'իյնայ եւ կեանքին համար պաղա-  
տելով մատը կը բարձրացնէ: Աճամ գթութեան նշան կ'ուզէ տալ,  
բայց Կատուլոս ձեռքը կը բռնէ եւ բռնեցքը սեղմած,  
բութամատը գէպի ստրուկը կը ցցէ:)

Երկաթը քեզ՝ - այլասերած, վատասիրտ:

Շատ ըստրուկներ ունիմ ես դեռ, ազա՛հ չեմ.

ո՞վ այս փոքրիկ եւ ~~կեղծ~~ տեսարանն, *իւրաքանչիւր*

սիրուն տիկնայք, ձեզմէ պիտի խընայէր:

Զէ՞ որ համբոյրն է քաղցրագոյն եւ տենչն ալ

աւելի շերմեքք քիչ մ'արիւն կը թափի:

անը/ (Մինչ այս ախոյեանը կը սպաննէ իր հակառակորդ սրամարտիկը:)

ԱԴԱՄ

Զիդ իմըս, է՛: Եկու՛ր Յուլիա, գըրկէ՛ զիս:

Դիակը դուրս: - Ալ կը բաւէ՛ այսօրուան:

Պարաւորներ, աղուոր խաղ մը սարքեցէ՛ք:

(Դիակը դուրս կը տանին, բեմը պարաւորները կը գրաւեն:)

ԿԱՏՈՒԼՈՍ

Եկուր դուն ալ, իմ Կլուվիաս, չեմ կըրնար

երկար դիտել որ ուրիշներ գըրկուին:

ԱՐՈՒՍԵԱԿ

Զհետեւի՞նք մենք ալ իրենց, չիպպիա.

բայց նախ լըզէ շըրթներդ՝ վրան չըլլայ թոյն:

Լաւ, արդ կըրնանք զըւարճանալ, աղաւնիս:

ԱԴԱՄ

Սիրտըդ ինչո՞ւ այնքան ուժով կը տրոփէ,

Զեմ կըրնար վրան հանգըստանալ, Յուլիա: (Կը փսփոսան:)

ԱՐՈՒՍԵԱԿ

Խենթին նայէ, սըրտի մասին կը խօսի:

ԿԱՏՈՒԼՈՍ

Տես սիրելիս, ես չեմ դըպչիր քու սըրտիդ,

ուզածդ ըրէ, կը բաւէ ես չըգիտնամ,

եւ ինձ ՅՅՅՅՅ համբոյրդ ըլլայ միշտ վառ եւ պատրաստ:

ԿԼՈՒՎԻԱ

Շատ վեհանձն ես, կենացդ ըլլայ այս գինին: (Կը խմէ:)



ԿԱՏՈՒԼՈՍ

Լաւ, Կլուվիա, բայց բազուկներդ փափուկ  
եւ կուրծքըդ գիրգ չը հեռացնես դուն ինծմէ.  
տես, պըսակս ալ գըլուխէս վար սահեցաւ:

(Պարուհիներուն:)

Ըսքան չեւի դարձուածք մ'է սա ձեր խաղին.  
լի հեշտանքի կրակով, կը ցուած հաճոյքին:  
ԿԼՈՒՎԻԱ

Կը ծածկեմ աչքդ, եթէ դուն հոն կը գըտնես  
որուն համար ոգւով չափես կը մըրցիմ.  
անոյշ խօսքի մ'ալ չեղայ ես արժանի:

(Արուսեակը ցուցնելով:)

Լաւագոյն է, նայէ թըթու այդ դէմքին:  
Ի՞նչ պէտք անոր գեղատեսիլ այդ աղջիկ,  
երբոր անկէ օգտուիլ ալ չի կըրնար,  
եւ կը թողու որ մըրափէ. ինքը մինչ  
պաղ աչքերով եւ հեգնական ժպիտով  
կը հետեւի քաղցըր բայց սին բաներու,  
որ կը կազմեն խօսակցութեան բոյրն ու համ:

ԿԱՏՈՒԼՈՍ

Իրօք, նըման դէմք մը ամբողջ մեր խումբին  
աւելնին վրայ պաղ վարագոյր կը ձըգէ:  
Վայրկեաններու կախարդանքին դիմադրողն,  
որ չի թողուր հոգին սուգուիլ յորձանքէն,  
լաւ մարդ մը չէ, թող տուն մընար այնպիսին:  
ՀԻՊՊԻԱ

Ստուգապէս, գրեթէ արդէն կը վախնամ,  
թէ խեղճին մէջ թափանցած է մահը սեւ,  
որ քաղաքնիս կը դարձնէ անպատ:

ԱԴԱՄ

Մեկդի՛ պատկերն այս սըգաւոր: Կրակոտ երգ,  
տեսնենք, ձեզմէ ամենազուրկ ո՞վ գիտէ:

ՀԻՊՊԻԱ (Կ'երգէ:)

Գինւով, սէրով  
պէտք չէ երբեք յագենալ.  
ամէն բաժակ  
տարբեր տարբեր համ ունի:  
Արբեցութիւնն,  
արբեցութիւնը անոյշ  
կ'ոսկեզօծէ քեզ,  
մեր գոյութիւնն անցաւոր,  
ինչպէս արփին՝  
գերեզմաններն աւերակ:  
Գինւով, սէրով  
պէտք չէ երբեք յագենալ.  
ամէն աղջիկ  
դիւթանք մ'ունի այլազան:  
Արբեցութիւնն,  
արբեցութիւնը անոյշ,  
կ'ոսկեզօծէ  
մեր գոյութիւնն անցաւոր,  
ինչպէս արփին՝  
գերեզմաններն աւերակ:

ԿԱՏՈՒԼՈՍ

Շաղ աղուոր: Իսկ դուն ի՞նչ գիտես, Կլուվիա:  
ԿԼՈՒՎԻԱ (Կ'երգէ:)

Ժամանակին աշխարհը շատ յիմար էր.  
երբոր սիրուն ասպետն այցի էր եկեր  
Լուկրետիայի այրիութեան անկողնին,  
հաճոյք չուզեց, հուր չըտուաւ շըրթունքին,



բացած կուրծքով նա հանրատուն չըվազեց,  
այլ պաղ երկաթ ինքնիր սըրտին մէջ մըղեց: 8  
ԱՄԷՆՔԸ

Այսօր աշխարհս իմաստնագոյն է, հըրճուինք.  
երանի՛ մեզ, որ ասոր մէջ մենք կ'ապրինք:  
ԿԼՈՒՎԻԱ

Ժամանակին աշխարհը էր շատ յիմար.  
Բրուտոս չըմնաց ամարանոցն իր պայծառ,  
այլ սուր առած պատերազմի մեկնեցաւ,  
վարձկան մը զերդ. եւ ի՞նչ վախճան ունեցաւ...  
Բարօրութեան համար անարգ ամբօխին՝  
թափեց արիւն ռազմադաշտի երեսին:  
ԱՄԷՆՔԸ

Այսօր աշխարհս իմաստնագոյն է, հըրճուինք.  
երանի՛ մեզ, որ ասոր մէջ մենք կ'ապրինք:  
ՅԱՅՅԱՅՅԱՅ ԿԼՈՒՎԻԱ

Ժամանակին աշխարհը շատ յիմար էր.  
հերոսներու գլուխը ցընորք էր բըռնէր,  
սըրբազան էր՝ որուն վրայ կը ծիծաղինք.  
նըման խենթեր եթէ այսօր գըտնէինք՝  
կ'ըլլային մեր կըրկցսներուն շատ ատակ,  
մեզ տեսարան, գազաններուն ալ ճարակ:  
ԱՄԷՆՔԸ

Այսօր աշխարհս իմաստնագոյն է, հըրճուինք.  
երանի՛ մեզ, որ ասոր մէջ մենք կ'ապրինք:  
ԱՐՈՒՍԵԱԿ

Ախ, Կուլիա, Հիպիաիս յաղթեցիր.  
Ես կ'ուզէի երգիդ ըլլալ հեղինակ:  
ԱԴԱՄ

Ինչո՞ւ տըրտում ես. չե՞ս երգեր, Յուլիա:  
Մեր շուրջ ամենքն ծիծաղկոտ են եւ ուրախ:  
Զե՞ս ախորժիք հանգչիլ արդեօք կուրծքիս վրայ:  
ԵԻԱ

Ոհ, շատ. բայց ինձ ներէ, խընդրեմ, Սերկիոյ,  
երջանկութիւնն քանի կ'ընէ զիս խոհուն,  
կը թուի՛ թէ ժպիտը չէ հարազատ:  
Կը խառնուի շիթ մը վըշտէն անպատում  
մեր քաղցրագոյն ըոպէներուն մէջ անգամ,  
կը զգանք գուցէ՛ թէ այդ ըոպէն ծաղիկ մ'է.  
ուստի խամրող:  
ԱԴԱՄ

Նըման բան մ'ալ ես կը զգամ:  
ԵԻԱ

Երբ մանաւանդ կը լըսեմ երգ ու նըւագ,  
չեմ ունկըդրեր սահմանափակ բառերուն,  
թըրթըռացումն երգին զերդ նաւ կ'որորէ,  
կը զգամ կարծես երազի մէջ ըլլայի՛  
եւ թըռչէի ձայնին վրայէն թըրթըռուն  
անցեալին մէջ հեռունե՛ր, ուր արեւշող  
արմաւներու տակ էի զուարթ, մանկական,  
անմեղ եւ էր հոգւոյս կոչումն մեծ ու վեհ: 10  
Ներէ, դիւթանք մ'է երազի մը յիմար.  
համբոյր մըն ալ քեզի. — ահա կ'աթթըննամ:  
ԱԴԱՄ

Մեկդի՛ նուագ, պարն ալ մեկդի՛. սիրտ կ'առնէ  
յաւերժական այս քաղցրահամ ովկիան:  
Դառնութիւն է զոր կը ցանկայ սիրտըս արդ,  
գինիիս մէջ օշինդըր, խայթ շըրթներուն  
վըրայ կարմիր, վըտաթգ մ'ահեղ գըլխուս վրայ:  
~~Պարապրները կը հեռանան~~



(Պարաւորները կը հեռանան, դուրսէն վայնասուն մը կը  
լսուի:)

Ի՞նչ վայնասուն ուղեղացունց է ասի:  
ԱՐՈՒՍԵԱԿ

Թ՛ Դուրս մէկ քանի խելագարներ կը խաչեն՝  
եղբայրութիւն եւ իրաւունք քարոզող:  
ԿԱՏՈՒԼՈՍ

Արժանի են, ինչու տուն չեն մընացած,  
վայլելով եւ ողջ աշխարհ մոռնալով:  
Ուրիշի գործն ինչո՞ւ զուր տեղ կը խառնեն:  
ԱՐՈՒՍԵԱԿ

Մուրացիկն ալ հարուստն կ'ըղձայ իբր եղբայր,  
փոխէ դերերն՝ ան խաչ պիտի հանէ քեզ:  
ԿԱՏՈՒԼՈՍ

Թըշուառութեան, իշխանութեան վրայ խընդանք,  
եւ ժանտախտին որ քաղաքին կը սպառնայ,  
աստուածներու վըճիռներուն վրայ համայն: (Նոր վայնասուն:  
ԱԴԱՄ (Ինքնիրեն):)

Կը զգամ, կարծես երազի մէջ ըլլայի,  
եւ թըռչէի ձայնին վրայէն թըրթրոուն՝  
անցեալին մէջ հեռուներ, ուր մեծ, վեհ էր  
հոգւոյս կոչումն: — ԶԶԶԶԶԶԶԶԶԶԶԶ Զուլիպ: այսպէս չէ՞  
եհԱ

Այո՛:

(Մինչ այս՝ կը մթնայ: Գաւիթին առջեւէն յուղարկաւորներ  
կ'անցնին՝ սրինգներով, ջահերով եւ լալկան կիներով: Ամբողջ  
խմբակը ժամանակ մը անշարժ, լռութեան մէջ կ'ընկղմի:)  
ԱՐՈՒՍԵԱԿ (Բըքշալով:)

Ուրախութիւնն անհետացաւ, կը տեսնեմ.  
Ժողը հատաւ, գուցէ գինի ալ չըկայ,  
որ մինչեւ իսկ՝ թըթուած դէմքն,, ալ ձանձրանայ:  
Մէկը մեզմէ արդեօք կը զգա՞յ ահուդող,  
կամ թիւրեւս դարձի եկած է յանկարծ:  
ԱԴԱՄ (Բաժակը անոր շարտելով:)

Գընա՛, կորի՛ր, եթէ այդպէս կը կարծես:  
ԱՐՈՒՍԵԱԿ

Լաւ, այն ատեն ձեզի նոր հիւր մը կանչեմ,  
գուցէ դառնայ երիտասարդ խանդն իրմով:

Ե՛յ, ծառաներ, փութանակի ներս բերէ՛ք  
ջահի լոյսով այս կողմերէն ճամբորդողն.

Թող հրամցընենք իրեն բաժակ մը խմիչք:

(Մեռելը բաց դագաղով ներս կը բերեն եւ սեղանին վրայ կը  
դետեղեն: Զուղարկաւորները ետեւ կը մնան: Արուսեակ բաժակը  
կը բարձրացնէ:)

Խըմէ՛ ընկեր, այսօր քեզի, վաղն ինծի:  
ՀԻՊՊԻԱ

Կը նախըտրե՞ս արդեօք համբոյր մը ինծմէ:  
ԱՐՈՒՍԵԱԿ

Գըրկէ՛, գողցի՛ր նուէրն անոր բերանէն: <sup>11</sup>  
ՀԻՊՊԻԱ

Թէ համբուրեմ ըզքեզ, ինչո՞ւ զինքը ոչ:

(Մեռելը կը համբուրէ: Պետրոս Առաքեալ խուսէն առաջ կու գայ:)  
ՊԵՏՐՈՍ ԱՌԱՔԵԱԼ

Կեցի՛ր, կեցի՛ր, ժանտախտը դուն կը ծըծես:

(Ամէնքը սարսափով կը բարձրանան իրենց տեղերէն:)  
ԱՄԷՆԱՐԸ

Ժանտախտը: — Ո՛հ, ԶԶԶԶԶԶԶԶ Ժարսափելի՛. — հեռացէ՛ք:



ՊԵՏՐՈՍ ԱՌԱՔԵԱԼ

Վա՛յ քեզի, ազգ թըշուառական. — վատ սերունդ,  
բախտը մինչեւ ժըպտի քեզի, ճանճ մ'իշպէս  
արեւշողին մէջ հեզնանքով, լըբօրէն  
կը կոխկըռտես բարոյական եւ Աստուած:  
Դրանդ սակայն վըտանգը երբ կը բախէ՝  
եւ Աստուծոյ մատը հըզօր հասնի քեզ,  
անբաբար եւ յուսահատ կը կըծկիս:  
Զե՛ն ըզգար ո՞ր կը ծանրանայ քու վըրադ,  
պատիժ երկնի: Շուրջըդ նայէ՛, աշքըդ բաց,  
քաղաքդ անշէն կը դառնայ եւ ցանքդ ոսկի  
կը կոխկըռտուի ազգէ մ'օտար ու կոպիտ,  
կը քայքայուի կարգը, չըկայ հրամայող,  
ոչ հըպատակ: Սպաննութիւն, գողութիւն  
ազատօրէն կ'երթեւեկին քաղքիդ մէջ,  
իրենց ետին հոգը թողլով եւ սարսափ.  
ոչ օգնութիւն, ոչ գութ երկրէ, երկընքէն:  
Հաճոյքներու արբեցութեամբ չի լըռեր  
այդ կոչը՝ ո՞ր քեզ կը ցընցէ կուծքիդ տակ,  
գուր մըղելով դէպ' լաւագոյն նըպատակ:  
Միայն զըզուանք կ'արթընցընէ, ոչ յագուրդ,  
քու սըրտիդ մէջ հաճոյքը մեղկ, այնպէս չէ՛,  
եւ մըտահոգ շուրջ կը նայիս դողդոջուն,  
գուր ամէն բան, աստուածներուդ քու նախնի  
չես հաւատար, վաղ քար դարձած են անոնք:

(Աստուածներու արձանները կը փշրուին:)

Կը փշրուին եւ նոր աստուած չես գըտներ,  
որ խարամէն բարձրացընէ քեզ դարձեալ:—  
Աչք մը նետէ, քաղաքըդ ո՞վ անապատ  
կը դարձընէ, ժանտախտէն ալ աւելի,  
գերդ ճըգնաւոր վայրաբընակ, լեցնելու  
թեբայիտի անապատներն ընդարձակ,  
հոն փընտռելով զգացումներուն բըթացած  
բան մը գըրգռիչ, որ տակաւին բարձրացնէ:—  
Այլասերած սերունդ, պիտի կորսուիս  
մեծ աշխարհի այս մաքրուող երեսէն:

ՀիՊՊԻԱ (Սեղանին առջեւ թաւալելով:)

Վա՛յ ինծ, վա՛յ ինծ, զհոգուրէի ինչ ցաւեր,  
Տարտարոսի կըրակը եւ պաղ քըրտինք.<sup>13</sup>  
Ժանտախտը, ոչ, ժանտախտը, ահա կը մեռնիմ:  
Ոչ մէկերնիդ կը խնամէ զիս, որ այնքան  
հաճոյքներու մասնակցեցանք միասին:

ԱՐՈՒՍԵԱԿ

Այսօր քեզի, վաղը ինծի, սիրելիս:—

ՀիՊՊԻԱ

Սպաննեցէ՛ք, կամ կ'անիծեմ ամէնքդ ալ:

ՊԵՏՐՈՍ ԱՌԱՔԵԱԼ (Իրեն մօտենալով:)

Մի՛ անիծեր, դուստըր, մանաւանդ ներէ.  
պիտի խնամեմ ըզեքդ ես ու մեծն Աստուած,  
յաւերժական Աստուած սիրոյ անարատ:  
Իրեն դարձիր, եւ այժմ ահա այս ջըրով  
հոգիդ իսկոյն սըրբուած մեղքի խարամէն  
պիտի թըռչի իրեն:

(Կը մկրտէ զինք սեղանէն առաջ ջուրի ամանով մը:)

ՀիՊՊԻԱ

Հայր իմ.— թեթեւցայ: (Կը մեռնի:)

ԿԱՏՈՒԼՈՍ (Ճամբայ ելլելով:)

Ես այսօր իսկ պիտի փըթամ Թեբայիտ:

Ալ զըզուեցայ այս մեղաւոր աշխարհէն:



ԿԼՈՒՎԻԱ

Կեցիր, ես ալ կ'ընկերակցիմ, Կատուկոս: (Կ'ելլեն:)  
ԱՂԱՄ

(Մտախոհ կու գայ տեսարանին առջեւ, եւս իրեն կը հետեւի:)  
Դու դեռ հո՞ս ես, Յուլիա, եւ ի՞նչ կը փրնտոես  
ուր մահն արդէն ուրախութիւնն է սպաննած:

ԵԻԱ

Տեղըս հոն չէ՞ ուր որ դուն ես, Սերկիոյ:  
Եւ ի՞նչ ազնիւ ըզգացումներ կուրծքիս փակ  
պիտի գտած ըլլայիր դուն, ո՛հ, արդեօք,  
ուր անցաւոր հաճոյքներ լոկ փրնտոեցիր:

ԱՂԱՄ

Եւ իմ մէջս ալ, ափսոս, լոկ գայն փրնտոեցի:

Թըշուառաբար եւ փոքրոգի կորսուիլ  
ի գուր կրելով: Թէ կենդանի է Աստուած,  
(Կը ծնրադրէ ձեռքերը երկինք բարձրացնելով:)

Թէ կ'իշխէ եւ խընամք ունի մեր վըրայ,  
նոր ազգ բերէ, նոր գաղափար աշխարհիս.  
գայն խորթ ցեղին ներարկելու նոր արիւն,  
գայս՝ լաւերուն տալ բարձրագոյն ոլորտներ<sup>14</sup>  
սաւառնելու: Ինչ որ մերն էր, մաշեցաւ,  
կը զգամ: - Եւ նոր բան գոյութեան բերելու  
մենք անգօր ենք: Լըսէ՛ մեզի, ով Աստուած:

(Երկինքին մէջ կ'երեւի խաչը լուսապսակով: Լեռներու ետեւ-  
էն հրդեհուած քաղաքներու կարմրութիւնը կը տեսնուի: Գա-  
գաթներէն կիսավայրենի գունդեր կ'իջնեն: Հեռուէն ջերմեռանդն  
շարական մը կը լսուի: <sup>15</sup>)

ԱՐՈՒՍԵԱԿ (Ինքնիրեն:)

Այս տեսիլէն պաղը կ'անցնի կըռնակէս,  
մարտըս սակայն մարդուն դէմ չէ՞ պայքէն:  
Եւ ինչ որ ես չըկըրցայ նա պիտ'ընէ.  
Նըման խաղեր ըստէպ տեսած եմ արդէն:  
Լուսապսակն երբ մըթագնի յամրաբար՝  
կը մընա միշտ փայտը խաչին արիւնուռ: <sup>16</sup>

ՊԵՏՐՈՍ ԱՌԱՔԵԱԼ

Ձայնըդ լքեցց Աստուած: - Նայէ՛ շուրջդ ահա,  
այլասերած երկիրը նոր կը ծընի:  
Որոնք հրդեհ քաղաքներուդ կու տային,  
նըժոյգներով կը կոխէին առաթուր  
ցանքերն անցեալ դարերու եւ իբր Խիոո  
կը գրաւէին ունայնացած տաճարներդ,  
երակներուն մէջ հիւանդոտ, ազազուն,  
աւիշ ահա, եւ թարմ արիւն կը բերեն:  
Կըրկըսին մէջ որոնք կ'երգեն շարական,  
մինչ ամեհի վագրը կուրծքնին կը պատռէ,  
աշխարհացուցնց գաղափարներ կը սըփռեն.  
Եղբայրութիւն, ազատութիւն անհատին:

ԱՂԱՄ

Կը զգամ հոգին ուրիշ բան մ'ալ կը տենչայ,  
ոչ լոկ վայելք սընարներու վրայ ուռած,  
դանդաղօրէն արիւնաքամ ըլլալ, ո՛հ,  
հաճոյք մըն է, որուն չըկայ հանգունակ: <sup>17</sup>

ՊԵՏՐՈՍ ԱՌԱՔԵԱԼ

Փառքն Աստուծոյ, ուրեմն ըլլայ քեզ վախճան,  
եւ աշխատանք: Անհատն ըլլայ թող ազատ  
արժեցընել ինչ որ իր մէջ է թաքուն.  
մէկ օրէնքէն լոկ կաշկանդուած. այն է սէր: <sup>18</sup>

ԱՂԱՄ

Օն ուրեմըն, ոգեւորուիլ, օն մարտի,  
այս նոր ուսման համար: Կերտել նոր աշխարհ,  
որուն լոյսն է ասպետական արութիւն,



քնարեղբորս թիւնն ալ խորանին առնթեց  
տիպը կընոջ գերբնականի բարձրացած:  
(Պետրոսի վրայ յեցած ճամբայ կ'ելլէ:)

ԱՐՈՒՍԵԱԿ

Անկարելին կ'ոգեւորէ քեզ, Ադամ:  
Արժանի է սա այր մարդուն եւ վրսեմ.  
Հաճոյ Տիրոջ, զի կը վարէ դէպ'երկինք,  
բայց դեւին ալ, զի յուսահատ կը թողու: (Իրենց ետե-  
ւէն կ'երթայ:)

### ՄԱՆՕԹՈՒԹԻՒՆՆԵՐ

- 1 - Ընկողմնարան, Հոռոմայեցիներու *lectus* է՝ անկողնի նըման կահ-  
կարասի մը, որուն վրայ բազմականները ճաշի ժամանակ ընկող-  
մանած կ'ուտէին:
- 2 - Տանտալոս՝ Արամազդի զաւակն էր, որ հօր զաղտնիքները յայտնած  
ըլլալուն համար եւ աստուածները խաբած ըլլալուն համար՝ Տար-  
տարոս նետուած էր, իբր պատիժ մինչեւ վիզը ջուրի մէջ, բայց  
միշտ կ'այրէր ծարաւէն, որովհետեւ երբ խըմել ուզէր, ջուրը  
կը փախչէր առջեւէն: Զորս կողմն ալ համեղ պտուղներ եւ կե-  
րակուրներ ունէր, բայց երբ ուտել ուզէր՝ անոնք վեր կը բարձ-  
րանային ու չէր հասնէր անոնց:
- 3 - Պրոտեւս, Պոսիդոնի ենթարկուած ծովային աստուած մըն էր, որ  
ամէն կերպարանք կրնար առնել:
- 4 - Միւռինէս, օձաձուկի նըման համեղ ձուկ մը, շուրջ մէկ, մէկ  
ու կէս մետր երկարութեամբ, մսակեր եւ անյագ. հոռոմայեցի-  
ները յատուկ աւազաններու մէկ կը բուծանէին զանոնք, եւ եր-  
բմի իրենց ստրուկները, պատժելու համար, ողջ ողջ անոնց  
կը նետէին:
- 5 - Յաղթուած սրամարտիկը ցուցամատը բարձրացնելով կը պաղատէր  
որ իր կեանքը խնայուէր: Եթէ կայսրը կամ ժողովուրդը խնա-  
յէին անոր, բռունցքներնին կը բարձրացնէին. իսկ եթէ մեր-  
ժէին խնդրանքը՝ բռունցքներնին սեղմած եւ բռնամատներնին դէ-  
պի վար նշան կ'ընէին:
- 6 - Երկաթը քեզ, կամ Երկաթը ընդունէ՝ *Recipe ferrum*, այս ինքն՝  
է մահուան վճիռն էր, որն է սրամարտիկը թող ընդունի վերջ-  
ջին, մահուան հարուածը:
- 7 - Սեւ մահ - ժանտախտ:
- 8 - Լուկրետիա, Տարկուինոս Կոլլատինոսի այրին էր, որ ինքնասպան  
եղաւ, որովհետեւ Սեկստոս Տարկուինիոս զինքը անպատուեր էր  
բռնաբարելով: Կոլլաթիա եւ ընկերները ~~զի~~ կը ծաղրեն կնոջական  
առաքինութիւնը:
- 9 - Կեսարի որդեգիր, եւ զինքը սպանող Յուլիոս Բրուտոսն է:
- 10 - Եւա կը վերայիշէ Դրախտի երջանկութիւնը: "Սահմանփակ բա-  
ռերը", կը հակադրուին երաժշտութեան. այս ինքն է՝ թէ խօսքը  
նուազ զգացում կրնայ արտայայտել եւ արթնցնել հոգիին մէջ  
քան երաժշտութիւնը:
- 11 - Նուէր - *Obulus*. փոքրիկ արծաթէ դրամ մըն էր զոր հոռոմայեցի-  
ները մեռելին բերանը կը դնէին, որպէս զի Անդի աշխարհի  
նաւավարը, Թարոն, զիրենք ~~փոխարէ~~ Ստիւքս գետին վրայէն: *Lucretia*
- 12 - Զգնաւորները, մանաւանդ քրիստոնէութեան առաջին դարերուն,  
մարդիկ էին որ կը քաշուէին անպատուութեան առանձնութեան մէջ  
եւ մարմիննին կը նեղէին, հոգին սրբացնելու համար:  
Իսկ Թեբայիտ՝ Վերին-Եգիպտոսի մասն է, ուր կը սկսէր անպատու,  
եւ ուր ճգնաւորներէն շատերը կ'ապրէին:
- 13 - Տարտարոս - *Orcus*. Ի համար դրուած, Դժոխք բառը չկրկնելու հա-  
մար հայերէնի մէջ, զոր Հատէսի համար գործածած եմ: Մեռել-  
ներու հոգիներու տեղն էր Անդին աշխարհի մէջ:



- 14 - Զայն, այս ինքն նոր ազգ, նոր ժողովուրդ, որ վերանորոգէ ապականած հոգմէական արիւնը: Զայս, նոր գաղափար, որպէս զի լաւագոն մարդոց գաղափարականները աւելի բարձր նպատակներ ունենան:
- 15 - Աղամի աղօթքը լսելի կ'ըլլայ, ուստի կ'երեւի յուսապսակով խայր, որ աստուածային գաղափարականի նշանն է, քրիստոնէութիւնը. կիսավայրի գունդերը՝ մաքուր մնացած նախնական նոր ժողովուրդներն են, իսկ ջերմեռանդն շարականը՝ մօտեցող կրօնասէր եւ բարեպաշտ ապագայի նշանն է:
- 16 - Արիւնուշտ խայր նշան է մոլեռանդ քրիստոնէութեան, որ ամէն բոնի միջոցներով կ'ուզէ տարածել կրօնքը, քիւ կրօնքի անունով հալածանքներ կը յարուցանէ: Բռնութեան հանդէպ Արուսեակ միշտ համակրանք կը զգայ:
- 17 - Արիւնաքամ ըլլալ դանդաղօրէն զրկանքի եւ նեղութեան կեանքն է Աստուծոյ համար յանձն առնուած: Իսկ հաճոյք բառը Մատթի համար միայն զգայական իմաստով չի գործածուիր, այլ ստէպ ուրախութեան եւ երջանկութեան իմաստով:
- 18 - Անհատին ազատութեան միակ կապանքն է, սէրը, եղբայրսիրութիւնը:
- 19 - Աղամի այս խօսքերով՝ յաջորդ տեսարանին կը կապուինք, որուն մէջ Ասպետական Կարգը հիմնելով, կ'ուզէ քրիստոնէական գաղափարականը իրագործել: Իսկ քերթողութեան կամ բանաստեղծութեան գաղափարականն ալ, հաւատացեալ կրօնասէր կիներ, ինչպէս կը յայտնուի Միշին դարու գրականութեան մէջ:

## 2 ՏԵՍԱՐԱՆԻՆ ԲԱՑԱՏՐՈՒԹԻՒՆԸ

Այս հոգմէական տեսարանին մէջ միակ պատմական անձը Ս. Պետրոս Առաքեալն է: Ինչպէս միշտ, այս տեսարանին մէջ ալ բանաստեղծական ազատութեամբ գործածուած: Հեղինակը ոչ թէ ճիշտ քրիստոնէութեան սկզբնաւորութեան ժամանակին մէջ կը սահմանափակուի, այլ մէկ տեսարանի մէջ կը խտացնէ հոգմէական անկումին ամբողջական շրջանը, մինչեւ բարբարոսներու արշաւանքը, որոնք նոր ժողովուրդը պիտի կազմեն եւ նոր գաղափարականի առաջ տանողները պիտի ըլլան, որն է քրիստոնէական սիրոյ եւ ասպետականութեան գաղափարականը:

Ներկայացուած զեղ եւ բարոյական անկեալ վիճակը, ոչ թէ միայն չափազանցուած չէ, այլ, ինչպէս ծանօթ է, ~~այդ~~ աւելի մեղմ կը ներկայանայ մեր աչքերուն առջեւ: Շիտակ է թէ այդ անկումի ամէնէն գէշ շրջանին ալ կային միշտ բարձր բարոյականով եւ գաղափարականներով հոգմայեցիներ ալ: Սակայն Մատթի նպատակը, ինչպէս տեսանք, ոչ թէ ժամանակաշրջաններ, կամ մաքրողային պատմութիւնը ներկայացնելն է, այլ հոգեբանական յեղաշրջումը, գաղափարականներու ծնունդն ու անկումը, ներկայացուած նիւթապաշտ եւ անհաւատ տեսակէտի տակ, որուն ներկայացուցիչը՝ Արուսեակն է:

Տեսանք՝ թէ ինչպէս փառասիրութեան առաջին գաղափարականը ինկաւ, քանի որ ինքնին սխալ էր, փառասիրութիւնը ինքնին չի կրնար բարձր գաղափարականներու տանիլ, որովհետեւ անոր հասնելու համար՝ անհատը հազարաւորներ պէտք է զոհէ: Ազատութեան գաղափարականը վրիպեցաւ, որովհետեւ ամբողջ ապերախտ է իր ծառայողներու հանդէպ: Հոգեբանական բնական հետեւանք մըն է անտարբերութիւնը եւ ինքզինքը հաճոյքին տալը: Ասոնք սակայն չեն կրնար գոհացնել, եւ ի վերջոյ զգուանք եւ նողկանք կը ծնան ին մարդուն մէջ: Այս անկումէն մարդը չի կրնար կանգնիլ առանց Աստուծոյ օգնութեան, որ կը տեսնուի Պետրոս Առաքեալի հօօր խօսքերուն մէջ:



Այս երեք տեսքերաններով կը փակուի մարդկութեան հին շրջանը, նախաքրիստոնէական շրջանը: Յաջորդներով կը սկսի նոր շրջան մը, նոր գաղափարականներով, որոք աստիճանաբար առաջ կ'երթան, եւ Արուսեակի տուած լոյսին տակ՝ անոնք ալ դատապարտուած անկումի եւ վրիպելու իրենց նպատակէն:



Տ Ե Ս Ա Ր Ա Ն      Է

(Կոստանդինուպոլսոյ մէջ: Հրապարակ մը ուր քանի մը քաղաքացիներ կը դեգերին: Մէջտեղը՝ Պատրիարքին պալատը, աջ կողմը՝ կուսաններու վանք մը, ձախ կողմը՝ պուրակ: Աղամ, իբր Տանկրեթ, ուժեղ, չափահաս մարդ, ուրիշ ասպետներով, Ասիայէն դարձող խաչակիրներու գլուխը անցած, կու գան ծածանող դրօշներով եւ թմբուկներու ձայնով. Արուսեակ՝ իբր ասպարակիր: Երեկոյ, ապա գիշերը:)

ԱՌԱՋԻՆ ԲԱՂԱՔԱՅԻ

Ահա, դարձեալ գունդ մը կու գայ բարբարոս, փախչինք, փակենք դուռ ու դրանդի, թէ չըլլայ որ փափաքնին գայ կողոպտել մեզ նորէն:

ԵՐԿՐՈՐԴ ԲԱՌԱՔԱՅԻ

Կին եւ աղջիկ պահենք, շուիրն այն վայրագ լաւ կը ճանչնայ սերայներու հաճոյքներն:

ԱՌԱՋԻՆ ԲԱՂԱՔԱՅԻ

Մեր կիներն ալ՝ իրաւունքներն յաղթողին:

ԱԴԱՄ

Կեցէ՛ք, ինչո՞ւ մեր առջեւէն կը փախչիք. այս սուրբ նըշանն արդեօք մեր վրայ չէ՞ք տեսներ, որ կը կապէ նոյն վախճանին զերդ եղբայր: -

Մեր հաւատքին լոյսը տարինք Ասիոյ.

կրօնքը սիրոյ, որպէս զի զգան շնորհներն իր

վայրենացած միլիոններ, ուր որ սուրբ

խանձարուրքը մեր հաւատքին կ'օրօրօթուէր:

Արդեօք ձեր մէջ չըբընակի՞ պիտի սէր:

ԱՌԱՋԻՆ ԲԱՂԱՔԱՅԻ

Նըման խօսքեր շատ անգամներ լըսեցինք,

ապա տեսանք մեր տուններուն հըրկիզումն: (Կը ցրուին:)

ԱԴԱՄ (Ասպետներուն:)

Տեսէ՛ք, ահա այս է պըտուղն անէծքին,

երբ բազմութիւն մ'անօրէններ չար մըտքով,

անկոչօրէն, իբր առաջնորդ կը կանգնին՝

ձեռքերնուն մէջ ծածանելով դրօշը սուրբ,

բայց վատօրէն շոյելով կիրքն ամբոխին: -

Ով իմ ասպետ բարեկամներս, մինչեւ որ

պատիւն ու փառք աստուածային, քաջութիւն,

ու կնոջ ըլլան հըզօր պաշտպան՝ մեր սուրբը՝

մենք ենք կոչուած սանձահարել դեւն այս պիղծ,<sup>2</sup>

առաջնորդել հակառակ իր ցանկութեան,

որ միշտ վըսեմ, ազնիւ գործէ անդադար:

ԱՐՈՒՍԵԱԿ

Լաւ կը խօսիս Տանկրեթ, բայց երբ ժողովուրդն

ալ քեզ չուզէ իր առաջնորդն ընդունիլ:

ԱԴԱՄ

Յայդութիւնն ալ հոն է ուր որ ոգին կայ:

Զինքը կ'ընկճեմ:

ԱՐՈՒՍԵԱԿ

Բայց անոր մօտ պիտ'իջնե՞ս,

թէ տեսնեմ որ ինքն ալ ունի այդ ոգին:

ԱԴԱՄ

Ինչո՞ւ իջնել: Աւելի վեհ պիտ'ըլլայ

եթէ զանի մինչեւ ինծի վերցընեմ:

Անօգնական դժուար տեղէն պայքարին

հրաժարելնիս՝ ճիշտ նոյնքան է փոքրագի,

որքան ընկեր նեղմըտութեամբ չընդունիլ,<sup>3</sup>

նախանձելով անոր վարձքի բաժնին վրայ:



ԱՐՈՒՍԵԱԿ

Մեծ գաղափարն, ահա ինչպէս հիւժեցաւ,  
որուն համար մարտիրոսներ կեանք տուին  
կըրկէսին մէջ. սա է ուրեմն անհատին  
ազատագրումն. եղբայրութիւն արտարոց:

ԱԴԱՄ

Զիս մի ծաղրեր: Մի կարծեր վեհ գաղափարն  
ես չըմբռնեմ: Կեանքիս իղձն է անիկա: —  
Կըրնայ եւ թող գործէ՝ ով սուրբ կայծն ունի.  
ով որ մեզի բարձրանալու կը ճգնի՝  
սուրի զարկ մը մեր կարգին մէջ կը դասէ,<sup>4</sup>  
զանձերը բայց պէտք է պահենք մեր կարգին  
խառնակութեան դէմ տակաւին զեռացող:  
Երնէկ թէ գար, ժամը հասնէր, երանի,  
խուժը քանդուէր, զի ամէնքն ալ մաքուր են.  
փըրկութիւննիս այն ատեն պիտ'աւարտի:  
Կասկածէի պիտ' այդ օրուան զալուստին,  
եթէ չըլլար շարժում տուող այդ գործին  
վըսեմական, բարձրեալն Աստուած նոյն ինքնին:<sup>5</sup>  
Թէ մեզ ինչպէս ընդունեցան, տեսաք արդ:  
Որք մընացինք ժըխորին մէջ քաղաքին,  
ահա, պուրակն այն մեզ միայն կը մընայ  
վըրան զարնել, ինչպէս վարժած ենք արդէն  
բանակին մէջ. լաւագոյն օր յուսանք զայ:  
Կը հետեւիմ ձեզ, թալեցէք. ինծ ամէն  
ասպետ հաշիւ մարդոց համար պիտի տայ:  
(Խաչակիրները վըրան կը զարնեն:)

ԱՐՈՒՍԵԱԿ

Ափսոս, շըքեղ գաղափարներդ կըրկին  
համբաւօրոր խընձոր մը քեզ կ'ընծայեն,  
որ կարմիր է դուրսէն, իսկ ներս որդնալից:

ԱԴԱՄ

Ազնուական բանի մ'ալ չե՞ս հաւատար:

ԱՐՈՒՍԵԱԿ

Եւ ի՞նչ օգուտ թէ հաւատամ, ցեղըդ երբ  
չի հաւատար: — Ասպետական կանգնած կարգդ  
ալիքներու մէջ ծովուն զերդ վառ փարոս  
պիտի մարի, ու դառնալով կիսաւեր՝  
պիտ'աւելի վըտանգ դառնայ անվահեր  
ուղեւորին, քան թէ ըլլար միշտ անլոյս:<sup>6</sup>  
Ամէն բան որ կ'ապրի օրհնէք սըփուկով,  
օր մը պիտի մեռնի, հոգին կը մեկնի,  
կը մընայ դին իբրեւ սատակ Քարշելի՝  
որ մահաբեր ժահ կը սըփուէ իր չորս դին  
նոր աշխարհին մէջ որ կ'աճի: Վաղեմի  
ժամանակին փառքերը, տես, թէ ինչպէս  
մեզ կը մընան:

ԱԴԱՄ

Մինչեւ փըլչի կարգերնիս՝  
ուսուժը սուրբ ամբոխին մէջ կը մըտնէ,  
եւ չի մընար ոչ մէկ վըտանգ:

ԱՐՈՒՍԵԱԿ

Սուրբ ուսուժ:—

Սուրբ ուսուժն է ճիշտ ձեր փորձանքն արդարեւ,  
որովհետեւ թէ դիպուածով զայն գըտնէք՝  
այնքան զանի կը դարձընէք, կը սըլընէք,  
կ'անդամատէք ու կը տաշէք, մինչեւ որ  
խելագարիք եւ կամ կապանք դառնայ ձեզ:



Միտքը ճշգրիտ գաղափարներ չի տանիր,  
սակայն դուք ճիշտ գայն կը փընտռէք անդադար.  
Հըպարտ մարդիկ, ձեզի անէծք մ'է ասի:  
Այս սուրը տես, մազ մ'աւելի կամ նուազ  
կըրնայ ըլլալ, էութիւնն իր չի փոխուիր,  
այսպէս կըրնաս շարունակել յաւիտեան.  
Դուր է ճշգրիտ կէտը սահման որ դընէ:  
Ըզգայարանքդ անմիջապէս կը գըտնէ:  
Թէ մեծ չափով փոփոխութիւն կատարուի:  
Զուր տեղը բայց ի՞նչ չարշարուիմ, կը յոգնիմ  
շատ խօսելէն, քիչ մը շուրջըդ ալ նայէ:  
(Քանի մը քաղաքացիներ նորէն կու գան:)

ԱԴԱՄ

Բարեկամներ, շատ յոգնած ենք, կը յուսամ  
զուր քենք փընտռեր ոստանին մէջ քրիստոնեայ  
մեզ օթեան:

ԵՐՐՈՐԴ ԲԱՂԱՔԱՑԻ

Հերձուած ~~մէջ~~ չարագոյն

չե՞ս դուն արդեօք հեթանոսէն, հարցնայս է:  
ԶՈՐՐՈՐԴ ԲԱՂԱՔԱՑԻ

Հոմոուզիոն, հոմոյուզիոն արդեօք դուն  
կը դաւանի՞ս:

ԱԴԱՄ

Զեմ հասկընար ի՞նչ կ'ըսէք:

ԱՐՈՒՍԵԱԿ

Ուշադրութիւն, չարտայայտուիս դուն հիմա:  
ԶՈՐՐՈՐԴ ԲԱՂԱՔԱՑԻ

Կը տատամսի, այլադաւան է ինքն ալ:

ՇԱՏԵՐ

Հեռու, հեռու, մեր տուններուն մէջ փակուինք:

Նըզովք անոնց՝ որ զիրենք հիւր ընդունին: (Կը ցրուին:

(Պատրիարքը արքունի պատուով եւ շքանշանով կու գայ իր  
պալատէն, քրօնաւորներու խումբ մը կը հետեւի իրեն՝ շղթայ-  
ուած հերետիկոսներու ընկերանալով, անոնց ետեւէն զնուորներ  
եւ ժողովուրդ:)

ԱԴԱՄ

Կը զարմանամ: - Բայց ի՞նչ իշխան, ըսէ ինծ,  
կը մօտենայ, այնքան գորոզ ու գըրգռիչ:

ԱՐՈՒՍԵԱԿ

Առաքելոց յաջորդն է ան, Պատրիարք:

ԱԴԱՄ

Իսկ այդ մարդոց շղթայակիր հետեւող  
բոկոտն, աղտոտ ու չարամիտ այդ վոհմակ,  
խոնարհութեան քօղովը կեղծ ծածկուած:

ԱՐՈՒՍԵԱԿ

Միանձներու գունդ, քրիստոնեայ-շընական: 9

ԱԴԱՄ

Զէի տեսած լեռներուս մէջ վաղեմի: 10

ԱՐՈՒՍԵԱԿ

Դեռ կը տեսնես: Բորոտութիւնը գիտես,  
դանդաղօրէն կը տարածուի: Բայց ըզգոյշ,  
որ չանպատուես այդ սուրբ մարդիկ կատարեալ  
եւ անողոք:

ԱԴԱՄ

Սերունդի մը այսպիսի

ի՞նչ սըրբութիւն կըրնայ ըլլալ յատկութիւնն:

ԱՐՈՒՍԵԱԿ

Զարչարանքն ու ամէն բանէ հրաշարում,  
զոր վարդապետդ խաչին վրայէն ըսկըսաւ:



ԱԴԱՄ

Նա համօրէն աշխարհն անով է փրկեած,  
սակայն զԱստուած կը հայհոյեն այս վատերն  
իւր պարզեւներն իբր ապստամբ մերժելով:  
Յիմար է որ մըժեղի դէմ այնպիսի  
զէնք ձեռք կ'առնէ, որ արջու դէմ գործածել  
քաջութիւն է:

ԱՐՈՒՍԵԱԿ

Բայց թէ մըժեղն արջ տեսնեն:—  
Զուներն արդեօք իրաւունք եւ ըզգալով  
իրենք զիրենք հեռոս, ղրկել ղըժոխքի  
կրակը զամէնք՝ որ վայլեքներ կ'ըմբոշխնեն:

ԱԴԱՄ

Թովմասի պէս կը տեսնեմ, չեմ հաւատար:  
Այս ցընորքներն կ'ուզեմ ճանչնալ դէմ առ դէմ:  
(Պատրիարքին ընդառաջ երթալով):  
Հայր, մենք ենք սուրբ գերեզմանին ասպետներ,  
մեր ճամբուն մէջ տաժանելի՝ հանգչելու  
քաղցեցիներդ մեզ ընդունիլ չեն ուզեր:  
Դուն որ ունիս իշխանութիւն, օգնէ՛ մեզ:

ՊԱՏՐԻԱՐԽ

Զընչին բանով զբաղելու ժամանակ  
չունիմ, որդեակ, փառքն Աստուծոյ կը կանչէ  
եւ փրկութիւն հոտիս, պէտք է որ դատեմ  
հեղրձուածողներն, որոնք կ'աճին զերդ որոմ  
թոյն սըփռելով, զոր կը ջընջենք հըրով—սրով  
բայց գեղեն՝ նոր ոյժով մեր վրայ կը ղըրկէ:—  
Բայց եթէ դուք ասպետներն քիչ սուրբ խաչին,  
ինչո՞ւ հեռուն սարակինոս կը փընտռէք.  
Վըտանգաւոր ոսոխն հոս է: Ուրեմն օն,  
անհիտեցէ՛ք զիրենք իրենց որջին մէջ,  
մի՛ խընայէք կընդ, ծերին, մանուկին: 11

ԱԴԱՄ

Զես փափաքիր անմեղներն ալ, անշուշտ, Հայր:  
ՊԱՏՐԻԱՐԽ

Օձն ալ անմեղ է երբ փոքր է, կամ ինկած  
ըլլալ ակոռն թունաւոր, բայց կը խնայե՞ս:

ԱԴԱՄ

Մեղքն ահաւոր ըլլալու է իսկապէս,  
որ գըրգռած է Եկեղեցին գըթառատ  
այսպիսի մեծ սըրմըտութեան:

ՊԱՏՐԻԱՐԽ

Տես, որդեակ,  
սիրողն այն չէ՝ մարմինը որ կը գըզուէ.  
այլ որ հագին կ'առաջնորդէ, մինչեւ իսկ  
սուրի բերնով, կրակի վրայէն, թէ հարկ է,  
ըսողին, թէ խաղաղութիւն չեմ բերեր,  
այլ պատերազմ երկրիս վրայ: Այս մոլարներ  
ուսման մէջ սուրբ Երրորդութեան խորհուրդին՝  
հոմոյուզիոն կը հըռչակեն, մինչ անդին  
եկեղեցին Հոմոուզիոն հաստատեց  
իբր անսըխալ ճըշմարտութիւն հաւատքի:

ԿՐԾՆԱԻՈՐՆԵՐԸ

Մահ իրենց, մահ, խարոյկն արդէն վառուած է:  
ԱԴԱՄ

Բարեկամներ, այդ 3 գիրը թողուցէք,  
գեղեցկագոյն զոհ ձեր կեանքը պիտ'ըլլայ  
մեր մըղելիք հերոսական մարտին մէջ՝  
սուրբ գերեզմանն այլազգներէն փրկելու:



ԱԼԵԽՈՐ ՀԵՐԵՏԻԿՈՍ ՄԸ  
Մեկդի սատան, հոն ուր Աստուած վըճաած է  
պիտի զոհուինք մենք մեր ուղիղ հաւատքին:  
ԿՐՕՆԱԽՈՐ ՄԸ

Լիւրբ, պարծենա՞լ կ'ուզես ուղիղ հաւատքով:  
ԱԼԵԽՈՐ ՀԵՐԶՈՒԱԾՈՂ

Հոիմինիի սիւստո՞ւն եւ ուրիշներ /Ժպտիւ/

մեր կողմը չե՞ն: 12

ԿՐՕՆԱԽՈՐ

Մոլորեցան. բայց գիտե՞ս  
թէ նիկիոյ եւ դեռ ուրիշ սիւստո՞ւններ Ժպտիւ  
ուղղադաւան՝ մեր կողմը միշտ բըռնած են: 13

ԱԼԵԽՈՐ ՀԵՐԵՏԻԿՈՍ

Կողմնակալներ: - Ինչ անպատկառ փորձ մըն է  
մեր դէմ մըրձիլ: Պատասխանէ՛, ո՞ւր ունիք  
մէկ հատ միայն սուրբ վարդապետ մեզ նըման,  
զերդ Արիոս եւ կամ երկու եւսերներ: 14

ԿՐՕՆԱԽՈՐ

Իսկ Աթանա՞ս:

ԱԼԵԽՈՐ ՀԵՐԵՏԻԿՈՍ

Եւ ո՞ւր են ձեր վըկաներն:

ԿՐՕՆԱԽՈՐ

Շատ աւելի բազմաթիւ են ձերինէն:

ԱԼԵԽՈՐ ՀԵՐԵՏԻԿՈՍ

Հիանալի՛ մարտիրոսներ, որ սատան  
ցընորքներով հրապուրած է կորուստի:  
Իրաւ կ'ըսեմ, թէ դուք էք մեծ Բաբելոն,  
պոռնիկն, որու մասին գրած է սուրբ Յովհան,  
որ ջընջուէի պիտի աշխարհի երեսէն:

ԿՐՕՆԱԽՈՐ

Հակաքրիստոս, եօթնագլխեան վիշապն էք,  
որու մասին սուրբ Յովհաննէս կը խօսի:  
Անօրէն ու խարդախ, դեւին զովողներ: 15

ԱԼԵԽՈՐ ՀԵՐԵՏԻԿՈՍ

Աւազակներ, բըղջախոհներ եւ օձեր...

ՊԱՏՐԻԱՐԺ

Տարէք զանոնք. շատ ուշացանք մենք արդէն.  
դէպի խարոյկ, Տիրոջ փառքին համար, օն:

ԱԼԵԽՈՐ ՀԵՐԵՏԻԿՈՍ

Տիրոջ փառքին. շիտակ ըսիր անօրէն.  
զոհը Տիրոջ փառքին համար կը զենուի:  
Դուք էք ուժովն ու կը գործէք համաձայն  
ձեր հաճոյքին, բայց պիտի Աստուծոյ դատէ ձեզ.  
Հաշոււած են ձեր մեղքերուն ժամերն ալ:  
Մեր արիւնէն նոր մարտիկներ պիտի ծնին.  
Քաղաքաւորնիս կ'ապրի եւ բոցն աճեցող՝  
լոյս կը սըփռէ դարերուն վրայ ապագայ:  
Բարեկամներ, օն, դէպի մահ փառաւոր:

ՀԵՐԵՏԻԿՈՍՆԵՐԸ (Խմբովին կ'երգեն):

Աստուած իմ, Աստուած իմ, ինչո՞ւ թողուցիր զիս,  
ինչո՞ւ հեռու մընացիր իմ փրկութենէս ու հեծութենէս:  
Աստուած իմ, օրն ի բուն քեզ կը կանչեմ ու դուն չես  
լսեր ինծի,

ամբողջ գիշերը, եւ մտիկ չես ըներ ինծի:

Մինչդեռ դուն սուրբերուն մէջ կը բնակիս...

(Սաղմոս ԻԱ. 2 - 4):



ԿՅՑՑՑՑՑՑՑՑ

ԿՐՕՆԱԻՈՐՆԵՐԸ (խմբովին կ'ընդհատեն):

Դատէ՛ Տէ՛ր զանոնք որ զիս կը դատեն.  
մարտնչէ՛ անոնց դէմ՝ որոնք դէմս կը մարտնչին:  
Առ զէնք եւ ասպար եւ ելի՛ր ինծի օգնելու:  
Առ նիզակդ ու հալածողներուս ճամբան արգիլէ՛ս...

(Սաղմոս ԼԴ. 1 - 3):

(Մինչ այս՝ Պատրիարքը եւ խումբը կը հեռանան: Քանի մը կ'ընտելան զիրքերով խաչակիրներու մէջ կը խառնուին):

ԱՐՈՒՍԵԱԿ

Ինչո՞ւ ապշած կեցեր ես, ի՞նչ կը սարսիս:  
Ողբերգութիւն կը նըկատես. նըկատէ՛  
զաւեշտ, պիտի զուարճանաս դու անով:

ԱԴԱՄ

Վահ, մի՛ հեգներ: Լոկ Յ զիրի մը համար  
կարելի՞ է դիմել այսքան անձնազոհ  
մահուան: Ի՞նչ է վըսեմն ու վեհ այն ատեն:

ԱՐՈՒՍԵԱԿ

Այն որ գուցէ ուրիշին է ծաղրական:  
Մազ մը միայն այս իմաստներ կը բաժնէ,  
ձայն մը միայն մեր սըրտին մէջ կը վըճռէ,  
եւ ափդ ծածուկ դատաւորն է համակրանքն,  
աստուածացնող կամ հեգնանքով քեզ խաչող:

ԱԴԱՄ

Ինչո՞ւ աչքիս առջեւ ելան այս մեղքերն:  
Վէս գիտութեան մէջ այս պայթար փոթրոգի,  
մահաբեր թոյն ճարտարօրէն յօրինուած  
ամենազեղ եւ հանկուցիչ ծաղիկէն:  
Կը ճանչնայի ես այս ծաղիկն ատենօք,  
արշալոյսին մեր հալածուած հաւատքին.  
զայն փըճացնող մեղաւորն ո՞վ է արդեօք: 16

ԱՐՈՒՍԵԱԿ

Յաղթութիւնն է ինքնին միայն մեղաւոր,  
որ կը բաժնէ, կ'անեցընէ բիւր շահեր:  
Վըտանդն է որ կը միացնէ, ոյժ կու տայ,  
եւ կը ստեղծէ մարտիրոսներ անձնազոհ,  
հերձուածողներն ունին այսօր զանիկա:

ԱԴԱՄ

Թէ շարունակ ձայն մը ծածուկ չըլծծէ՛ր՝  
որ այս դարը նորաստեղծել ես պէտք եմ,  
սուրբս մէկդի կը նետէի քստուգիւ,  
կը դառնայի դարձեալ հիւսիս, հայրենիքս,  
ուր որ դեռ կոյս անտառներու շուքին տակ՝  
շինջ պարզութիւնն ու քաջութիւնն առնական  
կը խիզախեն թոյներուն դէմ այս դարուս:

ԱՐՈՒՍԵԱԿ

Ունայն ձրգտում: Զրկարենաս պիտ'երբեք  
անհատ մը վեր բարձրացընել դարուն դէմ.  
յորձանք մ'է դարն, որ կը տանի կ'ընկըղմէ,  
լոկ լուղորդ մ'է անհատը, ոչ առաջնորդ: -  
Անոնք պիտի կոչուին մեծ՝ որ կ'ըմբռնեն  
ու կը գործեն իրենց դարուն համաձայն,  
զաղափարներ նոր սակայն չեն ծընանիր: 17  
Ոչ աքլորի ձայնէն արփին կը ծագի,  
ան կը կանչէ, զի կը ծագի արշալոյս:  
Ահա անոնք՝ որ շրջալուծ կը փութան  
վըկայական մահուան, ծաղրով բռնաւոր,  
հազիւ քայլ մը իրենց առջեւ կը տեսնեն,  
նոր զաղափարն անոնց մէջէն կը ծագի.  
եւ կը մեռնին անոր համար անվարան,  
ինչ որ իրենց պայազատներն կը ծըծեն  
փողոցներու մըթնոլորտէն անգիտակ: 18



Թողունք սակայն ասոնք. աչք տուր բանակիդ,  
ինչո՞ւ հոն են կրօնաւորներն այն կեղտոտ,  
ի՞նչ առուտուր կ'ընեն եւ ի՞նչ կը ճառեն  
վայրենական շարժումներով խելագար:  
Մըտիկ ընենք:

ԿՐՕՆԱԻՈՐ ՄԸ

(Շուրջը խմբուող խաչակիրներուն):

Առէ՛ք, քաջեր, գընեցէ՛ք,

ապաշաւի գըրքոյկը՝ որ կը լուծէ  
տաքակոյսներն ամէն, որ ձեզ սորվեցնէ՝  
թէ մարդասպան, բըղջախոհն ու սուտ վըկան,  
եկեղեցին կապտող, քանի տաքիներ  
պիտի տանջուին դժոխքին մէջ. կամ ի՞նչպէս  
կըրնայ փըրկուիլ ճոխը տարուան մը պատժէ՞ն  
քսան սուտիով, մինչ աղքատներն երեքով.<sup>19</sup>  
ով այսքան ալ վըճարել է անկարող՝  
խաղաղանի քանի մ'հազար հարուածով:  
Այս թանկագին գիրքը առէ՛ք, գընեցէ՛ք:

ԽԱՅԱԿԻՐՆԵՐ

Հո՛ս տուր, հո՛ս տուր: Մեզի ալ տուր, ով Հայր սուրբ:  
ԱԴԱՄ

Զար փերեղակ, վատթարագոյն գընորդներ:  
Սուրըդ քաշէ եւ պիղծ խուժանն այս ցըրուէ:  
ԱՐՈՒՍԵԱԿ (Շըփոթած):

Այս կրօնաւորն իմ վաղեմի ընկերս է:  
Ես չեմ ատեր նըման աշխարհ. ներէ ինծ:

Եթէ Տիրոջ փառքը աճած է իրօք,

հետը մէկտեղ ես ինքըս ալ աճեցայ:<sup>20</sup>  
Քիչ մը միայն դուն է որ ետ մընացիր:<sup>21</sup>

(Եւա՛ իբր Խսաւրա եւ Հեղինէ, անոր նաժիշտը, ճշաւով կը  
վազեն դէպի Ադամ՝ հետապնդուած քանի մը խաչակիրներէ, որոնք  
սակայն առենին փախուստ կու տան:)

ԵԻԱ (Մարելով):

Օգնէ՛, ասպետ:

ԱԴԱՄ (Գրկելով գինք:)

Ազնիւ տիկէն, արթընցիր:

Ապահով ես հոս, գեղանի աչքըդ բաց:

Ինչ դիւթիչ է: Արդեօք ի՞նչ է պատահած:  
ՀԵՂԻՆԷ

Մենք բընութիւնն ելած էինք վայլելու  
մեր պարտէզի պուրակին մէջ ըստուեթոտ,  
անհոգ նըստած դալարին վրայ հովասուն,  
հետեւելով կ'ունկընդդէինք սոխակին.  
Վայրագ կըրքով երկու աչքեր երբ յանկարծ  
տեսանք փայլիլ թուփերուն մէջ ռստախիտ:  
Մենք սարսափած փախանք. իսկ մեր ետեւէն  
չորս խաչակիր, գըղըրդաւով եւ հեւուն,  
կը հասնէին մեզ գրեթէ, երբ հոս հասանք:

ԱԴԱՄ

Զեմ գիտեր թէ ըղձամ աղդեօք արթըննաս.  
գուցէ լըքես, անըրջային զերդ պատկեր:  
Հոգիանալ մարմին մ'այսքան ալ կըրնայ,  
այսքան ազնիւ, այսքան ըլլալ պաշտելի:—  
ԱՐՈՒՍԵԱԿ

Հոգիացած մարմին: — Պատժել իսկապէս  
ճակատագիրն ալ աւելի չէր կըրնար  
խենթ սիրահարն, քան գործադրել ինչ որ ան  
սիրելիին վըրայ կուտէ խօլաբար:



ԱԴԱՄ

Ինծ կը թուի՝ թէ ատենօք ճանչցայ քեզ, 21  
պատուանդանին առջեւ կեցած Աստուծոյ:

ԱՐՈՒՍԵԱԿ

Կ'աղաչեմ քեզ, որ երբեք զայն չմոռնաս,  
երկու հոգեւով սէրըդ որքան հաճելի՝  
նոյնքան անհամ, տաղտկալի է երրորդին:

ԱԴԱՄ

Ինծ կը նայի... կը ժլպտի... փառք երկընքին:

ԵՒԱ

Փըրկեցիր զիս, ինչպէս ըլլամ շնորհակալ:

ԱԴԱՄ

Խօսքըդ հարուստ վարձատրութիւն չէ՝ արդեօք:

ԱՐՈՒՍԵԱԿ (Հեղինէին):

Այսքան վըտիտ վարձքի ալ չեմ արժանի:

ՀԵՂԻՆԷ

Պարտք մ'ունի՝ մ'քեզ երախտագէտ ըլլալու:

ԱՐՈՒՍԵԱԿ

Ինչ կը կարծես, ասպետը թէ վեհազարմ  
քեզ ալ փըրկեց. ինչ սընափառ մըտածում:

Ասպետն եթէ կոյս օրիորդն ազատէ՝

նաժիշտն ալ իր վահանակիւն կը փըրկէ:

ՀԵՂԻՆԷ

Ինչ շահեցայ: Երախտագէտ թէ ըլլամ՝

հաւասար է վըտանգը թէ ինծ հասնէր.

թէ ապերախտ, նոյն կորուստն ինծ կը սպասէ:

Զէին թուիր հալածողներն ալ տըգեղ:

ԱԴԱՄ

Ո՛ւր կ'ուզես որ առաջնորդեմ, հրամայէ:

ԵՒԱ

Մեր առջեւն է կուսաստանին դուռն, ահա:

ԱԴԱՄ

Կուսաստան. ո՛հ, յոյսը պիտի չըփակէ

սըրտիս առջեւ դուռը անոր, այնպէս չէ՝:

Նըշան մը տուր, որ կապեմ այս խաչիս վրայ,

որ մինչ ասի հրաւիրէ զիս կըռուի դաշտ,

գեղեցկագոյն երազըս ինծ դարձնէ.

ջըձանձրանամ սպասել երկար տարիներ,

եւ վարձքս ինծի ցոյց տայ անոնց աւարտին:

ԵՒԱ

Ժապաւէնս առ:

ԱԴԱՄ

Այս սեւաթո՞յր ժապաւէնն:

Ո՞վ կին, յոյս տուր, յոյս տուր ինծի, ոչ թախիծ:

ԵՒԱ

Նըշանըս է, չեմ կըրնար տալ ուրիշ բան:

Կուսաստանի պատերուն մէջ յոյս չ'աճիր:

ԱԴԱՄ

Բայց ոչ ալ սէր: Եւ հոն ուր որ դուռն կ'ապրիս՝

սէրը ինչպէս չըբընակի, ո՞վ աղջիկ:

Կը տեսնուի տարազէդ, դեռ կուսան չես:

ԵՒԱ

Հարցումներովդ ալ մի տանջեր, կ'աղաչեմ.

քու ցաւիդ հետ նաեւ իմ ցաւս ալ կ'աճի:

ԱՐՈՒՍԵԱԿ

Պիտի ծածկէ՞ պատը քեզ ալ:

ՀԵՂԻՆԷ

Ի հարկէ,

բայց բանալին ծով չէ նետուած տակաւին:



ԱՐՈՒՍԵԱԿ

Մեղք, կընայի ես աղուոր վէպ մը հիւսել  
այս սեւ դէպքէն:

ՀԵՂԻՆԷ

Կորիւր ինծմէ, խաբեբայ:

ԱՐՈՒՍԵԱԿ

Ըսէ ինչո՞ւ: Արդեօք վըսեմ գործ մը չէ՞  
բանալիիդ համար սուգուիլ ծովուն տակ:

ՀԵՂԻՆԷ

Այդ չեմ ուզեր:

ԱՐՈՒՍԵԱԿ

Կ'երթամ ահա, մինչ վիշապն  
անդունդներուն վըրաս ժանիք կը սըրէ:

ՀԵՂԻՆԷ

Ետ դարձիւր, ետ, ախ կը մեռնիմ սարսափէս.—  
պատուհանիս վըրայ կը գըտնես բանալին:

ԱԴԱՄ

Գոնէ անունըդ գիտնամ թէ ի՞նչ կը ցեմ  
աղօթքներուս, վրդ օրհնութիւն խընդրելով,  
ճակատագրիդ սուգին քանի չես թողուր  
որ բաժանորդ ըլլամ ես ալ քեզի հետ:

ԵԻԱ

Իսաւրա է: Իսկ քուկդ, ասպետ, զի աղօթք  
յարմարագոյն է վանական կուսանին:

ԱԴԱՄ

Ես Տանկրեդ եմ:

ԵԻԱ

Տանկրեդ, Աստուած հետդ ըլլալ:

ԱԴԱՄ

Իսաւրա, ոհ, մի թողուր զիս այսքան շուտ,  
ապա թէ ոչ պիտ'անիծեմ անունս, որ  
հրաժեշտ տալով առջի անգամ հընչեցիր:  
Իբր երազ մ'ալ շատ կարճ եղաւ այս ըռպէն.  
Ի՞նչպէս պիտի շարունակեմ, քանի դուն  
ինծ առջիծուած պիտի մընաս առյաւէտ.  
Եւ անկարող պիտ'ըլլամ զայն զարդարել  
ճակատագրիդ ոսկի թելով թանկագին:

ԵԻԱ

Գիտցիր ուրեմն կեանքիս վէպն ալ: Հայրըս ալ  
ասպետ էր սուրբ Գերեզմանին, գիշեր մ'երբ  
վայրագ ոսոխն անակընկալ իր վըրայ  
յարձակեցաւ հըրով—սըրով, գոռալով.  
Քըրկուլեան յոյս ալ չըմընաց, հայրըս երբ  
սուրբ ուխտ ըրաւ Աստուածամօր, որ անոր  
պիտի ձօնէր զիս՝ տակաւին երախայ:  
Վերադարձաւ, եւ իր ուխտին կատարման  
հաղորդ առի:

ԱԴԱՄ

Ով Սըրբուհի եւ Կոյս Մայր,  
դու մարմնացած անարատ սէր, այդ ուխտէն  
արդեօք երես չըդարձուցի՞ր վիրաւոր,  
որ մեղքի դրոշմ կը խորանէր սըրբութեանդ,  
անէծքներու փոխելով շնորհն երկընքի... 22

ՀԵՂԻՆԷ

Զե՞ս փափաքիր կեանքըս դուն ալ իմանալ:

ԱՐՈՒՍԵԱԿ

Արդէն գիտեմ. սիրեցիր ու խաբուեցար,  
եւ սիրեցիր նորէն, բայց դուն խաբեցիր:  
սէր մը դարձեալ. — բայց ասպետիդ ձանձրացար,  
սիրտդ դատարկ՝ նոր բընակիչ կը սպասէ:



ՀԵՂԻՆԷ

Տարօրինակ: Հետըդ արդեօք դե՞ւ մը կայ:  
Այնքան համեստ սակայն չէի կարծեր քեզ՝  
որ ներկայիս սիրտըս դատարկ համարիս:

ԱՐՈՒՍԵԱԿ (Աղամիսն:)

Փռւթա՛, տէր իմ, դուն չես կընար հրաժարիլ.  
յաղթանակս ե՞կ սանձահարել չեմ կըրնար:

ԱԴԱՄ

Սըրտիս խայթոց են խօսքերըդ, Իսաւրա:  
Թոյնը գոնէ մէկ համբոյրով քաղցրացուր:

ԵՒԱ

Ուխտըս գիտես, ասպետ, եւ դեռ ի՞նչ կ'ուզես:

ԱԴԱՄ

Արգիլուած չէ գուցէ որ ես սիրեմ քեզ:

ԵՒԱ

Երջանիկ ես: Բայց ես ի՞նչպէս մոռնամ քեզ:

Տանկերդ, կ'երթամ, ոյժըս պիտի նըւաղի:

Հետըդ Աստուած: Երկինք պիտի տեսնեմ քեզ:

ԱԴԱՄ

Աստուած քեզ հետ: Ինձ հետ ալ յուշն այսօրուան:

(Եւ վառք կը մտնէ:)

ՀԵՂԻՆԷ (Մեկուսի:)

Ախ վատասիրտ, ամէն բան ե՞ս պիտ' ընեմ:

(Բարձրաձայն:)

Պատուհանիս վրան, ծովը չէ բանալին: (Եւայի կը հետեւի:)

ԱԴԱՄ (Ինքզինք գտնելով:)

Սենք ալ երթանք:

ԱՐՈՒՍԵԱԿ

Արդէն ուշ է, վերջացաւ:

Սերունդըդ, տես, ինչ յիմար է. կինը երբ

կը նըկատէ անասնական ցանկութեան

գործիք մը լոկ, եւ բիրտ ձեռքով կը խըլէ

անոր դէմքէն բեղնափոշին քերթուածին,

գեղեցկագոյն ծաղիկներէն իր սիրոյն

մընալով գուրկ. — կամ իբր աստուած զետեղած

խորանին վրայ, անոր համար կ'արիւնի

սին պայքարով, մինչ կը թօշի ամլօրէն

իր համբոյրն ալ: — Ինչո՞ւ զանի իբրեւ կին

չի նըկատեր ու չի յարգեր իսկապէս

շրջանակին եւ կոչման մէջ կնոջական:

(Մինչ այս՝ բոլորովին կը մթննայ, լուսինը կ'ելլէ: Իսաւրա

եւ Հեղինէ պատուհանին առջեւ կեցած են:)

ԵՒԱ

Ինչ ջերմ իդձով կը նայեր ինձ, կը դողար,

ախ, կը դողար հերոս ասպետն իմ առջեւ,

բայց կնոջական համեստութիւնս ու հաւատք

կը հրամայեն՝ որ ճենճերիմ զերդ սուրբ զոհ:

ՀԵՂԻՆԷ

Զարմանալի, ինչ յիմար է սերունդնիս.

թէ կանխակալ կարծիքին կապը խըզէ՝

կը դիմէ զերդ զազան վայրի հաճոյքին,

մեկդի նետած պատուի զգացումն երեսէն՝

արհամարհուած կը թաւալի տիղմին մէջ:

Թէ չըխըզէ, ինքնիր շուքէն կը դողայ,

հրմայքը մինչ կը թառամի ամլօրէն,

ուրիշն, ինքզինք հաճոյքներէն զըրկելով: —

Ինչո՞ւ միջին ճամբէն չ'երթար: Կամ արդեօք

ՊԵՏԵՏԵՏԵՏԵՏԵՏ փոքր արկած մը, կամ աղերս մը թեթեւ

վընաս մ'ուռնի՞. խելքըս ասոր չի հասնիր:

Զէ՞ որ կինն ալ լոկ հոգեկան էակ չէ:



ԵՒԱ

Դուրս նայէ՛, դե՞ռ հո՞ս կեցած է, Հեղինէ:  
Ի՞նչպէս այսքան դիւրաւ պիտի հեռանար:  
Ախ, անգամ մ'ալ ձայնը գոնէ լըսէի:

ԱԴԱՄ (Արուսեակին):

Ակնարկ մը տո՛ւր, պատուհանին առջեւ չէ՞.  
աչք մը պիտի չըտա՞ր արդեօք ետեւէս:  
Դէմքը գընդու՛շ, ախ, անգամ մ'ալ տեսնէի, -  
Իսաւրա, ո՛հ, մի նեղուիր որ դեռ հոս եմ:

ԵՒԱ

Երկուքնուս ալ լաւագոյն է չըլլալիդ:  
Սիրտը փըրցուած դիւրաւ դարձեալ կը ձուլուի,  
եւ նորէն ցաւ կը պատճառէ՝ թէ խղզենք:

ԱԴԱՄ

Զե՞ս վախնար այս լուռ գիշերուան նայելու,  
որ զերդ հըսկայ սիրտ մը սիրով կը տրոփէ,  
ուր սիրել, ո՛հ, արգիւնած է լոկ մեզի...:  
Զե՞ս վախնար որ իր դիւթանքը քեզ գրաւէ:

ԵՒԱ

Մէջս ալ կ'ապրի սա՛ զերդ երազ մ'անցաւոր,  
որ երկընքէն ընկերացաւ գուցէ ինծ.  
կը սըփուուի երգ մը անոյշ օդին մէջ  
եւ կը տեսնեմ հազար ժըպտուն Անոյշներ  
սաղարդին մէջ, եղբայրական հաքբոյրով,  
ալ չեն խօսիր մեզի անոնք, ո՛հ Տանկերդ: 23

ԱԴԱՄ

Ինչո՞ւ, միթէ այս փփփ խարխուլ պատն արգելք մ'է  
ինծ որ այնքան այլազգներէն տուրք առի,  
անցնիլ պիտի չըկարենա՞մ այս խրամէն:

ԱՐՈՒՍԵԱԿ

Ո՛հ, վասընզի դարուն Ոգին կը պահէ,  
եւ ան քեզմէ զօրաւոր է:

ԱԴԱՄ

Ո՞վ կ'ըսէ:

(Հեռուէն խարոյկի մը լոյսը կը վառի):

ՀԵՐԵՏԻԿՈՍՆԵՐ (Խմբովին կ'երգեն հեռուէն):

Փրկէ անձս սուրէն, եւ շուներու ձեռքէն միամօրութիւնս:  
Փրկէ զիս առիւծի բերնէն, եւ միեղջերուի եղջիւրէն

զիս ազատէ:

Պիտի հռչակեմ անունդ եղբայրներուս մէջ, եւ ժողովուրդ-  
ներու մէջ պիտի օրհնեմ քեզ:

(Սաղմոս ԻԱ. 21 - 23):

ԵՒԱ

Աստուած, գըթա՛հ հոգիներուն մեղաւոր:

ԱԴԱՄ (Սարսափած):

Սոսկալի՛ երգ:

ԱՐՈՒՍԵԱԿ

Զեր հարսնիքի երգն է դա:

ԱԴԱՄ

Ինչ ալ ըլլայ, ես չեմ վախնար. քեզ համար  
ամէն բանի գէ՛մ ես պիտի խիզախեմ:

ԿՐՕՆԱԻՈՐՆԵՐ (Հեռուէն՝ Խմբովին կ'երգեն):

Ամօթ եւ նախատինք պիտի հագուին անոնք որ վրաս կը մեծա-  
բանէին:

Պիտի ցնծան եւ պիտի ուրախանան անոնք որ իմ արդարութիւնս  
կ'ուզեն:

Եւ պիտի ըսեն միշտ. Օրհնեալ է Տէ՛ր, որ իր ծառային խա-  
խարութիւնը կ'ուզէ:

(Սաղմոս ԼԴ. 26 - 28):



(Վերի երգը սկսելու է Ադամ, որ մենաստանին դրան մօտեցած էր, նորէն կը կենայ. աշտարակին վրայէն բու մը կը ճշայ, օդէն շատուկներ կը թռչտին, եւ դրան առջեւ կ'մախք մը կը բարձրանայ գետնէն, եւ սպառնագին կը կանգնի Ադամի առջեւ:)

Եղի (Պատուհանը ուժգին գոցելով:)  
Տէ՛ր, ողորմէ՛:

ԿՄԱԽՔ

Հեռու օրհնեալ այս տունէն:

ԱԴԱՄ

Ո՞վ ես, ուրու:

ԿՄԱԽՔ

Ես այն եմ որ պիտ'ըլլամ  
համբոյրներուդ, զըզուանքներուդ մէջ բոլոր:

ՋԱՏՈՒԿՆԵՐԸ (Քրքջալով:)

Դառն պըտուդ քաղցըր ցանքէն,

օձեր թըխսուած աղանիէն:

Եկ, իսաւրա, քեզ կը կանչենք:

ԱԴԱՄ

Ինչ երեսներ, դո՞ւք փոխուեցաք թէ ինքս ես:

Կը ճանչնայի ձեզ երբ ժըպիտ ունեիք:

Ո՞րն է իրաւ, ո՞րն է երազ հոս հիմա:—

Ձեր դիւթանքէն բազուկս ահա կը թուլնայ:

ԱՐՈՒՍԵԱԿ

Դէպքը ինչ լաւ ընկերութիւն ինձ բերաւ:

Շատոնց է որ կը սպասէի այս բախտին.

գունդը համեստ շատուկներու այս սիրուն,

որոնք սակայն լըբութեան մէջ կը զըլեն

Ջրանոյշներն մերկանդամ. մահն ահարկու,

իմ ալեւոր գինակիցս, որ այս երկրի

զաւակներու կը դարձնէ զըզուելի

պարկեշտութիւնն, պատկերն Կարոյ խաթարած:

Ողջոյն ձեզի: Մեղք որ չունիմ ժամանակ

շաղփաղփելով ձեզ հետ գիշերն անցնելու:

(Տեսիլները կ'աներեւութանան:)

Սէրըդ, Տանկրեդ, տէս, պատուհանը գոցեց.

ի՞նչ կը կենանք հոս մենք այս աղբ գիշերով.

հովը ցուրտ է, լոկ յօդացաւ կը շահիս:

Եթէ յանկարծ Հեղինէ գայ, ի՞նչ ընեմ,

սիրաբանե՞լ պիտի սկսի սատանան.

ան յաւիտեան ծիծաղելի կը դառնայ,

մեկդի նետած իշխանութիւնն ինքնիրեն:

Ջարմանալի, մարդը կուրծքով բոցավառ

հետամուտ է անձկոտ սիրոյ ետեւէն

ցաւ հընձելով միայն. իսկ դեւն անըզգայ՝

հազիւ կըրնայ պըրծի՞լ անկէ ատենին:

ԱԴԱՄ

Առաջնորդէ՛ նոր գոյութեան, Արուսեակ.

գաղափարի մը համար սուրբ մարտ տուի,

անէծք զըտայ նեղմըտութեան մէջ ճըղճիմ:

Մարդ կը զոհեն փառքին համար Աստուծոյ.

մարդն էր տըհաս գաղափարիս կատարման:

Իդէս էր ընել գաղափարնիս վեհագոյն,

վայելքին վրայ մեղքի կընիք դրոշմեցին,

ասպետական կարգ հիմնեցի, սըրտիս մէջ

սա մըղեց թուր: — Հեռու ասկից, նոր աշխարհ,

ես բաւարար ցոյց տուի թէ ինչ կ'արժեմ,

թէ գիտէի պայքարիլ ու հրաժարիլ.

կըրնամ թողուլ տեղըս առանց ամօթի:



Այլեւս զիս չոգեւորէ ոչ մէկ բան,  
աշխարհը թող ուզածին պէս թաւալի,  
ալ չեմ շըտկեր անիւներն իր խանգարուած,  
եւ անտարբեր պիտի դիտեմ իր անկումն:  
Ալ յոգնեցայ եւ կը ցանկամ արդ հանգչիլ:  
ԱՐՈՒՍԵԱԿ

Հանգչէ՛ ուրեմն: Բայց չեմ կարծեր թէ հոգիդ,  
այդ անհանգիստ ոյժը, թողու քեզ հանգչիլ:  
Ադամ, Ադամ, ցկուն լինծի հետեւէ:

### ԾԱՆՕԹՈՒԹԻՒՆՆԵՐ

- 1 - Թուրք սուլտաններու պալատները:
- 2 - Պիղծ Դեւը՝ անօրէն եւ չար մարդոց կիրքերն են:
- 3 - Ասպետական կարգը իր բարոյական գաղափարականին կ'ուզէր բարձրացնել ժողովուրդը: Ճշմարիտ ասպետը առանձին ալ կը պայքարի այդ գաղափարականին համար եւ եթէ ընկեր գտնէ անոր հետ կը բաժնէ յաջողութեան փառքը (վարձքին բաժինը):
- 4 - Ով որ ասպետական կարգին մէջ կ'ընդունուէր, իբր ընդունելութեան նշան՝ ուսին սուրով հարուած մը կու տային:
- 5 - Ասպետներու նպատակն էր քրիստոնէական գաղափարականին տարածումը ու պահպանումը, եւ զանոնք միայն կ'ընդունէին՝ որոնք հաւատարիմ կը մնային անոր: Երբ ամէնքը հաւատարիմ ըլլան այդ գաղափարականին, այլեւս հարկ պիտի չըլլայ ասպետական կարգին, ժողովուրդը անկէ բաժնող պատը պիտի տապալի:
- 6 - Ժամանակով ասպետականութիւնն ալ պիտի ապականի, եւ այն ատեն աւելի վնասակար պիտի դառնայ (իւր գայթակղութիւններով ինչպէս կործանած փարոս մը, որ լոյս տալու տեղ՝ վտանգ կը ներկայացնէ նաւաստիներուն: Փարոս՝ Աղեքսանդրիոյ մօտ կղզի մըն էր, որուն վրայ բարձր աշտարակ մը կառուցուած էր (աշխարհի եօթը հրաշալիքներէն մէկը), ուր գիշեր ժամանակ լոյս կը վառէին, նաւերուն ճամբան ցոյց տալու համար. ասկից առած են բոլոր փարոսները իրենց անունը:
- 7 - Սուրը աւելի երկար կամ կարճ կ'ընայ ըլլալ, սուր ըլլալէ չի դադրիր. երբ կ'ընանք զայն սուր կոչել կամ չկոչել, ճիշտ չափերով չէ կարելի սահմանել. բայց ողջմտութիւնը զայն կը զանազանէ:
- 8 - Հոմոգուգիոն - համագոյակից, նոյն գոյութիւն ունեցող, Հոմոյուգիոն - նմանագոյակից: Այս վէճը Արիոսի անունին հետ կապուած է: Իւր վարդապետութիւնն էր թէ Որդին Աստուծոյ, Բրիստոս, ի յաւիտենից չէր, եւ նոյն գոյութիւն չունի Հօր Աստուծոյ հետ, այլ միայն նման գոյութիւն: Որով ճշմարիտ Որդի Աստուծոյ չէ, այլ իր սրբութեամբ անոր բարձրացած. Աստուած զինք իբր որդի ընդունած է: Նիկիոյ ժողովին մէջ ~~ժողովին մէջ~~ դատաւարտուեցաւ Արիոսի վարդապետութիւնը. սակայն ատկից վերջն ալ դեռ դարեր գոյատեւեց իւր վարդապետութիւնը, Ասորիներու, Գոթերու եւ Լոմպարտացիներու քով:
- 9 - Շնականները հին իմաստասէրներ էին, որոնց մէջ համբաււոր էր Դիոգինէս, որոնք հոգեկան եւ մարմնական սակաւապիտուութեան մէջ կը դասէին երջանկութիւնը:
- 10 - Տանկրէտ իւր մօր կողմէն նորմանտացի ասպետի մը թոռն էր:
- 11 - Պատրիարքը մուլեռանդութենէ մղուած կը խօսի. հերձուածողներու բնաշնչումը աւելի կարեւոր է քան խաչակրութեան նպատակը: Միջին դարուն մահմետականները սարակիւնոս կը կոչուէին. այսօր միայն Ահրիկէի սեւամորթները:



- 12 - Հռիփնիի ժողովը (360) արիանոսներու կողմն էր: Հռիփնի կը գտնուի հիւսիսային իտալիոյ մէջ:
- 13 - Նիկիոյ ժողովը (325) իբր հաւատքի վարդապետութիւն հռչակած է Համագոյակից - Հոմոուզիոն-ի վարդապետութիւնը: Նիկիա՝ փոքրիկ քաղաք մըն է փոքր Ասիոյ մէջ, այսօրուան Իզնիք, համանուն լիճի ափին: 56
- 14 - Արիոս ծնածէ՛ւիբիա, շուրջ 288-ի ատենները եւ մեռած Պոլիս, 336-ին: Եւսեբիոս Կեսարացի (265 - 340) Նիկիոյ ժողովին մէջ արիանոսներու եւ ուղղադաւաններու միջնորդն էր. ժողովին մէջ սակայն ուղղադաւաններու վարդապետութիւնը ստորագրած է: Եւսեբիոս Նիկոմիդիոյ (Իզմիտ-ի) եպիսկոպոս էր եւ արիանոսներու ջատագով եւ հաւատարիմ, մեռած 342-ին: Աթանաս Աղեքսանդրիոյ եպիսկոպոս՝ (295 - 373) Նիկիոյ ժողովին մէջ Արիոսի հակառակորդներուն գլուխն էր եւ շերմագոյն պաշտպան Համագոյակցութեան վարդապետութեան:
- 15 - Ս. Յովհաննէս Աւետարանչի Յայտնութեան Գրքին մէջ է որ կը խօսուի Հակաքրիստոսի, Եօթնագլխեան վիշապի, Սատանայի, Բաբելոնի... եւն մասին:
- 16 - Ադամ մեղաւոր կը կոչէ այն կրօնական վէճերը՝ որոնք իրարու դէմ կը թշնամացնեն մարդիկ, եւ զիրար ատել ու հալածել կու տան: Բրիստոնէական հաւատքը իր ծագումի շրջանին ոյժ եւ աթիւթիւն կը ներշնչէր հալածուող քրիստոնէաներուն, դիմանալու մարտիրոսութեան: Հաւատքի այս ծաղիկէն հիմա թթոյն կը ջամբեն ուրիշներ, ատելութիւնը գրգռելով:
- 17 - Մեծ մարդոց մէջ դարուն մտայնութիւնն է որ կ'արտայայտուի, իրենք միայն իրագործողներն են, բայց իրենք չէ որ կը յղանան զանոնք:
- 18 - Հեղինակը կ'ակնարկէ բողոքականութեան, որոնք բաժնուած ըլլալով հանդերձ եկեղեցիէն, այլ եւս չեն հալածուիր:
- 19 - Սուրբ իտալական դրամ մըն է:
- 20 - Այս կրօնաւորները եկեղեցական զեղծարարներու ներկայացուցիչներն են, որով Արուսեակի բարեկամներ, որովհետեւ աւելի վնաս կը հասցնեն քան օգուտ: Արուսեակի համաձայն՝ Տիրոջ փառքը աճած է կրօնական կեանքի եռանդով, բայց նաեւ Արուսեակի փառքն ալ աճած է զեղծումներու բազմանալովը:
- 21 - Ադամ, յաւիտենական մարդը, կը ճանչնայ Եւան, յաւիտենական կինը, որ իր ընկերն է արդէն Դրախտին մէջ:
- 22 - Ադամի համաձայն՝ եթէ Ս. Կոյսը ազատած էր Իսաւրայի հայրը, եւ սա երախտագիտութեան համար իր աղջիկը կը ստիպէ վանք մտնել, կուսութեան ուխտը յանձն առնել, որով Ս. Աստուածածնի առաքինութիւնը իր աղջկան վրայ բռնադատելով, անարդար գտնուած է, որով յանցաւոր կերպով երկնքի օրհնութիւնը իր աղջկան համար անէծքի կը փոխէ:
- 23 - Եւայի երեւակայութեան մէջ Յունական Անոյշները կ'երեւին, որոնք հին ատեն մարդոց բարեկամներ էին, այսօր սակայն իրենց հանդէպ համր կը մնան:



Է ՏԵՍԱՐԱՆԻՆ ԱՅՑԱՏՐՈՒԹԻՒՆԸ

Աղամ դարձեալ յուսախար կը մնայ: Սուրբ գաղափարականներու համար կը պայքարէր, բայց մարդիկ անէծքի փոխեցին զայն: Քրիստոնէութիւնը եղբայրութիւն եւ սէր խոստացած էր, իսկ մարդիկ Քրիստոսի անունով զիրար կը հալածեն, զիրար կը սպաննեն: Ասպետութիւնը՝ որ նպատակ ունէր մարդիկը բարձրացնել, ապականծ է, փառամոլ, հաճոյասէր, վատ հակումներով: Ծնողքը իրենց զաւակները, իրենց շահուն համար, բռնի կրօնաւորութեան կը դատապարտեն, Աստուծոյ հաճելի գործ ըրած համարելով: Ահա հին շըրջանն ու Միջին Դարը իր յուսախաբութիւններով:

Աղամ, ինչպէս Աթէնքի տեսարանին մէջ, կը լքանի, բայց ինքզինքը ոչ թէ հաճոյքի կու տայ, այլ անտարբերութեամբ կ'ընկճուի, ալ ոչ մէկ բանով կ'ուզէ ոգեւորուիլ:

Այս Տեսարանը շատ մը սխալ կարծիքներու առիթ տուած էր, իբր թէ քրիստոնէութեան ծաղրանքն ըլլար: Սակայն հեղինակը իր նիւթին նպատակին յարմար, Արուսեակի անհաւատ ցուցմունքի տակ, այնպիսի եղելութիւններ կը ներկայացնէ, որմէ աւելի ծանրեր ո եւ է Եկեղեցական պատմութեան դասագրքի մէջ ալ կրնանք գտնել: Ասոնք բնականաբար Եկեղեցւոյ եւ կրօնական ճշմարտութիւններուն չեն դաշխի: Աղամ կը դատապարտէ ոչ միայն խարոյկը վառողները, այլ զանոնք ալ՝ որ կրօնական մոլեռանթութենէն մղուած խարոյկ կ'ելլեն: Հեղինակին համաձայն ալ՝ մարդը քրիստոնէական կրօնքը Աստուծմէ ընդունած է, եւ Աղամ չի լքեր զայն, այլ միայն կը դատապարտէ անոր զեղծումները եւ զեղծարարները: Ոչ թէ քրիստոնէութիւնը կը սխալի, այլ Աղամ կը սխալի ասպետականութեան գաղափարականին վրայ չափազանց յոյս դնելով, որով փոխել ուզած էր աշխարհը, եւ որ իր սրտին մէջ դաշոյն կը մղէ: Ասոր համար միայն ինքնիր ոյժին վրայ վստահացած մարդը, նախախնամութեան վրայ տառակուսող մարդը կրնայ յուսալքուած զգալ, տեսնելով քրիստոնեաներու մեղքերը: Յաջորդ տեսարաններուն մէջ ալ կը տեսնուի թէ Մատաշ չէ հեռացած կրօնքէն, մանաւանդ թէ՛ վերջին Տեսարանը քրիստոնէական կրօնքին փառաբանութիւնն է:

Գ Տեսարանի Զրանոյշները, յունական Շնորհքներուն եւ Մահուան Ոգիին Միջինդարեան վհուկ-Ջատուկներու եւ կմախքի փոխուիլը՝ ոչ թէ երկու կրօնքներու բաղդատութիւնն է, այլ երկու մտայնութիւններու հակադրութիւնը, Արուսեակի ցոյց տուած լոյսին տակ:

Է Տեսարանն ալ պատմական ընդարձակ շրջան մը կը խտացնէ, իր նպատակին ծառայելու համար: Տանկրէտ պարզապէս հանրածանօթ ասպետի մը անունն է եւ ոչ խաչակիրներու զօրավար Տանկրետին, որ մասնակցած է առաջին խաչակրութեան եւ ալ ետ չէ դարձած, այլ մեռած է Ս. Երկրին մէջ 1112-ին: Հոմոռուզիոնի դաւանական վէճը Դ դարու հարց մըն էր, որով երկու դէպքերու միջեւ շուրջ ութը դարու ժամանակ շրջան մը կ'անցնի, զոր հեղինակը գիտակցաբար մէկ ժամանակի մէջ կը խտացնէ՝ իր նպատակին լաւագոյն կերպով հասնելու եւ զայն ցուցադրելու:







Սըխալեցանք սակայն խոնաւ կրակը մենք,  
եւ ցամաք ջուրն, անոր համար չէացաւ  
սուրբ հարսանիքն ու արդիւնքը փառաւոր,  
որ թարմութիւն կը պարգեւէ ծեր մարմնին,  
ու գորշ մետաղն ազնուական կը գործէ: 4

ԱԴԱՄ

Օգոստոսիտո Տէր, հասկըցայ:  
ՀՌՈՏՈՒՑ

Դեռ խօսք մ'ալ.

գէշ լուրեր կան պալատիս մէջ քու մասիդ,  
թէ աշակերտ դարձեր ես նոր աղանդին,  
դաւանութիւնն եկեղեցւոյ կը մաղես:  
Իսկ հիմա՝ մայրդ իբրեւ վահակ գարշելի  
բանտ կը նըստի ամբաստանուած ծանրապէս,  
արդարապէս կասկածի տակ կ'ենթարկուիս՝  
երբ դուն այնքան յամառօրէն եւ անխոնջ  
ազատելու համար ջանք չես խնայեր:

ԱԴԱՄ

Վեհափառ Տէր, ես իր որդին եմ, ներէ:  
ՀՌՈՏՈՒՑ

Եկեղեցին քու մայրըդ է հարազատ:  
Աշխարհս լաւ է եղածին պէս, հանգիստ թող  
ու մի՛ ուզեր յամառօրէն սըրբագրել:  
Պարգեւներով չըլեցուցի՞ արդեօք քեզ.  
հայրըդ, գիտես, լոկ գինեպան մ'էր եղած.  
պատիւըդ ես տարակոյսէն փըրկեցի,  
թէ եւ ինծի շատ նեղութիւն պատճառեց:  
Բարձրացուցի քեզ գահիս մօտ, եւ այնպէս  
կըրցար խընդրել ձեռքը Միւլէր Վառժադի:  
Ուստի, տըղաս, ըզգոյշ եղի՛ր, կը կըրկնեմ: (Կ'ելլէ:)  
(Աղամ մտածութիւններու մէջ ընկղմած, պատշգամին սանդու-  
խին քով կը կենայ: Երկու պալատականներ առաջ գալով:)

ԵՐՐՈՐԴ ՊԱԼԱՏԱԿԱՆ

Տե՛ս, աստղագէտն ինչ մըտածկոտ է նորէն:

ԶՈՐՐՈՐԴ ՊԱԼԱՏԱԿԱՆ

Նախանձն է որ զինք կը մաշէ շարունակ,  
չի կըրնար իր միջավայրին նոր վարժիլ,  
ռամիկը միշտ մէջէն կու գայ երեւան:

ԵՐՐՈՐԴ ՊԱԼԱՏԱԿԱՆ

Զի հասկընար ան՝ թէ ասպետ մ'իսկական,  
կինը թէ եւ աստուածօրէն կը պաշտէ,  
եւ իր արիւնն իսկ պատրաստ է թափելու  
եթէ երբեք պատիւն անոր զըրպարտուի.  
յարգանքին մէջ գէշ նըպատակ կը տեսնէ:

(Եւ ա ուրիշ խումբի մը հետ երկու պալատականներուն կը  
միանայ եւ ծիծաղելով երկրորդ պալատականի ուսին կը զարնէ  
իր հովահարով:)

ԵԻԱ

Գընա՛, ասպետ, գըթա՛ ի սէր Աստուծոյ,  
կատակներուդ վրայ խընդալէս կը մեռնիմ:  
Տես, ինչ լուրջ են հոս այս երկու պարոններ:  
Նոր աղանդին միթէ ոգին անիծեալ  
ձեր սըրտերն ալ գրաւեց. մէկդի աչքերէս:  
Զեմ հանդուրժեր այս սերունդը մեղամաղձ,  
որ յոռետես կը նախանձի մեր վըրայ  
այս աշխարհիս համար հանդարտ ու շէնշող,  
ու նոր մը արդ կը յաւակնի յօրինել:

ԵՐՐՈՐԴ ՊԱԼԱՏԱԿԱՆ

Այս մեղադրանքն, ազնիւ Տիկին, մեզի չէ.  
աշխարհն ալ (սխալ մեզմէ) կը ցանկայ:  
ու այս



ԱՌԱՋԻՆ ՊԱԼԱՏԱԿԱՆ

Մարդ մը կայ հոն, եթէ սըխալ չեմ տեսներ,  
մարդ մը այս մուկ նըշաններով դէմքին վրայ:  
ԵՒԱ

Ամուսինս, է, խեղճը, — ի սէր Աստուծոյ,  
խնայեցէ՛ք իրեն նըման կարծիքներ,  
առջեւս գոնէ, որ սուրբ կապով մը իրեն  
միացած եմ: — Ան հիւանդ է, շատ հիւանդ:  
ԵՐԿՐՈՐԴ ՊԱԼԱՏԱԿԱՆ

Գուցէ փայլուն ձեր աչքերուն հիւանդն է:  
ԵՐԿՐՈՐԴ ՊԱԼԱՏԱԿԱՆ

Պիտ'անպատուէ՞ր ան նախանձի կասկածով,  
զոր ընելու ոչ ոք պիտի յանդգնէր:  
Ո՛հ, երանի, ~~թէ~~ կարենայի իբր անպետ  
ձեռնոց նետել այդ յանդուգնի երեսին:  
(Մինչ այս՝ Աղամին կը հասնին:)

Ինչ լաւ է որ հանդիպեցանք, ո՛հ, Վարպետ.  
կալուածներուս ես այցելել կ'ուզէի,  
կ'ուզեմ օդի գուշակութիւն մ'ունենալ:  
ԱՌԱՋԻՆ ՊԱԼԱՏԱԿԱՆ

Իսկ ես զաւկիս աստղը գիտնալ կը ցանկամ.  
Կէս գիշերին աշխարհ եկաւ անցեալ օր:  
ԱԴԱՄ

Վաղն առաւօտ պատրաստ կ'ըլլան երկուքն ալ:  
ԶՈՐՐՈՐԴ ՊԱԼԱՏԱԿԱՆ

Մենք ալ երթանք, քանի ամէնք կը մեկնին:  
ԵՐԿՐՈՐԴ ՊԱԼԱՏԱԿԱՆ

Գիշեր բարի: — Սանդուխնիդ սա է Տիկին: (Փսփսալով:)  
Ու մէկ ժամէն...:

ԵՒԱ (Փսփսալով:)

Պուրակին մէջ:

(Բարձրաձայն:)

Գիշեր բարի: — Եկ, սիրելի Յովհաննէս:

(Ամէնքը կ'երթան: Աղամ եւ Եւա պատշգամ կ'ելլեն: Աղամ  
բազկաթոռի մը մէջ կը ձգէ ինքզինք, Եւա առջեւը կը կենայ:  
Միշտ աւելի կը մթննայ:)

ԵՒԱ

Քիչ մը դրամի պէտք ունիմ ես, Յովհաննէս:  
ԱԴԱՄ

Դանգ մ'ալ չունիմ, արդէն տարիւր ինչ որ կար:  
ԵՒԱ

Կարօտութիւն պիտի քաշեմ յաւիտեան:  
Զերդ սիրամարգ պալատական տիկիններ  
կը պըճնին, մինչ ես կ'ամըշնամ երեւնալ:  
Երբ մէկ կամ միւս պալատական ժըպտադէմ  
կը խոնարհի առջեւս ինծի ըսելով,  
թէ թագուհին ես եմ միայն իրենց մէջ,  
քեզի համար ես ամօթով կը մընամ  
քեզ կը թողուս այսպէս անխնամ թագուհիդ:  
ԱԴԱՄ

Գիշեր ցորեկ չե՞մ յոգնիր ես քեզ համար.  
ու կը մատնեմ գիտութիւնս ալ յարատեւ,  
կը պըղծեմ, երբ գուշակութիւն անպիտան  
եւ աստղերէն կը յօրինեմ ժամադէտ.  
ու կը ծածկեմ ինչ որ հոգիս կ'իմանայ,  
հըռչակելով գիտակցաբար կեղծն ու սուտ:  
Շիկնիլ պէտք եմ, զի չարագոյն դարձայ քան  
Սիպիլլաներն, որոնք հաւատք կ'ընծայեն  
իրենց ըրած գուշակութեանց. մինչ ես ոչ:



Բայց կ'ընեմ, որ քեզի ըլլամ հաճելի:  
 Ո՞ր կը ծախսեմ ինչ որ մեղքիս վարձք կու տան.  
 այս աշխարհիս վրայ ես բանի պէտք չունիմ,  
 գիշերը լուկ, աստղերն անոր շողշողուն,  
 ու գունտերուն խորհրդաւոր մեղեդին.  
 մընացածն է քուկըդ: — Բայց ես ի՞նչ ընեմ,  
 արքունական գանձարանն է դատարկ միշտ,  
 Թաղանձանքիս կը վըճարեն անկանոն:  
 Բուկդ է նորէն ինչ որ առնեմ առաւօտ,  
 բայց ապերախտ ես ~~եղբայր~~ դու եւ սա վիշտ է ինծ:

ԵՒԱ (Լալագին:)

Ջոհողու՞թի՞ւնդ իմ երեսիս կը զարնես,  
 միթէ ես ալ բաւական չե՞մ զոհուիլ քեզ,  
 երբ կապեցի ազնուական տան մ'աղջիկ  
 երկբայելի աստիճանիդ ապագաս:  
 Եւ ինծմով չե՞մ որ դու մըտար լաւագոյն  
 ընկերութեան մը մէջ. մերժէ ապերախտ:

ԱՂԱՄ

Երկբայելի՞ աստիճան մ'է գիտութիւնն,  
 ոգին, կամ թէ նրսե՞մ ծագում է ճաճանչն  
 որ երկընթէն ճակատիս վրայ հագչեցաւ:  
 Ազնուազարմ պատիւ մ'ո՞ր կայ աւելի:  
 Ջոր դուք կ'ըսէք ազնուական, երբեք ուն,  
 մոթիդ դարձող խամաճիկ մ'է անհոգի,  
 մինչ իմս յաւերժ երիտասարդ, հզօր է:  
 Ո՛հ կին, թէ զիս հասկընայիր, թէ հոգիդ  
 այնքան ըլլար ինծի զուգուած, որքան ես  
 կը կարծէի քու առաջին համբոյրիդ,  
 ինծմով հըպարտ պիտ'ըլլայիր, ինծմէ դուրս  
 չէիր փընտռեր երջանկութիւնդ վաղանցուկ,  
 չըտանէիր պիտի ինչ որ քաղցըր է  
 ուրիշներուն, չէիր պահել դառնութիւնդ  
 ընտանեկան քու մըտերիմ ակութիւդ:  
 Ո՛հ կին, քեզ ինչ անհուն սիրով սիրեցի.  
 Եւ կը սիրեմ հիմակ ալ, բայց շատ խայթող  
 ու լեղի մեղր է որ սըրտիս կը կաթի:  
 Սիրտդդ ինչ վեհ կ'ըլլար, ցաւով կը տեսնեմ,  
 կին թ'ըլլայիր. — ճշկատագիրդ քեզ փըշտեց,  
 որ կինը դեռ զերդ — աստուած կը պահէ,  
 ասպետական դարը զոր սուրբ կ'ընդունէր,  
 բայց այն ատեն ժամանակն էր հոյակապ.  
 չեն հաւատար արդ, ժամանակն է զաճաճ,  
 կեղծ — աստուածներն մեղքեր միայն կը ծածկեն:  
 Կը զատուէի քեզմէ, սիրտս կը խըլէի  
 թէ եւ ցաւէր, գուցէ հանգիստ գըտնէի,  
 դուն ալ առանց ինծ երջանիկ կ'ապրէիր:  
 Հոս է սակայն կարգը, այն է համարմունք,  
 Եկեղեցւոյ պատուիտաններն, ու հարկ է  
 միասին կրենք, մահը մինչեւ մեզ զատէ:

(Գլուխը ձեռքերուն մէջ կը հակէ, Եւս յուզուած կը սկսի  
 շոյել:)

ԵՒԱ

Ո՛հ Յովհաննէս, սըրտիդ վըրայ մի՛ դըներ  
 բան մը երբեմն եթէ ըսեմ, չեմ ուզեր  
 տըխրեցընել քեզ, սակայն տես թէ ո՞րքան  
 հրաշալի է պալատն ու իր տիկիններն,  
 որքան հըպարտ, որքան հեգնոտ, ես ի՞նչպէս  
 կըրնամ անոնց ամէնուն դէմ խիզախել:  
 Ալ մեր միջեւ քէն չըմընաց, այնպէս չէ՞.  
 Քիշեր բարի, դրամը առտուն չըմոռնաս:



(Սանդուխտներէն պարտէզ կ'իջնէ):

ԱԴԱՄ

Ձարի, լաւի ինչ սըխրալի խառնուրդ մ'է  
կինը, մեղրէ եւ թոյններէ յօրինուած:

Բարին իրն է, մեղքը մինչդեռ է դարուն  
որուն մէջ ան է ծնած: ~~Եւ, օգնական~~ *Կոմիտաս*...

(Արուեսեակ կու գայ կանթեղով մը եւ կը դնէ սեղանին վրայ:)

ԱՐՈՒՍԵԱԿ

Հրամայէ, տէր:

ԱԴԱՄ

Շուտ պատրաստէ՛, պէտք ունիմ  
գուշակութիւն մ'օղի, մէկն ալ ծընունդի:

ԱՐՈՒՍԵԱԿ

Անշուշտ փայլուն եւ շողշողուն, զի դրամով  
ո՞վ կը գընէ ճըշմարտութիւն սոսկական:

ԱԴԱՄ

Բայց ոչ այնպէս որ անհնարին երեւի:

ԱՐՈՒՍԵԱԿ

Այնպիսի բան չի նեւ անգամ չեմ կըրնար,  
որուն համար ծընողնք յետոյ գայթակղի.

մեսիա մը չէ՞ արդեօք ամէն նորածին՝

ընտանիքին աստղը փայլուն բարձրացող,

որ կը դառնայ մեծնալէ վերջ աներես: (Կը գրէ:)

(Մինչ այս եւս կը հասնի դարպասին, երրորդ պալատականը  
առջեւը կ'եկէ:)

ԵՐՐՈՐԴ ՊԱԼԱՏԱԿԱՆ

Որքան մաշիլ կը թողուս հոս, ո՞վ անգութ:

ԵՒԱ

Գուցէ քեզի զոհողութիւն մ'է իրօք  
դիմանալ այս գիշերուան զով գեփիւռին,

մինչ ամուսինս ազնիւ, բարի ես խաբեմ՝

Տիրոջ անէծքն ու դատաստանն աշխարհի

վրաս քաշելով քեզի համար, ո՞վ ասպետ:

ՊԱԼԱՏԱԿԱՆ

Տիրոջ անէծքն ու դատաստանն աշխարհի

չեն թափանցեր մութ պուրակի գաղտնիքին:

ԱԴԱՄ (Մտախոհ:)

Դար մ'ըղձացի, որ ալ պայծար չունենար,

ուր սըրբացած եւ կանխակալ կարծիքներն,

ընկերութեան կարգն ու սարքը վաղեմի,

ոչ ոք խառնէր, ուր հանգչէի, թողուլով

ըսպիանալ ժըպիտով մը անտարբեր

վէրքերս՝ երկար մարտերու մէջ ըստացած: -

Դարը հասաւ, բայց ի՞նչ օգուտ, մէջըս երբ

կ'ապրի հոգին, սուրբ կըտակն այս ցաւալի,

զոր տըխմար մարդն ընդունեցաւ երկինքէն,

որ կը ձգտի գործել, հանգչիլ չի թողուր,

կըռուի կ'եկէ հաճոյքին դէմ թոյլ ու մեղկ:

~~Եւ օգնական~~ *Կոմիտաս*, գինի բեր հոս, կը դողամ,

աշխարհս ցուրտ է, քիչ մը պէտք է տաքցընեմ:

Այսպէս հարկ է այս խեղճ դառուն սիրտ առնել

ու թօթափել իր փոշիներն աղտեղիչ:

(Արուեսեակ գինի կը բերէ, Ադամ ուսկուսկ կը խմէ մինչեւ  
տեսարանին վերջը:)

Անհուն երկինք, առջեւըս բաց, ո՛հ, բաց ինծ

խորհրդաւոր եւ սըրբազան մատեանդ.

օրէնքներդ երբ կարենամ ես ճանչնալ

ալ կը մոռնամ դարը եւ շուրջս ամէն բան:

Յաւերժ ես դու, մինչ միւսներն են անցաւոր,

կ'ոգեւորես դու, մինչ անոնք մեզ կ'ընկճեն:



ՊԱԼԱՏԱԿԱՆ

Վառվառէ, ո՛հ, կարենայիր իմս ըլլալ...  
երանի՛ թէ Աստուած կոչէր ամուսինդ՝  
որ կարենար երկինքը լաւ ըմբռնել,  
որուն համար ամբողջ կեանքով կը տըքնի:

ԵՒԱ

Լըռէ՛, ասպետ, այնքան իր վրայ կը ցաւիմ՝  
որ արցունքէս համբոյր ~~թափ~~ մ'ալ քեզ չի հասնիր:

ՊԱԼԱՏԱԿԱՆ

Կատա՛կ կ'ընես:

ԵՒԱ

Մանաւանդ, լուրջ կը խօսիմ:  
ՊԱԼԱՏԱԿԱՆ

Ո՞վ կ'ըմբռնէ տրամադրութիւնն այս ծածուկ:  
Վառվառէ, զիս ուրեմն դու չես սիրեր:  
Կամ ըսէ, թէ խեղճ, տարագիր մ'ըլլայի,  
ի՞նչ կ'ընէիւր հաւատարիմ ծառայիդ:

ԵՒԱ

Ըստուգիւ զայն չեմ կըրնար ես այժմ գիտնալ:  
ԱՂԱՄ

Ո՛հ, դար կու գայ, այս անտարբեր պաղուծիւնն  
հալեցընէ եւ նորոգուած կորովով  
անվախ նայի այս քուրջերուն հընոտի,  
զերդ դատաւոր մը վարձատրէ ու պատժէ,  
(Ոտքի կ'ելլէ եւ երերալով կ'երթայ պատշգամի եզերքը:)  
ու չընկերկի միջոցներէն զօրաւոր,  
խորհրդաւոր բառն ըսելու չը վախնայ,  
զայն՝ որ նման գլորակոյտի մը հըսկայ  
պիտ'յառաջէ ճակատագրի ուղիէն,  
գուցէ նոյն ինքն ըսողը զայն տապալէ:<sup>7</sup>  
(Կը լսուի Մարսէյէզի եղանակը:)  
Կը լըսեմ երգն ապագային, կը լըսեմ...  
բառը գըտայ, այդ հըմայեակն ազդեցիկ՝  
որ ծեր երկիրն պատանի կը դարձընէ:

999999999999

ՄԱՆՕԹՈՒԹԻՒՆՆԵՐ

- 1 - Ժամադէտ - հորոսքոփ - աստղագիտութեան այն մասն է որ որոշ ժամերուն աստղերը դիտելով, անոնց դիրքերէն գուշակութիւններ կ'ընէ մարդոց պատահելիքներու մասին:
- 2 - Զուգութիւն կամ Զուգաւորութիւն՝ երկու աստղերու պատահական դիրքը իրարու հանդէպ Կենդանակամարին վրայ, որմէ աստղագուշակները ապագային լաւ կամ գէշ դէպքերը կը գուշակէին:
- 3 - Օձը՝ հիւսիսային կիսագունտի համաստեղութիւններէն մէկն է:
- 4 - Հռոտուլի Կայսրը (1552 - 1612) տարրախուզութեամբ կամ Ալքիմիայով ալ կը զբաղէր, այս ինքն է կ'ուզէր իմաստասիրական քարը գտնել, որ առասպելներու համաձայն այն նիւթն է՝ որով մետաղները ոսկի կամ արծաթ կարելի է դարձնել: Վտանգաւոր օրերը անոնք են որոնց մէջ աստղերուն դիրքը աննպաստ է: Հերմէս Եռամեծ եգիպտական Թոթ, Լուսնի աստուծոյ, յունական անունն էր, եւ կը համարուի ալքիմիայի եւ մոգութեան գտնողը: Սիւնեզիոս (375 - 415) նորադատոնական իմաստասէր եպիսկոպոս մըն էր, որուն ալքիմիայի վերաբերեալ երկեր ալ կը վերագրեն: Պարակելսոս (1493 - 1541) գուիցեբացի նշանաւոր բժիշկ մ'էր եւ ալքիմիագէտ: Ս. Ալբերտ Մեծ (1193 - 1280) անուանի աստուածաբան, իմաստասէր, աստղաբաշխ եւ ալքիմիագէտ: Սողոմոն թագաւորին



- մոգական գիտութիւն կը վերագրէր Միջին դարը, եւ մոգական գիրքերէն շատերը՝ Սողոմոնի բանալին կը կոչէին: Վերը յիշուած անուններուն մէջ, Արքայ ոսկին է, միւս բացատրութիւնները (Ազուաւ, Կարմիր առիւծ, Կրկնակ սնդիկ, Իմաստութեան աղ, խոնաւ կրակ, ցամաք ջուր) ալ քիմիայի նիւթերն էին, որով իմաստասիրական քարը կ'ուզէին շինել: Իսկ սուրբ հարսանիքը՝ իմաստասիրական քարին ձեւանալն էր:
- 5 - Սիբիլականները յունական եւ հռոմէական մարգարէութիւններն էին, որոնք աստուծոյ մը ներշնչումի տակ, մանաւանդ Ապոլոնի, կը մարգարէանային:
- 6 - Ակնարկ նախորդ Տեսարանին, ուր Ադամ յոգնած եւ յուսախաբ, ալ չուզեր ընկերութեան համար պայքարիլ: Բայց ի զուր, մարդը չի կրնար հանգիստ մընալ:
- 7 - Ձայն շեղագիր գրուած հեղինակէն, նշանակել կ'ուզէ խորհրդաւոր բառը, եղբայրութիւնը, որուն գաղափարականը նուազած էր: Պիտի տապալէր նոյն ինք ըսողը, զԱստուած ալ, ինչպէս Ֆրանսական յեղափոխութիւնը ըրած էր, Աստուծոյ տեղ Միտքը բարձրացնելով: Սա ճակատագրական կերպով կը յառաջէ, նոր արիւնձհեղութիւններով հասնելով նպատակին, քրիստոնէական հիմնական վարդապետութեան, եղբայրութեան: Ազդեցիկ հմայեակը եղբայրութիւնն է, որով Ադամ պիտի հետեւի իր երազին մէջ Ֆրանսական յեղափոխութեան:

## Ը    ՏԵՍԱՐԱՆԻՆ    ԲԱՅԱՏՐՈՒԹԻՒՆԸ

Հաւատքի գաղափարականը չէ կրցած մարդը ազատագրել, որովհետեւ մարդը տակաւին տհաս էր զայն ընդունելու: Թերեւս գիտութիւնը եւ ընտանեկան կեանքը պիտի կարենար տառապած հերոսին գոնէ քիչ մը ժամանակ երջանկութիւն եւ անդորրութիւն պարգեւել: Ադամ-Քեփլէր հոս ալ յուսախաբ կը մնայ. ընտանեկան կեանքը ապերջանիկ է, որովհետեւ Եւա-Վառվառէ շուայլ եւ անհաւատարիմ է. անկէ չի կրնար բաժնուիլ, որովհետեւ եկեղեցական օրէնքները թոյլ չեն տար: Նա երեսին կը զարնէ իր ազնուականութիւնը. Ադամ զմայլելի խօսքերով կը յատնէ իսկական ազնուականութիւնը, որ հոգեկան է եւ երկինքէն իջած, մինչ միւսը՝ ասպետական ազնուականութենէն մնացած, պարզապէս անհոգի դիակ մըն է: Գիտութիւնն ալ ինքիւր մէջ քաշուած ու կեանքէն հեռու, չի կրնար ամբոխը բարեփոխել, որ կեղծ-գիտութեան (ալքիմիայի) եւ աւելորդապաշտութեան (աստղագիտութեան) աւելի հաւատք կ'ընծայէ, այնքան որ ինք Բեփլէր ալ ստիպուած է գուշակութիւններ ընել եւ ժամադէտներ պատրաստել, ապրիլ կարենալու համար: Իր լքումի վայրկեանին կ'երեւակայէ ժամանակ մը՝ որ բռնութենէն ալ պիտի չընկրկի հին գաղափարներու աւերակներուն վրայ նորը կերտելու համար, որ թերեւս Աստուծոյ դէմ ալ ասպարէզ իջնէ իրագործելու համար Աստուծոյն եկած գաղափարականը, եղբայրութիւնը մարդոց մէջ: Այս մտածութիւններով է որ կը նիրհէ ու կ'երազէ Ֆրանսական յեղափոխութիւնը:

Քեփլէրի դէմքը, հեղինակին ամէնէն սիրած անձն է, եւ իսկապէս շատ յարմար իր նպատակին ծառայելու: Ասոր մէջ պատմական ճշմարտութենէն շատ քիչ շեղած է, այն է՝ թէ Բեփլէր բոլորքական էր, մինչ ինքը կաթողիկէ կը ներկայացնէ:

Յովհաննէս Բեփլէր ծնած է 1571-ին Վիւրթենպերկի Վայլ աւանը, հայրը աղքատացած միջին ազնուականութեան կը պատկանէր, ընտանիքը ապրեցնելու համար եղած է վարձկան գինուոր, գինեպան, երկրագործ ու դարձեալ վարձկան եւ մեռած է թուրքերու դէմ մղուած պատերազմի մը մէջ: Բեփլէր՝ աստուածաբանութեան յաճախած էր Թիւպինկէնի մէջ, բայց աւելի կը սիրէր աստղաբաշխութիւնը:



Ուսումները աւարտելէ վերջ չէ ձեռնադրուած, որովհետեւ հակա-  
ռակ իր ուսուցիչներուն, կը պաշտպանէր Կոպեռնիկոսի ~~թեորիան~~  
արեւակեդրոն դրութիւնը, փոխանակ աւանդական Պտղոմէոսի երկրա-  
կեդրոն դրութեան, եւ օրացոյցին մէջ Գրիգորեան տոմարը գործա-  
ծած էր: Իր բողոքական դաւանանքին համար՝ ստիպուեցաւ հեռանալ  
հայրենիքէն երբ արդէն ամուսնացած էր Վառվառէ Միւլլէրի հետ:  
Շատ դժուարութիւններէ անցաւ մինչեւ որ կրցաւ ձեռք բերել իր  
ազնուականութեան թուղթը: Վերջապէս յաջողեցաւ Բոնոտու Կայսր  
արքունիքը մտնել իբր արքունի թուաբանագէտ եւ աստղաբաշխ:  
Մակայն ընտանեկան կեանքն ալ երջանիկ չեղաւ, արքունիքը շատ  
դժուարաւ եւ ուշացումներով կը վճարէր, իսկ կինը չափազանց  
ծախսող էր: Մայրը՝ վհուկութեամբ ամբաստանուեցաւ, որ իր միջնոր-  
դութեամբ հազիւ կրցաւ ազատիլ: Վառվառէ Միւլլէր մեռաւ 1611-ին  
եւ ինքը երկրորդ անգամ ամուսնացաւ Շուշան Ռոյթիկէրի հետ,  
որուն հետ գոնէ ընդանեկան երջանկութիւն ունեցաւ:

Քեփլէրի տոկուն եւ համբերատար աշխատանքները գիտութեան  
մէջ յաջողութեամբ պսակուեցան, իր տուած երեք օրէնքները մո-  
լորակներու շարժումներու մասին, մինչեւ այսօր ալ հիմը կը  
կազմեն աստղաբաշխութեան: Նիւթականը սակայն միշտ խեղճ էր,  
հակառակ իր համոզումներուն ստիպուած էր գուշակութիւններով  
ալ զբաղիլ, ընտանիքը ապրեցնելու համար: Մեռաւ 1630 նոյմբեր  
15-ին Ռեկենսպուրկին մէջ, ուր գացած էր հիւանդագին իր առ-  
նելիքները փութացնելու համար, որ նոյն ժամանակ 12.694 ֆլորին  
ընդհանր կը հասնէր, մեծղի գումար մը ժամանակին համար: Աւելի  
ուշ իր այրին կրցաւ վերջապէս գանձել այդ գումարը:

Այս ճեսարանին մէջ Մատաշ ամէնէն հաւատարիմ մնացած է  
պատմութեան: Քեփլէր իր ամէնէն սիրած անձն էր եւ ամէնէն մո-  
տիկ կը զգայ ինքզինքը անոր, մանաւանդ նաեւ իր ընտանեկան  
ապերջանիկ կեանքին համար ալ:



(Տեսարանը յանկարծ Ֆարիզի Կրեւ հրապարակի կը փոխուի: Պատշգամը կը փոխուի Կիլիկիոթիւնի ամպիոնի, գրասեղանը Կիլիկիոթիւնի<sup>1</sup>, որուն քով իբր դահլիճ Արուսեակ կեցած է: Ահամ, իբր Տանթոն, ամպիոնի եզերքէն կը ճառախօսէ աղմկոտ ամբոխի մը: — Թմբուկի ձայնով, շատ պատահողուն հագուստով, նոր զինուորագրուածներու գունդ մը կ'երեւի, որ ամպիոնին առջեւ կը շարուի: Լուսաւոր օր:)

ԱԴԱՄ (Շարունակելով):

Հաւասարութիւն, եղբայրութիւն, ազատութիւն:

ԱՄԲՈՒԸ

Մահ ամէնուն՝ որ ըսածներդ չընդունին:

ԱԴԱՄ

Ես ալ կ'ըսեմ: — Երկու խօսքեր կը փորկեն մեծ գաղափարն ամէն կողմէն պաշարուած. անոնցմէ մին՝ կ'արտասանենք լաւերուն. «Հայրենիքն է վտանգի մէջ», կը զարթնուն: Իսկ միւս բառն է որ մեղքին դէմ կ'որոտանք. «Սարսափեցէք», — իսկոյն կ'ըլլան բռնաշինջ: Թագաւորներ ելան մեր դէմ, առջեւնին մեր արքային կառափն առած նետեցինք. քահանաներն ելան, ու մենք կորզեցինք շանթերն անոնց ձեռքէն. հընուց տարագիր<sup>2</sup> Միտքը դարձեալ իր գահին վրայ գետեղած: Հայերնիքին ուղղած խօսքն ալ լաւերուն չանցաւ ունայն: Ու տասնըմէկ զօրամաս կը պայքարին սահմանին վրայ, եւ ողբան պատանիներ քաջ կը խուժեն շարունակ բռնելու տեղն հերոսներուն՝ որ ինկան: Ո՞վ կ'ըսէ թէ խենթութիւն մ'է արիւնոտ սա, որ պիտի տասանորդէ ազգն ի գուր: Մետաղը երբ հալի՝ խարամն անպիտան կը զատուի, իսկ մաքուր մասը կը մընայ: Թէեւ ըլլանք արիւնարբու, մեզ ~~զորքը~~ հրեշներ պիտի կոչեն ~~ամէնք~~, ըլլայ անիծեալ անուներս ալ, վընաս չունի, բայց միայն Հայրենիքնիս ~~թիւրքը~~ ըլլայ ~~մեզ~~ ազատէ մեծցած: ՆՈՐԱԿՈՋՆԵՐԸ

Ձէնք տուր մեզի, միայն զէնք եւ առաջնորդ:

ԱԴԱՄ

Շատ լաւ, շատ լաւ. դուք միայն զէնք կը ցանկաք, մինչ շատ բանի կարօտութիւն կը քաշէք. տարազնիդ է պատահողուն, դուք բոպիկ, բայց ձեռք պիտի բերէք սուրով ամէն բան: Պիտի յաղթէք. ժողովուրդն է աննուաճ: Զօրավարի ~~թիւրքը~~ մ'արիւնը նոր թափեցաւ, որ գլուխ անցած զինուորներուն պարտուիլ թողուց ինքզինք:

ԱՄԲՈՒԸ

Ան մատնիչ մ'էր:

ԱԴԱՄ

Ճիշտ ըսիք.

մեր ժողովուրդն արիւնէն զատ ուրիշ գանձ չունի, զայն ալ վեհանձնութեամբ ու այնքան շռայլօրէն Հայրենիքին կը ձօնէ: Եւ ան՝ որ մեր ժողովուրդի սուրբ գանձին տէրն է կանգնած եւ չի յաղթեր աշխարհի մատնիչ մ'է լոկ:



(Նորակոչներու մէջէն սպայ մը առաջ կու գայ:)

ՍՊԱՆ

Քաղաքացի, կը սըրբեմ  
այդ նախատինքն, անոր տեղը թէ ինծ տաս:

ԱԴԱՄ

Վըստահութիւնդ, բարեկամ, է գովելի:  
Բայց նախ ցոյց տուր պատերազմի դաշտին վրայ  
փաստը թէ տէր պիտի ըլլաս խօսքերուդ:

ՍՊԱՆ

Փաստը ահա կը բընակի հոգւոյս մէջ,  
յետոյ ես ալ գըլուիս մ'ունիմ որ գուցէ  
այդ ինկածէն պիտի արժէ աւելի:

ԱԴԱՄ

Երաշխաւորն ո՞վ է թէ տաս՝ երբ խընդրեմ:

ՍՊԱՆ

Եւ ինծմէ լա՞նք երաշխաւոր մը կ'ուզես;  
որ կեանքս ահա ոչինչի տեղ կը դընեմ:

ԱԴԱՄ

Երիտասարդներն այնպէս չեն մըտածեր:

ՍՊԱՆ

Քաղաքացի, անգամ մ'ալ քեզ կոչ կ'ընեմ:

ԱԴԱՄ

Դեռ համբերէ, նըպատակը հեռու չէ:

ՍՍՍՏ

ՍՊԱՆ

Կը տեսնեմ թէ չես վըստահիր, բայց սորվէ  
աւելի լաւ կարծիք մասիս ունենալ:

(Ինքզինքը կը զարնէ:)

ԱԴԱՄ

Մեղք, թըշնամի գընդակին էր արժանի:

Զինքը տարէք, ոչ զինակից ընկերներ:

Յըտեսութիւն յաղթանակէն վերջ դարձեալ:

(Նորակոչները կ'երթան:)

Երանի՛ ձեզ վիճակակից ըլլալի:

Բաժինըս չէ փառապըսակ, պայքարն է,

ոչ թըշնամույն դէմ, որմէ փառք է իյնալ,

այլ որ որջէն դաւաճանող եւ թաքուն

կը լըրտեսէ զիս եւ քեզ սուրբ Հայրենիք: 3

ԱՄԲՈՒՆ

Մատով ցոյց տուր, պիտի մեռնին ամենքն ալ:

ԱԴԱՄ

Արդէն մեռած է զոր ցուցնել կըրնալի:

ԱՄԲՈՒՆ

Կասկածելի որո՞նք են: - Զի արդէն իսկ

կասկածելին մեղաւոր է, կընթեւած

ժողովուրդին ըզգացումէն անսըխալ:

Ազնուական բոլոր զարմին վայ, մահ, մահ:

Օն, շուտ երթանք բանտերուն մէջ դատ ընենք.

ժողովուրդին դատաստանն է սըրբազան:

(Ամբոխը ճամբայ կ'ելլէ դէպի բանտերը:)

ԱԴԱՄ

Վրտանգ չըկայ հոն, ճաղերն են զօրաւոր.

ծանր օդն է ձեզ դաշնակից, որ կը սպաննէ

ուղեղ, դըմդեռ. ուստի զիրենք թողուցէք:

Մատնութիւնը բարձրագըլուի կը խընդայ

եւ կը սըրէ Համախումբին մէջ դաշոյն: 4

ԱՄԲՈՒՆ

Համախումբին վըրայ, օն, դեռ բաւարար

ընտրուած չէ: - Աւելի ուշ անոր վրայ:

Նախ բանտ երթանք, քիչ մը ընենք վարժութիւն:

Մինչ այն Տանթոն, մատնիչներու անուներն



ամէնն ալ գրէ:

(Ամբողջը սպառնագին կը մեկնի: Մինչ այս՝ քանի մը Սան-քիւ-լոթներ<sup>5</sup> (յեղափոխականներ) երիտասարդ մարքիզ մը եւ նաեւ, իր բանոր քոյրը, ամպիոնին առջեւ կը քաշեն:)

ՍԱՆ-ՔԻԿԼՈԹ ՄԸ

Ահաւասիկ, կը բերենք

դարձեալ երկու ազնուական պարմանի:

Հըպարտ դէմքեր, փափուկ, ճերմակ հագուստներ  
կ'ամբաստանեն իրենց յանցանքն ակներեւ:

ԱԴԱՄ

Ինչ վըսեմ գոյգ: Պարմանիներ, վե՛ր եկէք:

ՍԱՆ-ՔԻԿԼՈԹ

Մենք ալ երթանք ընկերներնուս ետեւէն,

ուր կը սպասէ մատնիչներուն Պաֆ, մեզ գործ:

(Սան-քիւլոթները կ'երթան միւս ժողովուրդին հետ, երկու  
երիտասարդները ամպիոն կ'ելլեն: Ամպիոնին շուրջ քանի մը  
պահակներ միայն կը մնան:)

ԱԴԱՄ

Զեմ հասկընար, ի՞նչ համակրանք կը քաշէ,  
բայց կ'ազատեմ ձեզ իմ անձիս վըտանգով:

ՄԱՐԶԻԶ

Ո՛չ, Տանթոն, թէ մեղաւոր ես կը մատնես

հայրենիքը՝ թէ մեզ ազատ արձակես:

Իսկ թէ չենք, պէտք չունինք գուլիֆ սընափառ:

ԱԴԱՄ

Ո՞վ ես դու, որ այսպէս խօսիս Տանթոնին:

ՄԱՐԶԻԶ

Մարքիզ մըն եմ:

ԱԴԱՄ

Լըռէ՛. — արդեօք չե՞ս գիտեր

„Քաղաքացի“, տիտղոսէն զատ չըկայ այլ:

ՄԱՐԶԻԶ

Ես չեմ լըսած՝ որ տիտղոսներն արքանիս

չընշած ըլլայ:

ԱԴԱՄ

Դժբախտ տըղայ, մի՛ խօսի՛ր,

Կիլիոթինն ալ մըտիկ ընել կը թուի:

Ասպարէզդ է բաց՝ թէ մըտնես բանակնիս:

ՄԱՐԶԻԶ

Քաղաքացի, դեռ հրաման չեմ ըստացած

թագաւորէն օտար բանակ մըտնելու:

ԱԴԱՄ

Պիտի մեռնիս:

ՄԱՐԶԻԶ

Մէկն աւելի պիտ'ըլլայ

թագաւորին համար մեռնող՝ մեր տունէն:

ԱԴԱՄ

Ինչո՞ւ այսպէս մահ կը դիմես կուրօրէն:

ՄԱՐԶԻԶ

Ի՞նչ կը կարծէք, թէ այս վըսեմ մենաշնորհ,  
հճաւորներ, ձեզի համար է միայն:

ԱԴԱՄ

Կիլիոթինն, շատ լաւ, ես ալ ու տեսնենք,

ո՞վ աւելի ուժով է, քեզ կ'ազատեմ

կամքիդ դէմ ալ: — Եւ ապագայ մը անդորր՝

ուր հանդարտած կուսակցական կիրքերն ալ,

պիտ'օրհնէ զիս, գործիս համար այս վըսեմ: —

Եւ հիմա, օն, տունըս տարէք, պահակներ:

Իրեն համար դուք պիտի տաք պատասխան:

(Պահակներէն քանի մը հոգի մարքիզը կը տանին:)



ԵԻԱ

Եղբայր, եղիւ քաջ:

ՄԱՐԶԻՉ

Քոյր, Տէր քեզ պահպանէ: (Դուրս:)

ԵԻԱ

Գըլուխս ահա, Ռուսներն նուազ չէ:

ԱԴԱՄ

Այսքան խիստ խօսք նուրբ շըրթունքիդ չի վայլեր:

ԵԻԱ

Կառաւիճատին վրայ փափուկ խօսք յարմար չէ:

ԱԴԱՄ

Իմ աշխարհս է այս ամպիոն ահազդու.

~~վաղը~~ երբոր դու նսկոխեցիր քեզ հետ իջաւ

երկինքը, զերթ սըրբավայր զայս պատելու:

ԵԻԱ

Քուրմերն անգամ զոհի ձօնուած կենդանին

չէին ծաղրեր յետին ճամբուն ընթացքին:

ԱԴԱՄ

Հաւատա՛լ, զոհն ես ինքըս եմ իսկապէս,

թէ եւ դիտեն իշխանութիւնս նախանձով.

անմըխիթար, արհամարհած կեանք ու մահ

ես կը դիտեմ զահաւորակս արքունի՝

որուն վրայէն շատեր կ'իյնան օրէ օր,

ու կը սպասեմ թէ իմ կարգս ալ ե՞րբ կու գայ:

Այս մենութիւնս արիւնոտ զիս կը տանջէ,

եւ ես կը զգամ թէ սիրեցի ինչ վեհ բան է:

Ախ կին, միայն օր մը ինծի սորվեցուր

այդ երկնային գիտութիւնն ու յաջորդ օր՝

անվարան ես գլուխ կ'երկարեմ դահիճին:

ԵԻԱ

Զարհուրանքի աշխարհին մէջ տակաւին

սէ՛ր կը փընտռես, չի՞ վախցըներ խիղճըդ քեզ:

ԱԴԱՄ

Մենաշնորհն է խիղճը միջակ մարդերուն:

Զոր կը վըզէ ճակատագիրն, ան չունի

ժամանկ որ նայի չորեք կողմն ու դիտէ:

Ո՛ւր լըսած ես՝ որ փոթորիկ առնէ կանգ

երբ ճամբուն վրայ վաթող տըկար տատանի:

Եւ ո՞վ պիտի յանդուգն ըլլայ բաւարար

ամենօրեայ-վաթի մարդիկ դատելու:

Ո՞վ կը տեսնէ նուրբ թելը որ բեմին վրայ

կ'առաջնորդէ Կատիլինա կամ Բրուտոս:

Կամ կը կարծեն, որ ու մասին որ համբաւ

կը շըրջի, թէ դադրած է մարդ ըլլալէ,

եւ էակի մը փոխուած է գերագոյն

որ չի զբաղիր ամենօրեայ հոգեբով:

Եւ բիւր փոթորիկ արհամարհուած դէպքերով:

Մի՛ հաւատար, - սիրտը զահին վըրան ալ

կը բաբախէ. թէ սիրունի մը ունէր

Կեսար, անի զինքը միայն կը ճանչնար

լաւ մարդ մ'իբրեւ, մըտքէն անգամ չանցուցած՝

որ կը դողար աշխարհն անկէ սարսափով:

Ինչո՞ւ պիտի չըսիրէիր, ըսէ արդ,

միթէ դուն ալ կին չե՞ս, ես ալ մարդ մը չե՞մ:

Սիրտը, կ'ըսուի, կամ կը սիրէ, կամ կ'ատէ,

ինչ որ բերած է իր հետ այս երկրիս վրայ:

Սիրտըս, կը զգամ, քու կինիդ է ազգական,

այս խօսքը դուն չե՞ս հասկընար, օրիորդ:



ԵՒԱ

Հասկընամ ալ օգուտ չունի, այլ աստուած  
կ'առաջնորդէ քեզ, զոր սըրտիս մէջ կը կրեմ:  
Երբեք պիտի չըհասկընանք մենք զիրար:

ԱԴԱՄ

Ուրեմըն թող գաղափարներդ հընամաշ:  
Աքսորական աստուծոյ մ'ի՞նչ կը զոհես.  
Կինը միայն բազինի մ'է արժանի  
յաւերժաբար երիտասարդ - սիրտն է ան:

ԵՒԱ

Լըթուած խորանն ալ մարտիրոս ունենալ  
կըրնայ, Տանթոն. վեհագոյն է աւելի  
մեծարանքով աւերակն ալ պահպանել.  
Քան բարձրացող իշխանութիւնն ողջունել.  
Եւ այս կոչումն յարմարագոյն է կընոջ:

ԱԴԱՄ

Դեռ զիս յուզուիլ մարդ չէ տեսած, թէ տեսնէ  
թըշնամի եւ կամ բարեկամ հիմա զիս,  
թէ զոր առաջ ճակատագիր կը մըղէ  
զերդ փոթորիկ մը մաքրելու այս աշխարհս,  
աղջկան մը հետ կեցած է արդ կառափնատ,  
աչքերուն մէջ տաք արցունքով, սիրելու,  
կը գուշակէր թէ Տանթոն ալ պիտ'իյնայ.  
պիտի խընդար եւ ոչ ոք վախ կ'ունենար:-  
Կը պաղատիմ սակայն ջըշոյլ մը յոյսի:

~~ԵՒԱ~~ ԵՒԱ

Երբ շիրիմէն անդին հոգիդ մաքրուած  
այս արիւնոտ դարու զոշին թօթափէ,  
գուցէ...:

ԱԴԱՄ

Աղջիկ, այդ խօսքն այլեւս մի՛ ըսեր.  
չեմ հաւատար անդենական աշխարհին,  
ճակատագրին դէմ ես անյոյս կը կըռուիմ:  
(Ամբոխը կը վերադառնայ վայրագաբար, արիւնոտ զէնքերով,  
նիզակներու ծայրը ցցած քանի մը արիւնաթաթախ գլուխներ բերե-  
լով: Քանի մը հոգի ամպիոնին վրայ կ'ելլեն:)

ԱՄԲՈՒԸ

Արդարութիւն ըրինք: - Ի՞նչ սէգ սերունդ էր:  
ՍԱՆ-ՔԻՒԼՈՐ ՄԸ (Տանթոնի մատանի մը տալով):

Այս մատանին Հայրենիքի խորանին:

Վատերէն մին ձեռքըս խոթեց՝ դանակս երբ

կը բըռնէի վիզին: Անոնք կը կարծեն,

թէ ամենքն աւազակներ ենք միայն:

Դուն դեռ ո՞ղջ ես: - Գնա՛ւ զբօրդ ետեւէն:

(Կը դաշունահարէ Եւան, որ ամպիոնի ետեւի մասէն վար կը  
գլորի:)

ԱԴԱՄ (Աչքերը ծածկելով):

Ահ, վերջացաւ: - Ճակատագիր, ո՞վ քեզի

կը դիմանայ:

ԱՄԲՈՒԸ

Համախուսմբին վրայ հիմա:

Առաջնորդէ: Մատնիչները ցանկեցի՞ր:

(Ամբոխը վար կը քաշուի ամպիոնէն: Օւա, իբր պատառոտուն եւ  
կատաղի ռամկուհի, խուսմբէն դուրս կու գայ, մէկ ձեռքին մէջ  
դաշոյնով, իսկ միւսին մէջ ալ արիւնոտ գլուխ մը բռնած, Տան-

ԵՒԱ (Թոնին կը վազէ:)

Տանդոն, նայէ, այս դաւաճանն քեզ կ'ուզէր  
ըսպաննել եւ ըսպաննեցի ես զանի:

ԱԴԱՄ

Այս տեղն ինծմէ թէ լաւագոյն լեցընէր՝  
գէշ ըրած ես, ապաթէ ոչ՝ գործդ է լաւ:



ԵԻԱ

Հաւ ըրի եւ վարձատրութեան կը սպասեմ,  
հետըս, մեծ մարդ, միայն գիշեր մը անցուր:

ԱԴԱՄ

Ի՞նչ համակրանք այս կուրծքին մէջ կը մըլնի:  
Կամ գորովի ի՞նչ բընազդ է քած վագրին:

ԵԻԱ

Քաղաքացի, կ'երեւի թէ իսկապէս  
երակիրդ մէջ կապոյտ արիւն կը հոսի,  
կամ կը խօսիս զառանցանքով վիպական:  
Դուն այլ մարդ ես, իսկ ես կին եմ եւ մատղաշ,  
ըզմայլանքս քեզ կը ձգէ զիս, մեծ մարդ:

ԱԴԱՄ (Մեկուսի:)

Կը սարսըռամ, աչքըս մեկդի կը դառնայ:  
Յընորք մ'է սա սարսափելի, որ կ'ընկճէ:  
Ջարմանալի, որքան իրար են նըման.—  
ով որ ճանչցաւ այդ զուարթունն ու տեսաւ  
անկումն անոր, գուցէ նըմանը տեսնէ:  
Գիծերը նոյն, հասակն ու ձայն, ամէն բան,  
փոքրիկ ոչինչ բան մը միայն կը պակսի,  
նըկարագրել անգամ զոր չէ կարելի,  
սակայն որքան ամբողջութիւնն է տարբեր:—  
Ջայն չըկըրցայ գրաւել, քանի կը պահէր  
ճանաչ մ'. ասկից դժոխքի ժահ կը բուրէ:

ԵԻԱ

Ի՞նչ կը խօսիս ինքնիրենդ դժու:

ԱԴԱՄ

Կը հաշուեմ,

ով կին, չունիմ այնքան գիշեր ես, որքան  
Հայրենիքին մէջ մատնիչ կայ տակաւին:

ԱՄԲՈՒՐ

Համախումբին վրայ, անուններ տուր միայն:  
(Մինչ այս Ռոպէսփիէր, Սէն-Ժիւսթ եւ Համախումբի ուրիշ ան-  
դամներ նոր ամբողջով մը կուգ գան եւ տեղւոյն վրայ ամպիոն  
մը բարձրացնելով վեր կ'ելլեն:)

Սէն-Ժիւսթ

Ի՞նչ անուններ: Անոնց գըլուխն ինքն է ճիշտ:

(Ամբոխը կը պոռայ:)

ԱԴԱՄ

Ամբաստանել կը յանդգնիս զիս, Սէն-Ժիւսթ.  
ուժով եմ ես:

Սէն-Ժիւսթ

Ժողովուրդին հետ էիր:

Բայց ժողովուրդն իմաստուն է, քեզ ճանչցաւ,  
կը հաստատէ Համախումբին վըճիռն ան:

ԱԴԱՄ

Ժողովուրդէն զատ՝ դատաւոր չեմ ճանչնար.  
իսկ ան ինձի բարեկամ է, լաւ գիտեմ:

(Դարձեալ աղմուկ ժողովուրդին մէջ:)

Սէն-Ժիւսթ

Հայրենիքի դաւաճան է բարեկամդ:

Պիտ'դատէ քեզ ժողովուրդը գերագոյն,  
անոր առջեւ կ'ամբաստանեմ քեզ մատնիչ,  
իւրացնող դու պետական ինչքերուն,  
ու համակիր ազնուական որեարին,  
հուսկ բռնաւոր իշխանութեան ցանկացող:

ԱԴԱՄ

Ըզգոյշ, Սէն-Ժիւսթ, դէմըդ պիտի որոտամ:

Կը զըրպարտես:



ՌՈՊԷՍՓԻՆԸ

Իրեն խօսիլ մի՛ թողուք.

գիտէ՞ք լեզուն օձի նըման կը փահի:

Բըռնեցէ՛ք՝ մեր ազատութեան անունով:

ԱՄԲՈՒՆ

Ալ չըլըսենք, ալ չըլըսենք, թող մեռնի:

(Կը շըջապատեն ու կը ձեռքակալեն:)

ԱՌԱՄ

Նա, մի՛ լըսէք, սակայն ես ալ չըլըսեմ

զըրպարտութիւնն այդ անպիտան. քանի որ

խօսքով յաղթել չըկարենանք պիտ' իրար:

Մանաւանդ թէ եւ ոչ գործով յաղթեցիք:

Ռոպէսփի՛ն, դուն զիս միայն կանխեցիր.

մի՛ պարծենար: Զէնքս կը յանձնեմ - կը բաւէ:

Բայց ամէնուն առջեւ քեզի կոչ կ'ընեմ,

երեք ամսէն այս ճամբէն ինծ' հետեւէ:

Դահլիճ, ճաղտար եղի՛ր - տիտան կը սպաննես:

(Գլուխը Կիլիոթինին կ'երկարէ:)

ԾԱՆՕԹՈՒԹԻՒՆՆԵՐ

- 1 - Կիլիոթինը տխրահռչակ գործիք մըն էր գլխատելու համար, հնարուած Զրանսական յեղափոխութեան ժամանակ Կիլիոթինի անունով բժիշկէ Նը, որմէ անունն ալ առած է գործիքը:
- 2 - Կղերականներու ձեռքէն շանթերը կորցեցին, իշխանութիւնը առին, որ իրենք կը վայլէին, Աստուծոյ պատիժը սպառնալով: Զրանսական յեղափոխութիւնը կը մերժէր զԱստուած եւ անոր տեղ Միտքը կ'ուզէր դնել եւ բարոյական օրէնքներն ալ զուտ միտքի վրայ հիմնուած միայն հաստատել:
- 3 - Տանթոն պատերազմներու չէր մասնակցած Զրանսայի համար, ինքը ներքին թշնամիները կ'ուզէր շնչել:
- 4 - Համախումբ - *Convergence*, Զրանսական Յեղափոխութեան շըրջանին՝ երեսփոխանական ժողովն էր:
- 5 - Սան-քիւլոթ կը կոչուէին յեղափոխականները, որոնք ժողովուրդի վարի դասակարգներէն էին եւ երկար տաքատներ (փանթալոն) կը հագուէին եւ ոչ կարճ (քիւլոթ), ինչպէս ազնուական դասակարգը:
- 6 - Սովորական մարդիկ իրենց ամենօրեայ գործերուն մէջ ալ խղճի համաձայն գործելու առանձնաշնորհը կը վայլեն: Մինչ Յեղափոխութեան փոթորիկի մէջ՝ առաջնորդները ճակատագիրէն է որ կը քշուին եւ չեն կրնար լսել խղճի ձայնը: Սակայն մեծ մարդիկն ալ ոչ միայն համայնքին համար կ'ապրէին, ~~միայն~~, այլ անոնք ալ ունէին իրենց անհատական կեանքն ու իղձերը:



Թ ՏԵՍԱՐԱՆԻՆ ԲԱՑԱՏՐՈՒԹԻՒՆԸ

Երազի մէջ երազ: Դէպքերը հեղինակին գիւտերն են, եւ սակայն իրենց ամբողջութեան մէջ եւ էութեան մէջ իրական: Ազատութեան արբեցութեան մէջ եւ ազատութեան անուանով ոչ միայն յանցաւորները կը պատժուին, այլ շատ մը անմեղներու արիւնն ալ կը թափի:

Այս համառօտ Տեսարանին մէջ խտացուած է Յրանսական Յեղափոխութեան արիւնոտ շրջանը, պատմական իրապաշտ կերպով: Տանթոնի նկարագիրն ու ճաշն ալ կը համապատասխանեն պատմութեան:

Տանթոն (1759 - 1794) մարմնեղ ու տգեղ մարդ մըն էր. բայց ձայնը զօրաւոր եւ խօսքերը ամբոխավառ: Ինքն էր Պասթիլի դէմ յարձակումը առաջնորդողը, ինչպէս նաեւ մասնակից եղած է Թէօյէրի գրաւումին: Իբր արդարութեան նախարար՝ ֆարիզի բանտերը այցելած է ու գլխատել տուած շատ մը անմեղներ ալ. սակայն երբեմն գուժէն շարժած շատերու կեանքն ալ ազատած էր:

Տանթոնի սիրահարուիլը ազնուական աղջկան մը, Մատաշի գիւտն է, սակայն հոգեբանական իրականութիւն մը կը ցուցնէ: Ամուսնացած է Յեղափոխութեան արիւնոտ շրջանին: Իր մահուան պարագաներն ալ իրենց խորքին մէջ իրական են: Տանթոն, պարագաներու բերումով, Ռոպէսփիէրի հակառակորդը դարձաւ, որ զինքը բռնել տուած է եւ ամբաստանած: Ամբաստանագիրը գրուած էր Սէն-ժիւսթէն: Մահուան դատավճիռէ վերջ՝ Տանթոն անխռով մնաց եւ աներկիւղ գոչեց. «Քանի մը վատ աւազակներու զոհերն ենք, բայց անոնք երկար պիտի չվալեն իրենց յաղթանակի պտուղը: Ետեւէս պիտի քաշեմ Ռոպէսփիէրէրէ:» Տանթոն ~~1794~~ 1794-ի Ապրիլ 5-ին սպաննուեցաւ. նոյն տարուան Յուլիոս 28-ին ինկան Ռոպէսփիէրի եւ Սէն-ժիւսթի գլուխներն ալ:

/ Simeone /







Անշընոճհօք:

Իսկ ես հոս եմ արցունքներովս ու մեղքովս: (Կ'երթայ:)

ԱԴԱՄ

Ուրեմն անուրջ մ'էր միայն եւ վերջացաւ:  
Ոչ ամէն բան: Գաղափարն է զօրաւոր  
քան նիւթը խեղճ, զոր կը զգեստնէ բռնութիւնք  
մինչ յաւիտեան պիտի ապրի անիկա:  
Կը տեսնեմ սուրբ գաղափարներս աճիլ ես,  
մաքրուելով միշտ վեհօրէն, մինչեւ որ  
յամբ թեեւ, աշխարհն ամբողջ լեցունէ:

ԱՐՈՒՍԵԱԿ

Արեւն կ'ելլէ, դասի ժամ քեզ կը սպասէ:  
Կը հաւաքուին պատանիներն անհամբեր  
գողնալու բառ մ'իմաստութեանը շողէն:  
(Աստղադիտարանի վրայ եղած զանգակը կը հնչեցնէ:)

ԱԴԱՄ

Զիս մի՛ ծաղրեր, գիտութեամբ զիս մի՛ հեգնիր,  
երբ գովեն զիս՝ ես պիտի լինեմ որ կարմրորմ:

ԱՐՈՒՍԵԱԿ

Կ'ուսուցանես պատանիներ շատ, ուշիմ:

ԱԴԱՄ

Կ'ուսուցանեմ. կ'ընտելացնեմ իմաստին  
այն բառերու զոր իրենք չեն հասկընար,  
բայց որ իմաստ չունին բան մ'ալ ընելու:  
Անմիտը պիշ հոն նայելով կը կաթօժէ՝  
այս խօսքերով մենք ոգիներ կը կոչենք.  
մինչ այս ամբողջ հընարք մըն է պարզապէս  
արուեստն աչքի խաբէութեան պաշտը կել:

(Աշակերտ մը արագաքայլ կու գայ ու պատշգամ կ'ելլէ:)

ԱՇԱԿԵՐՏ

Բարի եղար զիս կոչելու քեզ, վարպետ.  
ու խոստացար ծարաւ մըտքիս յագուրդ տալ,  
եւ թոյլատրել որ խորն մըտնեմ իրերու,  
ուրիշներէն զիս ընդունակ դատելով:

ԱԴԱՄ

Զանքդ, ճիշտ է, բացառիկ է իսկապէս,  
եւ քեզ կու տայ առաջնութեան իրաւունք:

ԱՇԱԿԵՐՏ

Հոս եմ, հոգիս տենչէն ահա կը դողայ՝  
բռնութեան մեծ դարբնոցին մէջ մըտնելու,  
ըմբռնելու եւ վայելելու աւելին,  
նիւթի, մըտքի աշխարհներուն տիրելով.  
եւ ըզգալ՝ թէ անոնցմէ ենք գեղազանց:

ԱԴԱՄ

Շատ բան կ'ըզգաս: Տիեզերքի մանրէ մ'ես,  
ի՞նչպէս կ'ուզես ամբողջութիւնն ընդգրկել:  
Կ'ուզես հաճոյք, իշխանութիւն, գիտութիւն,  
թէ չընկճուի կուրծքդ անոնց բեռին տակ  
եւ հասնէիր անոնց, աստուած կ'ըլլայիր:  
Նուազագոյն ցանկայ, գուցէ կը հասնիս:

ԱՇԱԿԵՐՏ

Գաղտնիք մ'անգամ եթէ լուծես գիտութեան՝  
միշտ շահաւոր պիտ'ըլլամ ես, ով մեծ մարդ.  
Զի կը զգամ՝ թէ ես ոչ մէկ բան կ'ըմբռնեմ:

ԱԴԱՄ

Շատ լաւ ուրեմն, արժանի ես, կը տեսնեմ,  
քեզ կը տանիմ սըրբատեղին գաղտնագոյն,  
որ ճշմարիտն որպէս ինքս, տեսնես դու:



Զի՞ լըրտեսեր արդեօք օտար ունկընդիր.  
ճըշմարտութիւնն ահաւոր է, մահացու,  
եթէ այսօր ժողովուրդին մէջ մըտնէ:  
Օր պիտի գայ, հասած ըլլար, երանի,  
փողոցին մէջ երբ պիտ'անոր վրայ խօսին.  
Բայց այն ատեն հասաւ կ'ըլլայ ամբոխն ալ:-  
Ձեռք տուր ինծի, որ դուն մէկու չըյայտնես  
ինչ որ լըսես: Մըտիկ ըրէ ուշադիր:

ԱՇԱԿԵՐՏ

Սարսափէս ու տենչէս ինչպէս կը դողամ:

ԱԴԱՄ

Ի՞նչ կ'ըսէիր քիչ մը առաջ դուն ինծի:

ԱՇԱԿԵՐՏ

Թէ ոչ մէկ բան կը հասկընամ իսկապէս:

ԱԴԱՄ (Զգուշաւոր կերպով):

Տես, ես ինքս ալ, - ու հաւատա՛թէ ոչ ոք:  
Իմաստասէրն բանաստեղծն է պարզապէս  
այն բաներուն որոնց չունինք գաղափար:  
Շատ մ'ուսմանց մէջ անմեղն է սա տակաւին,  
զի ինքնիրեն կը գուարճանայ լըռութեամբ,  
իր աշխարհային մէջ ցընորքով առլըցուն:  
Բայց ունի՛ ան շատ մ'ընկերներ այնպիսի՝  
որ լըրջադէմ փոշիին մէջ կը գըծեն.  
Գիծ մը յորձանք կը յորջորջեն, կ'լորն ալ  
սըրբավայր. որ կը ծիծաղիս գրեթէ դուն  
զաւեշտին վրայ. սակայն յետոյ կը տեսնես  
ամբողջը՝ թէ սոսկաւի լուրջ խաղ մըն է:  
Զի մինչ ամէնքն ալ սեղմ կուրծքով, դողալով,  
փոշիագիծ այդ ձեւերէն խոյս կու տան,  
հոգ, հոն լարուած թակարդներ կան յանդուգնին,  
վրայէն անցնողն արիւնլուայ կը խոցուի:  
Նըման անմիտ թախեր ցըցուած են անթուլ  
մեր ճամբուն մէջ. եւ բարեպաշտ եռանդով  
թեւ թիկունք են իշխանութեան կազմուած:

ԱՇԱԿԵՐՏ

Կը հասկընամ. ա՛յսպէս յաէտ պիտ'ըլլայ:

ԱԴԱՄ

Պիտի խընդան օր մ'այս ամէն բանին վրայ.  
Պետական մարդն՝ որուն կու տանք "մեծ" տիտղոս,  
ուղղափառն ալ, որուն ապշած կը նայինք,  
խեղկատակներ պիտի կոչէ ապագան,  
երբ մեծութիւնն իսկական տեղն իր գրաւէ,  
բընականն ու պարզը, որ լուկ հոն քեզի  
ցատկել կու տայ, ուր իսկապէս փոս մը կայ,  
ճամբայ կու տայ՝ ուր ասպարէզն է ազատ:  
Իսկ ուսումն որ յիմարութեան կը տանի  
այսօր խըրթին իմաստներով, այն ատեն  
պիտ'հասկընանք ամէնք, թեւ չըսորվին:

ԱՇԱԿԵՐՏ

Այս է ահա հասկընալի այդ լեզուն՝

առաքեալներն որով մեզի խօսեցան: -

Բայց թէ ամէն մընացածը քուրջ մ'է լուկ,  
հաւատքըս մի՛ փըշրեր հանդէպ արուեստին:  
Եւ սորվելիք օրէնք ունի՞ անշուշտ ան:

ԱԴԱՄ

Գեղարուեստին բուն մեծութիւնն ալ այն է  
որ ծածկուի եւ չըզարնէ աչքերուն:



ԱՇԱԿԵՐՏ

Եւ մընամ միշտ իրականին առջեւ խիստ:  
Մեր գործերուն գաղափարն է հոգետուր:  
ԱԴԱՄ

Ճիշտ է, հոգի ան կը հեղու գործին վրայ,  
եւ հաւասար կ'ընէ ըզմեզ բընութեան,  
արարչութեան հասցընելով մեր գործերն,  
առանց որու անոնք մեռած կը մընան:  
Դու մի՛ վախնար թէ գաղափար մինչ կու տաս՝  
գերազանցես մեծ բընութիւնն կենդանի:  
Բայց օրինակն ու օրէնքներն հանգիստ թող:  
Որուն մէջ որ ոյժ եւ Աստուած բընակի՝  
ան կը ճառէ, կը փորագրէ կամ կ'երգէ,  
սըրտաճըմլիկ կու լայ հոգին երբ ցաւի,  
եւ կը ժըպտի երբ հաճոյքով արբենայ:  
Թէ նոր ուղի բանայ, անվրէպ կը հասնի  
նըպատակին: Մինչ տեսաբանն նոր օրէնք  
պիտ' օրինէ իր արուեստէն, լեւ գուցէ  
գաճաճ ցեղի մ'համար. սակայն երբեք թեւ: 2

ԱՇԱԿԵՐՏ

Ուրեմն ըսէ, ո՛հ, ի՞նչ ընեմ ես, Վարպետ:  
որ գիտութեան նուիրեցի գիշերներս  
եւ ապուշին միայն եղայ հաւասար,  
բոլոր ջանքերս ես ունայն տեղ վատեցի:  
ԱԴԱՄ

Ձէ կորսուած, զի սա կու տայ իրաւունք  
արհամարհել անոր բոլոր հրապոյրներն:  
Ով վըտագի դիմաց դեռ չէ գըտնուած,  
թէ քնկըրկի, վատ մըն է: Մինչ կ'անտեսէ  
կըռուազաններն՝ կըտրիճը փորձ համարձակ,  
կասկածի տակ չիյնար անոր քաջութիւնն:  
Մագաղաթներն ու թերթերն առ այս դեղնած,  
որոնց վըրայ մըզլոտութիւնն է քաբած,  
կըրակ նետէ: Կը մոռցընեն անոնք մեզ  
մեր ոտքերով քալելու եւ կ'արգիլեն  
մըտածել եւ կը փոխանցեն սըխալնիս,  
իբր կանխակալ կարծիք անցեալ դարերու  
նոր աշխարհին: Կըրակ նետէ ամէնքն ալ,  
եւ գընա դուրս, գընա՛ վայլէ՛ թէ օղն ազատ:  
Ինչո՞ւ սորվիս շարունակ թէ երգն ինչ է,  
եւ անտառն ինչ, կեանքը մինչդեռ կը սահի՝  
անմըխիթար չորս պատերուն մէջ խուցիդ:  
Արդեօք քեզի կեանքը երկա՞ր կը թուի,  
որ մինչեւ մահ տեսութիւններ լոկ սորվիս:  
Եկո՛ւր, բարեւ միասին տանք դըպրոցին,  
քեզ թարմութիւնդ առաջնորդէ վարդաբոյր,  
ուրախաբեր երգին, շողին, արեւուն:  
Երկբայելի պահակ Ոգի տար ահա  
զիս ալ դէպի նոր աշխարհ, որ պիտ' թթիւ աճի,  
երբ մեծ մարդուն գաղափարներն հասկընան,  
տալով ծածուկ մըտածութեան ազատ խօսք,  
փլտակներու փոշիին վրայ անիծեալ:



ԾԱՆՕԹՈՒԹԻՒՆՆԵՐ

- 1 - Ֆրանսական Յեղափոխութեան մէջ ալ, Աղամի համաձայն, աստուածային կայծը կար, եղբայրութեան գաղափարականը:
- 2 - Մի՛ կարծեր թէ գաղափարականացնելով բնութեան գեղեցկութիւնը գերազանցես: Ճշմարիտ արուեստագէտը օրէնքներով չէ որ կը ստեղծագործէ, այլ կը հետեւի իր ներշնչումին: Տեսաբանները արուեստէն օրէնքներ կը յօրինեն, բայց այդ օրէնքները չեն օգներ արուեստագէտին այլ միայն արգելք կ'ըլլան ստեղծագործելու:
- 3 - Գիտութիւնը իրաւունք կու տայ որ մարդը արհամարհէ գիտութեան հրապոյրները, այս ինքն է՝ որ ամէն հարցին մէջ գիրքերուն դիմէ: Մարդը կեանքէն պէտք է սորվի, գիրքերը անցեալի նախապաշարումները կը հաղորդեն ներկային եւ ապագայի սերունդին:

Ժ ՏԵՍԱՐԱՆԻՆ ԲԱՅԱՏՐՈՒԹԻՒՆԸ

Քեփլէր-Աղամ արթընցած՝ կը խորհողածէ Ֆրանսական յեղափոխութեան հետեւանքներուն վրայ: Աղամ աստուածային կայծը կը տեսնէ Յեղափոխութեան մէջ, որովհետեւ եղբայրութիւնը կ'ուզէ ըստեղծել մարդոց միջեւ, թէեւ ծանր է մեղքն ալ, անոր թափած անմեղներու արիւնին համար: Յեղափոխութեան փորձառութիւնը կը կապուի Աղամի վարդապետութեան, որով իր հաւատարիմ աշակերտներէն մէկը կ'ուզէ լուսաւորել: Քեփլէր ծածուկ միայն կրնար ուսուցանել իր վարդապետութիւնը, որովհետեւ իշխանութիւնները խարոյկի կը դատապարտէին ով որ աւանդական կարգ ու կանոնին դէմ խօսէր: Այ թէ իմաստասիրութիւնն է վտանգաւոր, այլ եկեղեցական եւ քաղաքական իշխանութիւնները, լի յետամնաց ~~Յ~~ սնապաշտութիւններով, որով ցած դասակարգները գերի կ'ուզէին պահել եւ որոնց դէմ գործողը՝ ինքզինքը կը վտանգէր: Անոր համար կ'ըսէր իր աշակերտին որ գիրքերն ու մագաղաթները մեկփի նետէ, որովհետեւ նախորդ դարերու նախապաշարումները յաջորդ սերունդներու աւանդելու կը ծառայէին, եւ կեանքէն սորվի, որ իրականութեան եւ ճշմարտութեան վարդապետն է:

Ը, Թ, եւ Ժ Տեսարանները՝ բացի իրարու հետ սերտօրէն կապուած ըլլալու, նաեւ գործին կեդրոնն ու զազաթնակէտը կը կազմեն (ասոնցմէ առած չորս պատմական տեսարաններ կան եւ ասոնց կը հետեւին ուրիշ չորս տեսարաններ):

Յաջորդ Տեսարանները այլ եւս պատմական շրջաններ չեն կազմեր, Մտաշ չէ տեսած Լոնտոնի տեսարանին մէջ նկարագրուած ազատականութեան (*Liberalism*) անկումը, պատմութեան իմաստասիրութեամբ կը հետեւցնէ, ինչպէս նաեւ յաջորդ Տեսարանները: Ասկից վերջ Աղամ եւ Արուսեակ դեր չեն խաղար այլ միայն դիտողներ են դէպքերուն: Արուսեակ Երկբայելի Ոգի կը կոչուի, որովհետեւ ասկէ վերջ ցոյց տալիքները եւ հանելիք հետեւանքները՝ տարակոյսի առարկայ են եւ ոչ պատմական իրողութիւններ: Որով ապագան անորոշ է, սակայն ճամբան ցոյց տուողը մեծ մարդ մըն է. որ շատ հաւանաբար հաւատացեալ Մտաշի համադրի ստոսն է, եւ այդ ճամբան եղբայրութեան ճամբան է, զոր Աղամ առաջին անգամ Պետրոս Առաքեալի բերնէն լսեց: Եղբայրութեան գաղափարական աստուածային ծագում ունի, որուն միջոցով մարդը կը հասնի նաեւ ազատութեան եւ հաւասարութեան գաղափարական-ներուն:



(Լոնտոնի մէջ: Շուկայ Թաուերի<sup>1</sup> եւ Թայմըզի միջեւ:  
Երփներանգ բազմութիւն մը ~~գտնուեց~~ կը զեռայ ու կ'աղմկի: Աղամ,  
իբր հասուն մարդ, Արուսեակի հետ Թաուերի աշտարակներուն  
մէկուն վրայ կեցած է: Երեկոյեան մօտ:)

ԽՈՒՄԱՐԸ

(Որուն երգը ձեւացած է ժողովի աղմուկին ձայնէր~~ը~~ուն  
խառնուրդէն, մեղմ երաժշտութեան մը ընկերակցութեամբ:)

Կը մըռընչէ ծովը կեանքին,  
նոր աշխարհ մ'է ամէն վէտ,  
ինչո՞ւ ցաւիս թէ սա սուգի,  
կամ վախնաս թէ ան գայ յայտ:

Կը խիթաս որ անհատը մերթ  
կըլանուի մեծ ամբոխէն.

մերթ ամբոխէն ցայտող անհատ  
ոչընչացնէ հազարներ:

Հոգ կը տանիս քերթողութեան<sup>2</sup>  
այսօր, վաղն ալ գիտութեան,

օրէնքներու նեղ չափին մէջ  
դուն կը փակես կոհակներ,

որքան յոգնիս եւ պայքարիս  
միշտ միայն ջուր կը հանես,

մինչ ծովը վեհ կը մըռընչէ  
կը թըրթըջայ, կը գողայ:

Թող մըռընչէ, կեանքն ալ պիտի  
սանձահարուի ինքնիրեն:

Մարտին մէջ բան չի կորսուիր,  
միշտ նոր է եւ միշտ վաղեմի,  
լըսէ դիւթիչ իր երգին:

ԱՂԱՄ

Սա է, սա է, զոր շարունակ ըղձացի,  
բաւիղ մըն էր մինչեւ հիմակ իմ ուղիս,  
կեանքը ինքնին առջեւս հիմա կը պարզուի,  
իր մըրցման երգն ինչ խրախուսիչ, շըքեղ է:

ԱՐՈՒՍԵԱԿ

Շարականի պէս անոյշ է հոս վերէն,  
խըրպոտ ձայներ, հառաչանքն ու վայնասուն  
երգ կը դառնան մինչեւ հասնին հոս մեզի:  
Տէրն ալ այսպէս կը լըսէ ու կը կարծէ,  
թէ այս աշխարհ նա աղեկ է ըստեղծէր:  
Բայց վարը, հոն, տարբեր պիտի լըսենք մենք,  
ուր որ սըրտի բաբախումն ալ կը խօսի:

ԱՂԱՄ

Երկմիտ հեգնող, գեղեցկագոյն աշխարհ չէ՞  
քան որմէ զիս տաժանագին անցուցիր:  
Տապալած են մամուտ որմերն արգելիչ,  
չըքացած են ուրուականներն ահաւոր,  
ինչ որ անցեալն սըրբացուցած կը թողու  
ապագային, իբրեւ անէծք մը լըլկիչ:  
Արդ կուրծքերուն ազատ մըրցումն է բացուած,  
ալ չեն կանգներ ըստրուկներով այսօր բուրգ:

ԱՐՈՒՍԵԱԿ

Եգիպտոսի մէջ ալ պիտի չըլըսուէր  
այսքան բարձր գերիներուն հեծութիւնն,  
առանց անոր աստուածային գործեր են:  
Կամ գերագոյն ժողովուրդն ալ Աթէնքի  
վըսեմաբար եւ սքանչելի չըգործե՞ց



իր սիրելի պանծալի մարդն զոհեցաւ,  
քանի վրտանգ Հայրենիքին կը սպառնար,  
եթէ դիտենք վերէն ու մեզ չընտրուին  
կընդ աքցուենք, ըմբռնումներ փոքրամիտ:  
ԱՂԱՄ

Լըռէ՛, լըռէ՛, յաւերժական իմաստակ: 3

ԱՐՈՒՍԵԱԿ

Թէեւ կեցած է, եւ լըռած է վայն ալ,  
անոր փոխան ինչ տալիակ է ամէն բան:  
Ձրգիչ բարձունքն ուր է, կամ խորն ահագողու,  
ո՞ւր մեր կեանքին երկնաւորումն անոյշ:  
Ալ չէ ծովու փայլուն յորձանքն պայթարող,  
այլ հարթ ճահիճ, միայն լեցուն գորտերով:  
ԱՂԱՄ

Փոխան ունինք բարօրութիւն հանրային:

ԱՐՈՒՍԵԱԿ

Ամպիրոնիդ բազմած այնպէս կը դատես  
քու ոտքերուդ առջեւ շարժող կեանքն՝ ինչպէս  
պատմութիւնն որ անցեալը մեզ կ'աւանդէ:  
Վայնասուն ու խըրպոտ ձայներ չի լըսեր,  
Կարձանագրէ երգերը լոկ անցեալին:  
ԱՂԱՄ

Ո՛հ, ըսկըսաւ դեւն ալ ըլլալ վիպապաշտ,  
կամ տեսաբան: Նուաճում են սա եւ նա:

ԱՐՈՒՍԵԱԿ (Թաուրը ցուցնելով):

Ջարմանք մը չէ՛ երբ վաղեմի դարերու  
ուրուին վրայ ենք աշխարհի մը մէջ նոր:

ԱՂԱՄ

Ես պէտք չունիմ այս կիսափուլ կայանին,  
ու նոր աշխարհ կ'ուզեմ իջնել անվեհեր,  
չեմ վախնար որ քերթողութիւն, գաղափարն  
իր ակիքին միջեւ դարձեալ չըզդտնեմ:  
Կըրնայ ըլլալ չարտայայտուի այլեւս ան  
տիտանական երկնադղորդ պայթարով,  
բայց աւելի գուցէ դիւթիչ եւ օրհնեալ  
աշխարհ կերտէ ուրուտին մէջ իր համեստ:  
ԱՐՈՒՍԵԱԿ

Մտահոգուելիդ աւելորդ տեղ պիտ'ըլլար:  
Նիւթը մինչեւ որ գոյութիւն ունենայ՝  
իշխանութիւնս ալ կանգուն է, զերդ դըրժում,  
որ կը կանգնի պայթարելու անոր դէմ:  
Մինչ ըլլայ սիրտ եւ ուղեղ որ մըտածէ,  
եւ օրէնք որ սահման դնէ իդձերուն,  
ոգիներու աշխարհին մէջ պիտ'ապրի:  
Իբրեւ դըրժում՝ քերթողութիւն, գաղափար: 4  
Բայց ըսէ թէ ի՞նչ կերպարանք առնենք մենք,  
երբոր իջնենք ժըխորին մէջ, քանի որ  
այս տարագով հոս տեղ կըրնանք մընալ լոկ՝  
ուր մեզ անցեալ դարուն ոգին կը ծածկէ:  
ԱՂԱՄ

Ինչպէս կ'ուզես, զի ալ չըկայ բացառիկ,  
փառք վախճանին: Որ հասկընանք ինչ կը զգայ՝  
պէտք է իջնենք մեծ խաւին մէջ ամբոխին:

(Երկուքն ալ կ'իջնեն Թաուրի մէջէն, եւ շուտով կ'ելլեն  
անոր դռնէն գործաւորի հագուստով եւ կը խառնուին բազմու-  
թեան մէջ: Խամաճիկ խաղցնող մը իր կրպակին քով կեցած է,  
որուն վրայ կապիկ մը նստած է շղթայով եւ կարմիր զգեստ  
հագած:)

ԽԱՄԱՃԻԿ ԽԱՂՑՆՈՂ

Այս կողմ, այս կողմ, ազնիւ սիրուն պարոններ:  
Ներկայացումն ահա շուտով կը սկըսի:



Ջաւեշտ մը շատ զուարճալի, դիտեցէք,  
թէ ինչպէս օձն առաջին կինն է խաբած,  
որ բաւական հետաքրքրիչ էր արդէն,  
եւ սա իսկոյն փորձանք մ'եղաւ այր մարդուն: -  
Կըրնաք տեսնել ինչ լըրջութեամբ կը խաղայ  
կապիկն աշխոյժ դերը իրեն յանձնուած.  
ու տեսնել արջ մ'իբրեւ պարի ուսուցիչ:  
Այս կողմ, այս կողմ, ազնիւ սիրուն պարոններ:  
(Կրպակին շուրջ մեծ եռուզեռ:)

ԱՐՈՒՍԵԱԿ

Ահ Աղամ, հոս մեզ կը յիշեն, իսկապէս  
աղուոր բան մ'է, որ ինկած է դեր մը մեզ՝  
որ վեցհազար տարի վերջ ալ անոր վրայ  
դեռ կը խընդան զուարտասէր այս մարդիկ:

ԱԴԱՄ

Մեկդի թող այս անհամ կատակն: Օն, երթանք:

ԱՐՈՒՍԵԱԿ

Անհամ կատակ. տես թէ ինչպէս կը խընդան  
ուսանողներն, որ քիչ առաջ հոն նըստած  
կը նիրհէին - նպաստ մէջ ընկըղմած:  
Ո՞վ պիտ'ըսէ թէ իրաւունք ո՞վ ունի.  
զարթնող ոյժի գիտակցութեամբ որ հիմա  
կեանք կը մըտնեն. կամ անոնք որ ձանձրացած  
արդ կը մեկնին՝ արդէն փրտած ուղեղով:-  
Գուցէ Շէկսպիր է քեզ հաճոյ աւելի՞  
քան անոնց այս խառնակութիւնն այլանդակ:

ԱԴԱՄ

Այլանդակն է ճիշտ գոր տանիլ չեմ կըրնար:

ԱՐՈՒՍԵԱԿ

Ժառանգած ես զայն ցունական աշխարհէն:  
Տես, զաւակն եմ, եւ կամ հայրն եմ, թէ ուզես, -  
ոգիներուն տարբերութիւն չի բերեր -  
նոր ուղղութեան, վիպապաշտին, եւ ես ճիշտ  
անոր համար այլանդակին կը հաւնիմ:  
Մարդու դէմքին նըմանութիւն մը կապկի.  
կամ նետել տիղմ գեղեցիկի ետեւէն.  
ցաւի զգացում, քուրցի հագուստ յարգազու.  
համեստութեան քարոզ մը քեզ պոռնկէն.  
խընկարկութիւն անպիտանին ու փոքրիկ.  
անէծք՝ սիրոյ վրայ վայելքէն յոգնածին.  
կը մոռցընեն ասոնք թ'աշխարհս է կողած,  
որովհետեւ կը վերապրիմ նոր ձեւով:

ԽԱՄԱՃԻԿ ԽԱՂՑՈՂ (Աղամի ուսին զարնելով):

Այս աղուոր տեղն ինչո՞ւ եկաք գրաւեցիք,  
սրիկայ, ձերի կը զուարճացնէ քեզ միայն  
ո՞վ որ կեանքէն զըզուած, կախուիլ կը ցանկայ:

(Աղամ եւ Արուսեակ կը հեռանան: Աղջնակ մը մանիշակ ծախե-  
լով կու գայ:)

ԱՂՋՆԱԿ

Մանիշակներ, անոյշ գարնան առաջին  
դեսպաններն են փոքրիկ, սիրուն: Գընեցէք:  
Մաղիկներ են քնըքուշ, որքին հաց կու տան,  
աղքատին ալ գոհարներն են գեղեցիկ:

ՄԱՅՐ ՄԸ (Մանիշակ գնելով):

Տո՛ւր ինձ. մեռած զաւկիս ձեռքին մէջ դընեմ:

ԱՂՋԻԿ ՄԸ (նոյնպէս գնելով):

Սեւ մազերուս շըքեղ ակունքն ըլլայ թող:

ԱՂՋՆԱԿ

Տիարք, փոքրիկ մանիշակներ, զընեցէք: (Կ'երթայ:)







Բիւրոր թող:

ԱԶԱՄ

Երթանք, ինչո՞ւ շարունակենք դեռ դիտել  
թէ անասուն մարդիկ ինչպէս կը դառնան:

ԱՐՈՒՍԵԱԿ

Ահ, ~~հա~~ է զոր կը փնտռէի ես շատոնց,  
զուարճանալ կըրնանք անսանձ հաճոյքով:  
Այս դըղըրդոցն ու քըրքիշնեքն վայրենի,  
վերարծարծումն են հին կրակին բազոսեան, 8  
որ վարդազոյն կը նըկարէ ամէն դէմք՝  
զերդ խօլ ցընորք թըշուառութեան երեսին:  
Փառաւոր չէ՞, ըսէ, ամէն ասիկա:

ԱԴԱՄ

Ինծի զըզուանք կը պատճառէ միմիայն:  
(Մինչ այս պարողներու քով կը հասնին: Երկու մուրացկան-  
ներ կռուելով կու գան:)

ԱՌԱՋԻՆ ՄՈՒՐԱՅԱՆ

Այս տեղն իմ է, ես հոս հրաման ըստացայ:  
ԵՐԿՐՈՐԴ ՄՈՒՐԱՅԱՆ

Գըթա՛ վըրաս, կամ անօթի կը մեռնիմ,  
երկու շաբաթ կ'ընէ, անգործ մընացի:

ԱՌԱՋԻՆ ՄՈՒՐԱՅԱՆ

Ըսել է թէ չես իսկական մուրացկան,  
վա՛յ խաբեբայ, վատ, ոստիկան կը կանչեմ: 9  
(Երկրորդ մուրացկանը կամացուկ մը կը հեռանայ: Առաջինը  
տեղը կը գրաւէ:)

Ցաւագարին, ազնիւ Տիարք, զըթացէ՛ք,

հինգ վէրքերուն համար խաչուած Զրիստոսի:

(Զինուոր մը՝ բաւուորի մը ձեռքէն կ'առնէ անոր հետ պարող  
աղջիկը:)

ԶԻՆՈՒՈՐ

Է՛յ, գեղացի, մեկդի կորիւր, կամ ինքզինքդ  
գուցէ բանի մը տեղ կ'ուզես դընել դեռ:  
ԲԱՆՈՒՈՐ ՏՂԱՆ

Թէ չես ճանչնար, հիմա գործով կ'իմանաս:  
ԵՐԿՐՈՐԴ ԲԱՆՈՒՈՐ ՏՂԱՆ

Թող, մի դըպչիր: Լաւագոյն է հեռանանք,  
իրն են ամէն իշխանութիւն ու պատիւ:

ԱՌԱՋԻՆ ԲԱՆՈՒՈՐ ՏՂԱՆ

Նախատինքով դեռ ինչո՞ւ գայն կը բարդէ,  
քանի տըզըրու՞մ մ'ան կը ծըծէ արիւննիս:

ՀՈՄԱՆՈՒՀԻ ՄԸ (Երգելով:)

Ոսկի խընձորն ալ կորցեցին

Վիշապներէն ժամանակին:—

Խընձոր այսօր ալ կը բուսնի,

հետքն ալ չըկայ մեծ վիշապին,

ապուշ է որ քու կը նայի՝

ու փըրձընել չի յանդգնիր:

(Երիտասարդի մը կը քծնի:)

ԱՐՈՒՍԵԱԿ ՖԸՆԿՂՄԱԾ ՂԻՏԵԼՈՎ զուարճա-  
ցողները:)

Այս պըշրանքին կը հաւնիմ ես, կը տեսնես:

Հարուստը իր գանձն իսկական կը ցուցնէ:

Մինչ ազահին երկաթապատ արկղին մէջ՝

կըրնայ ըլլալ աւագ եւ կամ փորձ ոսկի:

Այս տըղային նախանձն ինչքան յուզիս է,

որ կը հըսկէ ակնարկներուն աղջըկան,

յարգը ներկայ ըռպէին ան կը ճանչնայ,



Թէեւ գիտէ՝ որ վաղը — բայց հոգը չէ —  
պիտի յիշայ ան ուրիշ մարդու գըրկին մէջ։

ԱՂԱՄ (Նուագողի մը)։

Ըսէ՛, ով մարդ, ինչո՞ւ այսպէս կը վարուիս  
արուեստին հետ. նուագածիդ կը հաւնի՞ս։

ՆՈՒՍԵԱԿ

Ի՞նչպէս հաւնիմ։ Մանաւանդ թէ սոսկալի  
տանջանք մըն է օրն ի բուն զայս նուագել,  
դիտել ինչպէս կը զուարճանան բարձրագոյն։  
Այս վայրագ ձայնն երազներս ալ կը խրովէ։  
Հարկ է ապրիլ, եւ ուրիշ բան չեմ գիտեր։  
ԱՐՈՒՍԵԱԿ (Տակաւին դիտելով ընկղմած)։

Իմաստութիւն մը գործնական այսպիսի  
ո՞վ կը սպասէր այս տղոցմէ թրուրուն։ —  
Լաւ գիտէ այս աղջիկը թէ վերջինն չէ  
այս րոպէն, զոր կեանքէն հիմա կը վայլէ.  
մինչ կը գըգուէ, աչքերն արդէն կը փընտռեն  
նոր աղերսներ։ — Ահ, զաւակներս իմ սիրուն,  
որքան ձեզմով կ'ուրախանամ, որ այսպէս  
ինծի համար դուք կ'աշխատիք ժողտաղէմ։

Թըշուառութիւնն ու մեղքն ըլլան օրհնութիւնս։  
ԵՐԿՐՈՐԴ ԲԱՆՈՒՈՐ ՏՂԱՆ (Երգելով)։

Ով ջինջ սըրտով ու երգով  
յետ շաբթուան յոգնութեան՝  
գինի, համբոյր կ'ըմբռնեն՝  
ծաղրի կ'առնէ սատանան։

(Եկեղեցական երգի մը վերջին ներդաշնակութիւնները կը  
լսուին։ Եւա, իբր ժողովրդական աղջիկ մը, ձեռքը աղօթա-  
գիրքով ու ծաղկեփունջով մը, մօրը հետ եկեղեցիէն կու գայ։)

ՎԱՃԱՌԱԿԱՆ ՄԸ

Այս կողմ, այս կողմ, սիրուն ազնիւ օրիորդ,  
ինծմէ աժան ոչ ոք կը ընայ ծառայել։

ՈՒՐԻՇ ՎԱՃԱՌԱԿԱՆ ՄԸ

Մի հաւատաք, կեղծ կը շիւթով կը չափէ,  
ապրանքն է հին։ Այս կողմ, սիրուն օրիորդ։

ԱՂԱՄ

Արուսեակ, զիս այս անպէտ տեղ կը պահես,  
երանութիւնն ահա մինչդեռ մարմնացած  
անըզգալի կերպով քովէս կը սահի։

ԱՐՈՒՍԵԱԿ

Նորութիւն չէ այսպիսի բան մը բընաւ։

ԱՂԱՄ

Ժամէն կու գայ, ինչ գեղանի, քնքուշ է։

ԱՐՈՒՍԵԱԿ

Ինքզինք ցուցնել զացած էր, կամ տեսնելու։

ԱՂԱՄ

Ցուրտ հեգնանքովդ իրեն, խընդրեմ, մի՛ դըպչիր։  
Աղօթքը դեռ իր շըրթներուն է հըպած։

ԱՐՈՒՍԵԱԿ

Դարձի եկար, բարեպաշտիկ կը դառնաս։

ԱՂԱՄ

Գէշ կատակ մ'է։ Որքան ալ սիրտս ըլլայ ցուրտ՝  
վընասն իմս է։ Բայց աղջկան կուրծքին տակ  
կ'ուզեմ մընայ աւանդութիւնն կանխակալ,  
այս սուրբ քերթուածն, **ՅԵՅՅՅՅՅՅ** նուագը հին օրերու,  
որ անվընաս մընայ ծաղիկն թոյրն անոյշ։<sup>10</sup>

ԱՐՈՒՍԵԱԿ

Քու երկընքիդ թեկորը ո՞րն է սակայն,  
զի դեւէն ալ դուն պահանջել չես կըրնար՝



որ քու ճաշակդ ան խուզարկէ անդադար.  
գոհացիր որ յետոյ ձեռքըդ հասցընէ:

ԱԴԱՄ

Ո՞վ պիտ'ըլլար այդ աղջիկէն զատ ուրիշ:  
ԱՐՈՒՍԵԱԿ

Այդպէս կ'ըսէ փայտփորն ալ՝ երբ որդի բըռնէ,  
շուրջ կը նայի վախճալով ու կը կարծէ՝  
թէ երկրիս վրայ համեղագոյն պատառն է.  
մինչ աղաւնին պըժգանալով զայն կը դիտէ:  
Մարդն ալ միայն հոն շատ անգամ կը գըտնէ  
երջանկութիւնն, ուր որ գուցէ իր ընկերն  
արդէն դըժոխք մ'իրեն համար կերտած էր:

ԱԴԱՄ

Ինչ վեհութիւն, ինչ կուսական մաքրութիւն.  
գրեթէ չեմ ալ համարձակիր մօտենալ:

ԱՐՈՒՍԵԱԿ

Քաջութիւն, չես կիներու հետ նորընծայ,  
թէ լաւ նայինք ան ծախու է:

ԱԴԱՄ

Ախ, լըռէ:

ԱՐՈՒՍԵԱԿ

Ինչ, միւսներէն աւելի թանկ կը կարծես:  
(Մինչ այս, երիտասարդ մը՝ համեստաբար Եւայի կը մօտենայ  
եւ սրտաձիւ կարկանդակ մը կը նուիրէ իրենն:)  
ԵՐԻՏԱՍԱՐԴ

Այս փոքր ընծայս, ո՛հ, օրիորդ, կը խընդրեմ,  
սիրայօժար ընդունեցէք ձեռքերէս:

ԵԻԱ

Արթուր, դուք միշտ ազնիւ էք, զիս կը յիշէք:  
ՄԱՅՐԸ

Բայց շատոնց է այցելութեան չէք զար մեզ:  
(Մեղմաձայն կը խօսին, Ադամ ջղագրգիռ կը դիտէ, մինչեւ  
որ երիտասարդը մեկնի:)

ԱԴԱՄ

Այս պատանի՞ն տըհաս պիտի տիրանայ,  
ինչ որ կ'ըզձայ իմ այրական սիրտս ի զուրս:-  
Ինչ մըտերմիկ կը խօսակցին, կը ժըպտին -  
ու ետեւէն նըշան կ'ընէ - ախ, ինչ վիշտ:-  
Հետը պէտք է խօսիմ:

(Եւային կը սկսի մօտենալ:)

ՄԱՅՐԸ

Հարուստ ծընողներ  
ունի Արթուր իրօք, սակայն չեմ գիտեր,  
թէ կապերնիդ ինչ աչքերով կը դիտեն:  
Իր մըրցորդն ալ ուստի մեկդի մի՞ թողուր,  
որ այսօր ալ փուռն մը քեզի նուիրեց:

ԱԴԱՄ

Թոյլ տուէք ինծ, Տիկնայք, ձեզի ընկերեմ,  
որ ժըխորին մէջ ձեզ վըտանգ չըհասնի:

ԵԻԱ

Ինչ լըրբութիւն է սա:

ՄԱՅՐ

Մեկդի, ինքնակոչ:

Աղջիկս արդեօք դուք այնպիսի՞ կը կարծէք,  
որ յանդըգնիք իրեն հիւսել գովեստներ:

ԱԴԱՄ

Ուրիշ կ'ըսուի՞ր:- Երազած եմ շատ անգամ  
կընօշ գեղին տիպարն այսպէս կատարեալ:



ՄԱՅՐՈ

Երազելու ուզածնիդ միշտ ազատ էք.  
Իմ աղջկանըս սակայն գեղը չի բացուիր  
մարդու համար դատարկապորտ ձեզ նըման:  
(Աղամ շփոթած կը մընայ, գնչուհի մը Եւային մօտենալով):  
Գնջոռիչի

Ով գեղանի օրիորդ, երկրի հրաշալիք,  
ցոյց տուէք ձեր փոքրիկ թաթիկն ըսպիտակ,  
պատմե՛մ ինչպէս ճակատագիր կը հիւսէ  
ձեր երջանիկ կեանքը՝ հազար բարիքով:  
(Զեռքը նայելով):

Աղուոր փեսայ մը կը սպասէ... շատ մօտէն.  
հարըստութիւն, առողջութիւն, զաւակներ...  
(Դրամ կ'առնէ):

ԱՐՈՒՍԵԱԿ (Աղամ ցուցնելով):  
Քոյրիկ, ընկերս ի՞նչ բախտ պիտի ունենայ:  
Գնջոռիչի

Լաւ չեմ տեսներ, սով թէ չուան կը սպասէ:  
ԱԴԱՄ (Եւային):

Մի՛ մերժէք զիս այսպէս, խընդրեմ, ախ, կը զգամ՝  
որ ձեր սիրտը ինձ համար է ըստեղծուած:  
ԵՆԱ

Մայր, մի՛ թողուր...  
ՄԱՅՐՈ

Ես ոստիկան կը կանչեմ  
եթէ չերթաք:

ԵԻԱ  
Խելքը գըլխուն գուցէ գայ, —  
խիստ մի՛ ըլլար, գէշ բան մը դեռ չէ ըրած: (Կ'երթան):  
ԱԴԱՄ

Իսպա՛ր եղար այս աշխարհէն ռամկական  
աներեւոյթ, քերթողութիւն դու մաքուր:  
ԱՐՈՒՍԵԱԿ

Ամենեւին. ի՞նչ էին այդ կարկանդակն,  
այդ փունջն ու պար եւ դարաստանն ռստազարդ,  
եթէ չըլլաս դու չափազանց քրմահաճ՝  
երազելիք շատ բաներ կան տակաւին:

ԱԴԱՄ  
Ի՞նչ կ'արժէ, երբ օգտապաշտ ու շահամոլ  
ոգին մէջն է թաքնուած եւ ալ չըկայ  
անշահասէր ոգեւորում ոչ մէկ տեղ:

ԱՐՈՒՍԵԱԿ  
Դըպրոցական աթոռներուն վրայ դեռ կայ,  
ուր տակաւին հեւքը կեանքին չէ մըտած:  
Հոն կու գան ճիշտ քանի մ'այսպէս տըղաներ:  
(Քանի մը ուսանողներ կու գան պտտելով):

ԱՌԱՋԻՆ ՈՒՍԱՆՈՂ  
Տըղաք, ուրախ, մեզմէ ետք քոս կը մընայ,  
ուրեմն այսօր աղուոր վայելք մը սարքենք:  
ԵՐԿՐՈՐԴ ՈՒՍԱՆՈՂ

Դուրս, բաց օդին, ես կը զըզուիմ քաղաքէն,  
սահմանափակ կարգէն, կեանքէն փերեզակ:  
ԵՐՐՈՐԴ ՈՒՍԱՆՈՂ

Մէկու մը հետ կըռուի փորձենք բըռնուիլ,  
զուարճութիւն մ'է իսկական առնացի:

ԱՌԱՋԻՆ ՈՒՍԱՆՈՂ  
Վարձկաններու գըրկէն խըլենք աղջիկներն,  
անմիջապէս պտտե՛րազմ ալ կը ծագի.  
Ետոյ վազենք անոնց հետ դուրս ազատ դաշտ,



գարեջուրի եւ նուագի դրամ ունինք,  
մեր յաղթութեամբ ու կարմըրցած երեսով  
իշխաններ պիտ'ըլլանք մինչեւ երեկոյ:

ԶՈՐՐՈՐԴ ՌԻՍԱՆՈՂ

Փըղըշտացին կատղեցընել. շըքեղ բան: 11  
ԱՌԱՋԻՆ ՌԻՍԱՆՈՂ

Եւ աւելի սերտ կապենք արդ դաշինքնիս.-  
զուարճանանք՝ որքան կըրնանք մենք հիմա,  
օր մը մինչեւ Հայրենիքին համար ալ  
ոգեւորուած, ազնուագոյն ասպարէզ

դիմենք կըռուի, մենք կորովնիս տրամադրած: (Կ'երթան:

ԱԴԱՄ

Սիրուն պատկեր, այս աշխարհին <sup>միջ</sup> տափակ,  
մէջը կը զգամ ծիլն լաւագոյն օրերու:

ԱՐՈՒՍԵԱԿ

Պիտի տեսնես ծիլն ինչ ծաղիկ պիտի տայ,  
թօթափելով դըպրոցներու հին փոշին:  
Հոն, այդ երկու գործատէրերն, որ կու գան,  
այդ տըղոց պէս էին իրենց մանկութեան: 12

(Երկու գործատէրեր խօսակցելով կու գան:)

ԱՌԱՋԻՆ ԳՈՐԾԱՏԵՐ

Ի գուր, մըրցման այլ եւք՝ չեմ դիմանար,  
կը փընտռէ լոկ աժանագոյնն ամէն մարդ:  
Իմ ապրանքիս որակն պէտք է վըտանգեմ:

ԵՐԿՐՈՐԴ ԳՈՐԾԱՏԵՐ

Աշխատավարձն իջեցնել է հարկաւոր:

ԱՌԱՋԻՆ ԳՈՐԾԱՏԵՐ

Կարելի չէ. խռովութեան մէջ են այժմ ալ,  
թէ չեն կըրնար շուքերն ապրիլ, եւ գուցէ  
իրաւացի է քիչ մըն ալ գանգատնին.  
բայց ով գիրենք ամուսնանալ կը ստիպէ,  
եւ ով կ'ըսէ՝ թէ վեց զաւակ ունենան:

ԵՐԿՐՈՐԴ ԳՈՐԾԱՏԵՐ

Աւելի խիտ պէտք է բըռնենք մենք գիրենք,  
թող աշխատին մինչ կէս գիշեր մեզ համար,  
ու կը բաւէ միւս կէսն իրենց հանգչելու.  
քանի անոնց օգտակար չէ երազել: (Կ'երթան:)

ԱԴԱՄ

Մեկդի՛: - Ինչո՞ւ ասոնք ինծի ցոյց թցնեցին կու տաս:

Բայց ըսէ՛ թէ այդ աղջիկն ո՞ւր հեռացաւ:

Հիմա ցոյց տուր կարողութիւնդ, Արուսեակ,  
ուրեմն օգէն որ ան ինծի հաւանի:

ԱՐՈՒՍԵԱԿ

Ոյժըս նըման ջընջին բանի չեմ վատներ:

ԱԴԱՄ

Ինչ որ քեզի ջընջին է՝ ինձ աշխարհէն:

ԱՐՈՒՍԵԱԿ

Ուրեմըն լաւ: Զափաւորէ ըզգացումդ,  
ու մի՛ վախնար սուտէն եւ տուր պատասխան  
երբ հարցընեմ. նա գերկիդ մէջ պիտ իյնայ:

(Բարձրաձայն՝ որ իրենց ետեւէն մտիկ ընող գնչուհին պլ  
խէ:)

Արդ կը տեսնէ՞ք, ինչ անհաճոյ է, Միլիորտ,  
ժողովուրդին մէջ խառնուիլ ծըպտուած,  
նախատինքներ պէտք է կըլլենք անդադար:  
Ամբոխն եթէ գիտնար՝ որ չորս նաւերնիս  
չընդկաստանէն արդ կը մըտնեն նաւակայք՝  
Ըզմեզ տարբեր պիտ'ընդունէր:

ԱԴԱՄ

Ի հարկէ:



ԹՅՅԹՅՅՅ ԳՆԶՈՒՀԻ (Մեկուսի:)   
 Իմացածըս լաւ գումար մ'ի՛նծ պիտ'արժէ:   
 (ԱԴԱՄԻՆ:)

Խօսք մը, խընդրեմ, - դուք ինքզինքնիդ ծածկեցիք,   
 գուշակութեամբս ես ալ ըզձեզ պատժեցի:   
 գիտցէք սակայն, գաղտնիք չըկայ իմ առջեւս,   
 քանի հինէն սատանային ընկերն եմ:

ԱՐՈՒՍԵԱԿ (Մեկուսի:)   
 Զատուկ պառաւ, կարծես քեզի՞ պէտք ունինք:   
 ԳՆԶՈՒՀԻ

Այսօր իսկ հոս պիտի հասնին ձեր նաւեր,   
 բայց ասկէ զատ, ուրախալի լուր մը ձեզ,   
 սիրուն աղջիկ մը կը հիւծի ձեզ համար:

ԱԴԱՄ   
 Ի՞նչպէս կը ընայ իմս ըլլալ:   
 ԳՆԶՈՒՀԻ

Զերն է գրեթէ:

ԱԴԱՄ   
 Բայց զիս մերժեց:   
 ԳՆԶՈՒՀԻ

Անոր համար ճիշտ ձերն է:   
 Պիտի տեսնէք, քիչ ատենէն կը դառնայ:   
 Գուշակողին խօսքը, խընդրեմ, յիշեցէք: (Կ'երեթայ:)

ԱԴԱՄ   
 Պառաւ վըհուկն, Արուսեակ, քեզ կը գըլէ:   
 ԱՐՈՒՍԵԱԿ

Բարձր արժանիք մ'ունի իրօք, չեմ մերժեր:   
 Այսօր հիմա ինքն է որ դելին տեղ կը բըռնէ:   
 (Խաչագող մը փոքրիկ սայլակի մը վրայ, փողով, ամբողջն   
 շրջապատուած, կու գայ եւ տեսարանին կեդրոնը կը կենայ:)

ԽԱՉԱԳՈՂ   
 Մեկդի՛ ճամէս, ինծի յարգանք կը պարտիք,   
 Գըլուխըս եմ ճերմկցուցած գիտութեամբ,   
 մինչեւ որ ես ծածուկ գանձըն բընուլեան   
 անխոնջ ջանքով եւ տըքնութեամբ պեղեցի:   
 ԱԴԱՄ

Արուսեակ, ի՞նչ զարմանալի խենթ մ'է սա:   
 ԱՐՈՒՍԵԱԿ

Գիտութիւնն է որ խաչագող կ'երեւնայ՝   
 որ ապրի: զերթ ատենօք դու գիտնական,   
 բայց աւելի շուրջ պէտք է քան այն ատեն:   
 ԱԴԱՄ

Այսքան չափով ըրած չու՞իմ ես երբեք.   
 նախատինք մ'է:

ԱՐՈՒՍԵԱԿ   
 Յանցանք չունի սակայն նա.   
 Բնութիւնն երբ վախնայ, փախչիլ փափաքի,   
 որ չըզըրուի իր շիրմին վրայ սեւատառ:   
 Բացառիկ շնորհք մ'ունեցաւ:   
 Հիւանդանոց վերջացաւ: 13

Ուրիշներու զոհած գիշեր ու ցորեկ՝   
 հիմա խընդրած վարձատրութեան կը հասնի:   
 ԽԱՉԱԳՈՂ

Ես մարդերու օգտին համար տըքնեցայ,   
 ձեռքիս մէջն է արդիւնքն ահա փառաւոր: 14   
 այս շիշն ունի իր մէջ կեանքի էլիքսիրն,   
 երիտասարդ կ'ընէ սա ծերն ու հիւանդ: 15   
 Սա ծանկրեղի օշարակն էր դիւթական: 16   
 եւ հեղինէ ասով կ'ըլլար գեղանի,   
 աստղագուշակ քեփլէրն ալ սա կը շամբէր:



ԱԴԱՄ

Կը լըսե՞ս, թէ ինչ կը ծախէ: — Մինչ մենք լոյս ապագայէն խընդրեցինք, նա անցեալէն:

ԱՐՈՒՍԵԱԿ

Երբեք յարգի չ'անցնիր ներկան. ճիշտ ինչպէս անկողնին մէջ պարկող մարդուն մեծութիւնն: Տասը տարուան ամուսնական կեանքէն ետք՝ մեր կիներուն խալերն անգամ հաշուած ենք:

ԽԱՅԱԳՈՂ

Գընեցէ՛ք, օն, գընողը պիտ'չըզըղջայ,  
նըման առիթ մ'եղած չէ, պիտի չըլլայ:

ԱՄԲՈՒԻՆ Մէջէն

Հատ մը հոս տո՛ւր: — Ոեւէ մէկն ինծ կ'օգտէ: — Ախ, ինչ բախտ է: — Ինչ թանկագին առուտուր:

ԱՐՈՒՍԵԱԿ

Ամբոխը, տես, թէեւ ոչ ոք հաւատայ,  
բայց հրաշագանն իրար ձեռքէն կը խըլեն:  
(Եւ մօրը հետ կը դառնայ, գնչուհին փսփսալով կը հետեւի  
իրենց:)  
ԵԻԱ

Աւելորդ խօսք, լաւ կը ճանչնանք արդէն քեզ:  
ԳՆԶՈՒՀԻ

Հագիս կորչի, թէ ճըշմարիտ չըխօսիմ:  
Այնքան ձեզի այդ պարօնն է զարնուած՝  
որ այսօր իսկ ձեզ սիրահար կ'ընդունի,  
իշխանուհեոյ նըման պալատ կ'ունենաք:  
Թատորն ու պար չորս ձիերով պիտ'երթաք:  
ՄԱՅՐԸ

Թէ լաւ կըշռենք բիւր անգամ է գերադաս,  
քան թէ թողուլ քու գեղըդ որ թարշամի  
կեղտոտ, հոտած կըրպակի մէջ կարուակին:  
ԳՆԶՈՒՀԻ

Տեսէ՛ք, տեսէ՛ք, հո՞նք կեցած է, կը փընտռէ:  
ԵԻԱ

Բայց աղուոր չէ որ չըտեսաւ տակաւին:—  
Ձեռքն է փափուկ, ականաւոր ընկերն ալ:  
ՄԱՅՐԸ

Ընկերոջ դէմ ալ չեմ գըտներ ըսելիք,  
թէպէտ ծուռ են սըրունքներն, ինք արծուեռունգ.  
բայց պատուաւոր եւ հասուն մարդ կ'երեւի:—  
Քեզ կը թողում. միջնորդութիւն լաւագոյն  
է առանձին, աղջիկըս, թէ ձեզ թողում:  
ԳՆԶՈՒՀԻ (Աղամին:)

Գեղուհին հոն ձեզի համար կը հիւծի:  
ԱԴԱՄ

Կը սըլանամ: — Ո՛հ, ինչ հաճոյք... ինչ հաճոյք:  
ԳՆԶՈՒՀԻ

Բայց միջնորդն ալ պէտք չէ մոռնաք, կ'աղաչեմ:  
ԱՐՈՒՍԵԱԿ (Դրամ կու տայ անոր:)

Ընկերէս դրամ. ձեռքի սեղմում մը ինծմէ:  
ԳՆԶՈՒՀԻ (ձիչ արձակելով:)

Ինչ կոպիտ ձեռք: (Կ'երթայ:)  
ԱՐՈՒՍԵԱԿ

Անոր պիտի հաւնէիր,  
թէ իսկապէս ըլլայի՞ր՝ զոր կը կեղծես:  
ԵԻԱ (Աղամին:)

Ինծ կընայի՞ք նուէր գընել. տեսէ՛ք, հոս  
ինչ հրապուրիչ կը կանչէ այդ զարդադեղ:



ԱԴԱՄ

Դէմքիդ վըրայ կը նռնական թիւթանքն է  
զարդադեղն, որ նըման չունի երկրիս վրայ:  
(Մինչ այս, խաչագողը կ'երթայ:)

ԵԻԱ

Շատ ազնիւ էք:

ԱԴԱՄ

Կ'ամընցընես: Մարգարիտ  
եւ աղամանդ վըզիդ վըրայ գեղանի  
պիտի սըփռես, ոչ զարդարել ուզելով,  
այլ չեսմ գըտնե՛ր յարմարագոյն տեղ մ'անոնց:

ԵԻԱ

Քիչ մը անդին շատ ակունքներ տեսայ ես,  
ափս՞ս, յարմար չեն ինձի պէս աղքատին:

ԱԴԱՄ

Երթանք, տեսնենք:

ԱՐՈՒՍԵԱԿ

Աւելորդ է. դիպուածով  
քովըս ունիմ հիանալի ակունքներ:  
(Ակունքներ կը հանէ, Եւա մեծ ուրախութեամբ կը դիտէ  
զանոնք ու կը փորձէ:)

ԵԻԱ

Ինչ սիրուն են. որքան նախանձ պիտ'առթեմ:

ԱԴԱՄ

Այդ սիրտը բայց, — իմ աչքերուս մի՛ ցուցներ: 17

ԵԻԱ

Կըրնամ նետել, եթէ աչքիդ փուշ մըն է: (Կը նետէ:)

ԱՐՈՒՍԵԱԿ

Շատ լաւ ըրիր. ես ալ վըրայ կը կոխեմ: (Վրան կը  
կոխէ:)

ԵԻԱ

Ճի՞շտ մըն է զոր կը լըսեմ, թէ պատրանք մ'է: 18  
(Մինչ այս, տեսարանին վրայէն դատապարտեալ մը կ'անցնեն  
սայլակի մը վրայ, ամբողջ ետեւէն կը խուժէ:)

ԱՄԲՈՒԻՆ ՄԷՋԷՆ

Աճապարենք: — Ես չըսի՞ թէ վատ մըն է:—

Կը յամառի դեռ: — Շուտ, երթանք ետեւէն:

ԱԴԱՄ

Ի՞նչ աղմուկ է սա, ի՞նչ անլուռ ժըխոր մ'է:

ԵԻԱ

Մէկը պիտի կախեն: Ինչ լաւ որ հոս ենք:  
Մենք ալ տեսնենք. ըզգայացունց բան մըն է,  
յարմար նաեւ ակունքներովս փայլելու:

ԱԴԱՄ

Ի՞նչ է յանձանքն անօրէնին:

ԵԻԱ

Ջեմ գիտեր:

ԱՐՈՒՍԵԱԿ

Ամենօրեայ դէպք մ'է, սակայն կը պատմեմ.

նա Լաուըլի գործատան մէջ կ'աշխատէր

շատոնց. ծըծած օդը էր թուրտ կապարով,

շաքարթներով հիւանդանոց մընաց ան:

Կինը սիրուն՝ կարօտութեան մէջ թողուց.

Երիտասարդ բարի տըղան Լաուըլի

գըտաւ զանի, եւ ալ ամէն բան մոռցան: —

ԱՌԱՋԻՆ ԲԱՆՈՒՈՐ

Ընկեր՝ արի՛. — զերդ մարտիրոս կը մեռնիս,

պիտի մընայ շըքեղ անունդ անմոռաց:



ԱՐՈՒՍԵԱԿ

Առողջացաւ մարդը, բայց կին չըզըտաւ.  
զուր խընդրեց զործ. տեղն էր արդէն զըրաւուած:  
Ըմբոստացաւ, յանդգնեցաւ սպառնալ.  
Իսկ Լաուրիի տղան զինքը ապտակեց:  
Անիծեալի ձեռքը դանակ մը կար ճիշտ, -  
արդէ կը տանին, - իսկ ծեր Լաուրը խենթեցաւ:  
(Վերջին խօսքերուն Լաուրը խենթի մադձոտութեամբ կու գայ:)  
ԼԱՈՒԸԼ

Կը սըտես դու, կը սըտես դու. ես խենթ չեմ.  
չեմ հասկընար զաւկիս վերքն ինչ կը մընջէ:  
Ամբաւ գանձըս ա՛ռ, կ'աղաչեմ. բայց ըրէ՛  
չը հասկընամ: Լաւագոյն է խեթենամ:

ԵՐՐՈՐԴ ԲԱՆՈՒՈՐ

Մի՛ վախնար, մի՛. օր մը պիտի վրէժդ առնենք:  
ԱՌԱՋԻՆ ԲԱՆՈՒՈՐ

Գըլուխըդ վեր, անօրէններն իրենք են:  
(Դատապարտեալը կը տարուի, ամբոխը անոր ետեւէն:)  
ԱԴԱՄ

Խելագարիչ տեսարան, ինչ կը լըլկեց:  
Ո՞վ աւելի յանցաւոր է, ըսէ՞ք ինծ.  
Գուցէ միայն ընկերութիւնն... ուր որ ան  
ապականած է, մեղքը խիտ կ'ուռնանայ:

ԼԱՈՒԸԼ

Ընկերութիւնն այ՛ո՛, այ՛ո՛: - Գանձըս ա՛ռ,  
խօսքերը լոկ չը հասկընամ այդ վերքին: (Կ'երթայ:)  
ԵԻԱ

Երթանք, երթանք, կամ տեղ անգամ չենք գտներ:  
ԱԴԱՄ

Ճակատագիր, փառք քեզ, որ չեմ դատաւոր:  
Ինչ դիւրին է աթոռ նըստած օրէնք գրել -  
հեշտին, որոնք վերիվերանց կը դատեն,  
որքան դժուար, որ սըրտերը կը քըննէ  
անոր ծածուկ ծալքերն ամէն բանալով:

ԱՐՈՒՍԵԱԿ

Դատ մը՝ նըման ըսկըսքունքով չաւարտիր:  
Չարը ոչ ոք կ'ընէ իբրեւ յինքեան չար.  
դեւն ալ կու տայ իրաւունքի պատճառներ.  
Եւ կը կարծէ ամէն ոք իրն աւելի  
զօրաւոր է: Իրաւաբանն կը կըտրէ  
թընձուկը խառն, որու թելերը լուծել  
չը կարենար պիտի հազար մարդասէր:  
(Մինչ այս, Թաուրին կը հասնին, որուն մէկ խորշիկին մէջ  
սըբազան պտկեր մը դրուած է:)  
ԵԻԱ

Հոս ակընթարթ մը կանգ առնենք, բարեկամ,  
փունջըս ձօնեմ այս սըրբազան պտկերին:

ԱՐՈՒՍԵԱԿ (Փսփսալով:)

Մի՛ թողուր, մի՛. ապաթէ ոչ վերջացանք:  
ԱԴԱՄ

Անմեղ աղջիկ մ'է. - ես արգելք չեմ ըլլար:  
ԵԻԱ

Մանկութեանէս այս պտկերին վարժած եմ,  
միշտ կը յիշեմ երբոր անցնիմ առջեւէն,  
եւ հիմակ ալ հաճոյք կը զգամ պատուելով:  
Շուտով կ'ընեմ, քիչ մը ապա կը վազենք  
որ հոն հասնինք:

(Մաղկեփուշը պտկերին քով կը զետեղէ, բայց յանկարծ սա  
կը թօշնի, իր գոհարեղէններն ալ վիզին ու դաստակին վրայէն  
կը թափին, մողէզներու փոխուած:)  
Ո՛հ, Տէ՛ր Աստուած, աս ի՞նչ է:



Ջուր ըսի քեզ ըզգոյշ կենալ։  
ԵԻԱ

Օգնութիւն։

ԱԴԱՄ

Կը նայի մեզ ամբոխն, հանդարտ, սիրելիս.-  
անոնց փոխան ճոխագոյններ պիտի տամ։

ԵԻԱ

Մեկդի գնա՛, հեռո՛ւ ինծմէ, օգնութիւն։  
Խաբեբայ մ'ու վհուկ պառաւ մը զազիւր՝  
պատուաւոր կիւն մ'այսպէս կ'ուզեն անարգել։  
(Ամբոխ կը սկսի հաւաքուիլ. գնչուհին ալ կու գայ ոստի-  
կաններով։)

ԳՆՋՈՒՀԻ

Հոս ըլլալու են տակաւին. կեղծ դըրամ  
տուին ինծ, որ սընդիկ դարձաւ ափիս մէջ։

ԱՐՈՒՍԵԱԿ

Մեղքը գուցէ քու ափիդ էր, ոչ դրամին։  
Ադամ երթանք, գուարճանալ հոս լաւ չէ։  
(Թաուրի մէջ կ'աներեւութանան, եւ մինչ վարը ամբոխն ու  
ժըխորը կ'աճին, իրենք դարձեալ աշտարակին գազաթին վրայ  
կ'երեւին։)

ԱԴԱՄ

Դարձեալ եղայ յուսախաբ, երբ կարծեցի՝  
թէ կը բաւէ հին ցնորքներն տապալել  
եւ ոյժերուն բանալ ազատ ասպարէզ։  
Կարեւոր մաս մը նետեցի սարուածքէն,  
գուլթն, որ կու տար ամբողջութեան միութիւն,  
փոխանակել լաւագոյնով մը մոռցայ։  
Ի՞նչ մըրցանք է, մէկն ուր սուրով կը կենայ  
դէմ յանդիման ախոյանի մ'անգէ՞, մերկ,  
անկախութիւնն ո՞ւր է ցրբոր կը սովին  
բիւրեր, եթէ մէկուն լուծին չը ~~զգուշացնէ~~ <sup>զգուշացնէ</sup>։  
Ոսկրի մը շուրջ կը ըլլան է սա շուներու։  
Ես այնպիսի ընկերութիւն մը կ'ըղծամ  
որ պաշտպանէ, ոչ թէ պատժէ. խրախուսէ,  
չը վախցընէ այլ գործակցի միաբան,  
գոր գիտութիւնն ինքնիր համար կը կերտէ։  
Եւ միտքն անոր կարգին վըրայ լուկ հըսկէ։  
Պիտի հասնի սա, լաւ գիտեմ ու կը զգամ...  
Տա՛ր զիս դէպի այդ նոր աշխարհն, Արուսեակ։

ԱՐՈՒՍԵԱԿ

Մեծամիտ մարդ, զի նեղ սահման աչքդ ունի՝  
խառնակ խուժան մը կը տեսնէ վարը հոն,  
եւ կը կարծես գործակցութիւն միաբան  
ու կարգ կանոն չունի կեանքի գործատունն։  
Ոգիներու աչքով բոպէ մը նայէ,  
ու գործը տես դու, վարը հոն կատարող,  
բայց ոչ իրենց փոքրը անձին, այլ լուկ մեզ։  
(Կը մթնանայ։ Ամբողջ շուկան խումբերու կը վերածուի, որ  
տեսարանին մէջտեղը բացուած գերեզման մը փորելու հետ է,  
անոր շուրջ կը պարէ, ապա իրարու ետեւէն ամէնքն ալ մէջը  
կը ցատկեն, ոմանք լուռ, ոմանք, ինչպէս յաջորդաբար՝ իրենց  
խօսքերը արտասանելէ վերջ։)

ԽՈՒՄԲԸ

Օն միշտ առաջ, օն բրիչը թող ջառաչէ,  
այսօր պէտք է վերջացընել, վաղն ուշ է,  
հազարաւոր տարիներ վերջ ալ թէեւ  
վիթխարի գործն աւարտ պիտի չունենայ։  
Թէ՛ օրորոցն ու թէ՛ դագաղ միշտ նոյն են,



ինչ աւարտէ այսօրն, վաղն զայն կը սկսի,  
յաւերժական անօթի եւ յագեցած,  
մէջն ինչ մըտնէ, վաղը դարձեալ պիտ'ելլէ:  
(Մեռելոցի զանգակի մը ղողանջը կը լսուի:)  
Ահաւասիկ զանգը հնչեց իրիկուան,  
վերջացուցինք մենք ալ, երթանք հանգչելու,  
թող ըսկըսին ծայրէն անոնք գործը մեծ,  
վաղը որոնք նոր գոյութեան արթըննան:  
ԽԱՄԱՃԻԿ ԽԱՂՅՆՈՂ

Աւարտեցի եւ ալ խաղըս վերջապէս,  
խընդացուցի, չըխընդացի սակայն ես:  
ԳԻՆԵՊԱՆ

Բաժակներնիդ դատարկեցինք ամէնքդ ալ,  
Յաջախորդներ, գիշեր բարի ձեզ համար:  
ԱՂՋՆԱԿ

Մանիշակներս ըսպառեցան մի առ մի,  
իմ շիրմիս վրայ դարձեալ նորերը պիտ բուսնին:  
ԳՆԶՈՒՀԻ

Ապագանին տեսնել ամէնք կ'ըզային,  
եւ սարսափած արդ կը գոցեն աչքերնին:  
ՀԱՌԻԸԼ

Գանձերս ինծի երջանկութիւն չըտուին,  
հիմա ձերի հանգիստ կ'առնեմ ես անդին:  
ԲԱՆՈՒՈՐ

Շաբաթ հասաւ, աշխատանքնիս կը դադրի,  
եւ յոգնութիւն հիմա առնեմ ես պիտի:  
ՅՅՅՅՅՅՅՅ ՈՒՍԱՆՈՂ

Երազեցի շքեղ բաներ, - խաղվեցին,  
սիրուն երազ, շարունակեմքդ պիտի:  
ՋԻՆՈՒՈՐ (մըն եմ)

Կը կարծէի թէ քաջ թթիւ իսկական,  
եւ անպիտան փոսի մը մէջ արդ կ'իյնամ:  
ՀՈՄԱՆՈՒՀԻ

Շրպարն ինկաւ, արբեցութիւնն ալ անցաւ,  
շատ ցուրտ է հոս, գուցէ ըզգամ վաղը լաւ:  
ԴԱՏԱՊԱՐՏԵԱԼ

Շըղթայ՝ մնացիր այս փոշիին վրայ անպէտ,  
կը զգամ թէ կայ սեմէն անդին նոր օրէնք:  
ԽԱԶԱԳՈՂ

Գիտութեամբ մենք զիրար խաբել ջանացինք,  
իրականին առջեւ ահա կը շրջմինք:  
ԵԻԱ

Ինչ կեցած ես առջեւս անդունդ բացերախ.  
մի կարծեր թէ գիշերըդ զիս վախցընէ.  
մէջըդ կ'իյնայ միայն փոշին երկրածին,  
քու վըրայէդ լուսապըսակ ես կ'անցնիմ:  
Ոգին սիրոյ, քերթողութեան, մանկութեան,  
ճամբայ կու տան դէպ Հայրենիքս անվախճան.  
Ժպիտըս լոկ երկրին հաճոյք կ'ընծայէ,  
երբ դէմքերուն զերդ արեւու շող իջնէ:  
(Իր քաղը եւ վերարկուն գերեզմանին մէջ ձգելով, փառա-  
ւորուած կը բարձրանայ:)

ԱՐՈՒՍԵԱԿ  
Կը ճանչնա՞ս զինք, Աղամ:  
ԱԴԱՄ

Եւա, ահ, Եւա:



ԾԱՆՕԹՈՒԹԻՒՆՆԵՐ

- 1 - Թաուրը խոնտոնի մէջ շէնքերու խումբ մըն է, որուն մաս կը կազմեն աշտարակներ, մարտկոցներ, եկեղեցական եւ քաղաքական նպատակներու ծառայող շէնքեր:
- 2 - Բերթոլուիին Մատաշին քով բանաստեղծութեան գաղափարին տակ յայտնուող հաւատքը կը հասկցուի, ինչպէս նախապէս ուրիշ տեղեր ալ, եւ յաջորդաբար ալ:
- 3 - Իմաստակ կամ սովորստես, որ տրամաբանութեան կեղծ ձեւերով եւ ապացոյցներով կ'ուզէ դիմացինը համոզել:
- 4 - Ինչպէս վերեւ տեսանք, քերթողութեան անունին տակ անոր մէջ յայտնուող հաւատքը կը հասկցուի, եւ Ադամ կը վախնայ որ նոր կարգաձեւին մէջ չգտնէ հաւատք եւ գաղափարական եւ ոչ ալ պայթար անոնց համար: Արուսեակ կը վրստահացնէ զինք՝ թէ պիտի գտնէ: Որովհետեւ մինչեւ որ նիւթ կայ՝ իր իշխանութիւնն ալ պիտի տեսէ, որ իբրեւ մերժում կամ դրժում, անոր դէմ պայթարին: Հաւատքն ու գաղափարականները միշտ պիտի ըլլան՝ մինչեւ որ մարդը մտածէ, զգայ եւ կարգերուն մէջ իր իղձերուն արգելք մը տեսնէ:
- 5 - Կոռնելիոս նեպոս լատին պատմագիր մըն է, ապրած Բրիտոսէ դար մը առաջ:
- 6 - Արուսեակ ինք զինքը կը զուգէ վիպապաշտութեան (Roman-Hell) հետ, որ նոյնպէս կը սիրէ այլանդակը, ահագոուն: Ինք, Արուսեակ, զաւակ է կամ հայր վիպապաշտութեան, եւ իր ներշնչումին տակ մարդիկ կը սիրեն այն՝ ինչ որ իր աշխարհն է, այլանդակը, ահագոուն, զարհուրելին:
- 7 - Բիշ յետոյ Արուսեակ պիտի պատմէ գործաւորին ակնարկած օրինակին պատմութիւնը:
- 8 - Բագոսեան կըսէ, անսանձ կատաղի զուարճութիւնն է, որ թշուառութեան մէջ ալ երջանկութեան պատրանքով կը վառէ դէմքերը:
- 9 - Ճշմարիտ մուրացկանը գործ չի փնտռեր, ըսել կ'ուզէ պաշտօնական մուրացկանը:
- 10 - Ժամանակին յատկանիշն է, որ թէեւ անկրօն էր, սակայն կնոջ մէջ կ'ուզէր կրօնքի փարումը տեսնել, իբր հաւատարմութեան եւ մաքրութեան գրաւական:
- 11 - Ուսանողները փղշտացի անունով կը ծաղրեն միջին դասակարգի քաղաքացիները, որոնք կը գայթակղէին իրենց թեթեւամտութեան վրայ: Փղշտացիները հին ժամանակ, Իսրայէլացիներու ոխերիմ թշնամիներն էին:
- 12 - Երիտասարդներուն մէջ կայ հայրենասիրութեան գաղափարականը, որ Ադամին ուրախութիւն կը պատճառէ: Սակայն արուսեակ ասկից ալ յուսախաբ կ'ուզէ ընել զինք, որովհետեւ այս գաղափարականը ալ նիւթապաշտութեան ու շահամուտութեան կը փոխուի, երբ մեծնան անոնք: Սա ցոյց կու տայ գործատէրերու խօսակցութիւնը:
- 13 - Գիտութեան անկումին նկարագրութիւնն է: Գիտնականը ապրիլ կարենալու համար ցած միջոցներու ստիպուած է դիմել, եթէ չուզեր անօթի մեռնիլ եւ գերեզմանին վրայ գրուի լատինական առածը. *Ere gratia speciali Mortuus in hospitali.*
- 14 - Էլիքսիր, մոգական ըմպելի:
- 15 - Տասոյի Երուսաղէմ ազատեալի մէջ յիշուած միգական ըմպելին է, որով Արմինդա կախարդեց Տանկրեդն ու իր ընկերները:
- 16 - Հեղինէ Մենելաուս յոյն թագաւորի կինը, որուն պատճառով ծագեցաւ Տրոյայի պատերազմը:
- 17 - Սրտաձեւ կարկանդակը, զոր քիչ առաջ Արթուր ընծայած էր Եւային:



18 - Արդի սեակի կախարդանքով է որ եւա կը լսէ Արթուրի սըր-  
տին ցաւալի աղաղակը, եբբ նա կը նետէ սրտաձեւ կարկան-  
դալի եւ Արուսեակ վրան կը կոխէ:

Ժ Ա ՏԵՍԱՐԱՆԻՆ ԲԱՅԱՏՐՈՒԹԻՒՆԸ

Ինչպէս արդէն ըսինք, այս տեսարանէն սկսած Ադամ այլեւս  
գործող չէ, այլ դիտող, Արուսեակի առաջնորդութեան տակ:  
Յարապակեան յեղափոխութիւնը անհատին ազատութեան համար  
պայքարելու տապալած էր անցեալի նուիրագործած աւանդու-  
թիւնները: Ասոր իբրեւ բնական հետեւանք կը յաջորդէ Լոնտոնի  
տեսարանը: Ազատականութեան (Liberalism) ազատ մրցումի  
շրջանը կայ խօսքի, մամուլի ազատութիւն, դասակարգային  
տարբերութիւնները մեծ մասով շնչուած են: Սակայն աս ալ յու-  
սախաբ կը թողու Ադամ:

Հոս նախորդ շրջաններուն հակառակ, կը պակսի անցեալի  
հանդէպ մը, յարգանքը: Խղելով անցեալին կապաւորները, մարդը  
իր նմանութիւնը հանդէպ ալ գուցէ չունի: Կը պակսի նաեւ բարոյա-  
կան զգացումը ամէն կարգի մէջ: Ադամին դատաստանն է՝ «Ոսկրի  
մը շուրջ կոխէն է սա շուներու»:

Ադամ կը յուսայ տակաւին թէ գիտութիւնը պիտի ստեղծէ  
այդ գաղափարական կեանքը, որուն կը ձգտի. ասով արդէն կը պատ-  
րաստուի յաջորդ տեսարանին նիւթը:

ԺԱ տեսարանը կը փակուի այլաբանական տեսիլով մը, որով  
Արուսեակ Ադամի ցոյց կ'ուզէ տալ թէ կեանքի օրէնքը ինչ է, շա-  
րունակական ծնունդ ու մահ. որով կ'առաջնորդուի Ադամ երթա-  
լով աւելի մթնցող շրջաններու, որուն վերջաւորութիւնը ամէն  
բան ոչնչացող մահն է (ԺԲ Տեսարան):

Այս միջոցին մէջ միայն եւայի հաւատքն ուսէրը ցնցեց  
յաւերժականն են: Ժամանակներու կնիքը կը կրէ, բայց իր էութեան  
մէջ միշտ մաքուր կը մնայ: Ամէն ոք գերեզմանը բացուած կը  
տեսնէ, միայն եւայի առջեւ կը բացուի յաւիտեանականութիւնը:  
Ադամ ասով կը ճանչնայ զինքը ու այդ ցնցիչ տեսարանէն վերջ  
սփոփուած կը հառաչէ. Ոհ, եւա, եւա:

Այս տեսարանին որոշ մասերը շատ նմանութիւն ունին Ֆաուս-  
տի կիրակնորեայ պտոյտին հետ, ուր նոյնպէս արհեստաւորներ,  
ուսանողներ, աղջիկներ կ'անցնին ու կը խօսին, հուսկ Սուէր-  
պախի գինիտաք մէջ Ֆաուստի եւ Մարգրիտի տեսարանը: Նմանու-  
թիւնը արտաքինն է միայն, եւ յատկապէս ընտրուած հեղինակէն  
երկու մտայնութիւնները ցոյց տալու համար, իր շրջանինը եւ  
Ֆաուստի շրջանինը: Ֆաուստին մէջ անցեալ դարերու աւանի մը  
հանդարտ կեանքը կը տեսնուի, մինչ Մատաշինին մէջ՝ արդի կեան-  
քի հեզամտութիւնն է, ուր կը տեսնուի արդի մտայնութիւնը ու հաճոյ-  
քի ծարաւը:



(Ս գիրի ձեւով հիանալի փաղանգատաւ<sup>1</sup> մը գաւիթը: Շէն-  
քին երկու թեւերուն գետնայարկները կամարակապ, բաց սրահներ  
կը կազմեն: Աջակողմեան սրահին մէջ, շոգեշարժ մեքենաներու  
միջեւ, բանուորներ կ'աշխատին: Ձախակողմեանին մէջ՝ շատ զանա-  
զանեալ բնագիտական առարկաներու, մեքենաներու, աստղաբաշխա-  
կան եւ բնալուծական գործիքներու եւ ուրիշ հազուագիւտ առարկ-  
կաներու թանգարանի մը մէջ՝ գիտնական մը կ'աշխատի: Փաղանգա-  
տան պատկանող բոլոր մարդիկ միաձեւ հագուած են: Արուսեակ եւ  
Աղամ յանկարծ գետնէն դուրս կ'ելլեն՝ գաւիթին կեդրոնը: Օր-  
ուան լոյս:)

ԱՌԱՄ

Ի՞նչ պետութիւն, կամ ի՞նչ ազգ է, ուր եկանք:  
ԱՐՈՒՍԵԱԿ

Հին գաղափարն այդ գոյութիւն չունի արդ:  
Բեզի նեղ չէ՞ր Հայրենիքի ըմբռնումն,  
որ ծընած էր գաղափարէն կանխակալ,  
եւ մըրցանքն ու նեղմըտութիւն պահպանած:  
Մեծ Հայրենիք մըն է համայն երկիրն արդ,  
հասարակաց նըպատակի մը համար  
այժմ բոլոր մարդիկ ընկեր են դարձաց.  
այս հեզասահ եւ գեղեցիկ կարգին ՃԾՁ վրայ  
գիտութիւնն է կեցած պահակ միշտ յարգուած:

ԱՌԱՄ

Ուրեմն հոգւոյս գաղափարն է մարմնացած,  
ամէն բան հոս լաւ է, ինչպէս կ'ըլձայի:  
Հայրենիքի գաղափարին համար բայց  
ես կը ցաւիմ. կըրնար մընալ կը կարծես  
նոր կարգին մէջ ալ: Զի հոգին մարդկային  
սահման կ'ուզէ, անսահմանէն կը խիթայ,  
թէ տարածուի դուրսէն, ներսէն կը տուժէ.  
ան կը կառչի ապագային, անցեալին.  
կը վախճամ որ մեծ աշխարհի մը համար  
չոգեւորուի, ինչպէս ծնողի ՁԾԾԾԾ շիրիմին:<sup>2</sup>  
Ընտանիքին համար արիւն թափողներ՝  
բարեկամին համար արցունք լոկ ունին:

ԱՐՈՒՍԵԱԿ

Գաղափարներդ ահա մեկդի կը նետես  
մարմնանալէն առաջ արդէն, կը տեսնեմ:

ԱՌԱՄ

Մի՛ կարծեր. բայց հետաքրքիր եմ դարձեր.  
ինչ պիտ'ըլլայ գաղափարն որ մեծ աշխարհս  
կը ձուլէ եւ մարդոց սըրտին կ'ընծայէ  
ոգեւորում, յաւերժական կրակը սուրբ,  
զոր ցարդ հազար շընչին բանով կ'արծարծէր,  
եւ լոկ ունայն պայքարներու կը մըղէր,  
վըսեմագոյն ի՞նչ վախճանի կը տանի: -  
Բայց՝ ըսէ, ո՞ւր կեցած ենք, ի՞նչ տեղ է սա:  
Առաջնորդէ յետոյ, հոգիս ըմբռնէ  
երջանկութիւնն այն, զոր մարդն է ընդունած  
իր մարտերուն արժանաւոր իբրը վարձք:

ԱՐՈՒՍԵԱԿ

Փաղանգատուն մ'է սա, նըման շատերու,  
եւ վայրն է նոր գաղափարի մարդերուն:



ԱԴԱՄ

Ուրեմն երթանք:

ԱՐՈՒՍԵԱԿ

Կեցիր, այնքան մի շտապեր:  
նախ մերկանանք մեր այս մորթերն հինաւորոց.  
Թէ իբր Ադամ եւ Արուսեակ երեւինք.  
չըհաւատայ պիտի աշխարհն այս գիտուն,  
կ'ոչընչանանք կամ շիշի մէջ կը փակէ:<sup>3</sup>

ԱԴԱՄ

Ի՞նչ անմիտ խօսք կը զրուցես դու ինծ դարձեալ:

ԱՐՈՒՍԵԱԿ

Զրկայ ուրիշ Ոգիներու ծիրին մէջ:

ԱԴԱՄ

Ինչպէս կ'ուզես, միայն խընդրեմ շուտ ըրէ:  
(Արուսեակ երկուքնին ալ կերպարանաւորի կ'ընէ, փաղանգա-  
տան բնակիչներու նման:)

ԱՐՈՒՍԵԱԿ

Այս հագուստն ա՛ռ. մեկդի՛ մազիդ գանգուռներն,  
ու պատրաստ ենք:

ԱԴԱՄ

Այս գիտունին հետ խօսինք:

ԱՐՈՒՍԵԱԿ

Ողջոյն գիտուն:

ԳԻՏՆԱԿԱՆ

Արգելք մ'ըլլար վեհ գործիս,  
հիմա չունիմ շաղկապիւն ու ժամանակ:

ԱՐՈՒՍԵԱԿ

Շատ կը ցաւիմ: Գիտութեան ենք սահմանուած,  
հազարերորդ համատունէն ենք եկած,  
մեծ համբաւդ է միայն որ մեզ հոս բերաւ:

ԳԻՏՆԱԿԱՆ

Ըստուգապէս ձեր ջանքերն են գովելի:  
Գործս ալ կըրնայ քիչ մը ատեն ընդհատուիլ,  
թորանոցէն տաքը բաւէ չըպակսի,  
եւ նիւթն ահա պիտի ճըկի իմ կամքիս:

ԱՐՈՒՍԵԱԿ (Մեկուսի:)

Զեմ սըխալած, հըպարտութիւն դեռ մընաց  
մէջըդ իբրեւ վերջին դիրտ, որ կը կարծես  
մարդն ու բնութիւն քամած ըլլաւ:

ԳԻՏՆԱԿԱՆ

Արդ կըրնանք

քիչ մը խօսիլ: Բայց ի՞նչ ճիւղով կը զբաղիք:

ԱԴԱՄ

Մենք գիտութեան տենչը ճիւղի չենք կապած,  
ամբողջութեան կը փափաքինք ճիճճճ աչք մը տալ:

ԳԻՏՆԱԿԱՆ

Անտեղի է: Մեծն է ծածկուած փոքրին մէջ,  
նիւթն այնքան շատ, մեր գոյութիւնն ալ շատ կարճ:

ԱԴԱՄ

Ճիշտ է: - Գիտեմ հարկաւոր են անոնք ալ  
որ կը տաշեն քար, կամ աւազ կը տանին.  
առանց անոնց չիմբարձրանար շէնքերն ալ:  
Անոնք սակայն կը խարխալին մութին մէջ,  
ու չեն փիտեր թէ ինչով են օգտակար: -  
Ամբողջութեան ճարտարապետն է գիտակ,  
ան քար մ'անգամ թէ եւ կոփել չի գիտեր,  
աստուած մը զերդ՝ գործը ինքն է ըստեղծած:  
Գիտութեան մէջ ալ մեծ (է՛ան) իսկապէս:



ԱՐՈՒՍԵԱԿ

Անոր համար քեզ կը դիմենք, ով մեծ մարդ:  
ԳԻՏՆԱԿԱՆ

Շատ լաւ ըրիք, գովեստի էք արժանի:  
Բայց գիտութեան շատ մը ճիւղերն առանձին  
գիծերն են լոկ գործարանին, բայց ամբողջն  
է լոկ գրաւիչ:

ԱՐՈՒՍԵԱԿ

Ինչպէս կին մը գեղանի:

ԳԻՏՆԱԿԱՆ

Սակայն գիտնաք քիմիան է միայն որ...

ԱՐՈՒՍԵԱԿ

Կեդրոնն է, եւ կեանքն անոր մէջ կը բնակի:

ԳԻՏՆԱԿԱՆ

Շիտակ ըսիր:

ԱՐՈՒՍԵԱԿ

Ուսողութեան համար ալ

չափագէտ մը այսպէս կ'ըսէր ճիշտ ինծի:

ԳԻՏՆԱԿԱՆ

Հպարտութեամբ ամէնքն այնպէս կը կարծեն  
թէ միշտ իրենք հորիզոնին կեդրոնն են:

ԱՐՈՒՍԵԱԿ

Բայց քիմիան լաւ ընտրեցիր դու իբրեւ  
նիւթ գերազանց:

ԳԻՏՆԱԿԱՆ

Անոր մասին հանգիստ եմ: -

Ուրեմն երթանք, թանգարանին աչք մը տանք:

Ասոր նըման չըկայ այսօր ոչ մէկ տեղ,

հին աշխարհի կենդանիներն վայրենի

հոս կեցած են իրականէն առնուած,

լաւ զըմբոսուած: - Հազարներով կ'ապրէին՝

մաս մը երկրին տէրութենէն գրաւելով,

երբ մեր նախնիք բարբարոսներ էին դեռ:

Մընացած են զարմանալի վէպեր մեզ.

Օրինակ՝ թէ վայրաշարժ մ'էր ասիկա:

ԱԴԱՄ

Զինն է, սակայն այլասերած տեսակէն,

բայց ատենօք շատ տարբեր էր Ալ-բորաք: 4

ԳԻՏՆԱԿԱՆ

Մարդն ասիկա զերդ բարեկամ կը պահէր,

կ'ըսուէ՛ ձըրի եւ անաշխատ, եւ թէ ան

մրտածութիւնն ալ կըրցած էր գուշակել

տիրոջ աչքին հաւատարիմ նայելով:

Դեռ աւելի, իւրացուցած էր, կ'ըսուի,

մեղքն ալ անոր, ըստացուածքի գաղափարն,

ու զերդ պահակ, կեանքն ալ կու տար իր տիրոջ: -

Կ'ըսեմ՝ ինչպէս զըրուած է ան, ոչ իբրեւ

անվերապահ ընծայէի ես հաւատք:

Կային յիմար շատ ցընձորքներ ատենօք,

որոնցմէ լոկ առասպելներ մընացին:

ԱԴԱՄ

Շուէնն է ասի: Պատմածդ ամէն ըստոյք է:

ԱՐՈՒՍԵԱԿ

Ըզգոյ՛ջ եղիր, Ադամ, ինքզինքդ կը մատնես:

ԳԻՏՆԱԿԱՆ

Ահաւասիկ սա աղքատին ըստրուկն էր: 5

ԱԴԱՄ

Աղքատն ինչպէս եզն էր դարձած հարուստին:



Առիւծն է:

Ու վզըր սա, եղնիկն աշխոյժ՝ ահա հոս,  
Աշխարհիս վրայ ի՞նչ կենդանի կ'ապրի դեռ:

ԳԻՏՆԱԿԱՆ

Ի՞նչ հարցում է, միթէ ձեր քով՝ այսպէս չէ՞:  
Օգտակարներն կ'ապրին, ինչ որ մինչեւ ցարդ  
գիտութիւնն ալ փոխանակել չէ կըրցած.  
Խոզն ու ոչխարն, այնքան քերի չեն սակայն՝  
ինչպէս անհոգ բընութիւնն էր ըստեղծած.  
Ան կենդանի ճարպ է, եւ սա միս ու բուրդ.  
Կը ծառայեն նըպատակնիս՝ ճիշտ ինչպէս  
թորանոցներ: Բայց կը տեսնեմ թէ քեզի  
այս ամէնն են ծանօթ, տեսնեմ ուրիշ բան:  
Ահա հանքերն: Ինչ մեծ զանգուած ածուխի.  
ամբողջ լեռներ ասկէ էին կազմուած.  
մարդիկ պատրաստ կը քաղէին, ինչ որ արդ  
գիտութիւնն մեծ ճիգով օդէն կը զըտէ:  
Իսկ սա՞ երկաթ կը կոչէին, մինչեւ որ  
չըսպառեցաւ, ոչ ոք փընտռեց բընալեզն:  
Այս կըտորիկն ոսկի է, շատ անուանի,  
շատ անպիտան: Որովհետեւ մարդը երբ  
դեռ կը պաշտէր գերմարդկային էակներ  
կոյր հաւատքով, ճակատագրէն ալ հօօր,  
ան՝ ոսկին ալ անոնց նըման կը կարծէր.  
ու բազմին վրայ բարօրութիւն, իրաւունք,  
եւ ամէն բան ինչ որ սուրբ էր՝ կը զոհէր,  
որ դիւթական փոքրիկ կըտոր մ'ուներնար,  
որուն փոխան ան կը ստանար ամէն բան, —  
զարմանալի իրողութիւն, նաեւ հաց:

ԱԴԱՄ

Կը ճանչնամ այս ամէն, ցոյց տուր ուրիշ բան:  
ԳԻՏՆԱԿԱՆ

Օտարական, մեծ գիտուն ես իսկապէս:  
Տեսնեմք ուրեմն բոյսերը հին: Ահա հոս  
վերջին վարդն է այս աշխարհիս վրայ բուսած:  
Ծաղիկ մըն է շատ անօգուտ, զերդ ուրիշ  
բիւրաւորներ, պարարտ դաշտեր կը գրաւէր  
ոսկի հասկէն. խաղալիկն էր սիրելի  
մեծ տըղոց: Ու զարմանալի երեւոյթ,  
անոնք ինչպէս կը զբաղէին խաղերով.  
Կը բուսցընէր մինչեւ իսկ միտքն ալ ծաղիկ.  
քերթողութեան եւ հաւատքի պատկերներ  
ցընորական, երազներով խաբուսիկ  
օրորուելով, իր ոյժն ամէն կը վատնէր,  
մինչ նըպատակն իր կը մընար անպրտուղ:  
Հոս կը պահենք բանը մը իբրեւ հազուագիւտ,  
երկու երկեր: Քերթուած մըն է առաջինն.  
երբ տակաւին հըպարտութեամբ մեղաւոր  
անձը պատիւ կը պահանջէր. Հոմերոս  
կը կոչէին գրողը: Աշխարհ մը անգոյ  
մեզ կը պարզէ ու զայն Դոժոխք կը կոչէ:  
Ամէն մէկ տողն անոր հերքած ենք շատոնց:  
Տակիտոսի Ագրիկոլան է միւսն ալ,  
ծիծաղական, միանգամայն խղճալի  
մըտքի պատկերն է բարբարոս աշխարհի:



ԱԴԱՄ

Դեռ մընացի՞ն ուրեմն թերթեր մի քանի  
մեծ օրերէն իբրեւ կըտակ սըրբազան,  
եւ չե՞ն կըրնար բոցավառել վերըստին,  
մըղել գործի՝ պայազատներն այլասեր,  
որ ձեր աշխարհն արուեստական տապալէք:

ԳԻՏՆԱԿԱՆ

Դիտողութիւնդ է ճիշտ. մենք ալ ըզգացինք,  
վրտազնաւոր է անոր թոյնը ծածուկ,  
ուստի անոնք ունին հրաման կարդալու՝  
որոնք արդէն վաթսուէ տարին անցուցին,  
նուիրելով իրենք զիրենք գիտութեան:Ց

ԱԴԱՄ

Դայեակներու երգերն սակայն դիւթական,  
ըզգացումներ չե՞ն ներշնչեր սըրտերու  
մատաղատունկ:

ԳԻՏՆԱԿԱՆ

Այս ալ ճիշտ է, եւ ուստի  
մեր դայեակներն մանուկներուն կը պատմեն  
լոկ բարձրագոյն ուսողութեան տարազներ:

ԱԴԱՄ (Մեկուսի:)

Մարդասպաններ, ախ, չե՞ք վախար սիրտը թէ  
գեղեցկագոյն տարիներէն կը զըրկէք:

ԳԻՏՆԱԿԱՆ

Երթանք: Ահա առարկաներ արուեստի  
զարմանալի ձեւեր ունին ամէնքն ալ:  
Թընդանօթն է, խորհրդաւոր գրութեամբ վրան.

"Ultima ratio regum."

Ի՞նչպէս արդեօք կը գործածուէր, ո՞վ գիտէ:  
Գործիք մը զուտ մարդասպանն էր՝ սուրն ահա -  
մեղաւոր չէր ով որ ասով կը սպաննէր:  
Ձեռագործ է այս բովանդակ պատկերն ալ,  
գուցէ մարդու մը կէս կեանքն էր հարկաւոր,  
իսկ առարկան՝ լոկ արտարոց առասպել:  
Արեւն այսօր կը կատարէ այդ գործերն,  
ու մինչ անոնք կը կեղծէին պատրանքով  
մեր ուզածներն սա անսըխալ կը դրոշմէ:

ԱԴԱՄ (Մեկուսի:)

Բայց կը պակսի թէ՛ գեղարուեստ, թէ՛ ոգի:  
ԳԻՏՆԱԿԱՆ

Այս իրերն ալ, Կես, որքան են զարդարուն  
եւ մանկական: Բաժակին վրայ ծաղիկներն,  
խօլ քանթակներ թիկունքին վրայ աթոռին,  
մարդոց վատնած ձեռագործներն են բոլոր:  
Այդ բաժակին ջուրն է միթէ զովագո՞յն,  
աւելի՞ է հանգըստաւէտ հող նըստիլ:  
Հիմա մեր տեղ մեքենաներէ կ'աշխատին,  
նըպատակին ծառայելով պարզօրէն,  
կատարեալին գթաւական այն կը դառնայ՝  
թէ գործաւորն որ պըտուտակ կը շինէ՝  
ցըմահ միշտ նոյն գործին վըրայ կը մընայ:

ԱԴԱՄ

Անոր համար անհատական դրոշմ չըկայ,  
եւ ոչ ալ կեանք, որ վերապրի շինողէն:  
Մըտածութիւնն, ոյժ, ո՞ւր գըտնեն ասպարէզ  
իբր ապացոյց իրենց ծագման երկնային:



Երբ այս չափուած ու կարգաւոր կեանքին մէջ  
պայթար փընտռէ ու ինքնիր շուրջը նայի՝  
եւ վըտանգին հաճոյքն անգամ չի գըտներ,  
ո՛չ իսկ գազան մ'արիւնարբու երկրիս վրայ:

Գիտութենէն ալ մընացի յուսախաբ.

գըտայ դըպրոց մը մանկական, տաղտկալի,

երջանկութեան փոխան՝ գոր ես ըղձացի:

ԳԻՏՆԱԿԱՆ

Եղբայրութիւն գոյացած չէ՞ արդեօք, տես:

Մարդը միթէ կը կրէ՞ պակաս նիւթական:

Գաղափարներ այսպիսի են արժանի

իրօք սաստի:

ԱԴԱՄ

Ի՞նչ գաղափար, ինծ ըսէ,  
այս բազմութեան կը ներշնչէ միութիւն,  
ի՞նչ նըպատակ հասարակաց կը վառէ:

ԳԻՏՆԱԿԱՆ

Այդ գաղափարն է արդ միջոցն ապրուստի:

Երբ մարդկութիւնն այս երկրիս վրայ երեւցաւ՝  
առատօրէն լեցուած մարան մ'էր ասի.

կը բաւէր լոկ ձեռք երկարել՝ որպէս զի  
պատրաստ քաղէր ամէն ինչ որ պէտք ունէր:

Ուստի անհոգ ան կը սպառէր, որդ մը գերդ

պանիրի, որ արբեցութեան մէջ անոյ՝

ատեն ունէր տեսութեանց մէջ վիպական

բանաստեղծել ու գըրգիռներ փընտըտել:

Յետին պատառն ալ մենք պէտք է խընայենք,

շատոնց ի վեր տեսնելով թէ պանիրնիս

պիտի հատնի ու անօթի ձթ կը կորչինք:

Յետ չորսհազար տարուան պաղի պիտ'արեւն

ու երկիրնիս պիտի չըտայ ալ բոյսեր.

մերն են ուրեմն այս չորսհազար տարիներն,

որ մենք սորվինք փոխանակել ծեր արփին:

Ու կը կարծեմ մեր գիտութեան կը բաւէ:

Կը ծառայէ գերդ վառելիք՝ շուրջ մեզ,

թէ՛ թըթուածնոտ, թէ՛ դիմացկուն ալ կրակին:

Յայտնուելու վրայ են այսօր գաղտնիքներն

գործարանին մարմիններու կենդանի: —

Խօսքերնիս լաւ որ կը դառնայ այս մասին,

գրեթէ ք գրեթէ կը մոռնայի թորանոցս,

այս բանին վրայ ճիշտ կ'աշխատիմ նաեւ ես:

ԱՐՈՒՄԵԱԿ

Շատ ծերացած ըլլալու է մարդը որ

թորանոցով կ'ուզէ նոր կեանք ըստեղծել: —

Գործըդ նոյն իսկ թէ յաջողի, ինչ հըրէ՞

պիտի ելլէ, գերդ մըտածում մը անբան,

սիրոյ գգացում, որ առարկայ մը չունի,

էակ մը՝ գոր բընութիւնն իսկ կը մերժէ,

որ ո՛չ ներհակ, ո՛չ հարազատ մը ունի,

անհատն եթէ անոր սահման չըգըծէ:

Ուսկի՞ց պիտի նըկարագիրն իր առնէ

փակ արտաքին ազդակներէ եւ վըշտէ,

գիտակցութեան գալով շիշի մը մէջ նեղ: 10

ԳԻՏՆԱԿԱՆ

Տես, տես, ինչպէս կ'եռայ, ինչպէս կը շողայ,

ու կը շարժին կերպարանքներ վաղանցիկ.



այս ջերմութիւնն այս լաւ փակուած շիշին մէջ,  
ազգակցութիւնն ու հակազդում տարրերու  
կը միանան ամէնքն ալ ու իմ կամքիս  
նիւթը տեղիք տալու պիտի ըստիպեն:

ԱՐՈՒՍԵԱԿ

Կը հիանամ վրադ, միայն չեմ հասկընար,  
կըրնա՞ս ընել թէ նմաններ չըթաշեն,  
եւ ներհակներն ալ չըվանեն:

ԳԻՏՆԱԿԱՆ

Անմիտ խօսք:

Յաւերժական օրէնքն է սա նիւթերուն:

ԱՐՈՒՍԵԱԿ

Հասկըցայ. բայց ի՞նչ բանի վրայ հիմնուած:

ԳԻՏՆԱԿԱՆ

Ի՞նչ բանի վրայ. օրէնք մըն է պարզապէս,  
փորձը մեզի զայն կը ցուցնէ յարատեւ:

ԱՐՈՒՍԵԱԿ

Լոկ ջերուցիչն ես բընութեան այն ատեն,  
մընացածն ինք կը կատարէ միմիայն:

ԳԻՏՆԱԿԱՆ

Բայց սահմաններն ես կը դընեմ այս շիշով,  
եւ կը հանեմ զինք խորհուրդի ըստուերէն:

ԱՐՈՒՍԵԱԿ

Մինչեւ հիմա կեանքի նըշան չեմ տեսներ:

ԳԻՏՆԱԿԱՆ

Զ՞ուշանար շատ: Ես՝ որ այնքան քըննեցի  
ամէն գաղտնիք գործարանին կենդանի,  
ու կըտրեցի կեանքը հարիւր անգամներ...

ԱԴԱՄ

Ամէն անգամ միայն դիակ մը տեսար:  
Գիտութիւնն լոկ կը հետեւի կաղաւով  
երիտասարդ փորձառութեան իրական,  
իբրը վարձկան քերթող՝ պատրաստ դրուատել  
թազաւորին մեծ արարքներն պատմական,  
գուշակելու սակայն չունի ան կոչում: 11

ԳԻՏՆԱԿԱՆ

Ի՞նչ կը հեզնէք, չէ՞ք տեսներ որ կայծ մը լոկ  
կը պակսի դեռ եւ ահա կեանք պիտ'առնէ:

ԱԴԱՄ

Այդ կայծը բայց ուսկի՞ց պիտի առնես դու:

ԳԻՏՆԱԿԱՆ

Քայլ մըն է լոկ որ կը մընայ տակաւին:

ԱԴԱՄ

Բայց ով որ այդ մէկ քայլը դեռ չէ առած,  
ոչինչ ունի ըրած, ոչ մէկ բան գիտէ:  
Ըրած քայլերդ եղած են լոկ բակի՞ն մէջ,  
այդ մէկ քայլն է որ սըրբութեան սըրբոցի  
կը մըտցընէ: - Մէկը արդեօք պիտ'ընէ:

(Մինչ այս, փորձանակի վերեւ ծածանող ծուխը կը սկսի թանձ-  
րանալ եւ որոտալ:)

ԵՐԿՐԻ ՈԳԻԻՆ ԶԱՅՆԸ (Ծուխի մէջէն):

Երբեք: Շատ նեղ է ինձ եւ շատ ընդարձակ  
այս փորձանակ: - Դուն կը ճանչնաս զիս, Ադամ -  
մինչդեռ մարդիկ արդ'զիս ոչ իսկ կը կռահեն: 12



ԱԴԱՄ

Զըլըսեցի՞ր դուն ոգիին ձայնը արդ,  
հըպարտ, տըկար մարդ, ոհնայէ, չես կըրնար  
հոն ծածանող ոգւոյն կենալ հակառակ:

ԳԻՏՆԱԿԱՆ

Խնթի նոպայ: Մըտահոգ եմ քեզ համար: 13  
(Փորձանակը կը ճաթի. Ռգիին կ'աներեւուածանայ:)

Շիշը կորաւ. պէտք է ծայրէն ըսկըսիլ

ՁՁՁՁՁՁՁՁՁՁՁ

վըսեմ գործս: Երբ արդէն հասած կը զգայի,  
խոչ մը փոքրիկ, դիպուած մը կոյր եւ ապուշ  
գործըս աւրեց:

ԱՐՈՒՍԵԱԿ

ձակատագիր կը կոչուէր:  
նուազ ամօթ էր ընկճուիլ անոր փակ,  
քան տեղիք տալ արդ՝ կոյր, ապուշ դիպուածին:  
(Զանգակի ձայն կը լըսուի:)

Ինչ նըշան է որ կը հընչէ արդ. ըսէ:

ԳԻՏՆԱԿԱՆ

Վերջացած է գործն ու ժամն է պըտոյտի,  
ահա կու գան գործատունէն, դաշտերէն,  
յանցաւորներն հիմա պիտի պատժուին,  
ու բաժնուին պիտի կիներն ու տըղաք:  
Երթանք, ես ալ հոն գործ պիտի ունենամ:

(Երկար շարքով մարդիկ կու գան, ուրիշ շարքով մըն ալ  
կիներ, ասոնցմէ ոմանք իրենց զաւակներով, մէջերնին է նաեւ  
եւա: Գաւիթին մէջ ամէնքը շըջանակ մը կը կազմեն, ալեւոր  
մը առջեւնին կ'ելլէ: Աղամ, Արուսեակ ու գիտնականը առաջին  
գիծին վրայ կը կենան, թանգարանին քով:)

ԱԼԵԻՈՐ

Թիւ երեսուն:

ԼՈՒՏԵՐ (Կարգէն առաջ գալով:)

Ահաւասիկ:

ԱԼԵԻՈՐ

Դու նորէն

կաթսան չափէն շատ աւելի տաքցուցիր:  
Կը թուի՞թէ սեւեռում մ'է քեզ ՁՁՁՁՁՁՁՁՁՁՁՁՁՁ  
փաղանգատունն ամբողջ դընել վըտանքի:

ԼՈՒՏԵՐ

Ո՞վ կըրնայ դէմ կենալ կրակի հրապոյրին,  
երբ կայծերով ու շառաշով կատաղի  
բոցի հազար լեզուներով գալարուն  
քեզի հասնիլ, մոխրացընել կը ձըգտի.  
հոն կենալ խրոխտ ու շարունակ արծարծել՝  
գիտնալով թէ իշխանութեանդ տակն է ան:  
Դու չես ճանչնար կրակի դիւթանքն ամենհի,  
որ լոկ շիշի մը տակ վառած կը տեսնես:

ԱԼԵԻՈՐ

Պարապ խօսքեր. ապրսօր պիտի չուտես ճաշ:

ԼՈՒՏԵՐ (Տեղը վերադառնալով:)

Վաղը սակայն նորէն կրակ պիտ'արծարծեմ:

ԱԴԱՄ

Ինչ կը տեսնեմ, այս մարդը ես կը ճանչնամ.  
սա Լուսերն էր: 14

ԱԼԵԻՈՐ

Երկուհարիւր ինն:



ԿԱՍԻՈՍ (Շարքէն առաջ գալով):  
Հոս եմ:

ԱԼԵԻՈՐ

Երրորդ անգամ կ'ազդարարեմ արդէն քեզ՝  
թէ կը փընտռես կըռիւ առանց պաճտառի:  
ԿԱՍԻՈՍ (Տեղը վերադառնալով):  
Այսպէս կ'ըսես քանի ես չեմ գանգատիր:—  
Վատ է որ որջ քաղուկներով օգնութիւն  
կ'աղաղակէ: Կամ արհայեանս է տըկար,  
ինքզինք ինչո՞ւ ան պաշտպանել կը վախնայ:

ԱԼԵԻՈՐ

Գէշ հակումէդ արդարանալ չես կըրնար  
գանկիդ ձեւով. ուստի լըռի, քանի որ  
ազնուական եւ անթերի է անի:  
Արիւնդը լոկ շատ եռուն է եւ շատ վէս:  
Պիտ', դարմանուի՞ր, մինչեւ դառնաս հեզագոյն:

ԱԴԱՄ

Ախ, Կասիոս, եթէ դուն զիս ճանչնայիր,  
քեզ հետ էի փիլիպպէի մարտին մէջ:  
Գէշ կարգ ու սարգ եւ տեսութիւն մոլորիլ  
կըրնա՞ն այսքան, որ այս կուրծքին վեհազպըմ  
իբրեւ արգելք կանգնին, արժէք ալ չըտան:

ԱԼԵԻՈՐ

Թիւ չորսհարիւր:

ՊՂԱՏՈՆ (Շարքէն առաջ գալով):  
Հոս եմ:

ԱԼԵԻՈՐ

Նորէն դուն այնքան

ընկըղմեցար անուրջներուդ պատկերով՝  
որ փըճացաւ քեզ վըստահուած հոտն ամբողջ:  
Որ մնաս արթուն, ուրուի վրայ ծունկ կու գաս:

ՊՂԱՏՈՆ (Տեղը դառնալով):

Ուրուին վրայ ալ քընքուշ պիտ'երագեմ:

ԱԴԱՄ

Ախ, քեզ ինչ դեր վիճակեցաւ, Պըղատոն,  
ընկերութեան մէջ որուն դու ցանկացար: 16

ԱԼԵԻՈՐ

Եօթանասուն երկու:

ՄԻՔԵԼԱՆՃԵԼՈՅ (Շարքէն առաջ գալով):  
Հոս եմ, աւասիկ:

ԱԼԵԻՈՐ

Գործատեղիդ դու շատ խառնակ թողուցիր:

ՄԻՔԵԼԱՆՃԵԼՈՅ

Այո', զի միշտ ամբողջի ոտք կը շինեմ,  
ամենախեղճ ձեւով, միշտ նոյն ամէնքն ալ:  
Պաղատեցայ, բարեփոխել թողուցէք,  
թոյլ տուէք վրան զարդ մը գոնէ փորագրեմ,  
բայց մերժեցիր: Փափաքեցայ գործ փոխել,  
աթոռներու կըռնակ շինել. անօգուտ:  
Ալ, խելագար դառնալու վրայ էի ես,  
թէ տուայտանք, թէ գործատուն լըքեցի:

ԱԼԵԻՈՐ

Կարգ ու կանոն խանգարելուդ համար դու  
սենեակ կ'երթաս ու չես վայլեր տաք արփին:

ԱԴԱՄ

Ոհ, ինչ դժոխք մըն է, Միքէլ—Անճելոյ 17  
քու մեծ սըրտիդ աստուծոյ, որ չի կըրնար  
նոր ըստեղծել: Ոհ, ամէն կողմ ծանօթներ,  
որքան ոգի կայ, որքան ոյժ վաղեմի:



Պայքարեցաւ հետըստ, ան զոհուեցաւ  
զերդ նահատակ. իսկ ան աշխարհս նեղ կը զգար,  
պետութիւնն զայն ինչ միաձեւ, ինչ զանաձեւ  
դարձուց: Եկուր, ոհ Արուսեակ, ալ երթանք.  
ալ հոգիս այս տեսարանին չի տոկար:

ԱԼԵԽՈՐ

Երկու մանչեր կը բոլորեն տարիքինին,  
որ խընամքէն ձերբազատուին մայրական,  
հասարակաց կը ընթարանին յանձնուին,  
առաջ, առաջ:

(Եւան եւ Ռուրիշ կին մը իրենց զաւակներով շարքէն առաջ  
կու գան:)

ԱԴԱՄ

Ինչ գեղեցիկ տեսարան:

Ուրեմըն այս դաժան աշխարհն ալ ունի  
քերթողութիւն:

ԱՐՈՒՍԵԱԿ

Հապա Ադամ, չե՞նք երթար:

ԱԴԱՄ

Մանաւանդ թէ, պիտի գըտնէնք հոս հանգիստ:

ԱԼԵԽՈՐ

Գիտուն, քըննէ ձեւը տըղոց գանկերուն:

(Գիտնականը կը քննէ տղաքը:)

ԵԻԱ

Ախ, արդեօք ինչ կը սպասէ ինծ:

ԱԴԱՄ

Այս ձայնն, ոհ:

ԱՐՈՒՍԵԱԿ

Ի՞նչ կը գըտնես այս հասարակ կընոջ մէջ,  
որ վայլած ես Շամիրամի համբոյրներն:

ԱԴԱՄ

Այն ատեն դեռ չէի ճանչնար ասիկա:

ԱՐՈՒՍԵԱԿ

Սիրահարին ասիկա հին յանկերգն է.  
եւ ամէնքն ալ իրենք գըտած կը կարծեն  
սէրն, ու ոչ ոք ատկէ առաջ կը րցած է  
սիրել, եւ սա այսպէս կ'երթայ մի քանի  
տասնեակ դարէ ի վեր միշտ եւ անդադար:

ԳԻՏՆԱԿԱՆ

Բըժըշկութիւն պէտք է սորվի այս տըղան:  
Իսկ սա հոգիւ պէտք է ըլլայ:

ԱԼԵԽՈՐ

Օն, տարէք:

(Տղաքը կ'ուզեն առնել: Եւա կը դիմադրէ:)

ԵԻԱ

Ախ, մի՛ դըպչիք, այս երախան իմըս է.  
մօրը կուրծքէն զայն ով պիտի փըրցընէ:

ԱԼԵԽՈՐ

Արէք, ինչո՞ւ կը տատամսիք տակաւին:

ԵԻԱ

Ձաւակըս, ախ, ես իմ սըրտիս արիւնով  
քեզ սընուցի: Ո՞ւր է արդեօք ոյժը որ  
այս սըրբազան կապը խըզել կարենայ:  
Քեզմէ, ուրեմն, ես յաւիտեան հրաժարի՞մ,  
որ կորսուիս ամբոխին մէջ, աչքըս զուր



խուզարկելով պիտի փընտռէ քեզ միայն,  
հազար օտար եւ միաձեւ մարդոց մէջ:

ԱԴԱՄ

Ով մարդիկ, թէ սուրբ թան մը կայ ձեզ համար,  
զաւակը այս խեղճ մօր գիրկը թողուցէք:

ԵԻԱ

Այո՛, այո՛, օրհնեալ ըլլաս եկաւոր:

ԱԼԵԽՈՐ

Օտարական, յանդուգըն դեր կը խաղաս.

ընտանիքի կարծիքը հին, սընապաշտ,

թէ վերապրիլ թողունք, իսկոյն կը փըլչին

սուրբ գիտութեան նըւաճումներն համօրէն: 19

ԵԻԱ

Զեր սառնաշունչ գիտութիւնն ինչ հոգըս է:

Թող կորանայ բընութիւնը երբ թօսի:

ԱԼԵԽՈՐ

Շարժեցէ՛ք, օ՛ն:

ԱԴԱՄ

Ահ, մի՛ դըպչիք դուք իրեն:

Հոն սուր մը կայ, ձեզ գործածել կը ցուցնեմ:

ԱՐՈՒՍԵԱԿ

Անըրջական պատկեր, տեղէդ մի՛ շարժիր:

(Զեռքը Ադամի ուսին վրայ կը դնէ, սա կ'ընդարմանայ:)

Քզգա ձեռքիս կարողութիւնն վըճռական: 20

ԵԻԱ

Զաւակըս, ոհ: (Կը գլորի, զաւակը կը տանին:)

ԱԼԵԽՈՐ

Ահա անգոյգ երկու կինեք,

ներկայանան ոքոնք գիրենք կը ցանկան:

ԱԴԱՄ

Ես սա կ'ընտրեմ:

ԱԼԵԽՈՐ

Կարծիքըդ տուր, գիտնական:

ԳԻՏՆԱԿԱՆ

Մուկեռանդ այր, իսկ կինըն ալ շըղագար,

խեղճ զաւակներ պիտի ծընին, յարմար չեն:

ԱԴԱՄ

Բայց չեմ թողուր զինք, թէ ինքն ալ զիս ուզէ:

ԵԻԱ

Մեծանձըն մարդ, ահաւասիկ քուկըդ եմ:

ԱԴԱՄ

Կը սիրեմ քեզ, սըրտիս բոլոր շերմութեամբ:

ԵԻԱ

Կը զգամ ես ալ քեզ կը սիրեմ յաւիտեան:

ԳԻՏՆԱԿԱՆ

Յիմարութիւն: — Ուշագրաւ է ըստուգիւ,

մեր լուսաւոր դարուն գըտնել անցեալի,

ուրուականին վերապրումն: — Աս ուսկի՛ց է:

ԱԴԱՄ

Ուշ մընացած շող մըն է սա Եղեմին:

ԱԼԵԽՈՐ

Խըղճալի է:

ԱԴԱՄ

Ոհ, մեր վրայ դուք մի՛ ցաւիք:

Մերն ըլլայ այս յիմարութիւնն. մենք բընաւ  
չենք նախանձիր ձեր վրայ: Ինչ մեծ ու վըսեմ



աշխարհիս վրայ կար, բոլորն ալ այսպիսի  
խենթութիւն է, որուն սակայն չի կըրնար  
սահման գրծել միտքը մարդուն ծանրախոյ՛:  
Ան ոգիին ձայնն է, մեզի բարձրագոյն  
ոլորտներէն եկող, անոյշ երգ մը զերդ,  
իբրեւ վըկայ՝ թէ իրեն ենթ տոհմակից,  
կ'անգոսնենք այս երկրի փոշին անպիտան,  
դէպ'բարձրագոյն ոլորտ շաւիղ փընտռելով:  
(Եւան գրկած կը պահէ:)

ԱԼԵԽՈՐ

Ինչո՞ւ մըտիկ կ'ընենք: Տարէք բուժարան:

ԱՐՈՒՍԵԱԿ

Հոս շուտ օգնել հարկ է: Աղամ, կը մեկնինք:  
(Կը սուզուին:)

### ԾԱՆՕԹՈՒԹԻՒՆՆԵՐ

- 1 - Փաղանգատուն կամ Համատուն, մեծ շէնք՝ ուր բազմութիւն  
մը միասին կ'ապրին, որոշ օրէնքներու ենթարկուած:  
(Տես նաեւ բացատրութիւնը:)
- 2 - Մարդը ամբողջ աշխարհի համար չի կըրնար այնքան ոգեւորու-  
թեամբ ապրիլ, որքան Հայրենիքին համար, որ աւելի սահ-  
մանափակ է, եւ ուր իր նախնիքները ապրած, գործած են  
եւ անոնց շիրիմները կան:
- 3 - Արուսեակի կատակաբան դիտողութիւնն է, որ փաղանգատան  
շրջանի գիտուն մարդիկ, պիտի չհաւատային Աղամին եւ Ա-  
րուսեակին, որով անոնց համար գոյութիւն պիտի չունե-  
նային. եւ կամ ալ իբր տարօրինակ եւ բնութեան անհաս-  
կանալի երեւոյթ մը՝ շիշի մէջ պիտի փակէին զանոնք թան-  
գարան պահելու եւ քննելու համար: Աղամի համար սա անի-  
մաստ խօսք մըն է, բայց Արուսեակի համաձայն՝ այս այսպէս  
է գիտուն Ոգիներու աշխարհին մէջ:
- 4 - Ալ-Բորաք (արաբերէն բառ, կայծակ կը նշանակէ): Մահմե-  
տական առասպելներու համաձայն՝ Գաբրիէլ հրեշտակապետի  
թեւաւոր արծաթեայ ձին էր, որուն վրայ հեծած Մահմէտ  
Մեքքէէն Երուսաղէմ անցնելով, արշաւած էր Եօթը երկինք-  
ները:
- 5 - Եզը ցոյց կու տայ:
- 6 - Փաղանգատան գիտնականին համաձայն անհատին մեղանշական  
հակումներուն պահանջն էր անունի գործածութիւնը: Փա-  
ղանգատան բնակիչները անուն չունէին, թիւերով կը ճանչ-  
ցուէին: - Հոմերոս, աշխարհածանօթ առաջին մեծ բանաս-  
տեղծն է, հեղինակ Իլիականի եւ Ոդիսականի:
- 7 - Պուբլիոս, Կոռնելիոս Տակիտոս, ապրած Բրիտոսէ առաջ  
Ա եւ Բ դարերու միջեւ, Հռոմայեցի մեծանուն պատմագիր:  
Իր երկերէն է նաեւ "Կենցաղ եւ բարք Ազրիկոլայի", որ  
Տակիտոսի սկստաբարն էր, եւ Բրիտանիան գրաւող զօրավար:
- 8 - Գիտնականը ուշադրութեամբ չի հետեւիր Աղամի խօսքերուն  
եւ կը կարծէ՝ թէ ինքն ալ վտանգ կը տեսնէ անցեալի գրքե-  
րուն մէջ:
- 9 - "Թագաւորներու վերջին պատճառաբանութիւնը" այնինքն է՝  
բռնութիւն:
- 10 - Եթէ մարդը կարենար արուեստական կերպով կենդանի էակ ըս-  
տեղծել, ան միշտ անբնական էակ մը պիտի մնար:



- 11 - Ինչպէս թագաւորի մը վարձկան քերթողը, արուեստակեալ կերպով կը տաղաչափէ, առանց ներշնչումի, տեսանող չէ եւ ապագան չի տեսներ, այսպէս այլ գիտութիւնը իր փորձառութենէն անդին չի տեսներ: Նիւթապաշտ
- 12 - Կեանքին խորհուրդը յաւիտենական խորհուրդ մըն է: Յաջորդ Տեսարանին մէջ պիտի տեսնենք թէ մահուան խորհուրդն ալ այնպէս է: Գիտնականը որպէս զի կեանք ստեղծէ, հարկաւոր է որ երկրի Ոգին, բնութեան ոյժերը, իրեն ծառայութեան ենթարկէ. բայց սա մարդուն համար անկարելի է: Փորձանակի ֆիզիքը 2ի2ը փոքր է երկրին Ոգիին, մարդը չի կրնար զայն անոր մէջ փակել. բայց նաեւ այնքան միջոցի ալ պէտք չունի ան իր ոյժը ցոյց տալու համար:
- 13 - Գիտնականը չէ լսած երկրի Ոգիին ձայնը: Փաղանգատան նիւթապաշտ միջավայրին մէջ միայն Ադամ կրնայ հասկնալ անոր ձայնը:
- 14 - Մարտիրոս Լուտեր (1483 - 1546), Բողոքականութեան հիմնադիր, կրօնական վէճերու արծառծող էր, իսկ հոս իբր հրդեհամոլ կը ներկայանայ մեզի:
- 15 - Կասիոս Կայոս Լոնկինոս (Ա դար Բ-ա.) Բրուտոսի հետ միացած Կեսարի դաւադիրներէն մէկն էր, կռուած Հասարակապետութեան պահպանման համար:
- 16 - Պղատոն (428 - 348 Բ.ա.) աշխարհահռչակ յոյն իմաստասէր, իր "Հանրապետութիւն", եւ "Օրէնքներ", երկերուն մէջ, առաջինն է համայնավարական պետութեան մը գաղափարակնը յղացողը:
- 17 - Միքելանճելոյ Պուռնառթի (1475 - 1564) վերածնունդի մեծանուն նկարիչ, արձանագործ եւ ճարտարագէտ:
- 18 - Առասպելական գեղեցկութեամբ Ասորեստանի թագուհին կը հակադրուի փաղանգատան հասարակ, այսինքն աննշան, միւսնեքէն ոչ մէկ տարբերութիւն ունեցող Եւային:
- 19 - Գիտութեան նուաճումը, ընկերային նոր կարգը պիտի փրկէ, որովհետեւ ընտանեկան միութիւնը եւ զգացումները չեն հանդուրժեր որ պետութիւնը զաւակը վերջանականապէս զատէ ծնողքէն եւ սահմանաէ անոր ապագան:
- 20 - Երբեմն մեր երազի ժամանակ մեր ենթագիտակցութեան մէջ կը զգանաք թէ կ'երազենք եւ երազ եւ իրականութիւն իրարու հետ կը խառնուին: Այս խառնուրդն է որ կը ներկայացնէ հեղինակը: Արուսեակ, իր ազդեցութեան տակ երազող Ադամին վրայ լիուլի իշխանութիւն ունի, որով զինք կ'ընդարմացնէ, կ'անշարժացնէ, եւ հուսկ տեսարանի վերջաւորութեան իր հետ մէկտեղ կը սուզէ: Եթէ այսպէս չ'ընէր Ադամ բուժարան պիտի փակուէր, որով կնճիւղը աւելի պիտի բարդանար:



Ազատ մրցակցութեան գաղափարն ալ վրիպեցաւ, գուցէ լաւագոյն ընկերութիւն մը կարենայ կերտել Գիտութիւնը: Սակայն այս նոր կարգին մէջ միւս ծայրը կը հասնինք. չկայ ոչ մէկ անհատականութիւն, անուններ անգամ գոյութիւն չունին, մարդիկ թիւերու վերածուած են. բարձրագոյն կարողութիւնները, ոգիները, զսպուած են կամ ալ խեղճ անշան բաներու վերածուած: Բնաշնչուած է մինչեւ իսկ բանաստեղծութիւնն ու բոլոր գեղարուեստները, որոնք միայն վնաս կրնան բերել նոր ընկերութեան: Գոյութիւն չունի ընտանիքի գաղափարը, որ պիտի վտանգէր փաղանգատան կարգ ու կանոնը եւ մինչեւ իսկ գոյութիւնը: Մանուկները պետութենէն կը խնամուին: Այս ծանր կարգի ճնշումին տակ՝ բարձրագոյն ոգիներն ու սէրը թէեւ միայն կը տուալտին, բայց չեն կրնար շնչուիլ:

Մեծ ոգիները, այլաբանական անուններու տակ ներկայացուած, Լուտեր, Կասիոս, Պղատոն, Միքելանճելոյ, զանազան կարողութիւններ կը ներկայացնեն, որոնք փաղանգատան խիստ օրէնքին տակ, չկարենալով ազատօրէն աճիլ, զարգանալ ու արդիւնաբերել, ախտագին մոլութիւններու փոխուած կը տեսնենք, որոնք շարունակ կը խանգարեն փաղանգատան կարգն ու կանոնը եւ մանկական պատիժներու կամ դարմանումներու կ'ենթարկուին շարունակ:

Այս Տեսարանին հետեւանքն ալ բնական հետեւանք մըն է Արուսեակի տրամաբանութեան: Ուրեմն, այս գաղափարականն ալ չի կրնար երջանկացնել մարդը ու դատապարտուած է իյնալու, ինչպէս մինչեւ հիմակ բոլոր գաղափարականները:

Մատաշ փաղանգատան գաղափարը առած է Շարլ Կուրիէն (1772 - 1837), սակայն բոլորովին անոր հակընդդէմ վիճակ մը կը ներկայացնէ անոր մէջ, Մատաշի փաղանգատան կազմակերպութիւնը աւելի պղատոնական գաղափարին կը համապատասխանէ:

Կուրիէի համաձայն, մարդիկ շատնալով, համայնական ՅԵՅԵՅ սկզբունքներու պիտի հետեւին ու փաղանգատուններու կամ համատուններու մէջ պիտի բնակին, ուր ուրախ զուարթ կեանք մը պիտի վարեն, քիչ աշխատանքով, ամէն մարդ իր ուզած կամ սիրած աշխատանքը պիտի ընէ կամ պիտի փոխէ ուզածին պէս. բանաստեղծութիւնն ու գեղարուեստները պիտի զարգանան: Մատաշի ներկայացուցածը ասոր ճիշտ հակառակն է: Աւելի կը մօտենայ Պղատոնի, ուր ապագայի պետութեան մէջ գեղարուեստներէն միայն երաժշտութիւնն ու պարը պիտի մնան. մինչ միւս գեղարուեստները, մանաւանդ բանաստեղծութիւնը վտարուած են, մանաւանդ Հոմերոսը շատ վտանգաւոր կը նկատէր Պղատոն: Իր քով ալ պետութիւնը 50-էն վեր տարիքով մարդոցմէ պիտի կառավարուի, մինչեւ այն տարիքը պիտի սորվին: Պետութիւնը ծնողներէն առնելով տղաքը՝ հասարակաց մանկանոցներու մէջ պիտի կրթէ զանոնք:

Իսկ գլխու ձեւէն մէկու մը կարողութիւնը ճանչնալը, Մատաշի ժամանակակից քանի մը բժիշկներու կարծիքն էր, որոնցմէ ինքը փոխ առնելով մտցուցած է իր այս Տեսարանին մէջ:

Տեսարանին վերջին տողերով արդէն Ադամ կը պատրաստուի յաջորդ Տեսարանի միջոցային ճամբորդութեան:



( Տիեզերական միջոց: Հեռուէն կ'երեւի մեր երկրագունտին մէկ մասը, միշտ աւելի փոքրիկնալով, մինչեւ որ աստղի մը նման երեւի, միւսներուն խառնուած: Տեսարանը կը սկսի մթնշաղով, որ կամաց կամաց թանձր խաւարի կը փոխուի: Ադամ, իր Ժեր, Արուսեակի հետ կը թռչի: )

ԱԴԱՄ

Խելացընոր այս թրոխքն ո՞ւր կը տանի:

ԱՐՈՒՍԵԱԿ

Դուն չուզեցի՞ր մեկնիլ իսկոյն խառամէն դէպ' ուրտներ վերին, ուսկից, դուն ըսիր, լըսեցիր կոչն ոգիներու ազգական: 1

ԱԴԱՄ

Ճիշտ է, սակայն չէի կարծր ես ճամբան այսքան մոայլ, որ դէպ'անոնց կը տանի: Այնքան օտաթ, ամայի է այս ուղին՝ կարծես վրայէն սըրբապիղծեր են անցեր, երկու յոյզեր կը պայթարին կուրծքիս մէջ. կը զգամ երկիրն ինչ խեղճ է, որ կը փակէ բարձրը հոգիս, կ'ըձամ ծիրէն հեռանալ. բայց կ'աւաղեմ, անշատուելուս կը ցաւիմ:— Ախ, Արուսեակ, ականարկ մը տուր մեր երկրին, նախ ծաղիկներն անհետացան մեր աչքէն, ապա սաղարդն անտառներու ծածանող. եւ ծանօթ վայրն իր հաճելի տեղերով տափակութեան մը փոխուեցաւ աննշան: Տըժգունեցաւ հետաքրքիր ինչ որ կար: Լեռան կատարն ահա դարձաւ գուղձ մը խեղճ, շանթով յըղի ամպը, որմէ սուրբ պատգամ լըսել կը զգար ռամիկը ու կը դողար, վերածուեցաւ ծուէն մը խեղճ շոգիի: Փըրփըրադէզ գոռացող ծովն անսահման, ի՞նչ եղաւ, ի՞նչ, թուի բիծ մ'ինչպէս կեցած է գունտին վրայ՝ որ թաւալելով կը թաթչի բիւրերու մէջ, ան մեր աշխարհն էր համայն: Ախ, Արուսեակ, յետոյ ինքն ալ, նաեւ ինք... անհրաժեշտ էր որ անշատուէր նա մեզմէ...: 2

ԱՐՈՒՍԵԱԿ

Այս մեր բարձրը դիտակէտէն, ի հարկէ, նախ գեղն է որ կը կորսուի, եւ ապա մեծութեան հետ ոյժն ալ, մեզ լուկ կը մընայ միմիայն զուտ ուսողութիւնն անհրապոյր:

ԱԴԱՄ

Աստղերն ահա մընացած են մեր ետին, նըպատակ չեմ տեսներ, արգելք չեմ ըզգար: Առանց սիրոյ եւ պայթարի ի՞նչ կ'արժէ էսութիւննիս: Կը սարսըռամ, Արուսեակ:

ԱՐՈՒՍԵԱԿ

Թէ այսքան լուկ կը տեւէ մեծ քաջութիւնդ, ետ դառնանք, օն, փոշիին մէջ խաղալու:

ԱԴԱՄ

Այդ ո՞վ կ'ըսէ. յառաջ ուրեմն, օն, յառաջ: Ցաւը կը զգանք մինչեւ կապերն բովանդակ, որ մեզ երկրին կը կաշկանդեն, խորտակուին:



Ահ, բայց ի՞նչ է. կը սեղմուի շունչս ահա,  
կ'ուժաթափիմ, կը պըղտորի միտքըս ալ:  
Առասպելէ ՁՅԾԹ մ'աւելի՞ էր Անտէոս,  
որ կ'ապրէր մինչ երկրին հըպած կը մընար: 3  
ԵՐԿՐԻ ՈԳԻԻՆ ՁԱՅՆԸ

Այո՛, այո՛, առասպելէ՛ն աւելի:  
Երկրին ոգին եմ, կը ճանչնաս արդէն զիս.  
մէջըդ ես եմ որ կը շընչէ, լաւ գիտես: 4  
Թու՛մբը հոս է, իշխանութիւնս է այսքան,  
ետ դարձիր որ ապրիս, — անցիր՝ կը շընջուիս,  
հոլովակներ գերդ ջուրի մէկ շիթին մէջ 5  
կը կայտառին. այդ շիթը քեզ երկիրն է:  
ԱՂԱՄ

Կը խիզախեմ. զուր կը ջանաս վախցընել,  
մարմինս է քուկդ գուցէ, բայց իմս է հոգիս,  
զաղափարն ու ճըշմարտութիւնն անհուն են,  
եւ նիւթեղէն քու աշխարհէդ կանխագոյն:  
ԵՐԿՐԻ ՈԳԻԻՆ ՁԱՅՆԸ

Փորձէ՛, իսկոյն կը կործանիս, գոռոզ մարդ:  
Բոյրը արդեօք առա՞ջ է քան վարդն ինքնին,  
կերպարանքը մարմնէն, ու շողն արեւէն:  
Թէ տեսնէիր որք հոգիիդ թափառումն  
այս անսահման միջոցին մէջ, մինչ ի զուր  
արտայայտանք եւ կամ իմաս կը փընտռէ  
տիեզերքի մը մէջ օտար, ամայի,  
ո՛չինչ կը զգայ, ո՛չինչ պիտի հասկընայ,  
կը սոսկայիր: Բանի ամէն ըմբռնում  
ու զգացում որ կ'ապրի մէջդ, է ցոլացում  
այս նիւթեղէն կոյտին, զոր դուն կը կոչես  
երկիրդ, որ թէ ուրիշ մ'ըլլար չէր կըրնար  
ան գոյութիւն հետըդ մէկտեղ ունենալ: —  
Գեղն ու տըգեղն, երջանկութիւն ու դժոխք,  
լոկ հոգիէս կըրցար ծըծել քեզ համար,  
որ կը յածի հայրենիքիդ սարքին վրայ:  
Ոհ, ինչ որ հոս ճըրմատութիւն մ'է յաւերժ,  
անկարելի ըլլայ գուցէ ուրիշ տեղ,  
եւ անհընարն գուցէ ըլլայ բընական:  
Գոյութիւնն է փնշարժ, առանց ծանրութեան,  
ինչ հոս օդ է՝ մըտածութիւն գուցէ հոն,  
ինչ որ լոյս է հոս, հոն գուցէ ձայն մը լոկ,  
եւ բիւրեղ հոն, ինչ որ հոս է կենդանի: 6  
ԱՂԱՄ

Զիս չես թիւրեր, հոգիս միշտ վեր կը ձըգտի:  
ԵՐԿՐԻ ՈԳԻԻՆ ՁԱՅՆԸ

Աղա՛մ, Աղա՛մ. վերջին ըռպէն կը հասնի.  
դարձիր երկիր ուր մեծ կըրնաս ըլլալ դեռ,  
մինչ թէ կորզես դուն աշխարհի ողակէն  
քու գոյութիւնդ, Աստուած իրեն մօտենալ  
թոյլ չի տար, քեզ թըշուառաբար պիտ'եղծէ:  
ԱՂԱՄ

Մահը միթէ պիտի չեղծէ՞ զիս արդեօք:  
ԵՐԿՐԻ ՈԳԻԻՆ ՁԱՅՆԸ

Մ'ըսե՛ր հըպարտ այս թառն սուտին վաղեմի,  
ոգիներու աշխարհին մէջ մի՛ ըսեր, —  
բնութիւնն ամբողջ անկէ պիտի զարհուրի:  
Սուրբ կընիթ մ'է, որ Տէրն իրեն է պահած,



ու գիտութեան խնձրն անգամ չէ կըրցած  
խորտակել զայն: 7

ԱԴԱՄ

Կը խորտակեմ ես սակայն:

(Կը շարունակեն թռչիլ: Ադամ ճիշ մ'արձակելով կ'անշարժանայ:)

Ախ, վերջացայ...:

ԱՐՈՒՍԵԱԿ (Քրթալով:)

Վաղեմի սոստը յաղթեց:

(Ադամ մեկդի հրելով քովէն:)

Այս կեղծ աստուածն կըրնայ այլեւս թաւալիլ  
միջոցին մէջ, մոլորակի մը պէս նոր,  
եւ վրան գուցէ, նոր կեանք մ'աճի ինծ համար:  
Երկրի Ոգիին ջնջնը

Շատ կանուխ է ուրախութիւնդ, Արուսեակ.  
օտար աշխարհն ան շօշափած է միայն,  
պետութենէս շատ դիւրին չէ խուսափիլ: -  
ՁԵՅՑԵՑԵՑԵՑԵՑԵՑ

Հայրենի ձայն քեզ կը կանչէ, արթնցիր:

ԱԴԱՄ (Ինքնին գալով:)

Նորէն կ'ապրիմ: Կը զգամ, քանի ես կը կրեմ,  
բայց կրելն անգամ ինծի համար քաղցր է արդ,  
ոչընչանալ՝ սոսկալի է, ահաւոր...:  
Ոհ, Արուսեակ, ետ դարձուր զիս երկրիս վրայ,  
ուր մըղեցի այնքան պայթար անօգուտ,  
ու երջանիկ պիտ'ըլլամ նոր պայթարով:

ԱՐՈՒՍԵԱԿ

Այսքան փորձէ վերջ կը կարծես թէ դարձեալ  
պայթարըդ նոր պիտի չըլլա՞յ անօգուտ,  
նըպատակի պիտի հասնի՞ս: Իսկապէս  
այս մանկական քրմահաճոյքն աննըկուն  
միայն մարդուն կըրնայ ըլլալ սեփական:

ԱԴԱՄ

Զի հրապուրեր նման ցընորք մը անմիտ,  
նըպատակին դեռ շատ անգամ չեմ հասնիր:  
Քոզ չէ: Ի՞նչ է նըպատակն ալ իսկապէս,  
դադարումն է մեր պայթարին փառաւոր,  
նըպատակն է մահը, իսկ կեանքն է պայթար,  
եւ նըպատակն ինքնին պայթարն է մարդուն:

ԱՐՈՒՍԵԱԿ

Իրօք աղուոր մըխիթարանք, բայց ՁԵՅՑԵՑ գոնէ  
քու պայթարիդ գաղափարն ալ ըլլար մեծ,  
վղաը պիտի ճեգնես կռիւրդ այսօրուան,  
տըղու խաղ քեզ կ'ոգեւորէր մինչեւ ցարդ:  
Զըթափեցի՞ր Քերոնէի մէջ արիւն՝  
ոտանկոխուած ազատութիւնն կանգնելու,  
չըկը՞սուեցա՞ր Կոստանդինին հետ ապա  
իշխանութիւն մ'աշխարհակալ հիմնելու:  
Եւ չըմեռա՞ր զերդ հաւատքի մարտիրոս,  
եւ աւելի ուշ՝ գիտութեան գէնթերով  
ինքըդ չե՞լա՞ր նայն հաւատքին հակառակ: 9

ԱԴԱՄ

Ճիշտ է. սակայն նոյն է որքան ալ զըծուծ  
էր գաղափարն, կ'ոգեւորէր այն ատեն,  
կը բարձրացնէր, ուստի վեհ էր, սըրբազան:  
Նոյն է, խաչի կամ գիտութեան, մեծութեան  
կամ դիմակով ազատութեան ան կ'ազդէր,



կը տանէր միշտ առաջ սերունդը մարդուն:  
Ո՛հ, զո՛ւն, երկիր դառնանք մենք նոր պայքարի:  
ԱՐՈՒՍԵԱԿ

Գիտնականին խօսքերն արդէն իսկ մոռցա՞ր  
որ հաշուած էր թէ չորս հազար տարիէն  
աշխարհոյ պիտի սառի, — պայքարն ալ դադրի:  
ԱԴԱՄ

Թէ անոր դէմ գիտութիւննիս չըկանգնի:  
Պիտի կանգնի սայան, կը զգամ եւ գիտեմ:  
ԱՐՈՒՍԵԱԿ

Ապա դեռ կա՞յ մեծութիւն, ոյժ եւ պայքար,  
արուեստական աշխարհին մէջ, յօրինուած  
տեսութիւնով մըտքին եւ զոր քիչ առաջ  
դու ինքըդ ալ կըրցար տեսնել աչքերովդ:  
ԱԴԱՄ

Երկիրը թող փըրկէ, — կ'անցնի նաեւ ան,  
ինչպէս ամէն բան աւարտած իր կոչումն.  
ու գաղափարն պիտ'երեւի վերըստին  
որ անոր վրայ կենդանութիւն պիտ'ընչէ:  
Առաջնորդէ ետ զիս, տենչով եմ վառուած  
տեսնել փըրկուած երկրին վրայ ի՞նչ նոր ուսում  
ոգեւորէ պիտի հոգիս: —  
ԱՐՈՒՍԵԱԿ

Օն, դառնանք:

### ԾԱՆՕԹՈՒԹԻՒՆՆԵՐ

- 1 - Աղամ աստղերուն մէջ կ'ուզէ մարդոց նըման էակներ գըտ-  
նել՝ ուր զիրենք չխանգարէ երկրաւոր կեանքին հոգերն ու  
կիրքերը:
- 2 - Աղամ եւայի մասին կը մտածէ:
- 3 - Անդէոս յունական առասպելական հսկան, Պոսիդոնի (ծովու  
աստուծոյ) եւ Կէայի (Երկրի աստուածուհիի) զաւակն էր,  
որ անյաղթելի կը մնար եւ անմահ, մինչեւ որ երկրին  
հպած մնար: Հերակլէս խեղդած է զայն՝ երկրէն բաժնուած  
բարձր բռնելով օդինմէ մէջ:
- 4 - Միայն մարմնին համար կ'ըսէ եւ ոչ հոգիին համար, որ  
նիւթեղէն չէ:
- 5 - Հոլովակները մանրացուցածան միախորշ ջրային կենդանի-  
ներ են:
- 6 - Երկրին Ոգին՝ Տիրոջ հաւատարիմ ծառան է, նիւթապաշտու-  
թիւն չի քարոզեր: Հոս Աղամի հոգիի մասին կը խօսի, որ  
նիւթին, մարմնի, միջոցով կը տեսնէ ու կը ճանչնայ:  
Հետեւաբար գեղեցիկն ու տգեղը երկրաւոր ձեւերով կը ներ-  
կայացնէ, արթայութիւնն ու դժոխքը ~~եթեւ~~ երկրաւոր եր-  
ջանկութեամբ ու ցաւերով կրնայ միայն ըմբռնել: Կրնայ  
ըլլալ՝ թէ ուրիշ մոլորակի մը վրայ ապրող էակները բո-  
լորովին ուրիշ կերպ զգան ու ըմբռնեն՝ քան երկրի բնա-  
կիչները:



- 7 - Երկրի Ոգին՝ վաղեմի սուտ կը կոչէ այն ենթադրութիւնը թէ մարդը մահով կը ոչնչանայ: Վաղեմի սուտին հեղանակը Արուսեակն է, մահուան իշխանը, որ արդէն առաջին Տեսարանին մէջ ըսաւ թէ ի վերջոյ ամէն բան պիտի պաղի եւ միայն խաբամ, դիրտ պիտի մնայ: Երկրի Ոգին սակայն չի կրնար բացատրութիւն տալ անդենական կեանքի մասին, որովհետեւ ան խորհուրդ մըն է, սուրբ կնիք մը կը կրէ: Ադամ, վերջին Տեսարանին մէջ, արթննալէն վերջ դեռ աւելի յստակ պիտի հասկնայ թէ գիտութիւնն անգամ չի կըրնար բացատրել ասիկա, միայն հաւատքի վստահութիւնը:
- 8 - Արուսեակ պիտի ուրախանար եթէ երկրին համար ստեղծուած Ադամ տիեզերական միջոցին մէջ կարենար աքսորել: Ոչ թէ մարդկութիւնը կ'ուզէր շնջել, որ երկրին վրայ կը մնար, այլ արդէն յաջորդ Տեսարանին կ'ականարկէ, երբ երկիրը պաղելով կեանքը եւ մարդկութիւնը պիտի շնջուի անոր վրայէն, որով իր գործն ալ կը դադրի հոն: Մինչ ուրիշ մոլորակի մը վրայ հաստատուելով՝ ինքն ալ պիտի կարենար իր գործը շարունակել, նոր աճող կեանքը ապականելով մահով:
- 9 - Քերոնէայի քով, Զ.ա. 33 թուականին, Փիլիպպոս Մակեդոնացին յաղթեց յոյներուն, շնջելով անոնց ազատութիւնը, Ադամ անոր դէմ կռուած էր. իսկ Մեծ Կոստանդիանոս բացարձակ միապետութիւնը հիմնելով, ժողովուրդին ազատութեան դէմ կը կռուէր, իսկ Ադամ Կոստանդիանոսի հետ էր: Ադամ, իբր մարդկութեան ներկայացուցիչ, պատմական ամէն եղելութեան մէջ ներկայ է, թէեւ այս գործին մէջ այդ գործերը չեն յիշուած կամ չեն ներկայացուած առանձին առանձին:

#### ԺԳ. ՏԵՍԱՐԱՆԻՆ ԲԱՅԱՏՐՈՒԹԻՒՆԸ

Մարդկային զարգացումը երկրիս վրայ իր զագաթնակէտին հասած է, մարդը գոհ չի մնար երկրէն այլ կը ձգտի տիեզերական միջոցի նուաճումին:

Այդ զգացումը, թէ ուրիշ մոլորակներու մէջ ալ մարդոց նման էակներ գոյութիւն ունենան, կը մղեն Ադամ տիեզերական միջոցին մէջ: Աստուած սակայն մարդը երկրին համար ստեղծած է, անոր վրայ միայն կրնայ ապրիլ, անկէ առած է իր բոլոր փորձառութիւնները, ուրիշ աշխարհի մը մէջ կարելի պիտի չըլլա՞ր իրեն գոյատեւել, պիտի շնջուի, կ'ազդարարէ զինք Երկրի Ոգին:

Ադամ բնաշնջումի զարհուրանքը զգալէ վերջ՝ դարձեալ երկիր կ'ուզէ վերադառնալ, հակառակ Արուսեակի ծաղրանքին եւ ազդարարութիւններուն որ հոն կը պատրաստուի մարդկութեան հոգեւորքը, զոր յաջորդ տեսարանին մէջ Արուսեակ իսկապէս կը ցուցնէ անոր իր ամէնէն դաժան երեւոյթով, Ադամը բոլորովին յուսալիք թողուլու համար:



(Զիւնով ու սառով ծածկուած լեռնոտ երկիր մը, առանց ծառերու: Արեւը, առանց ճառագայթի, կարմիր գունտի մը նման կ'երեւի մշուշի ծուէններու մէջէն: Անորոշ լուսաւորութիւն մը: Առջեւօք քանի մը գաճաճ ցարասիներու, գիհներու եւ սողացող շոճիներու թուփերու միջեւ՝ Եսքիմացիի մը խրճիթը: Աղամ, իբրեւ կթած ծերունի, գաւազանին յեցած, լեռներէն կ'իջնէ Արուսեակի հետ:)

ԱՌԱՄ

Այս ձիւնաշխարհն անծայր ինչո՞ւ կը քալենք,  
մահն ուր դատարկ աչքերով մեզ կը փնտռէ նայի,  
միայն փոկեր ջուր նետուելով կ'աղմկին,  
մեր քայլերու ձայնէն վախցած սարսելով.  
ուր յոգնած են բոյսերն անգամ պայքարէն,  
մամուռն մէջ լոկ կարճ թուփեր կը ճոճան,  
մէգի մէջէն մեզ կը նայի կարմրադէմ  
լուսինը, զերդ մահուան կանդեղ մը շիրմի:  
Հոն տար զիս ուր արմաւենին կը ծաղկի,  
արեւու եւ բոյրի աշխարհը չըթնաղ,  
մարդուն հոգին ուր արթնցաւ իր ուժին՝  
եւ սեփական գիտակցութեան բարձրացաւ:

ԱՐՈՒՍԵԱԿ

Հոն ենք: Այս գունտն արիւններանգ արեւդ է:  
Հասարակածն ոտքերնուս տակն է ահա:—  
Գիտութիւնն իր ճակատագրին չըյաղթեց:

ԱՌԱՄ

Ջարհուրելի աշխարհ, — յարմար մեռնելու:  
Հոս թողածիս վրայ չեմ ցաւիւր այլեւս ես:  
Ան, Արուսեակ, ես որ եղայ ատենօք  
խանձարուրքին քովը մարդուն եւ տեսայ  
թ'ապագայի ինչ մեծ յոյսեր կ'որորէր,  
ու մըղեցի անոր բոլոր պայքարներն,  
այս շիրմին վրայ հըսկայ, որուն վրայ պատանք  
ըննութիւնն է ձրգած, ահա կը խորհիմ,  
ես առաջին, վերջին մարդն եմ աշխարհի. 1  
գիտնալ կ'ըղձամ սերունդս ինչ վերջ ունեցաւ:  
Պայքարի՞ մէջ ազնուական ու վըսեմ,  
կամ օրէ օր գաճաճնալով խեղճօրէն,  
ոչ մեծութեամբ, արցունքի ալ ճիթմն անարժան:

ԱՐՈՒՍԵԱԿ

Մեծ հոգիովդ, ոհ, դու որքան հըպարտ ես,  
քանի այսպէս կը սիրես դու անուանել  
այդ մըղիչ ոյժն արիւնիդ, որ կը վառէ  
գաղափարներ երիտասարդ կուրծքին մէջ:  
Մի՛ փափաքիր իբրեւ վըկայ կանգնելու  
քու իսկ մահուան սընարիդ քով: Սա ժամն է  
առանց տիրոջ հաշիւներու քըննութեան:  
Ջառանցանքին շերմը պիտի փախցընէ  
կեանքի շերմին սիրուն, փայլուն պատկերներն,  
ո՞վ պիտ'ըսէ, ո՞րն էր արդեօք իրական: 2  
Ու ճիշդ մեզմայս վերջնական պայքարին՝  
մեծ քըրքիջ մ'է մարտերուն վրայ մեր կեանքին:

ԱՌԱՄ

Ոհ, ես ինչո՞ւ բարձունքին մէջ չըմեռայ,  
գիտակցութեամբ ամբողջ ոյժիս եւ հոգւոյս,



քան լըսէի դամբանականն իմ անձիս,  
զոր կ'ընէ ինծ ոգի մը ցուրտ, անտարբեր,  
որ բաժանորդ պայքարներուս չէր երբեք,  
եւ մահուանս ալ այժմ չըլլար մասնակից:

ԱՐՈՒՍԵԱԿ

Յեղդո՞ղ դարձեալ արցունքիդ մէջ կը տեսնեմ,  
զոր կը թափեմ, մինչ կ'արթըննաս սիրելի  
քու անուրջէդ ըմբռնումի մը յըստակ:—  
Բայց հանդարտէ, սերունդդ դեռ միշտ կ'ապրի:  
Ահա կայ հոն որ շ մը մարդոց տակաւին,  
ու տէրը ճիշտ հիմա դռնէն կ'ելլէ դուրս:

(Ես քիմացի մը կ'ելլէ խրճիթէն փոկ որսալու պատրաստութեամբ:)

ԱՌԱՄ

Այս այլասերն ու անճոռնի՞ն պիտ'ըլլար  
իմ մեծութեանս բըռնագրաւող ժառանգորդ:  
Ինչո՞ւ տեսնել թողուցիր ինծ, Արուսեակ,  
ցաւէն գէշ է ըստփանքն ինծ որ կու տաս:

ԵՍՔԻՄԱՑԻ

Աստուածներ կ'ան եղեր մեր վրայ իսկապէս,  
Ահա առջեւս երեւցան: Բայց ո՞վ գիտէ,  
բարի թէ չար են. ու փախչիլ առջեւնէն  
ամէնէն լաւ եւ ապահով պիտ'ըլլայ: (Ետ կ'ուզէ դառնալ:)

ԱՐՈՒՍԵԱԿ

Խօսք մը միայն. կեցիր:

ԵՍՔԻՄԱՑԻ (Ոտքը իյնալով:)

Տէր իմ, գըթութիւն:

Առաջին փոկն որ բըռնեմ՝ քեզ կը զոհեմ,  
միայն գըթա՛ ու մի սապններ զիս, խընդրեմ:

ԱՐՈՒՍԵԱԿ

Ի՞նչ իրաւունք ունիս դու այդ փոկին վրայ,  
որ իր կեանքով քուկըդ ուզես ազատել:

ԵՍՔԻՄԱՑԻ

Քանի զայն ես կ'որսամ. ահա կը տեսնեմ  
ինչպէս աշխոյժ ձուկը ճըճին կը կըլլէ,  
եւ փոկը՝ ձուկն, իսկ փոկը ես պիտ'ուտեմ:

ԱՐՈՒՍԵԱԿ

Մեծ Ոգին ալ, գիտես, քեզմով կը սնանի:

ԵՍՔԻՄԱՑԻ

Գիտեմ, գիտեմ, բայց ժամանակը սառակաւ  
որ գըթալով ինծի շարժիլ կը թողու՞ն,  
ես կը գընեմ ողջակէզով արիւնոտ:

ԱՌԱՄ

Ի՞նչ վատ կարծիք:

ԱՐՈՒՍԵԱԿ

Դուն ուրիշ բա՞ն կ'ընէիր:

տարբերութիւնն այն է միայն ձեր միջեւ,  
կը զոհէիր դու մարդ, մինչ սա միայն փոկ,  
աստուածութեան՝ որ քեզ նման կերտեցիր,  
ինչպէս սա, իր կերպարանքին համաձայն: 3

ԵՍՔԻՄԱՑԻ

Բարկացած ես, ե՛՛՛՛ ես կը զգամ թէ ինչու:  
Կարիքիս մէջ յանդգնեցայ աղաջել  
բարի աստուածն, Արեւը, որ չի խընդրեր,  
լոկ կու տայ. որ հին զըրոյցին համաձայն՝  
ատենօք հոս կը հրամայէր: — Ոհ, ներէ՛,  
պիտ'անիծեմ զինք յաւիտեան:



ԱԴԱՄ

Ով Աստուած,  
Քեզ ե՛կ խըպնէ, որքան թըշուառ է մարդն արդ,  
զոր դու այնքան ըսքանչելի կերտեցիր:

ԵՍՔԻՄԱՑԻ

Բարկացած է ընկերդ, արդեօք սոված է:  
ԱՐՈՒՍԵԱԿ

Ճիշտ սոված չէ, անոր համար կը ցասնուի:  
ԱԴԱՄ

Տարապալման եւ անպէղ կատակներ:  
ԱՐՈՒՍԵԱԿ

Կատակ չէ, այլ ճըշմարտութիւն: Բանի դու  
կը մըտածես յագեցածին պէս հիմա,  
ընկերդդ մինչ կը մըտածէ սովատանջ:  
Պատճառներով չէք համոզեր դուք զիրար,  
բայց մէկէն մէկ կը հասկըցուիք՝ եթէ դու  
անօթենաս եւ կամ ընկերդ յագենայ:  
Այո՛, այո՛, ինչ ալ ընես, մէջերնիդ  
միշտ առաջինն է անասունն ու միայն  
լըռեցընել երբ զայն կըրցաք, այն ատեն  
կը գիտակցի մարդն, որ իսկոյն փըքացած  
կ'արհամարհէ իր էութիւնն առաջին:

ԱԴԱՄ

Արժանաւոր խօսքեր քեզի, Արուսեակ,  
որ ամէն բան չար հըրճուանքով կը քաշես  
փոշիին մէջ: Ամէն վըսեմ գաղափար  
ու մեծ արարք՝ արդեօք արդիւնք են միայն  
խոհանոցի շոգիներուն, կամ գուցէ  
ծընունդ առած պատահարէ մ'անիմաստ,  
զոր կը շարժեն ու շըղթայած կը պահեն  
անարգ նիւթին քանի մ'անխախտ օրէնքներն:

ԱՐՈՒՍԵԱԿ

Միթէ տարբե՞ր է: Կամ արդեօք կը կարծես  
որ կը մեռնէր Լեւոնիտաս կիրճին մէջ  
թէ փոխանակ թանապուրով ապրելու,  
պետութեան մէջ աղքատ, որ դրամ ալ չունէր,  
ան ըմբռնէր արեւելքի հաճոյքին  
վայելքները՝ ճոխութեան մէջ լուկուլեան:  
Կամ Բրուտոսն ալ մեռնէ՞ր, եթէ տուն վազէր  
իր գեղանի Պորկեայի քով՝ մարտէն ետք  
ճոխ ճաշով մը զօրանալով հանգչելու:  
Վըսեմութիւնն կամ մեղք ինչպէս կ'ուռճանան,  
սա խեղճութեան ծընունդ, օդին վատառողջ,  
նա զգացումին ազատութեան ու լոյսին,  
յաւերժական կըտակ հոգւոյն եւ մարմնի  
փոխանցըած սերունդներու ապագայ:  
Քանիներն են իրենց հաշիւը մաքրած,  
եւ ինքզինքնին կախած ծառէ մ'ազազուն:  
Բայց երբ անկոչ ձեռքեր փըրկած են զանոնք՝  
ամէն հաշիւ մըտքէն հանած են շուտով  
նոր հըպումէն՝ որ ունեցան կեանքին հետ: -  
Մեծ Հունեատի թէ չըծընէր երկրի մէջ  
ժողովուրդի մ'արժանաւոր, այլ ձըգէր  
սարակինոս վրան մը ըստուեր անոր վրայ.  
Խաչին վըսեմ անոյեանն ի՞նչ պիտ'ըլլար: 4  
Կամ թէ Լեւոն, դէպքը բերէր ըլլար պապ,  
իսկ Լեւոնն ալ գերմանացի ուսուցիչ:



արդեօք ասի պիտի չըլլա՞ր նորոգիչ  
իսկ ան ըլլար անէծք թափող յանդուգնին:  
Ի՞նչ պիտի ըլլար նախօրէն, թէ ճամբան  
իր փառաւոր. ժողովուրդի մ'արիւնով  
չըյարդուէր, այդ հանճարն ալ կը ծընգէր  
զօրանոցի մը մէջ գուցէ նեխոտած: 4

ԱԴԱՄ (Արուսեակի բերանը ձեռքով գոցելով)  
Բաւէ՛. ամէն ինչ որ կ'ըսես այնքան պարզ  
կը թուի եւ այնքան ըստոյգ. — եւ ուստի  
վրտանգաւոր աւելի: — Մինչ սընապաշտ  
հաւատք վատեց կը կուրցընէ, որ արդէն  
չի զգար հոգին որ մեզ կ'ազդէ, կը շարժէ,  
բայց լաւերն ալ պիտի ճանչնային եղբայրներն՝  
թէ չըսպաննէր քու չոր ուսումդ թիւերով: 5

ԱՐՈՒՍԵԱԿ

Խօսէ ուրեմն ընկերոջդ հետ, պիտի օգտէ  
դաս մը փոքրիկ, ինքզինքըդ լաւ ճանչնալու:

ԱԴԱՄ

Քանի, հոգի կը տառապիք դուք այս տեղ:

ԵՍՔԻՄԱՅԻ

Բազմաթիւ ենք, մատնեղէս ալ աւելի:  
Շիտակ է որ դրացիներէս ես շատեր  
ըսպաննեցի արդէն. սակայն անօգուտ,  
նորեր կու գան. իսկ փոկերն են միշտ նուազ:  
Թէ աստուած ես, կը պաղատիմ քեզ, ըրէ՛  
մարդիկ ըլլան նուազ, փոկերն աւելի:

ԱԴԱՄ

Ո՛հ Արուսեակ, ալ հեռանաք, կը բաւէ՛:

ՔՅՅՅՅՅՅՅՅ Արուսեակ

Սակայն գոնէ իր կընդուն ալ աչք մը տանք:

ԱԴԱՄ

Այդ չեմ ուզեր. մարդն այլասեր քանի որ  
մեր աչքերուն է անախորժ տեսարան.  
սըրտերնուս մէջ արհամարհանք կը ծընի:  
Կինը սակայն, քերթողութիւն մարմնացած,  
այլասերած ինչ անճոռնի պիտի ըլլայ  
եւ ահաւոր: Երթանք, զանի չտեսնեմ:

(Մինչ այս, Արուսեակ արդէն խրճիթին քով քաշած է Ադամը,  
ապա դուռը աքացիով մը կը բանայ, ներսը, իբր եսփիմացիին  
կինը, եւս կը տեսնուի: Ադամ սեմին վրայ քար կտրած կը  
նայի անոր:)

ԱՐՈՒՍԵԱԿ

Հին ծանօթի չե՛ս հանդիպիր անոր մէջ:  
Գըրկէ, թէ ոչ այս պատուաւոր մարդն ահա  
խմբա՛հ պիտի վիրաւորուի արդարեւ,  
որ իր կընդ այդ պատիւն ալ չես ըներ:

ԱԴԱՄ

Սա՞ գըրկեմ, որ Ասպազիան եմ գըրկած 6  
թեւերուս մէջ: Սա որուն մէջ կը տեսնեմ  
դարձեալ անոր գիծերն վըսեմ խաթարուած, 7  
համբուրելու միջոց կարծես փոխուած է  
անասունի:

ԵՍՔԻՄԱՅԻ (խրճիթ մտնելով):)

է՛յ կին, ահա հիւրերդ ունինք,

ուշադիր ու զիրենք սիրով ընդունէ:

(Եւս Ադամի վզին կը պլլուի ու զինքը խրճիթին մէջ կը քաշէ:)



ԵՒԱ

Բարի եկար օտարական, հանգչէ հոս:

ԱԴԱՄ (Ազատիլ շանալով):  
Օգնութիւն, ո՛հ Արուսեակ, շուտ հեռանա՞նք,  
ապագայէս նորէն ներկան տար դու զիս,  
ալ չըտեսնեմ ճակատագիրս անողոք,  
պայքարս ունայն: Ու թող զիս որ մըտածեմ  
թէ տակաւին Աստուծոյ դէմ խիզախե՞մ: 8

ԱՐՈՒՍԵԱԿ

Օն, արթընցի՛ր, անուրջդ, Ադամ, վերջացաւ:

### ԾԱՆՕԹՈՒԹԻՒՆՆԵՐ

- 1 - Ամբողջ երկիրը գերեզման մըն է, ուր թաղուած է մարդկութիւնը. եւ ինքը Ադամ՝ առաջինս, կը կարծէ նաեւ, վերջին մարդն է երկրին վրայ:
- 2 - Արուսեակի համաձայն բնութիւնն է այդ տէրը, առանց որու հաշիւները ըրած էր Ադամ. պայքարած էր մարդկութեան զարգացումին եւ յառաջխաղացումին համար, որ երկրին պաղելովը, աւելորդ աշխատա՞ք մը եղած էր: Անօթութեան զառանցանքը կը հալածէ այդ փայլուն ծրագիրները, զոր կենսունակ մարդը դրած էր: Արուսեակ հեզնանքով կը հարցնէ՝ թէ տենե՞ին կամ թէ առողջութեան պատկերներն են իրականները:
- 3 - Կ'անարկէ Կոստանդնուպոլսոյ տեսարանին (Տես. է), ուր ինք Ադամ կ'ըսէր խարոյկ ղրկուած հեքետիկոսներուն համար՝ թէ մարդիկ Աստուծոյ փառքին համար մարդ կը զոհէին: Մարդը, Արուսեակի համաձայն, այն ժամանակն ալ ինքնիր պատկերին համաձայն կը ներկայացնէր զԱստուած, ու կը կարծէր՝ թէ մարդ սպաննելով անոր հաճոյ կը դառնար:
- 4 - Արուսեակ կ'ուզէ ապացուցանել զանազան օրինակներով թէ մարդը պարագաներուն ենթակայ է եւ անոնց մղումին տակ կը գործէ, ուստի ազատ կամք չունի: - Լեւոնիտաս՝ սպարտացի դիւցազն է որ Թերմոպիլէի (Ք.ա. 480) կիրճին մէջ ինկաւ իր 300 քաջերով, պարսկական բանակը կեցնելու համար: - Բրուտոս նախ Յուլիոս Կեսարի բարեկամ, ապա անոր սպաննութեան մասնակից: - Յովհաննէս Հունիստի (1387 - 1456) քաջ եւ հանճարեղ զօրավար, ամբողջ կեանքը անցուցած է թուրքերու դէմ պատերազմելով եւ ժամանակակիցներու համաձայն, ոչ մէկ պատերազմ կորսնցուցած էր եւ թուրքերու սարսափն էր:
- 5 - Աւելորդապաշտութիւնը տգէտները կը մոլորեցնէ (ինչպէս Եսթիմացին), մինչ Արուսեակի տրամաբանութիւնները եւ վիճակագրական թուարկումները, աւելի գէշ եւ վտանգաւոր են, որովհետեւ լուսամիտ մարդն ալ կը մոլորեցնեն եւ չի կրնար զանազանել ճշմարտութիւնը սուտէն:
- 6 - Ասպազիա, Աթէնքի մեծ քաղաքաքէտ Պերիկլէսի համբաււոր գեղեցկութեամբ կինն էր:
- 7 - Այս ինքն Եւայի գիծերը:
- 8 - Դրախտէն վտարուած Ադամ, Երրորդ Տեսարանին մէջ, մարդկութեան պատմութիւնը կ'ուզէր ճանչնալ որոշում տալէ առաջ թէ Աստուծոյ դառնայ կամ թէ մնայ Արուսեակի հետ: Այս որոշումը յաջորդ Տեսարանին մէջ կը տրուի:



Ժ Դ ՏԵՍԱՐԱՆԻՆ ԲԱՅԱՏՐՈՒԹԻՒՆԸ

Մարդկութեան պատմութիւնը կը փակուի, մարդը չէ կրցած բարձրանալ, այլ ընդհակառակն, բնութեան անկումին հետ ինքն ալ ինկաւ, վերածուելով դարձեալ իր սկզբնական շրջանի պէս տգէտ, աւելորդապաշտ եւ միայն իր նիւթական կեանքը ապահովելու թթմթմա պայքարով զբաղած: Ադամի բոլոր ձգտումները, մարդը միշտ առաջ տանելու, բարձրացնելու, ջուր ինկած են ուրեմն, բնութեան հետ ինքն ալ դատապարտուած է մեռնելու. չէ կրցած յաղթել բնութեան:

Ադամ իր ապագայէն կ' ուզէ իր ներկային վերադառնալ՝ խորհրդածելու համար իր ընտրութեան վրայ, Արուսեակի թէ Աստուծոյ հետ:

ԺԲ Տեսարանէն ասդին, երկը կը կորսնցնէ իր իրապաշտութիւնը, իսկական երազի մը կը փոխուի, որ հեղինակին ոչ թէ համոզումները այլ տարակոյսները, վախերը, հարցականները կարտայայտէ: Ո՞վ կրնայ ըսել թէ դարեր վերջ մարդիկը իսկապէս փաղանգատուններու մէջ պիտի բնակին, պիտի կորսնցնեն անհատական ազատութիւնը՝ համայնքնին օգտին համար: Աշխարհիս վերջին համար ալ զանազան կարծիքներ կան. ո՞րն է շիտակը, արդեօք անոնց կարծիքը որոնք կը համարին թէ միլիոնաւոր տարիներ վերջ արեւը պզդի եւ կեանքը դադրի երկրին վրայէն:

Հեղինակին միտքը հետեւեալն է. անցեալը մարդկութեան մեծութեան փայլուն օրինակները կը ներկայացնէ մեզի, միաժամանակ ամբոխին ապերախութիւնը, բարձր զաղափարականները հասկնալու անկարողութիւնը: Ներկան ալ շատ յստակ եւ յուսադրիչ չէ, ընկերական մեծ հարցեր կան լուծելիք: Մարդկութիւնը ո՞ւր կը դիմէ. ապագան շատ տարակոյսներ ու հարցեր կը ծածկէ:

Այս բոլոր հարցերու լուծումը վերջին Տեսարանը ~~ԺԳ~~ պիտի տայ:



(Տեսարանը կը փոխուի Երրորդ տեսարանի արմաւենիներով երկրին: Աղամ, դարձեալ երիտասարդ, տակաւին քնաթաթախ, խոր-  
հիթէն կ'ելլէ եւ զարմացած ՅԶ կը նայի շուրջը: Եւս տակա-  
ւին ներսը կը նիւրհէ: Արուսեակ մէջտեղը կեցած է: Արեւշող օր:)

ԱՌԱՄ

Ո՛հ, ո՞ւր գացիք, ահաբեկիչ տեսիլներ:  
Շուրջս ամէն բան թողուցածիս պէս կ'ապրի,  
ու կը ժըպտի. մինչ սիրտըս է խորտակուած:

ԱՐՈՒՍԵԱԿ

Ա՛հ, հըպարտ մարդ, կը փախաքի՞ս միթէ դու  
որ բընութեան կարգն ու կանոն քայքայուի,  
նոր գիտաւոր մը գիշերիդ մէջ փայլի,  
կամ որդ մը երբ շընշուի՝ երկիրը դողայ:

ԱՌԱՄ

Երա՞զ տեսայ, կամ թէ հիմա կ'եղազեմ,  
գոյութիւննիս երազէ մ'է աւելի .  
րոպէ մը՝ որ կ'իջնէ նիւթին վրայ մեռած  
ու վերջապէս անով մէկտեղ կը ցընդի:  
Ինչո՞ւ, ինչո՞ւ գիտակցութիւն այս հակիրճ,  
չգոյութեան սարսափը լոկ որ տեսնե՞նք:

ԱՐՈՒՍԵԱԿ

Կու լա՞ս, — միայն վատութիւնն է որ հարուած  
առանց կըռուի կ'ընդունի, մինչ տակաւին  
կարողութիւն ունի անկէ խուսելու:  
Մինչ զօրաւորն ախրով հոգւով կը նայի  
ճակատագրի յաւերժական օրէնքին,  
չի գանգատիր, այլ կը նայի՝ թէ ինչպէս  
կըրնայ անոր ծանրութեան տակն ալ տոկալ:  
Նըման վախճան կայ պատմութեան վըրայ ալ,  
դուն գործիք մ'ես/զոր ան յառաջ կը վարէ: 1

ԱՌԱՄ

Ո՛չ երբեք, ո՛չ, կը սըտես, կամքն է ազատ:  
Ծանըր գինով կըրցայ անոր տիրանալ .  
հրաժարեցայ անոր համար ես Դրախտէն:  
Անուըջներէս ահա շատ բան սորվեցայ,  
ըսթափեցայ ցընորքներէս եւ հիմա  
ինծմէ կախուած է՝ որ ուղիս նոր գըծեմ:

ԱՐՈՒՍԵԱԿ

Թէ յոյսն յաւերժ, մոռացութիւն չըլլային  
ճակատագրին դաշնակիցներ, վէրքըդ մինչ  
ըսպիացնէ սա, գորգ մը ան տարածէ  
անդունդին վրայ եւ խրախոյս տայ ըսելով .  
շատ յանդուգներ մէջը ինկան, բախտաւորն  
ըլլաս պիտի դուն՝ որ վրայէն կը ցատկես: 2  
Զերդ գիտնական տեսար անշուշտ շատ բաներ  
տարօրինակ, ինչպէս բոտոտն ընթերթին՝  
որ բազէի եւ կատուի մէջ լոկ կ'ապրի,  
մինչ առաջին կեանքի շըրջանն իր աճման  
միայն մուկի մը մէջ կըրնայ կատարել: 3  
Զէ սահմանուած այս կամ այն մուկն որ ըզգայ  
բազէի կամ կատուի ճանկերն մահաբեր,



եթէ խոհեմ ըլլալ կըրնայ ազատիլ,  
կեանքը կընթիլ իբր ալեւոր որջին մէջ:  
Անխախտ օրէնք մը կը հըսկէ սակայն որ  
այնքան իյնայ ոսոխներուն կերակուր՝  
որքան հարկ է որ բազմաթիւ դարեր վերջ  
բոտոտներն ալ աշխարհի վրայ մընան դեռ:  
Անհատաբար մարդն ալ կապուած է իրօք,  
սակայն սերունդն ամբողջ կը կրէ շղթաներն.  
Ռգեւորութիւն յորձանք մ'իբրեւ կը քըշէ,  
այսօր մէկ բան, վաղն ալ ուրիշ կը ձըգէ,  
խառոյկը իր գոհեթը միշտ կ'ունենայ,  
եւ պիտ'ըլլան ծաղրածուններ ալ յաւէտ: -  
Ով որ սակայն հաշիւ բըռնէ թիւերով՝  
ճակատագրին արդիւնքին վրայ բընական  
զարմանալով, որ կը վառէ համաշար  
ամուսնութիւն, մահեր ու մեղք, լաւութիւն,  
հաւատք, ցընորք եւ որ կ'ըլլան անձնասպան: 4

ԱԴԱՄ

Կեցի՛ր. միտքըս ինչ գաղափար փայլեցաւ -  
Աստուած ես դեռ դէմը կըրնամ խիզախել:  
Այսքան ապրէ. ճակատագիրս թէ ըսէ,  
վրան կը խընդամ, եթէ չուզեմ չեմ ապրիր:  
Աշխարհիս վրայ միթէ ես չեմ առանձին:  
Առջեւս ահա ժայռ մը, եւ տակն ալ անդունդ.  
Ոստում մը լոկ իբրեւ վերջին արարուած...  
ու պիտ'ըսեմ. վերջը հասաւ զաւեշտին:  
(Ադամ կ'ուղղուի դէպի ժայռը. Եւա դռնէն կ'ելլէ:)

ԱՐՈՒՍԵԱԿ

Ահ, վերջը, վերջ. ինչ անիմաստ խօսք մ'է սա:  
Միթէ ամէն ըսկիզբ ու վերջ չէ՞:  
Անոնք համար այնքան դարեր դու տեսար: 5

ԵԻԱ

Ադամ, ինչո՞ւ գաղտագողի հեռացար,  
վերջին համբոյրդ այնքան ցուրտ էր, եւ այժմ ալ  
բարկութիւն կամ հոգ նըստած է դէմքիդ վրայ: 6

Կը վախճամ ես քեզմէ...!

ԱԴԱՄ (առաջ ելնալով):

Ինչո՞ւ ետեւէս

կը քալես դու, լըրտեսելով իմ քայլերս:  
Մարդն, աշխարհի տէր, ուրիշ գործ ալ ունի  
սին զըգուանքէն զատ: Կինը գոր չըմբըռներ,  
եւ խոշընդոտ լոկ կը դառնայ ՅԵՅԵՅԵՅ քայլերուն:  
(Մեղմանալով):

Քիչ մը ինչո՞ւ չընիրհեցիր տակաւին:  
Զոհաբերութիւն այժմ ախի դըժուար է  
զոր բերելու ապագային կը պարտիմ: 7

ԵԻԱ

Թէ ինծ լըսես՝ գուցէ դիւրին ըլլալ ան:  
Մինչեւ հիմակ ինչ որ էր լոկ տարակոյս՝  
ապահովուած է ասկէ ետք, Ծապագան: 8

ԱԴԱՄ

Ի՞նչպէս...

ԵԻԱ

Գիտեմ, դէմքըդ ժըպտուն պիտ'դառնայ,  
թէ ականջիդ ես շըշընջեմ: Մօտս եկուր.  
ոհ, Ադամ, ես ինքզինքս ահա մայր կը զգամ:



ԱԴԱՄ (Ծուռնկի իյնալով):  
Յաղթեցիր Տէր: Կը խոնարհիմ առջեւդ ես,  
առանց քեզի, քեզի դէմ, թէ զուր կ'ոգոցրիմ:  
բարձրացուր կամ ընկճէ, կուրծքըս կը բանամ:  
ԱՐՈՒՍԵԱԿ

Որդ, կը մոռնամ մեծութիւնդ որ լուկ ինծի  
կը պարտիս դուն:

ԱԴԱՄ

Մեկդի՛ ձրգէ անիկա.

ցընորք մ'էր սին. անդորրութիւն է ասի:

ԱՐՈՒՍԵԱԿ

Իսկ տըխմար կին, ըսէ, դու ի՞նչ կը պարծիս:  
Զաւակդ ֆրախտին մէջ ալ մեղքով յըղացաւ,  
որ կը բերէ երկիր ամէն մեղք ու ցաւ: 9  
ԵԻԱ

Աստուած եթէ ուզէ՝ պիտի յըղանայ  
թըշուառութեան մէջ մէկը՝ որ զայն շընջէ,  
աշխարհիս վրայ եղբայրութիւն բերելով: 10

ԱՐՈՒՍԵԱԿ

Կ'ապըստամբի՞ս դէմըս ըստրուկ: Օն, ոտքի՛.

եւ ի՛ր տիղմէն եւ փոշիէն, անասուն:

(Աղամին աքացի կը զարնէ: Երկինքը կը բացուի. Տէրը կ'ե-  
րեւի փառքով, հրեշտակներէ շըջապատուած):

Տէր

Ծուռնկի՛, Ոգի: Առջեւս չըկայ մեծութիւն:

ԱՐՈՒՍԵԱԿ (Կորանալով):

Անէծք, անէծք:

Տէր

Մի՛ վըհատիր, Աղամ, ել:

Տես, դարձեալ քեզ շնորհքներուս մէջ կ'ընդունիմ:

ԱՐՈՒՍԵԱԿ (Մեկուսի):

Ընտանեկան տեսարան մը կը սարքուի,

ըզգացումին համար գուցէ գեղեցիկ՝

սակայն մըտքիս ձանձրանալի մեծապէս:

Լաւագոյն է ճամբաս բըռնեմ կամացուկ: (Ճամբայ կ'ելլէ

Տէր

Կեցիր, քեզ ալ խօսք մը ունիմ, Արուսեակ:

Իսկ դու որդեակ, պատմէ վըշտերդ քեզ տանջող:

ԱԴԱՄ

Տէր, սոսկալի տեսիլներ զիս լըլկեցին,  
եւ չեմ գիտեր ի՞նչ է ~~թագ~~ անոնց մէջ: ստոյգն

Ըսէ, խընդրեմ, ի՞նչ վիճակ ինծ կը սպասէ.

այս իմ անցուկ գոյութիւնս է ամէն բան,

որու մարտին միջոց հոգիս զըտուելով

ինչպէս գինին, եք երբ համակ յըստաւանի՝

գետին թափես, որ ծարաւ հոգը ծըծէ:

Թ'ազնիւ ցըգին վեհ բանի մ'է սահմանուած:

Սերունդս արդեօք պիտի դիմէ՞ միշտ առաջ,

բարձրանալով, որ քու գահիդ մօտենայ,

թէ շաղացքի գըասի նըման յոգնաբեկ

իր շըրջանէն չըկարենայ դուրս ելլել:

Վարձատըրուի՞ն պիտի կուրծքերը վըսեմ,

զոր կը հեգնէ նեղմիտ ամբոխն, արիւնին

որ կը թափէ: Լուսաւորէ զիս, ով Տէր,

ու վիճակս ես երախտապարտ պիտի կրեմ.

փոխառութեամբս այս կը շահիմ ես միայն,

որովհետեւ այս տարակոյսն է դըժոխք:



ՏԵՐ

Մի՛ հարցըներ գաղտնիքը զոր բարութեամբ  
աստուածային ձեռքն աչքերէնդ կը ծածկէ:  
Թէ տեսնէիր՝ թի՛ երկրին վրայ հոգիդ լոկ  
անցքով է, մինչ անդին յաւէտ պիտ ապրի.  
պիտի չըլլար առաքինի հոս կըրել:  
Թէ տեսնէիր՝ որ կը ծըծէ հողն հոգիդ,  
ի՞նչ կը մըղէր որ հրաժարիս հաճոյքէն  
րոպէական, գաղափարի համար վեհ:  
Մինչ այժմ մէգի մէջ ապագադ փայլելով՝  
կարճ գոյութեանդ ծանրութենէն թէ կը քիս,  
անվախճանին դագուամը պիտ' բարձրացնէ:  
Իսկ թէ ասով հրպարտութիւն քեզ գրաւէ՝  
սանձահարէ պիտի նոյն կարճ գոյութիւնդ:  
Ապահովուած այսպէս ահա պիտ' ըլլան  
մեծութեան հետ՝ առաքինի կեանքդ ալ: 11

ԱՐՈՒՍԵԱԿ (Թրքշալով):

Փառաւոր է իսկապէս նոր ասպարէզդ,  
առջնորդ քեզ մեծութիւնն ու բարութիւն,  
երկու բառեր՝ որ լոկ կըրնան մարմնանալ՝  
թէ կանխակալ կարծիք, հաւատք սընապաշտ,  
տրգիտութիւն անոնց կենան պահապան:  
Ինչո՞ւ մարդով գործ ըսկըսայ, որ տիղմէ  
եւ արեւոյ շողէ շաղուած գաճաճ է  
գիտութեան, բայց կոյր ըլլալու՝ շատ մեծ է:

ԱՂԱՄ

Մի՛ հեգներ զիս, ո՛հ Արուսեակ, մի՛ հեգներ.  
գիտութեանդ տեսայ կերտուածքը յըստակ, 12  
կուրծիքն ՅԵՃԵՃ սակայն շատ ցուրտ էր հոն:

Բայց,  
ո՛հ Տէր,

շիտակ ճամբուն մէջ մընալու արդեօք զիս  
ո՞վ վիճի պիտի բըռնէ, քանի քաշեցիր  
առջնորդող հզօր ձեռքիդ հովանին,  
երբ պըտուղն ես ճաշակեցի գիտութեան:

ՏԵՐ

Զօրաւոր է բազուկդ ու սիրտդ վեհ,  
իսկ ասպարէզն անհուն գործի հրաւորող,  
թէ ուշ դընես՝ ձայն մը յաւէտ կը հընչէ  
ըզգուշացնող ու բարձրացնող, կը բաւէ  
որ հետեւիս: Թէ գործունեայ քու կեանքիդ  
թոհրոհին մէջ երկնաւոր ձայնը լըռէ,  
այս տըկար կնոջ ահա հոգին մաքրագոյն,  
զերծ շահերու աղտերէն, զայն կը լըսէ,  
եւ իր սըրտի երակներու ընդմէջէն  
պիտի զըտուի մեղեդիի, քերթուածի:  
Կողքդ կեցած պիտի ըլլայ նա յաւէտ,  
դժբախտութեանդ եւ թէ բախտիդ օրերուն,  
մըխիթարիչ իբրեւ ոգի մը ժըպտուն: 13  
Իսկ Արուսեակ, օղ մըն ալ դու գործիս մէջ,  
շարունակէ գործել անդուլ, անդադար.  
ցուրտ գիտութիւնդ, անմիտ դըրժումդ ըլլան  
ահա խըմորն, որ եռացում կը բերէ,  
րոպէ մը որ մարդը թէեւ սասանէ -  
հոգ չէ, - պիտի վերականգնի աներկբայ:  
Պատիժդ բայց պիտի ըլլայ անվախճան,  
տեսնելով միշտ, թէ զոր կ'ըզձաս խաթարել,  
գեղեցիկին, վեհին նոր ծիլ պիտ' դառնայ:



ՀՐԵՇՏԱԿՆԵՐՈՒ ԽՈՒՄԲԸ

Ընտրել մեղքին, բարիին մէջ  
ազատօրէն, ինչ վեհ է,  
գիտնալով թէ իբրեւ վահան  
շնորհքը մեզ վրայ կեցած է:  
Գործէ՛ անվախ եւ մի ցաւիր՝  
թէ ամբոխն է ապերախտ,  
թող չըղընէ զերդ նըպատակ  
գովեստն ով վեհ կը գործէ,  
ամընչնալով գործել այլ կերպ.  
ու չզգացումն այս ամօթի  
վատը գետին կը բեւեռէ,  
քաջը մինչդեռ կը վառէ:  
Սակայն ճամբուդ՝ վեհուԹեան մէջ  
չըկուրցընէ ցնորքը քեզ՝  
թէ դուն ես լոկ որ կը գործես  
փառքին համար Աստուծոյ,  
եւ թէ Տէրն է քեզի կարօտ՝  
միջոց մը զերդ գործադիր.  
ընդհակառակ, պատիւ մ'է քեզ  
իր տեղ գործել երբ թողու:

ԵՒԱ

Ահ, մեղեդին կը հասկընամ, փառք Տիրոջ:

ԱՌԱՄ

Ես ալ կը զգամ ու հետեւիմ պիտ' անոր:

Այդ վերջը, ախ, կարենայի մոռնալ լոկ:

Տէր

Մարդ, քեզ ըսի. պայքարէ՛ եւ վըստահէ՛:

ՍԱՆՕԹՈՒԹԻՒՆՆԵՐ

- 1 - Աղամ երազի տեսիլներէն խորտակուած կը մընայ: Արուսեակ վախնալով որ Աղամ յուճաքուած Աստուծոյ դառնայ, կ'ուզէ զինք կեանքի պայքարի մղել: Վատութիւն պիտի ըլլայ փախչիլ կռիւէն, այլ պէտք է օգտուիլ այդ կարելիութիւններէն՝ զոր մեզի կու տան պարագաները: Սակայն ճակատագիր մը կայ եւ անհատը անկէ կը թշուի, ազատ կամք չունի:
- 2 - Արուսեակ կ'ուզէ բացատրել թէ Աղամ ճակատագրէն մղուած է պատմութեան ճամբէն, եւ հակառակ իր տեսած յուսախաբութիւններուն եւ վտանգներուն, չի կրնար փոխել զայն, որովհետեւ մարդը միշտ ինքզինքը կը խրախուսէ որ թշնէ թէեւ ուրիշներ փոս ինկան, ինքը պիտի ըլլայ այդ բախտաւորը որ վրայէն պիտի կարենայ ցատկէ:
- 3 - Բոտոտները աղիքներու մակաբոյծներն են (ինչպէս օր. երի-գորդը) որ զանազան վիճակներէ պէտք է անցնի, եւ այդ զանազան վիճակները՝ տարբեր տարբեր կենդանիներու մէջ կը կատարէ:
- 4 - Արուսեակ ապացուցանելու համար թէ չկայ ազատ կամք, վիճակագրութիւններ կու տայ, որոնցմէ որոշ օրէնքներ կ'երեւին. Արուսեակի համաձայն ուրեմն ասոնցմէ կը հետեւի թէ չկայ ազատ կամք:
- 5 - Արուսեակի դիտաւորութիւնը չէր Աղամ անձնասպանութեան մղելու, երբ իր վիճակագրութիւններու մէջ յիշեց նաեւ անձնասպանները: Այլ կ'ուզէր պայքարի մղել Աղամ եւ չէր սպասեր որ ճիշտ անոր հակառակ արդիւնքի հասնի: Աղամ



- քիչ առաջ գրեթէ մոլեգնաբար գոչեց թէ կայ ազատ կամք, եւ հիմա Արուսեակի տրամաբանութեան իբր պատասխան ապացոյց՝ անձնասպան կ'ուզէ ըլլալ, որով քանի որ դեռ ինք միայն կայ, պատմութիւնը պիտի շնջուի, ուրեմն պատմութիւնը իր ազատ կամքէն կախուած էր: Արուսեակ անիմաստ կը նկատէ այս առաջադրութիւնը, քանի որ Ադամ տեսած էր մարդկութեան պատմութիւնը եւ ասիկա չի կրնար փոխուիլ:
- 6- Եւան նախորդ տեսարանին (Եսքիմացիներու) ազդեցութեան տակն է տակաւին, եւ յստակ չի զանազաներ երազն ու իրականութիւնը:
- 7 - Ադամ կը կարծէ՝ թէ անձնասպանութիւնը պարտքն է, արգիլելու համար մարդկութեան ապագան:
- 8 - Եւա չի գիտեր Ադամի հոգեվիճակը եւ կը կարծէ՝ թէ Ադամ կը տարակուսի ապագայի մասին որ յաջորդութիւն չունի, որով ապագան անորոշ է:
- 9 - Արուսեակ կատաղութենէն եւայի վրայ կը յարձակի որ իր մայրութիւնը յայտնելով՝ Ադամ Աստուծոյ դարձուց: Ինչ կ'ուզեն իրենք Աստուծոյ, որ զիրենք իրենց սերունդին մէջ ալ պիտի պատժէ:
- 10 - Աստուածային փրկագործութեան խորհուրդին յոյսը. Բրիստոս պիտի շնջէ մեղքն ու թշուառութիւնը:
- 11 - Աստուած չի յայտներ ապագան, ապա թէ ոչ - մեղքի մէջ իյնալէ ետք - ալ առաքինութիւն չէր մնար. վարձատրութեան որոշ գիտակցութեամբ պայքարիլ առաքինութիւն չէ:
- 12 - Պատմութիւնն ու ապագայի պատկերները Արուսեակի գիտութեան լոյսին տակ փայլիսի բան մըն է որմէ Ադամ կը հեռանայ: Յստակ կերտուածք, այս ինքն՝ միայն գիտութեան կերտուածքը, ոչ իրականութիւնը:
- 13 - Մեղքի մէջ իյնալէ ետք Ադամ ինք պէտք է ուղիղ ճամբան գտնէ. այս պատճառով ալ Աստուած չի կրնար իրեն յայտնել ապագան: Ասկէ վերջ Ադամին առաջնորդող խղճին ձայնը պիտի ըլլայ եւ ոչ երկնային ձայնը, ինչպէս Դրախտին մէջ: Եթէ Ադամ չկարենայ երբեմն լսել այդ ձայնը, երկնային ձայնը մեղեդիի եւ քերթողութեան (հաւատքի) փոխուած եւայի սրտին մէջ, որ աւելի զգայուն ու մաքուր է, անոր միջոցով դարձեալ պիտի կարենայ գտնել ուղիղ ճամբան:

## Ժ Ե ՏԵՍԱՐԱՆԻՆ ԲԱՅԱՏՐՈՒԹԻՒՆԸ

Ադամ կ'արթննայ եւ սիրտը լի է դառնութեամբ ու տառապանքով պատմութեան մութ տեսիլներէն եւ մանաւանդ խղճալի վերջաւորութենէն: Արուսեակ իր վատութիւնը կը հեզնէ եւ ազատութեան սահմանափակութեան ճշդիչ գաղափարը կը ցուցադրէ Ադամին, հասկցնելու համար անոր՝ թէ աւելորդ է ամէն ճիգ, ինքը չի կրնար փոխել զայն: Այս խորհրդածութիւններու ժամանակն է որ Ադամին մէջ ինքնասպանութեան գաղափարը կ'արթնցնէ: Ադամ վստահ թէ առանձին է տակաւին երկրին վրայ, կը վճռէ անձնասպան ըլլալ, միանգամ ընդ միշտ շնջելու համար պատմութիւնը:

Արուսեակ, որուն ամենեւին ծրագիրը չէր նման անբարոնակ վերջ մը տալ իր սկսած գործին, անխելգութիւն կը նկատէ Ադամի ծրագիրը եւ հանգիստ սրբտով կը թողու որ Եւան մօտենայ,



յուսարկով որ անոր ներկայութիւնը ոչ միայն դժուարացնէ, այլ խափանէ Ադամի ծրագիրը: Մայրայեղ կատաղութեան կը փոխուի իր մինչեւ հիմա ցոյց տուած պաղ, տրամաբանող ու հեզնող անձնաւորութիւնը, տեսնելով թէ Եւայի մայրութիւնը դարձեալ Աստուծոյ կ'առաջնորդէ Ադամ: Ուրեմն Ադամ վճռեց Աստուծոյ դառնալ, եւ ահա Աստուած վերջին անգամ մըն ալ կ'երեւի: Արուսեակ ուշ մնաց իր յուսադրիչ խոստումներով ապահովելու նախածնողքը թէ տեսած երազնին սուտ են, եւ պարզապէս երազներ էին:

Ադամ իր տարակոյսները փարատելու համար Աստուծոյ հարց կ'ուղղէ, թէ արդեօք տեսիլները ճշմարիտ էին: Աստուած սակայն յստակ պատասխան չի տար: Մարդուն մեղքի մէջ իյնալէ ետք չէր ալ կրնար տալ: Ճիշտ քրիստոնէական ըմբռնումի համաձայն՝ մարդուն հաւատքը արդիւնաւոր պիտի չըլլար՝ եթէ հախտքի ճշմարտութիւնը թուաբանական ճշմարտութեան յստակութիւնը ունենար: Այդ վստահութիւնը միայն հաւատքը կու տայ մեզի: Մարդը գիտութեան պտուղն ալ ճաշակելէ ետք չի կրնար հաւատքը մեկդի նետել: Գիտութիւնը այնքան մաս կը կազմէ մարդու պայքարին՝ որքան հաւատքը, առանց անոր յառաջադիմութիւն չկայ:

Սակայն Աստուծոմէ հեռացած գիտութիւնը (Արուսեակինը) յաւիտեանական պատիժն է, որ թէեւ մարդը շփոթցնէ, սակայն միշտ առաջ պիտի տանի զայն եւ վերջապէս ան միշտ Աստուծոյ պիտի դառնայ, որ կը ներէ իրեն վերադարձողներուն:

Աստուած առանձին չէ թողուցած Ադամը (մարդը), տուած է անոր խղճի եւ հաւատքի ձայնը, որ եթէ կեանքի աղմուկին մէջ անոր չհասնի, իր կողքին Եւա (կինը), որուն հոգին աւելի պարզ ու մաքուր է եւ Արուսեակի գիտութիւնը զինքը չէ խանգարած, աւելի զգայուն է կրօնքին, հաւատքին (քերթողութեան) հանդէպ եւ անոր հոգւոյն մէջ բնականօրէն կը հնչէ այդ ձայնը (երգի կը փոխուի)՝ ու մարդուն սիրտն ալ զգայուն պիտի դարձնեն ազնուականին հանդէպ:

Վերջաւորութիւնը հիանալի կնիք մըն է ամբողջ երկին, մարդուն ուղուած. "այո՛, պէտք է մոռնաս այդ մութ վերջը, որ վստահ ալ չէ, եւ պայքարէ բարձրագոյն նպատակներու համար լիայոյս վստահութեամբ, քանի որ Աստուած քեզ չէ թողուցած":